


UNIVERSITY OF TORONTO



3 1761 00004228 3



2.
5
~~1~~





T. LIVII PATAVINI
HISTORIARUM
LIBRI

QUI SUPERSUNT OMNES,
CUM INTEGRIS
JOANNIS FREINSHEMII
SUPPLEMENTIS




PHARNACES

VOLUMEN UNDECIMUM

BIPONTI
EX TYPOGRAPHIA SOCIETATIS

CLIOCCCLXXXVI



PA

6452

A2

1784

V. 11

1784

887658

JOANNIS FREINSHEMII
SUPPLEMENTORUM
LIVIANORUM

LIBER LXXVIII.

IN LOCUM LIB. CXIII LIVIANI.

E P I T O M E

LIBRI CENTESIMI DECIMI TERTII.

Confirmatis in Africa Pompejanis partibus, imperium earum P. Scipioni delatum est; Catone, cui, ex æquo deferebatur imperium, cedente. Et cum de diruenda urbe Utica propter favorem civitatis ejus in Cæsarem deliberaretur, idque ne fieret, M. Cato tenuisset, Juba suadente, ut dirueretur; tutela ejus & custodia mandata est Catoni. Cn. Pompejus Magni filius in Hispania, contractis viribus, quarum ducatum nec Afranius, nec Petrejus excipere volebant, bellum adversus Cæsarem renovavit. Pharnaces, Mithridatis filius, rex Ponti, sine ulla belli mora victus est. Cum seditiones Romæ a P. Dolabella tribuno plebis, legem ferente de novis tabulis, excitatæ essent, & ex ea causa plebs tumultuaretur, inductis a M. Antonio magistro equitum in urbem militibus, ostingenti e plebe caesi sunt. Cæsar veteranis cum seditione missionem postulantes dedit: &, cum in Africam trajectisset, contra copias Jubbæ regis cum discrimine magno pugnavit.

T. Liv. Vol. XI.

A

I. **C**ÆSAR, Ægyptiis ad deditionem coactis, cum provinciani facere posset; novarum scilicet rerum metu, si forte nacta violentioris ingenii præsidem fuisset, noluit: revera præmium libidinum Cleopatæ dedit, juncto in matrimonium regnumque superstite Ptolemæo, qui puer admodum mariti regisque sustineret nomen, opere potentiaque Cæsari & Cleopatæ relicta: adeo non dissimulatus adulter, ut & continuo secum haberet reginam, & convivia sæpe in primam lucem cum ea protraheret: denique per speciem cognoscendæ antiquitatis, eadem thalamego, sequentibus navibus quadringentis, Nilo flumine subiit, vel ad Æthiopiam penetraturus, ni sequi exercitus recusasset.

II. Thalamegos princeps invenit Ptolemæus Philopator, ea structura, quam accurata descriptione Callixenus executus est. Neque dubitatur, aut diutius hæsurum in Ægypto Cæsarem, aut secum deducturum illam fuisse, nisi intervenisset coercendi Pharnacis necessitas. Idcirco abducta ex regno Arsinoe, ne molesta sorori esset, legiones duas reliquit præsidio novis regibus, simulque custodiæ, ne qua occasione mutare animum possent. ipse cum sexta veterana pedestri itinere contendit in Syriam. Ibi civitatibus, quarum auxiliis adjutus fuerat, magna beneficia tribuit, Judæis præcipue, quorum principatum firmavit Hyrcano; civitatem Romanam cum immunitate dedit Antipatro; utrumque absolvit incusatos ab Aristobuli filio Antigono, procuratoremque Judææ declaravit Antipatrum.

III. Hyrcano petenti potestatem concessit instaurandi muros urbis suæ, quos Pompejus dejecerat. unde mox factus cum legatis eorum renovatum est senatusconsulto, cum ex literis Cæsaris ea de re in æde Concordiæ L. Valerius L. F. prætor retulisset, a. d. Idus Decembres. His ita constitutis, tyrannisque & dynastis, ut merita cujusque erant,

§ I. Sueton. in Cæs. c. 35. Plut. in Cæs. c. 72. Hirt. Dio. Appian. civil. l. 2. § II. Athen. 5, 9. Diodor. l. 42. Joseph. antiq. 14, 15, & de bell. Jud. 1, 8.

itemque civitatibus, donatis mulctatisve, & controversiis cognitis; gentili suo Sex. Cæsare legionibus præposito, cum classe, quam sequi jusserat, in Ciliciam contendit, ad Pharnacis bellum iturus, quo maturius rebus in urbe, & per provincias undique posset occurrere.

IV. Nam & ex urbe seditiones nuntiabantur, & in Africa atque Hispania non contemnendæ Pompejanorum vires coalescebant. Jam ad ceteros duces, qui in Africam erant transvecti, Cato pervenerat, ejusque sapientia & auctoritate res ibi ex incertis variaque æmulatione fluxis constitutæ firmatæque erant. Quippe P. Varus, quod *se jamdiu præfuisse Africæ, sociumque victoriæ Jubbæ* ferebat, nolebat nobilitati dignitatique L. Scipionis concedere. & Jubbæ uterque adulabatur, in hoc maxima spei parte reposita: superbusque rex suo ingenio, eo pervenerat arrogantiae, ut primo congressu Catonis, inter hunc & Scipionem medius consideret.

V. Sed Cato, non ferens publicam ignominiam, in alterum latus transtulit sellam suam, Scipionemque in medium accepit, quamquam infidum hominem & iniquum, & qui tanto melioris viri famam etiam scripto edito atrectare non fuerat veritus. Sed & postea deferentibus imperium omnibus, noluit accipere, *turpe futurum dictitans, si pro legibus dimicans, contra leges imperaret. præsentibus enim consularibus, imperare prætorem non oportere.* Insistentibus, ut igitur, *æquata cum Scipione potestate, præesset rebus*, id quoque recusavit, addens, *unius auspiciis administrari omnia consultius esse.*

VI. Sic ad Scipionem summa rerum rediit, nominis quoque favore adjutum; bellumque terra marique haud segniter apparari cœptum. Nam & Siciliam Sardiniamque infestabant classibus, captasque naves abstrahabant, arma præcipue & ferrum quærentes, quibus rebus egebant: & in Africa,

§ III. Tacit. hist. 1, 9. Joseph. antiq. Hirt. § IV. Appian. civil. 1. 2. Liv. Epit. Dio. Plut. in Cat. c. 83. § V. Dio. Vell. 2, 54. Plut. Liv. Epit.

quidquid adverſum partibus videbatur, validis præſidiis occupabant; aut vires nocendi detrahebant ſuſpectis. Maxime conſultatum eſt de Utica, prævalida urbe, & in partes Cæſaris proniore. Inſenſiſſimus Uticenſibus Juba erat, eoſque *concidi omnes, urbem ſolo æquari* jubebat: ceterique metu aut aſſentatione concedebant in ſententiam.

VII. Ibi Cato, ſummis viribus obniſus, ſalvum oppidum retinuit: ſponſoremque obtulit pro Uticenſibus, eaſque gratia cuſtodiam Uticæ, finitimique & maris & agri, mandante Scipione, lubens recepit: utilemque partibus, & rerum omnium velut horreum effecit, arma, commeatus, machinas hinc exercitibus miniſtrando, quam inconſulta ceterorum ira deletam cupiverat. ita crudelitas & amentia ſæpe in ſua præſidia ſæviunt. Ejusdem Catonis hortatu paulo poſt etiam in Hiſpania magnum bellum Cn. Pompejus adoleſcens excitavit. Nam hominis graviſſimi verbis ſtimulatus, *pro claritudine paterna, reliſiſque ab eo clientelis, magno animo* jubentis *rempublicam capeſſere*, proſectus ab Utica in regnum Bogudis, repulſusque a Mauris, trajecit in Baleares inſulas. inde, cognitis Hiſpaniæ turbis, quarum ex Caſſiano tumultu magnæ & acres reliquiæ erant, brevi tempore inſignes in ulteriore provincia progreſſus fecit; & quia nec Afranius, nec Petrejus excipere delatum ab ipſo imperium voluerant, ulteriora ſubinde moliri, & per ſe adminiſtrare bellum cœpit.

VIII. At diverſis longe orbis partibus Cæſar, conventu Cilicum Tarſi acto, per Cappadociam magnis itineribus Comana venit: ibique ſacerdotio Lycomedi tradito, qui e regio Cappadocum genere ducebat ſtirpem, hujus in gratiam quatuor ſchoenos agri ad priores ſacerdotii poſſeſſiones adjecit: & Ariarathi fratri regis Ariobarzanis (is obtinuiſſe prius id ſacerdotium videtur) quædam attribuit, ne otioſus & egens fratri ſuſpicionem, ſibi pericu-

§ VI. Liv. Epit. Dio. Plut. § VII. Liv. Epit. Plut. Dio. Hirt. de B. Afric. c. 22. Cic. ad Attic. 12, 2. Auſtor. de B. Eſſep. c. 1.

lum crearet; præsertim cum & antea fuisset sollicitatus a quibusdam gentis principibus, ut regnare vellet. Ariobarzani autem, pro his, quæ imperio ejus decedebant, partem Armeniæ minoris, ademptam Dejotaro, dedit.

IX. Cum enim ad Gallogræciæ fines accessisset, depositis regiis insignibus, & supplicis habitu sumto Dejotarus occurrit, excusans, *quod in ea parte terrarum positus, ubi nullæ præsidia Cæsaris essent, præsentibus imperiis paruisset.* Adversus ea Cæsar, commemoratis beneficiis suis, tamen ætati ejus dignitæque & amicis deprecantibus dare dixit ejus delicti veniam: *de controversiis tetrarcharum postea cogniturum. interea legionem, Romana disciplina constitutam a Dejotaro, equitatumque omnem adduci ad bellum Ponticum jussit.* Pharnaces, intellecto Cæsaris adventu, omittere Asandrum coactus in Pontum recurrit; de pace legatos præmittens, quod imperatoris acerrimi timebat impetum, licet exiguis fane copiis instructi.

X. Nam sexta legio, quam ex Ægypto deduxerat, adeo multis erat præliis diminuta, ut minus mille militum haberet; Dejotari legio, nec genere hominum, nec usu rei militaris censebatur: duas habebat præterea, quæ nuper sub Domitio cladem passæ erant. Cæsar, legatos mitibus responsis ludificatus, nihil de velocitate itineris remittebat. Cum uni, cum alteri oratores sic ad regem redissent, ut verba Cæsaris ad pacem, festinatio ad bellum, spectare viderentur, tertia legatio venit, auream coronam afferens, petensque, *ut socii atque amici regis donum acciperetur.*

XI. *Neque enim ullum adversus Cæsarem Pharnacis delictum exstare, nisi quod contra vim Calvinii jus suum coactus defendere, cum abstinere bello in totum maluisset, injuriam propulsarit. Quanti enim fecerit amicitiam tuam, (inquiiebant) quo alio clariore documento cognosci potuit, quam quod auxilia petenti Pompejo nulla misit: atque ei Pompejo, cujus & in se liberalitatem, & in patre vim atque potentiam largiter erat exper-*

§ VIII. Appian. civil. l. 2. Hirt. de B. Alex. c. 56. Strab. Cic. familiar. 15 „3. Diodor. l. 41. § IX. Hirt. Dio. § X. Dio. Hirt.

ius. Qui igitur, adversario tuo victore, ne vivere quidem, ne- dum regnare potuisset, eum a te conservari æquum est: præser- tim cum pro mirabili tua clementia iis etiam ignoveris, a qui- bus durissimo tuo tempore es oppugnatus. Quis acerbior tibi hostis, quam Dejotarus exstitit? qui non contentus mittere quan- tas omnino potuit copias, ipse ad bellum profectus est, hac eta- te, cujus excusatione, si non rex & amicus & hospes Pompeji, sed libertus, aut unus de grege militum fuisset, uti potuisset.

XII. Sed tamen hunc, absolutum hoc delicto, in numerum amicorum recepisti. Nec aut reprehendit ista Pharnaces, aut Dejotaro felicitatem suam invidet. Tui te exempli, tui moris admonet, oratque, ut eo instituto uti pergas, quo haud paucio- res adversarios, quam, quibus invictus es, armis, superasti. Quod si propter commissum cum Domitio certamen irascendum putas, at saltem regis satisfactionem accipe. aut docebit, hæc a te vindicari non oportere; aut, quidquid imperaveris, faciet. hoc unum depre- catur, ne hostili adventu ad summam se desperationem adigas.

XIII. Dejotarus ceterique finitimorum, amicitia Pompeji fre- ti, laccessere non desierunt, donec regem ad ea arma cogerent, quibus & ipsorum comprimeret audaciam, & bello victor, pater- næ hereditatis partem recuperaret. Et quamquam difficile est in bello, præsertim felicibus armis, tenere modum, neque calore victoriæ supra fines juris efferi; ea tamen modestia Pharnacis fuit, estque, ut neque plura, quam appetere debuit, attrelasset pu- tet, & hujus ipsius causæ judicium tibi deferat. Nec sane aliam ob causam cum Domitio dimicatum est, quam quod ille rem integram ad tuam cognitionem relinquere noluit; Pharnaces præ- ter te quemquam arbitrum pati non potuit. Hac potius, quam armorum fiducia, licet egregium, & duobus atque viginti præliis expertum, omnibusque victorem exercitum trahat, quietus in ca- stris ad Ziclam expectat responsum: quod a te moderatum ami- cumque referri, tum perpetuæ mansuetudinis tuæ, tum etiam rei Romanæ, præsentis quidem statu rerum, interest.

XIV. Cæsar ad hæc, reportari ad regem iubens coronam, sum se dona tanquam ab amico respondit accepturum, cum pro-

missa præsstitisset. frustra eum se venditare eo, quod amicum deseruisset in discrimine, auxiliumque non misisset Pompejo: neque Cæsari rem illam, sed ipsi profuisse, ne eodem victoriæ impetu cum ceteris, qui in præsidiis Pompeji fuissent, profligaretur: & ut maxime fecisset in suam gratiam, non ideo se privatis meritis publicas injurias condonare. Tamen quia neque mortuis vita, neque virilitas exsestis restitui possit; quod possit, imperare, uti Ponto confestim decedat, familias publicanorum remittat, cetera, quæ penes eum essent, sociis civibusque Romanis restituat.

XV. Sed Pharnaces, non ignarus necessitatum, per quas Cæsari ad urbem erat properandum, callide agere, diemque decedendi longiorem postulans, & subinde mutans condiciones, tempus trahere occepit. Difficile erat, hominem eo ingenio, eaque rerum peritia fallere. Igitur fraude fraudem eludens Cæsar, dum alias admittit condiciones, alias rejicit, decepit Pharnacem, priusque conferuit manus, quam quisquam putavisset. Nam, positis ab hoste circiter millia passuum quinque castris, situque locorum explorato, quam proxime ad eum statuit accedere.

XVI. Sed quia ferme eundem habebat exercitum, qui victus cum Domitio fuerat, oratione militum animos confirmandos ratus, concionem advocavit: *causisque belli breviter enarratis, Has igitur, inquit, Romani noninis injurias quisquam, cui modo manus & arma sint, patiatur? nedum nos, quibus multo, quam nunc sumus, paucioribus, ad hæc imparatis atque oppressis subito tumultu, Alexandria fortissimum & nobilissimum oppidum, & rex multo potentior hoc Pharnace succubuit. quid enim ad Ægyptum est Bosporus? quamquam hic etiam Bosporo excidit, contemptus pulsusque a famulis suis, nec fiducia virium in Ponto resistsens, sed quia neque procedere nostri metu, neque redire in regnum, Asandro prohibente, potest.*

XVII. Atque is quidem bono omine res gesturum putat, quod eo loco castra posuit, unde progressus pater ejus, Triarium, cum paucis & incompotis temere se objicientem, superavit. Sed si quam manium Mithridatis ulio loco potestas est, quis dubitet, quin

omnis a nobis statuta sit contra scelestissimum parricidam? Quare mihi quidem stulte delegisse locum videtur, qui patris memoriam ullam retineat. hac, hæc nefandi facinoris conscientia saucium exagitat animum, consilia emovebit, audaciam deprimet; hoc ei loco Mithridatis occurrent umbra, homi neque damnato & deprehenso, vindictamque præsentem præsentienti, errorem, conslernationem, amentiam furia patris impingent.

XVIII. *Et hæc quidem, quia viribus humanis superiora sunt, quamlibet egregium dejicere imperatorem possent. & Pharnaces, neque ulla re magna gesta, neque patri, qui tamen toties a Romano milite victus est, comparandus, furto, quam bello, melior, & sociis potius timendus, quam hosti, quod cum Domitio viros ducente, & meis temporibus festinare contra belli rationem coacto, prælium prosperum fecit, aut viribus suis aut felicitate confidat? Quantula enim illa, si omnia reputes, victoria, aut cujus adeo laudis fuit? Ut enim de ea paucis disseram, una causa moveor, ne forte quidam eorum, qui interfuerunt, viribus hostium, aut prudentia regis se victos arbitrentur. nam plerique, satis novi, memoria pugna istius, non ad timorem, sed iram, sed cupiditatem ultionis, sed impatientiam moræ, commoventur. hi quidem veterani mei (sextæ legionis milites innuebat) ab hoc, sicut ceteris hostibus, invicti, neque ista commemoratione, neque omnino cohortatione mea indigent.*

XIX. *Sed & sexta & tricesima legio sola sustinuit totum exercitum regis, &, amissis paucis, frustra impedire conatis hostibus, se, quo voluit, recepit. Quod autem acceptum est detrimenti, neque militibus imputandum est, neque ducis imperitiæ, neque Pharnacis aut prudentiæ, aut viribus. Quæ igitur causa istius ignominia fuit? Tempora mea, ut prædixi, & locus, qui erat pro hostibus, & quod reverti Domitius non tentata pugna indecorum, commorari diutius iisdem locis nullo pacto faciundum judicarat. Igitur numero militum equitumque, ad hæc locorum situ munitionibusque superiori, non tam gloriosum est, quod fossas transcendere ausos in ipso conatu oppressit, quam turpe futurum erat, si esset a paucioribus intra sua munimenta superatus.*

XX. *Ceterum, quæ tunc maxime adjuverunt hostem, hoc tempore nulla sunt. non ab aliquo ducum meorum administratur bellum, qui meas rationes respicere, atque eo dirigere consulta omnia debeat: quæ res plerumque, locis atque temporibus difficilibus intervenientibus, perquam est incommoda: imperator vobis adest, & imperator Cæsar, cujus promissa nunquam fefellerunt exercitum, cujus spem nunquam fefellit miles: locum autem a Pharnace delectum, non magis hostilia castra, quam nostra muniturum esse, propediem ostendam. Vos interea aggerem, celeriter usui futurum, intra vallum comportate.*

XXI. Castra Pharnacis eo situ erant, ut editissimo colli imposita præruptis vallibus munirentur. easdem valles ei munimento pariter futuras, qui diversa a parte castra opposuisset, Cæsar videns, dubia adhuc luce in eum locum deferri comportatum aggerem jubet, ibique castra munire incipit. Ea re conspecta, Pharnaces, (nam mille admodum passuum vallis intererat) productis copiis, aciem instruit: neque commovetur Cæsar, quia vallis iniquissima transitum impediabat, more magis militiæ, quam pugnandi consilio facere regem putans, ut opus prohiberet, aut ostenderet fiduciam. Sed ille, sive loci felicitate confusus, sive auspiciis, ut postea auditum est, sive contemtu copiarum, quas vicerat prius, & veterani sui exercitus virtute, in præruptam vallem, qua nemo sanus demissurus copias credebatur, descendit; eamque permenfus, eodem gradu ascendere per angustam & arduam femitam cœpit.

XXII. Cæsar, incredibili hostis audacia oppressus, omnia simul agere necessum habebat; revocare ab opere milites, arma jubere capere, instruere armatos, &, quid ubique fieri vellet, ostendere. Interim falcati currus regis adfuerunt; & propter iniquitatem loci, quamquam a trepidantibus, multitudine telorum haud difficulter oppressi sunt. Secuta est acies hostium; neque turbata suorum casu, conflixit acriter. Sed quia in subeuntes pila ex edito coniciebantur, cito mutata prælii est ratio: præsertim dextro

cornu, ubi sexta legio confiterat. Sinistro, mediaque acie, tardius, sed tamen profligati sunt regii, & per præcipitem vallem acti, multi hostili ferro, alii fuorum incidentium pondere procubuerunt. qui autem celeritate pestem utramque vitaverant, ut expeditius fugerent, armis projectis, ad sua castra contenderunt.

XXIII. At Romani, non contenti persequendis ad ima vallium hostibus, ad alteram partem ascendere, vimque facere cœperunt; neque hostes, quamquam e superiore loco, magnam moram injicere inermes poterant. Sic enim milites eadem alacritate castra oppugnarunt, &, nequidquam defendentibus, quæ præsidio fuerant relictæ, cohortibus, ceperunt. Ea tamen mora spatium Pharnaci dedit, paucis cum equitibus se proripiendi, ne vivus veniret in hostium potestatem. exercitus sane totus periit, omni aut occisa regionum, aut capta multitudine. Rebus his præclarissime gestis, magna lætitia Cæsaris fuit, quod & facilis victoria ex difficillimo initio exstiterat, & hostis non contemnendæ opinionis sine ulla belli mora victus erat. ajuntque *Pompeji prædicasse felicitatem, cui ex eo genere hostium cum ingenti gloria cognomentum Magni partum esset.*

XXIV. *Romam certe scripsisse creditur celebratum illud, velocitatem victoriæ cursu & brevitate verborum exprimens, Veni, vidi, vici: eundemque postea titulum inter fercula triumphi prætulisse.* At Domitius, ad insequendum Pharnacem missus, Sinopen delatum cum mille admodum equitibus, qui ad eum ex fuga convenerant, accepto in deditionem oppido, saluum abire permisit. Ille, magna fuorum indignatione equis interfectis, in naves se contulit, vagatusque circum Ponticas gentes, e Scythis Sarmatisque contraxit mediocrem multitudinem, Theodosiamque & Panticapæum recepit. Inde vi adjungere proxima quæque Bospori conantem, Afandri arma exceperunt: prælioque commisso, cum, quod roboris habebat,

equites pedestri pugnae minus assueti vincerentur, Pharnaces fortissime pugnans interfectus est, ætate quinquagenarius; cum Bospori regnum annos admodum quindecim tenuisset.

XXV. Interea Cæsar, præda regia militibus concessa, juxta tropæum Mithridatis, quod victo Triario erectum, ut rem Diis belli præsidibus sacram, evertere nefas habebatur, aliud de Pharnace opposuit. ipse cum expeditis equitibus profectus, *legionem sextam decedere ad accipienda præmia in Italiam* iussit; auxilia Dejotari remisit domum; Cælium Vinicianum cum duabus legionibus reliquit in Ponto. Amisenis in calamitatis solatium concessit libertatem: cetera, quæ cuique Pharnaces eripuerat, antiquis dominis restituit, excepta parte minoris Armeniæ, quam Ariobarzanis esse iusserat. Per Gallogræciam atque Bithyniam iter faciens, controversias earum provinciarum composuit: &, quæ quemque tenere vellet, constituit.

XXVI. Dejotaro, non solum propter lata adversum se arma, sed etiam quia focis victoriæ donanda non aliunde cumulatius sumi poterant, fuit iniquior. Idcirco licet ille deprecatores haberet plurimos, & Nicææ defensus a Bruto esset enisissime; (quæ postea oratio est edita) Mithridati Pergameno, cujus Ægyptio bello præclara opera fuerat, tetrarchiam Gallogræcorum, pæne totam Dejotaro possessam, quasi jure gentis & cognationis adjudicavit Cæsar, eundemque *regem* appellavit *Bospori, quæ Pharnaces tenuisset, etiam mandato adversus Asandrum, si cedere nollet, bello*. Inde transgressus Asiam Græciamque, in Italiam trajecit; nusquam diutius moratus, quam dum pecunias quocunque titulo exprimeret, quæ per publicanos ei maxima cum invidia cogeantur, quemadmodum erat & superiore anno factum.

XXVII. Namque cupidus & sciens imperandi, neque

§ XXIV. Plut. Flor. 4, 2. Sueton. in Cæs. c. 7. Appian. Mithrid. Diodor. l. 42. § XXV. Hirt. Dio. § XXVI. Hirt. Plut. in Brut. c. 9. Cic. in Brut. c. 5, & ad Attic. 14, 1. Dio.

regimen rerum sine exercitibus retineri posse noverat, dicebatque; neque exercitus sine stipendiis ac præmiis. Idcirco & quam a quaque civitate summam promissam Pompejo cognoverat, exegit: & ab aliis, quæsito undique colore, postulavit. Tyri certe sustulit e sanctissimo Herculis fano donaria, per eam causam, *quod fugientem cum privigno Corneliam Tyrii hospitaliter excepissent*. Misit & in urbem epistolas, collationem pecuniosis imperans. quo tempore T. Pomponio Attico, propter egregiam integritatem vitæ, non modo molestus non fuit, sed etiam remisit condonavitque Q. Ciceronem Q. F. Attici forore genitum; C. Trebonio, A. Hirtio pro eo deprecantibus.

XXVIII. Dum ista per diversas provincias geruntur, magnas Romæ turbas tribunatus P. Cornelii Dolabellæ excitavit, de novis tabulis ferenda lege. Accedebat malis adversarius pari audacia L. Trebellius, & deterior utroque M. Antonius equitum magister. Inter hos infelix civitas, quotidianis terroribus vexabatur: aliunde satis inquieta novæ dominationis timore & jam sensu, ac majores subinde præteritis calamitates exspectans. Nam & prodigiis, & responsis haruspicum exanimabantur, quæ & illo & superiore anno acceperant. Quippe C. Cæsare, P. Servilio consulibus, sub exitum anni, cum forte sacra Isidi fierent, examen apum in Capitolio, juxta colossus Herculis sedit.

XXIX. Ob eam rem de sententia vatum, omnia tum Isidis, tum Serapidis sacella sublatæ sunt. Ea dum diruuntur, forte & Bellonæ ædícula, per errorem excisa, nefandorum sacrorum crudelitatem patefecit, repertis ibi fictilibus humana carne plenis. Hoc autem anno, quo Alexandrinos & Pharnacem vicit Cæsar, magnus terræ motus exstitit, bubo conspectus est, fulmina Capitolium & sanum Fortunæ publicæ, Cæsarisque hortos, & in iis equum ex insignioribus percusserunt, & Fortunæ templum sponte patuit. Præterea sanguis e pistrino effusus, ædem Fortunæ

§ XXVII. Dio. Corn. Nep. in Attic. Cic. ad Attic. II, 23.
§ XXVIII. Liv. Epit. Cic. Phil. 10, 10. Dio.

Primigeniæ attigit, & infantes aliquot sinistras in capitibus habentes nati sunt. *Id maxime certum esse versæ fortunæ præsagium, & deterioribus in meliores imperium dari haruspices asseverarunt, & populus credidit.*

XXX. His rebus anxias mentes, magis etiam, quæ videbant, terruerunt. Nam Kalendis statim Januariis M. Antonius magister equitum, senatu convocato, prætextatus & sex stipatus licitoribus, speciem quandam priscæ rei publicæ exhibebat: sed quando nec consul usquam, nec prætor ullus erat, ad hæc gladio cinctus ipse multitudinem secum trahebat militum, & omnia pro potestate agebat; nemini dubium esse poterat, a priori forma civitatem ad extremæ servitutis vilitatem descivisse. Urebat etiam animos supra acerbitem præsentium, instantis indignitatis expectatio.

XXXI. *Mox enim affuturum Cæsarem victorem omnium, re dominum, nomine dictatorem. quam igitur illi fore superbiam, si cliens ejus & magister equitum tam insolenter obtineret leges? Sane clementiam hætenus insignem prætulisse, plerisque ignoscendo, a quibus esset oppugnatus. Sed quem præstare posse, mansuetudinem eandem mansuram victori & securo, quam validis adhuc diversarum partium rebus, & de exitu dubitans adhibuisset? Tyrannos ingenium ad tempus tegere: donec perfectis, quæ optaverant, tam incipiant vacare metu, quam semper vacent verecundia.*

XXXII. Ne minima quidem in malis consolatio miseris aderat, querendi invicem, mutuisque sermonibus sublevandi animos; cum suspecta fides etiam intimorum, & proditis certum periculum esset. quin ultro cgebantur abdere sensus suos, & cum alii essent, alios ostendere. Nec enim ferri tantum, quæ fierent, auctores eorum volebant; sed laudari quoque: ac subinde supplicationes, velut ob rem bene gestam, edicebantur, & frequentibus ludis spectatorum postulabatur hilaritas; cum ille ipse conspectus

§ XXIX. Rycquius de Capitol. c. 25. Dio. § XXX. Cic. Phil. 2, 25. Dio.

esset acerbus & ignominiosus, quod, paucis exceptis, quos tribuni faciebant, ludis magister equitum præsidebat accinctus, & ne publicæ quidem lætitiæ condonans exprobrationem servitutis. Sic affecta civitate, P. Cornelius Dolabella exortus est novarum tabularum auctor, adolescens audax, nobilis, obætatus, qualibus scilicet ad evertendum omnia nihil est paratius.

XXXIII. Erat is nuper, exemplo P. Clodii, e patriciis transgressus ad plebem, occasione forte testamenti, quo Livia heredem institutum mutare nomen jusserat; sed tribunatus petendi consilium fuerat, in quo leges se laturum confidebat, quibus & ipse maximo ære alieno liberaretur. Idcirco factus tribunus plebis, non diu distulit de tabulis novis promulgare rogationem, plebi gratissimam. Sed L. Trebellius collega Dolabellæ, C. Asinii potentia adjutus, creditorum suscepta causa, optimatibus, & locupletiori parti civitatis erat jucundissimus. Ab horum concertatione magni tumultus initium in urbe fuit, cum utraque factio captis armis vim faceret, crebræque hinc inde cædes patrarentur.

XXXIV. Igitur & senatus intercessit, rem integram in adventum Cæsaris fervari jubens: & Antonius gestatione armorum in urbe interdixit paganis. Sed ille tamen in occulto Dolabellæ favebat, popularis favoris semper appetens, & in eadem causa constitutus, qua ceteri, qui novas tabulas cupiebant. Postquam autem uxorem, patruui C. Antonii filiam, cum Dolabella stupri consuetudinem habere comperit, aut comperisse ratus est; & illam exegit domo, & hunc oppugnare ab eodem odio statuit: plebi quoque jam iratus, a qua pluris fieri Dolabellam, quam se, videbat; cum apud senatum communis culpæ majorem partem ipse sustineret.

XXXV. Jam erat ei concessum ab senatu, (juris enim, quod amiserant, imaginem saltem tuebantur, jubentes, quod prohibere non poterant) *ut, introducto in urbem milite, cum*

§ XXXIII. Cic. ad Attic. 7, 8, & Phil. 6, 4. Liv. Epit. Dio. Plut. in Ant. c. 12. § XXXIV. Cic. Phil. 2, 24. Dio.

reliquis tribunis, qui neutri partium se conjunxerant, rempublicam defenderet. neque multum eo consilio profectum ad quietem erat: cum nihilo sequiis duo tribuni, suas quisque vires augendo, & inter sese, & cum Antonio Patribusque decertarent: maxime, postquam Antonius, seditiose agere milites audiens, qui, præmissi a Cæsare post Pharsalicam pugnam, duces suos Sullam atque Messallam exegerant, ad illos excucurrit, novo exemplo L. Cæsarem avunculum urbis præfectum declarans, qualem potestatem nullus unquam magister equitum habuerat.

XXXVI. Tum vero, contempta senectute L. Cæsaris, atrocius inter se collisæ factiones, majore, quam unquam, tumultu atque sanguine concurrerunt. Sed audita C. Cæsaris victoria, qui, *compositis Ægypti rebus, venire in Italiam* nuntiabatur, paulisper continuit hominum audaciam: donec decedente metu, cum adversus Pharnacem profectus Cæsar esset, pristinus furor rediit. Inter hæc Antonius, neutrarum partium, studium præferens, Trebellium clam fovebat, potestatemque faciebat conciliandi assumendique militis. Sic tanquam e duobus castris debitores creditoresque ad pugnam prodibant e locis urbis munitissimis, quæ præfidiis ceperant: cædesque & incendia patrabantur, eo terrore & tumultu, ut aliquando sacra Vestæ ex illius ædibus a virginibus efferrentur.

XXXVII. Igitur alio senatusconsulto mandata est Antonio diligentior urbis cura, majorque militum manus introducta. Sed Dolabella, desperans veniam a Cæsare, hoc agebat, ut, claro aliquo facinore edito, periret. Idcirco die dicta, qua *de tabulis novis, & mercede habitationum abolenda* (nam & hoc caput comprehenderat) *perlaturus legem esset, paratos esse ad rogationem accipiendam suos* iussit. Cum venisset tempus, &, occupato utrinque fori aditu, ligneisque turribus per opportuna loca erectis ad propugnandum, magna multitudo confluxisset; Antonius prima luce validam e Capitolio deduxit manum, interfectisque e plebe

circiter octingentis, concidit tabulas legum, reliquos proposito locoque depulit, stationemque militum in foro collocavit.

XXXVIII. Ne sic quidem solida quies ante Cæsaris adventum est urbi reddita, quod Antonius auctoritatem dictatoris, suamque potentiam magnitudine vitiorum debilitabat: cujus nocturnæ comissiones, diurnus somnus, totius vitæ turpitudine, sermonibus omnium notabatur: qui non erubesceret, quo tempore Cæsari sub dio esset sæpe contra ferocissimos hostes dimicandum, potare, scortari, alea, somno, luxu non ferendo tempus consumere. Erat enim, si quis alius, ingenio nequam & nepos, & paulo ante tribunus plebis in effedo, lictoribus præeuntibus, per Italiam vectus erat, mimam Cytheridem in aperta lectica secum portans, cum turpissimorum hominum comitatu: *quacum aliquando & curru dicitur incessisse leonibus juncto*. Sed & occasione præsentium barbarum ad rapinas abusus, magnam vim auri, argentique, sed & vini diripiebat.

XXXIX. Hæc altera fuisse putatur causa, cur promptius ignoverit Dolabellæ adveniens Cæsar, præter priora hominis merita, qui partibus ejus totum se dederat ab initio, & in Thessalia quoque pro eo strenue pugnaverat. Et erat alioquin ad tribuendam veniam facilis: nec ignorabat, difficulter rerri posse delicta aliena severe exsequenterem,⁴ qui tam multa ipse peccasset. Interea, cum & pecunia indigeret infinita, & honores appeteret eminentissimos, nolebat multos offendere; quo devincti beneficio suo patientius jubenti quidlibet obsequerentur.

XL. Igitur cum magnus in urbe plurimorum metus adventu ejus fuisset, vindictam admissorum expectantium, eaque res sermonibus agitata toto eo tempore esset; repente receperunt animum, nihil de præteritis inquirente Cæsare. Sed is ad cogendos nummos mentem adjecerat, & præter magnam vim auri, quæ in coronas & statuas,

§ XXXVII. Plut. Dio. Liv. Epit. Appian. civil. l. 2. § XXXVIII. Plut. Cic. Phil. 2, 24. § XXXIX. Plut. Cic. Dio.

& alia hoc genus, tanquam a volentibus offerebatur, ingentes summas mutui nomine concessit, cum neque negare quisquam auderet, nec ipse de restituenda cogitare putaretur. Sed ego, Cæsaris natura diligentius expensa, non dubitem, redditurum omnino cum fide fuisse, si diutius frui vita potuisset.

XLI. Nec enim in tantis imperii opibus deesse, unde quantacunque debita quandoque expungerentur, poterat; & ipse solitus omnia famæ studiisque hominum postponere, ubi præsentium temporum angustias esset eluctatus, ob pecuniam profecto amittere ista noluiisset. Habebat autem ejus rei hunc obtentum, ut *ad hanc necessitatem reipublicæ temporibus adactum* diceret, *cujus utilitati facultates suas omnes impendisset*. Ne tamen ad desperationem adigeret creditores, novas tabulas petente plebe, constanter abnuit, *se quoque obæratum esse* dictitans: *jussitque contentum esse his, quæ prius in ea causa statuiisset*.

XLII. Inde proscripsit bona judicatorum hostium, hasta pro æde Jovis posita: & cum ea cupide emta essent a quibusdam, qui nunquam fore putabant, ut a se exigeretur, ideoque minus fuerant solliciti, quanti licitarentur; nihil cuiquam remisit. Inter quos & M. Antonius, *Gn. Pompeji Magni sector*, cum tanti viri copiosas facultates brevi dilapidasset, appellatus est. *Hanc offensam* causari deinceps solitus est Antonius, *cum Cæsarem ad bellum Africanum non sequeretur: quia sibi pro meritis prioribus non fuisset gratia reddita*.

XLIII. Ceterum Cæsari non defuerunt artes, & plebem, & socios victoriæ aliis rationibus conciliandi. Plebem, præter ludorum voluptates, remissis a tempore cœpti belli usuris, & habitationum commodo: qui enim duobus millibus nummum conductas habitationes haberent, iis Romæ unius anni mercedem, in Italia quadrantem ejus condonavit, quo tenuiores sublevarentur. præter-

§ XL. Dio. § XLI, Sueton. in Cæs. c. 42. Dio. § XLII. Cic. Phil. 2, 28. Dio. Plut.

ea publicatis multorum facultatibus, emendarum rerum copiam atque vilitatem effecerat. Ducibus amicisque suis honores distribuit, multa præter veterem morem, quo pluribus referendæ gratiæ locus esset, instituendo. Nam & prætoriiis comitiis decem creavit primus : & pontificum augurumque & quindecimvirorum collegiis singulos addidit : & equites Romanos aliquot, quorum opera erat usus, itemque ordinum ductores, in senatum adlegit.

XLIV. M. Brutum Cisalpinæ provinciæ præfecit; Decimum ei, quæ trans Alpes est, Galliæ. Sed & in reliquam partem anni consules fecit, quos diximus, Q. Fulvium, P. Vatinium, cum pauci admodum dies superessent. Atque ea res facietis hominibus ridendi causam præbuit : querentique Vatinio, *quod se ægrotantem non invisisset*, Cicero respondit, *Venturus in consulatu tuo fui, sed nox me comprehendit.* circumferebaturque notabilis ejusdem urbanitas, *in consulatu Vatinii magnum ostentum factum ; quod eo consule, nec bruma, nec ver, nec æstas, nec autumnus fuisset.*

XLV. Hæc gratiora vulgo erant propter Vatinium, a quo consulatum pollui judicabant, obscurum & pravum hominem stomachante etiam in versibus suis Catullo. Sed quantum iis consulibus potestatis auctoritativæ esse vellet, ipsi, qui fecerant, facto ipso demonstrarunt satis. Quamquam enim Cæsar dictatura se abdicaret, nullius jam appellationis egens, tamen M. Antonius magisterium equitum in totum eum annum retinuit. Cum ista satis belle composita viderentur, præmilli in Campaniam milites, quibus ad bellum Africanum usus erat, seditione inita curam Cæsaris adverterunt. *Promissa Pharsalico bello præmia* omnes, veterani præterea *missionem* flagitabant. Cæsar ad hos Q. Sallustium Crispum misit, qui, senatorii recuperandi ordinis gratia prætura petita, delignatus erat ; ut doceret, *hostium magno numero in Africa superflite, nondum absolutam esse victoriam : eo confecto bello,*

§ XLIII. Cic. familiar. 12, 18. Sueton. in Cæs. c. 38. Diodor. l. 42 & 48. § XLIV. Appian. Dio. Macrobi. Saturnal. 2, 3.

Cæsarem & promissa ante donativa, & millenos insuper denarios viritum repræsentaturum.

XLVI. Ad hæc adeo exarsit militum furor, ut Sallustium, vitandi exitii causa Romam refugientem, confectum secuti, sine discrimine quibuslibet obviis afferrent manus. Duo quoque prætorii tum interfecti sunt, Cosconius & Galba. Dubitavit tum Cæsar, num opponere prætorias cohortes tumultuantibus rectius foret: sed contagium timens, has quidem secum retinuit, & milites, quos Antonius nuper introduxerat, circum ædes suas & portas urbis disposuit. seditiosis jam appropinquantibus misit obviam sciscitatu-
ros, quid igitur sibi vellent? atque ii, cum ipso Cæsare collocuturos esse, responderunt. Tum denuntiari Cæsar iussit, uti, positis armis, præter gladios, ad urbem accederent.

XLVII. Neque cunctatus est, licet dehortantibus vehementer amicis, adire tendentes in campo Martio, & tribunal erectum minaci vultu conscendere. Hæc tam audax atque inopinata viri species ultro terruit militem, ut, desideria sua exponere iussus, donativi mentionem facere non auderet, missionem tantum postularet. & suberat spes, quod opera militum Cæsar indigeret, sponte daturum, quæ esset pollicitus. Sed ille, sicut profusus in obsequentes, ita minantibus inexpugnabilis erat. idcirco uno verbo, *dimittere se*, dixit: & cum velut fulminati hac voce silerent, adjecit, *nihilo secius daturum stipendia & præmia, quamprimum esset cum aliis triumphaturus.*

XLVIII. Mordebat eos hoc quoque dictum, & pudor simul metusque intrabat animos, si ad alios perveniret suæ operæ debitus honor; ipsi adversis partibus exosi, suis fastiditi, vile vulgus spectarent triumphum, quem ducere debuissent. simul existimabant lenius acturum Cæsarem, si-
ve suum ingenium ille, si-ve præsentem necessitatem sequeretur. Sed ille, tacente milite, amicis orantibus, *ne cum*

§ XLV. Dio. Appian. civil. 1. 2. Diodor. 1. 45. Liv. Epit.

§ XLVI. Dio. Plut. in Cæs. c. 74. Appian. § XLVII. Sueton. in Cæs. c. 70. Front. Strat. 1, 9. Appian. Dio.

tam triflibus dictis discederet, iterum exorsus, Quirites appellavit. Hoc illi non ferentes, responderunt, se milites esse; pœnitentiaque priorum correpti, rogare cœperunt, ut sibi porro militare liceret: se solos, sine aliis copiis, bellum Africanum eo imperatore profligare paratos esse.

XLIX. At Cæsar, licet ei gratius accidere nihil potuisset, vultum fervans, avertere se, & descendere de tribunali: unde major exortus clamor *maneret orantium, pœnasque, si vellet, sumeret.* simul tribunus quidam militum propius accedens pro exercitu deprecabatur, jussu militum, an ut Cæsarem demereretur. Tum ille: *se quidem pœnas quaslibet meritis remittere. moleste tamen ferre, quod & decumani seditiose egissent, semper prælati aliis, & magno in pretio habiti. dare tamen missionem petentibus, & carere posse invitorum opera.*

L. Recepit & præmia exsoluturum, licet nullam ob necessariam causam se reliquo adhuc bello deferentibus. Sed & agros divisurum pace restituta, non exemplo Sullæ, inquit, ademptos aliis, vosque prioribus dominis immiscendo ad perpetuas inimicitias; sed qua publicus, quæve meus ager est, assignabo, & quod deerit, a volentibus emam. Et affuit dictis fides. pecuniæ partem repræsentavit, reliquum daturum dixit paulo post cum sanore. Plausu omnium hæc excepta cum fuissent, decumani mœrebant, sibi nominatim iratum imperatorem esse. neque destiterunt obtrudere operam, licet recusantem, in Africam secuti. Sed ille, priusquam proficisceretur, ex omni numero excepit seditionibus miscendis aptissimos, quos in Italia relinqueret, agris statim datis, unde se tolerarent.

LI. Ceterum & his, & deinceps omnibus, non continuos assignavit agros, ne quis possessorum expelleretur, & ut distractis nihil in turbas virium foret. Notavit & ex iis, quos secum ducebat, fœdissimum quemque, quos postea deductos in Africam periculis objecit, utrinque compendium captans, occiderent illi, an occiderentur. Qui vero eorum superfuerunt calibus, eos sic quoque prædæ & agri desti-

§ XLVIII. Tacit. Sueton. Appian, Dio. § XLIX. Appian. Dio. § L. Appian. Dio. Sueton.

nati tertia parte mulctavit. Nam in aliis delictis connivere solitus, & multa militi condonare, desertores atque seditiosos implacabiliter oderat: quod cetera, quæ peccare essent soliti, ad aliorum injuriam; hoc ad imperatoris periculum pertinebat, nequidquam dominationem affectantis, si exercitus, per quem ceteros in obsequio contineret, exuere obsequium ipse cœpisset.

LII. Intimulabatur tamen a plerisque, quod tantam exercitus licentiam non esset severius exsecutus. quin & amicorum vitia crimini dabantur, Dolabeilæ furor, ebriositas Antonii, intemperies, luxus, rapinæ plurimorum. Sed ista quamquam nec ignoraret Cæsar, nec probaret, quia meliores non habebat administratos, his utebatur.

LIII. Jam bruma erat, & qui Africanam tenebant, hostes, cum occupationibus Cæsaris, tum anni tempore clausum eî mare putabant. Sed ille solita celeritate, qua sæpe nuntios de se prævenerat, processit Rhegium, ne religione quidem retentus, cum immolare volenti taurus aufugisset. Omen etiam a nomine Scipionis, quod fatale ad victoriam in Africa terra suos quoque milites timere senserat, aut vitando, aut eludendo, duxit secum e Scipionum genere contemptissimum quendam, cui *Salutioni* cognomen erat ob opprobrium vitæ, quod ejus nominis mimo specie corporis & infamia morum habebatur similimus. Rhegio transjecit Messanam, inde Lilybæum pervenit a. d. XIV Kal. Januarias, & ubi paratos intentosque suos haberet, tabernaculum in litore maris statuit, *observandum* admonens, *qui esset primo oblato vento conscensurus*. Ibi factus de rebus Africanis certior, oppido & agro Uticensi, ubi Cato curabat, vitato, Adrumetum direxit cursum, quam partem obtinere Scipionem intellexerat.

LIV. Egressus e-navi, magno cum terrore militum impexit, prociditque humi: sed ille, verbo favitatem ominis.

§ LI. Sueton. Dio. Polyæn. Strat. l. 8. § LII. Plut. in Cat. c. 74. Sueton. in Cæs. 57. Appian. § LIII. Sueton. in Cæs. c. 59 & 65. Dio. Plut. Plin. 7, 12. Auctor de B. Afric. c. 9.

corrigenſ, complexuſ oſculatuſque terram, exclamavit; *Tenſeo te, Africa*. Sic exercitu ad Adrumetum expoſito, qui in præſentia haud amplius peditum millibus tribus conſtabat, cum equitibus centum quinquaginta, diem atque noctem conſumſit, dum L. Planci conſilium experitur, qui ad C. Conſidium oppido præfectum ſcripſerat. Sed poſtquam reſponſum non reddebatur, Cæſar, tentare Adrumetum non auſuſ, proficiſci inde ſtatuit. ſed abeuntem, erumpenſ ex oppido multitudo, inſequitur. Nam duæ legiones erant Adrumeti, & tria millia Maurorum equitum ducebat Cn. Piſo, qui partes Pompejanas acerrimo miniſterio juvabat.

LIV. Et eodem tempore Jubæ equites, qui forte ad ſtipendium accipiendum veniebant, caſtra, unde Cæſar erat egreſſuſ, moratoribus ejeſtis cæſiſve, occupant, extremumque agmen conſecuti laceſſunt. Sed egregia Gallorum equitum virtute repulſi ſunt, quorum tum *minus triginta, circiter duo Maurorum millia ſæpiuſ repulſiſſe* dicuntur. Nam illi, intra munimenta compulſi, ruſſum abeuntibus inſtabant: donec, non intermiſſo itinere longiuſ avulſoſ inſeſtare non ulteriuſ auiſ, deſtiterunt. Sic animo conſilioque ſummi duciſ, maximum diſcrimen minimo detrimento depulſum eſt.

LVI. Interim e propinquiſ oppidiſ legati venerunt ad Cæſarem, frumentum, & quidquid imperatum eſſet, pollicenteſ. Ita Ruſpinam proceſſum eſt: quod oppidum aperuit portat. ibique caſtra Cæſar poſuit Kalendiſ Januariiſ, quibuſ ipſe dictaturam ſimul atque conſulatum, utrumque honorem tertium iniiit, M. Æmilio Lepido magiſtro equitum, & conſulatuſ collega. Hoc ei præmiuſ deberi putabat, a quo primum dictator erat dictuſ: quamquam & triumphum ei decreverat, nulla re geſta, præterquam Longini & Marcelli compoſitiſ diſcordiſ. neque translatum eſt in eo triumpho quidquam, niſi raptæ ex fociſ pecuniæ. Hæc eo anno geſta ſunt: & cum novi magiſtratuſ inſiſſent, lupuſ in urbe viſuſ, & ſcrofa foetum, præterquam pedibuſ elephanto ſimillimuſ, edidit.

§ LIV. Sueton. in Cæſ. c. 59. Dio. Front. Strat. 1, 12. Plut. Auctoſ. de B. Afric. § LVI. Diodor. 1, 11. Oroſ. 6, 16. Dio.

JOANNIS FREINSHEMII SUPPLEMENTORUM LIVIANORUM

LIBER LXXIX.

IN LOCUM LIB. CXIV LIVIANI.

E P I T O M E

LIBRI CENTESIMI DECIMI QUARTI

Bellum in Syria Cæcilius Bassus, eques Romanus Pompejanarum partium, excitavit, relicto a legione Sex. Cæsare, quæ ad Bassum transferat, occisoque eo. Cæsar Scipionem prætorem, Afranium, Jubamque vicit ad Thapsum, castris eorum expugnatis. Cato, audita re, cum se percussisset Uticæ, & interveniente filio, curaretur, inter ipsam curationem rescisso vulnere exspiravit, anno ætatis quadragesimo nono. Petrejus Jubam seque interfecit. P. Scipio, in nave circumventus, honestæ mortis vocem quoque adjecit: quærentibus enim imperatorem hostibus dixit, Imperator bene se habet. Faustus & Afranius occisi. Catonis filio venia data. Brutus, legatus Cæsaris, in Gallia Bellovocos rebellantes prælio vicit.

I. CUM præter Africanos & Hispanienses motus nihil usquam timendum Cæsari videretur, repens e Syria tumultus Romæ adhuc agenti nuntiatus est. Ejus auctor Cæcilius quidam Bassus exstitit, eques Romanus Pompejanarum

partium. Is ex infelici prælio Tyrum se receperat, & in emporio latens bene secum putabat agi, quod vita fruebatur. Sed ubi milites Sex. Cæsari propter adolescentiam & voluptates parum amicos atque fidos esse cognovit, simulque Tyrios spoliatum a dictatore Cæsare fanum Herculis ægrius ferre, paulatim ad se contrahere Pompejanos cœpit, militesque, uti præsidii causa nunc hi, nunc illi Tyrum mittebantur, sollicitare.

II. Sed hæc initia cum spernenda viderentur, abstertere Cæsarem ab Africana expeditione nequiverunt: stimulum addiderunt tamen, ut eo celerius proficisceretur, quo, maturata ibi victoria, anteveniret orientes turbas, aut nondum confirmatis occurreret. Sed ubi *Cæsarem in Africa periclitari* fama tulit, simul recepto more hominum fingendi, quæ facta quisque cupiat, *T. Murcus perisse naufragio, Asinius vivus delatus in hostium manus, naves quinquaginta vi ventorum Uicam ætæ* prædicabantur; jam erectior apertiorque Bassus, sive Pompejanorum partium studio, sive privatim potentiam quærens, copias colligere instituit, Sex. Cæsari, qui rationem actorum reposcebat, *Mithridatem Pergamenum* excusans, *cui ad mandatum a Cæsare bellum milites conqui-
rerentur.*

III. Sed ubi vires placuerunt, vulgatis epistolis quibusdam, quas ajebat *ex Africa mississe Scipionem* (interitus autem Cæsaris & commissum ipsi a Scipione Syriæ imperium continebatur) ducem partium professus, Tyrum occupat. inde ad castra Sex. Cæsaris proficisci ausus, prælio vincitur, & vulnus accipit. nec ultra vim experiri volens, ad corrumpendos Sexti milites se convertit, hoc eventu, ut & Sextus interficeretur, & milites ad Bassum transfirent, exceptis, qui Apameæ hiemaverant. Hos in Ciliciam transgressos frustra Bassus infecutus, postquam in Syriam rediit, *pratoris* assumpto vocabulo, Apameam, quod erat situ atque

§ I. Cic. familiar. 12, 17. Liv. Epit. Diodor. 1. 47. Appian. civil. 1. 2. § II. Cic. pro Dejot. c. 9, & ad Attic. 12, 2. Joseph. de B. Jud. 1, 8, & antiq. 14, 17. Dio.

opere munitissima, fedem bello cepit; & juventute non ingenua modo, sed & fervorum, centuriata, pecunias cogere, parare arma, denique rebus omnibus munire se instituit.

IV. Interea Cæsar in Africa perdifficile bellum gerebat contra maximas hostium copias, rebus omnibus impar, & tantum fortunæ suæ animoque & consilio innixus. Sed & frumenti inopia urgebatur, cujus tenuis erat Ruspinae annona, panis simul obsonique vicem siccata implente ficu: & expediundi difficilis erat ratio, quia Cæsaris equitatus, nondum satis e maritima jactatione & nausea confirmatis equis, prælio non audebat contendere: contra Numidæ Maurique, velox & expeditus eques, indefinenter locis omnibus vagabantur, &, quia numero etiam multo erant superiores, haud mediocriter Cæsarem angebant. Forte accidit, ut Cæsaris equites, cum, Afri cujusdam cantu atque saltatione deliniti, laxis custodiendos equos dedissent, subita Numidarum irruptione turbarentur, & vix insilire in equos atque in castra refugere possent.

V. Quod nisi Cæsar ipse, cum Asinio Pollione & instructis cohortibus, progressi extra vallum eos recepissent, magna clades, &, ut nonnulli putant, ad summam victoriam efficax, accepta foret. Itaque Cæsar in Sardiniam nuntios, in Siciliam Rabirium Postumum mittit ad arcessendos com meatus. Huic decem longæ naves attributæ, mandatumque, ut, priusquam in Siciliam transjiceret, adquirendas reliquas naves, quæ deerraverant, & tuendum ab hostibus mare, circumiret Africam. C. Sallustius prætor cum parte navium Cercinnam ire jussus, quæ ab hostibus tenebatur, ubi *magna dicebatur esse frumenti copia*. Hæc ita imperabantur, ut suscipienda sine conditione, atque exsequenda sine mora essent; neque ulla excusatio, fieri posset, necne, recipiebatur.

VI. Inter hæc occupata præsidioque sex cohortium firmata Lepti, Ruspina regreſſus, *frumentum in agris reper-*

§ III. Liv. Epit. Joseph. antiq. Strab. l. 16. § IV. Plin. 15, 19. Diodor. l. 11. Plut. in Cæs. c. 71. § V. Auctor de B. Afric.

tum, magnamque lignorum vim comportari in oppidum jubet. ipse de suis, qui nondum appulerant, sollicitus, cum septem admodum cohortibus circa vesperam conscendit naves, magno cum metu eorum, qui cum paucis tironibus contra incredibilem multitudinem hostium expositi, ab imperatore relinquebantur. Sed fortuna Cæsaris hic quoque providit celeriter. Cum, una nocte consumpta in navibus, jam luce prima constituisset vela facere, repente apparuit classis, quam quærebat. Itaque militum equitumque non contemnendo numero auctior, Ruspnam protinus rediit.

VII. Inde cum cohortibus triginta expeditis, & equitibus quadringentis, sagittariorumque non magna manu, frumentatum est profectus pridie Nonas Januarias. Ibi se Labienus & duo Pacidii, cum Maurorum Numidarumque equitum octo millibus, Gallis Germanisque mille sexcentis, & sagittariis ac funditoribus, hippotoxisque compluribus objiciunt. struit aciem Cæsar, præmissis sagittariis: equitatum in cornibus collocat. Sed ille, ab adversariorum multitudine repulsus, continuo cedit: legionarii circumventi in orbem pugnare coguntur. Ibi Labienus, galea detracta, suos hortari, appellare Cæsarianos; donec, petitus a milite decumano, equo graviter faucio averteretur.

VIII. Interim Cæsar, omnibus viribus equitum peditumque connixus, divisam hostium coronam ab utroque latere disjicit, neque longe infecutus, ad sua se præsidia instituit recipere. Sed Petrejus & Cn. Piso, cum equitibus Numidis mille centum electis, peditumque & levis armaturæ quatuor millibus supervenientes, mutare consilium, & medio campo reintegrare pugnam adegerunt. Cum ita præliarentur hostes, ut cum equitatu levis armatura Numidarum procurreret, coortis deinde Cæsarianis, equites refugerent, pedes exciperet certamen, donec illi, resumto cursu, iterum inveherentur; eaque pugnandi forma nova & terribilis Cæsarianis objiceretur: Cæsar negotium suis

dedit, ut omni conatu submoverent hostes, atque ultra postremos, qui apparebant, colles proturbarent.

IX. Tum demum pugnandi finis est factus, postquam ab hora diei quinta usque ad occasum solis dimicatum esset. Multi ex Cæsaris militibus interfecti sunt, non sine crebris adversariorum vulneribus. Petrejus etiam graviter ictus deseruit pugnam; sed, necessitatem dissimulans, cum receptui cani jussisset, *non esse fraudandum gloriae victoriæ Scipionem imperatorem suum*, dictitabat. Saucii, quorum maximus fuit numerus, plaustris Adrumetum deportati sunt. Eo prælio quidam auctores sunt fugientem aquiliferum a Cæsare correptum conversumque fuisse, cum dicto, *hic hostes sunt!* atque unius illius virtutem saluti fuisse ceteris, si absque illo essent, indubitanter perituris.

X. Inde Cæsar cum suis in castra se recepit ad Ruspinam, eaque modis omnibus communire instituit, vallo ab oppido ad mare, itemque altero a castris eodem perducto. Nam a paucoribus male acceptus, Scipionem haud injuria metuebat, qui post prælium factum die tertio, *cum legionibus octo & equitum millibus quatuor adventare* nuntiabatur. Is postquam affuit, collaudatos, qui proximo prælio rem strenue gesserant, milites pro concione donavit, ut alacritatem suorum honoribus & præmiis incitaret. Ibi res accidit non indigna relatu. Labienus equitem commendabat imperatori, *aureas armillas meruisse*, confirmans. At Scipio nolebat dare, quia nuper ille servus fuerat, ne vilesceret castrensium donorum honor. Ibi Labienus armillas equiti dedit ex Gallica præda. Tum Scipio, *habeis*, inquit, *donum viri divitis*. Ad quam vocem submisso vultu eques projecit aurum ad pedes Labieni. Mox dicente Scipione, *imperator argenteis armillis te donat*, exsultans gaudio abiit. Tanta inerat animo, etiam in humili fortuna, gloriæ cupiditas.

XI. At perculsi cum adventu Scipionis Cæsaris milites erant, tum etiam, quia naves suæ onerariæ passim nun-

§ VIII. Diodor. l. 47. Auctor de B. Afric. § IX. Dio. Auctor de B. Afric. Appian. civil. l. 2. Plut. Val. Max. 8, 14.

tiabantur expugnata; quia, non prædicto loco, ubi appellerent, errabant, & a compluribus adversariorum scaphis singulæ excipiebantur. Inter has deprehensa navis est, quæ fratres duos tribunos militum legionis quintæ vehebat, Titii Hispani dicebantur: atque hi, cum se C. Virgilio prætorio dedidissent, ad Scipionem deducti, tertioque post die interfecti sunt; cum major eorum, ut ante fratrem occideretur, a centurionibus impetrasset.

XII. Ad hæc, cognita Cæsaris necessitate, Juba rex spatium convalescendi non daturus, cum ingenti exercitu veniebat. Adversus hæc omnia Cæsar timorem militum nova ratione compescuit, augendo periculi famam. Quippe vocatis ad concionem militibus, *Scitote*, inquit, *paucissimis his diebus regem adventurum cum legionibus decem, equitum triginta, levis armaturæ centum millibus, elephantis trecentis. Proinde definant quidam quærere ultra, aut opinari, mihi quæ, qui compertum habeo, credant: aut quidem vetustissima nave, quocunque vento, in quasunque terras jubebo avehi.*

XIII. Præceptum videri hæc exaggeratio hostilium virium queat: sed in audaci cœpto plenoque periculorum plus oberat, extenuare velle verbis, quod sensibus res ipsa ingerebat quotidie: & præstabat hanc in partem decipi milites, plus habituros spei, si, obfirmatis ad graviora animis, minora opinione discrimina tractando comperissent. Ceterum Jubam, vix regno egressum, necopinatae domi turbæ confestim revocarunt.

XIV. Publius enim Silius Nucerinus, junctis cum Bogude rege copiis, invasit Numidiam: Cirtaque maximo oppido paucis diebus expugnato, & uno atque altero capto oppido Gætulorum, necessitatem ei sua defendendi imposuerunt. Igitur abductis a Scipione suis auxiliis, reliquit tantum elephantos triginta, rudes adhuc, & multorum annorum usu vix edocendos. plus ergo specie, quam viribus, nocebant, quia perterriti hostium equi ad conspe-

§ XI. Auctor de B. Afric. § XII. Sueton. in Cæs. Polyæn. Strat. l. 8. § XIII. Dio.

ctum eorum pavore auferebantur. Sed ubi jussu Cæsaris transportati sunt ex Italia nonnulli, frequenti horum & innoxio visu equi timere desierunt. Interim adventu suo per oppida nuntiari jussio, multos excivit Cæsar, ut, ad eum adeuntes, *de acerbitate Pompejanorum* quererentur. hæcenus enim non ipsum, sed aliquem legatorum ejus venisse crediderant.

XV. Ille, motus hominum querelis, & vastationem Africæ, quæ miserandum in modum vexabatur, non ferens, literas in Siciliam misit, *uti sine excusatione hiemis ventorumque confestim trajiceretur exercitus*. eratque is ardor viri, ut postridie, quam nuntium miserat, oculos mentemque ad mare directam tenens, *moræ cunctationisque* suos infirmularet. Mordebat acerrimum imperatorem, quod neque suppetias ire fidem suam implorantibus poterat, & Scipionis insultationes aspicere quotidie atque ferre cogebatur.

XVI. Nam ille, superioribus præliis suorum elatus, cum per aliquot continuos dies non longe a suis castris instructa acie stetisset, neque Cæsar contra exiret, contempto tandem hoste ad castra illius cum explicata acie & elephantis processit. At Cæsar castris tenebat suos, quæ contra quamlibet vim hostium, operum tormentorumque multitudinem & firmitate, & quia præsens ipse erat, satis muniverat. Neque de victoria male sperans intra vallum manebat. Sed quia cum paucis & tironibus vincere sine multo suorum sanguine nequibat, turpe rebatur, post tot devictos hostium exercitus, cum reliquis pugnantem cruentam existimari retulisse victoriam.

XVII. In eo statu rerum licet superior Scipio videretur, multi tamen ex castris ejus profugiebant Numidæ & Gætulique: quorum alii repetebant domos, alii se transferebant ad Cæsarem, quem C. Marii affinem esse didicerant; cujus magnis beneficiis ipsi majoresve eorum fuerant usi. Horum illustriores quosdam mittit cum literis,

§ XIV. Auctor de B. Afric. Appian. Dio. § XVI. Plut. in Cæs. Auctor de B. Afric.

ut populares suos ab obsequio hostium ad amicos sociosque transducerent. Interim & Leptis a Saserna contra Labienum defensa est; Acillani, (libera civitas erat, Melitenensium colonia) recepto Cæsaris præsidio, quod C. Messius ædilitius introduxit, Confidio Longo cum cohortibus octo venienti clausurunt portas, Adrumetumque redire nulla re gesta coegerunt: & ab eodem paulo post, cum Labieni equitibus regresso, obsessi oppugnatique sunt. At C. Sallustius desertam fuga C. Decimii quæstorii Cercinam adeptus, magnum frumenti numerum in castra Cæsaris misit: & sub idem ferme tempus legio XIII & XIV, quas A. Allienus proconsule cum equitibus Gallis octingentis, & mille sagittariorum atque funditorum Lilybæi imposuerat in naves, prospero cursu ad Cæsarem pervernerunt.

XVIII. Dum hæc variis locis administrantur, M. Cato supplementum, arma, commeatum cogebat Uticæ, atque horum aliquid subinde in castra Scipionis mittebat. consilium quoque addidit *non laceffendi Cæsaris, cuius impetus nulla re opportunius frangi, quam mora, posset.* Superbe rejectum hoc a Scipione, semelque rescriptum, *suscipere debere Catoni tutum in oppido munito otium: ne aliorum quoque alacritatem, opportunitate temporum usuram, inhibeat.* Pupugit ea Catonem exprobratio, rescripsitque, *paratum cum iis, quas adduxisset in Africam, copiis trajicere in Italiam, atque Cæsarem ad eam tuendam retrahere.* Ubi hæc etiam irrita est ab Scipione ratio, non obscure tulit Cato, *pænitere, quod eo tempore, ubi summa respublica ageretur, honoratori cessisset prudentior.*

XIX. Sed Cæsar, veteranas legiones nactus, omnibus consilii ignavis præter Ruspinam cum toto exercitu versus Uzitam oppidum pergit, ante quod in edito colle Numidarum præsidium erat. Id postquam a Cæsare capi Labienus animadvertit, cum multis equitibus accurrens subli-

§ XVII. Dio. Auſtor de B. Afric. Strab. l. 16. Mela. § XVIII. Cic. familiar. 13, 78. Auſtor de B. Afric. Plut. in Cat. c. 174.

dio, per Cæsaris equites ab exercitu suo est interclusus: &, ipso cum Numidis effugiente, Galli Germanique, quos adduxerat, post acrem pugnam interfecti sunt. Hinc proprius oppidum progresso Cæsare, Scipio, ne locum opportunum amitteret, cum instructo exercitu, elephantisque in utroque cornu locatis, haud procul Uzita constitit.

XX. Cæsar, quod hostis inde non digrediebatur, minime committendum ratus, ut cum fessis militibus eodem tempore & exercitum hostium, & oppidum cum valido præsidio Numidarum oppugnaret, suos in castra reduxit. At Confidius, qui Acillam magnis operibus oppugnabat, equestris prælii cognito eventu, discessit protinus, & per regnum Jubæ reductum exercitum cum Scipione partitus, Adrumetum rediit. Inter hæc tam prospera Cæsar tamen parvis detrimentis ignominiaque carpebatur, quod ex secundo suo Siciliensi comœatu navis a Virgilio ad Thapsum capta, itemque alia ad Ægimurum a classe P. Vari & M. Octavii excepta est.

XXI. In his deprehenſi milites cum adducti ad Scipionem essent, atque is vitam concederet sub conditione, *ſe militare adverſus Cæſarem vellent*, centurio legionis XIV, gratiis actis, recusavit beneficium; ferociterque adjecit, *ut intelligere Scipio poſſet, contra quos viros ſuſcepſiſſet bellum, ſe cum decem veteranis ſuis, cum cohorte, quam Scipio delegiſſet ex toto exercitu, pugnaturum*. Ibi Scipio iratus annuit centurionibus, ut conſeſtim hominem trucidarent. veteranos captos, *neſario ſcclere contaminatos, & ſaginos cæde civium increpans*, extra vallum cum cruciatu necari juſſit. tirones in ſuas legiones diſpertitus eſt. Similis animus eventusque per eodem dies Petronio Granio quæſtori designato fuit, qui & ipſe, capta navi, oblatam a Scipione ſalutem reſpuit, incumbensque gladio, *hanc, ait, dare Cæſaris milites, non accipere conſueviſſe*.

XXII. Cæſar, his auditis, eos, quos ad Thapſum cum

§ XIX. Auſtor de B. Afric. Dio. § XXI. Sueton. in Cæſ. c. 6. Auſtor de B. Afric.

longis navibus præsidio esse onerariis jusserrat, gravissimo proposito edicto, cum ignominia dimittendos censuit. Erat enim militum suorum amantissimus, adeo ut, *audita P. T. turii clade, submisisse barbam capillumque* dicatur, *nec nisi post vindictam posuisse*. Per eos dies, sub occasum Vergiliarum res mira accidit in castris. Pauci habebant ex pellibus tentoria: nec enim portari ex Sicilia quidquam, præter ipsos milites & arma, Cæsar erat passus; neque parare in Africa potuerant, quod tota ferme regio ab hostibus aut tenebatur, aut exinanita direptaque fuerat.

XXIII. Plerique vestimenta tetenderant, atque arundinibus scopisque contextis utcunque se tegebant. Sed circiter secundam vigiliam, exortus cum grandine imber tentoria nimio pondere rupit, ut, extinctis ignibus, itempesta nocte milites per castra vagarentur, nihil habentes præter scuta, quibus capita contegerent. Eadem nocte pilorum quintæ legionis cuspides ardere visæ.

XXIV. Scipio inter hæc multis nuntiis Jubam evocabat, cunctantemque *omni promissa Africa, qua Romani juris esset*, permovit tandem, ut cum tribus legionibus, & equitibus frenatis octoginta, magnoque Numidarum equitum & levis armaturæ numero, ac triginta elephantis regno egrederetur; Sabura cum parte exercitus contra Sitium relicto, qui nuper castellum omni rerum copia locuples de rege ceperat. Ejus adventu Cæsar consilii sui plenum fructum tulit: cum enim haud procul Scipionis castris seorsim confedisset, simul ex propinquo vires ejus cognosci potuere, metus Julianorum versus in contemptum est. Scipioni tamen crevit animus, ut instruere exercitum, & paulo longius a suis munitionibus progredi auderet. At Cæsar, non facta potestate pugnandi, opera sua promovebat, donec ab adversariis, occupato proximo colle, pergere prohiberetur.

XXV. Sed collis vi receptus est, decussio Labieni præ-

§ XXII. Plut. in Cæs. c. 32. Auctor de B. Afric. Sueton. in Cæs. c. 67. § XXIV. Dio. Auctor de B. Afric. Plut. Cæs.

fidio, & irritis, quas posuerat, insidiis, quia, priusquam Cæsar accederet, ex locis occultis Labieni milites metu profugerant. ipse vix cum parte equitum evasit. Cum deinde opera continuaret Cæsar, ad impediendum omnis adversariorum equitatus & leviter armati præcurrerunt sub vesperam, deductasque ab opere copias Cæsar impetierunt. Et equitatum quidem multitudine sua submoverunt celeriter; sed ubi converso itinere Cæsar cum cohortibus affuit, equites confirmati repulerunt inter sequendum sparsos Numidas, multisque interfectis, eos rejecerunt in castra regis; ne omnes internecione delerentur, & ipse rex cum Labieno deveniret in potestatem Cæsaris, nocte ingruente, & commoto venti vehementia pulvere, prospectum hosti adimentibus, erepti sunt.

XXVI. Interea cum Cæsar per colloquia militum, spargendisque literis, *libertatem, atque res suas Afris, præmia insuper Romanis ad se accessuris* esset pollicitus, ex legionibus Scipionis quarta & sexta, in quibus Gætuli erant, cives Romani plerique omnes, permulti partim in castra Cæsaris, partim, qua quisque potuit, profugere. Equites etiam, qui ex clade Curionis apud Varum remanserant, complures eodem consilio sunt usi. Sed & Gætuli, quos cum literis Cæsar domum isse diximus, cives suos ad defendendum a rege Juba perpulerunt. Sub idem tempus nona & decima Cæsaris legiones ex Sicilia venerunt, ob inopiam navium tardius. quam nactus ansam Cæsar, C. Avienum tribunum militum legionis decimæ, cum ignominia dimisit, quod navem cum familia sua jumentisque & comitatu occupaverat, immenior sub eo se imperatore stipendia facere, qui maxima classe Britanniam petens, tres tantum feros suos imposuerat.

XXVII. Eadem & aliis quibusdam ignominia addita, quos ob seditionem rapinasque factas in Italia clam oderat. Interesse arbitror, ipsa referri verba præstantissimi im-

§ XXV. Dio. § XXVI. Auctor de B. Afric. Athen. 6, 20.

T. Liv. Vol. XI.

peratoris. Tribunis centurionibusque convocatis omnibus; *Maxime vellem*, inquit, *homines suæ petulantia nimiaque libertatis aliquando finem fecissent, meræque lenitatis, modestiæ, patientiæ rationem habuissent. Sed quoniam ipsi sibi neque modum, neque terminum constituunt; quo ceteri dissimiliter se gerant, ego met ipse documentum more militari constituam.* C. *Aviene*, quod in Italia milites populi Romani contra rempublicam instigasti, rapinasque per municipia fecisti; quodque mihi rei publicæ inutilis fuisti; & pro militibus tuam familiam jumentaue in nares imposuisti; tuaque opera, militibus tempore necessario respublica caret: ob eas res ignominia causa ab exercitu meo te removeo, hodieque ex Africa abesse, & quantum potest proficisci jubeo. Itemque te, A. *Fontei*, quod tribunus militum seditiosus, malusque civis fuisti, ab exercitu dimitto. T. *Saliene*, M. *Tiro*, C. *Clusinas*, cum ordines in meo exercitu beneficio, non virtute, consecuti, ita vos gesseritis, ut neque bello fortes, neque pace boni aut utiles fueritis, & magis in seditione concitandi milites adversus vestrum imperatorem, quam pudoris modestiæque fueritis studiosiores: indignos vos esse arbitror, qui in meo exercitu ordines ducatis; missosque facio, & quantum potest abesse ex Africa jubeo.

XXVIII. Interea Cæsar, perfectis, quæ instituerat, operibus suis, & a vallo castrorum ad Uzitam usque duobus perductis brachiis, præter alia commoda hoc erat affecutus, ut ex propinquo sollicitare hostium animos posset, & transfugere volentibus paratus receptus esset. evenitque, ut simul Gætuli quidam nobiliores cum equis & calonibus circiter mille in castra Cæsaris perfugerent. Scipio ceterique, commoti hoc incommodo, ad M. Aquinium senatorem miserunt, quem forte sub idem tempus colloqui cum C. Safferina viderant.

XXIX. Sed ille, nihil motus nuntio Scipionis, colloqui perseverabat, donec missus a Juba viator, audiente Safferina, *Vetat*, inquit, *te rex colloqui.* & homo Romanus, populi beneficio usus, cum imperatori suo parere noluisse, regi barbaro audiens dicto fuit. Sed hunc excusat Scipio, quena

ajunt ante regis adventum purpureo fagulo usum, tum ad album vestitum se contulisse, quod Juba negasset, *eodem illum cultu esse oportere, quo ipse uteretur.* At hic cum Cæsare dimicabat, cui si obtemperare vellet, primas post illum in urbe tenere, multisque Juba potentioribus imperare posset. Postridie duo exercitus armati instructique a mane usque ad horam decimam, intervallo circiter passuum trecentorum steterunt: nec tamen commissa est pugna. tantummodo leve prælium equestre factum, minime dignum memoria.

XXX. Ceterum per eos dies mari gesta res est, cum P. Varus de navibus Q. Aquilæ ad Leptim quasdam onerarias incendisset, vacuasque defensoribus quinquereμες abstraxisset duas. Hoc ubi Cæsari circumeunti opera sua nuntiatum est, protinus eques contendit Leptim, & instructis, quæ aderant, navibus, Varum celeritate tanta perterritum egit in fugam, quinqueremem unam recepit, triremem repugnantem cepit. postridie profectus Adrumetum, quo se Varus contulerat, naves, quotquot extra Cothonem erant, aut incendit, aut subduxit: & cum classe dimicare non auderent hostes, in castra sua rediit. E captivis interfici unum jussit P. Ligarium Afranianum, qui, dimissus in Hispania, contra datam fidem iterum ad adversarios Cæsaris se receperat.

XXXI. Paucis post diebus cum Cæsar circum villas, ubi rustici fruges in subterraneis specubus condiderant, frumentatum mitteret, Labienus insidias struxit. Sed re conperta, Cæsar insidiatores, occisis ferme quingentis, dejecit loco, Labienumque, suis cum equitatu venientem auxilio, legionum objectu deterruit. Numidæ, qui loco amisso in castra refugerant, imperio Jubæ crucibus affixi pependunt. Fatigabat tamen Cæsarem inopia frumenti, & quod eam ob necessitatem quacunque profectum equitatus & levis armatura Numidarum infestabat, velox hominum genus, & ad procurrendum, & telis coniectis, ad refugium habile. neque his resistere Cæsaris equitatus sine le-

gionibus poterat. Idcirco, licet veteranos haberet milites, tamen quemadmodum contra levem & concursatorem hostem se tuerentur, tanquam lanista tirones solet, accurate docere coactus est.

XXXII. Ad hoc *ex singulis legionibus trecentos* jubebat *expeditos incedere*, quorum onera & farcinæ a commilitonibus portabantur, *ut ingruente hoste præsto essent, qui objicerentur*. Hæc diligentia tantum emolumenti rebus ejus attulit, ut sæpe tentatus, a Labieno præsertim, multo plus damni daret hostibus, quam acciperet; neque eo minus ple- rasque expeditiones, quo volebat eventu, faceret. Nam præter hostium castra ductis legionibus, oppidum Zetam cepit; neque diu post Sarfuram.

XXXIII. Vaccenses tamen, cum præsidium a Cæsare petiissent, priusquam illud perveniret, a rege Juba omnes ad unum interfecti sunt, oppidum direptum deletumque. Nec ideo minus Thabenenses, ad mare sita non magna civitas, a rege defecerunt, occiso, quod ibi fuerat, præsidio; quibus petentibus auxilium Cæsar M. Crispum tribunum cum cohorte & sagittariis tormentisque compluribus misit. sub idem tempus novæ copię venerunt ad Cæsarem, ex iis, qui morbi causa, aut commeatu impetrato, prius trajicere nequiverant, militum quatuor millia, quadringenti equites, funditorum sagittariorumque mille.

XXXIV. Tanto magis dabat operam, ut de summa rerum dimicaret, sibi militique veterano fidens: & quia hostes a munitioribus locis deduci non poterant, prid. Non. April. castra movit, & sedecim millia passuum celeriter emensus, obsidere Thapsum instituit. Thapsus in peninsulæ speciem hinc mari, inde stagno salinarum ambitur: inter quod & mare via non amplius mille quingentorum passuum relinquebatur, quam triplici præsidio occupavit Cæsar, ut Scipionem eo itinere excluderet. Et affuit ille, ne fidissimum partibus oppidum per summum dedecus indefensum

§ XXXI. Dio. Auctor de B. Afric. § XXXIII. Strab. l. 17. Auctor de B. Afric.

relinqueret : ac declinata, quam videbat obfessam, via, supra stagnum ad mare versus castra munire cœpit.

XXXV. Ea re cognita, Cæsar cum pleraque parte exercitus eo contendit : *partem etiam classis ad litus accedere jubet, & hostibus a tergo terrorem incutere.* At Scipio, parte militum ad opus relicta, ceteras copias pro vallo instruxit, elephantosque disposuit in cornibus. Cum valde cuperet configere Cæsar, impetu militum victum est ejus desiderium, qui retenti revocatique (tantus ardor incefferat) coegerunt tamen tubicinem classicum canere, &, frustra obstitentibus centurionibus, in hostem irruerunt. Et Cæsar, secutus impetum, signo Felicitatis dato, equum admisit, ut more suo princeps cieret pugnam.

XXXVI. Interim elephanti rudes & nuper a silva, fundarum lapidumque stridore avertuntur, proterunt suos, & in semifactas valli portas incidendo infirmum adhuc opus proruunt. In eo prælio admirabilis existit virtus cujusdam ex legione quinta veterani, qui, viso elephanto in oppressum lixam sæviente, ultro petiit belluam, & in altum ab ea sublatus, ferire proboscidem, qua erat circumdatus, non destitit, donec dolorem non ferens elephante, abjecto eo se daret in cursum, fugientesque reliquos consequeretur. Inde postea quintæ legionis elephanti fuerunt insignia. Hinc magna cædes & in campo Scipionis militum fuit, & ad vallum hostium, quo post acre prælium potitæ sunt Cæsar's legiones. Inter hæc qui præsidio Thapsensibus erant, sive confirmandorum suorum causa, sive fugiendi consilio, sine inguinum ingressi mare, terram petebant : sed a calonibus Cæsar's clamore jactuque pilorum atque lapidum deterriti, in oppidum se receperunt.

XXXVII. Reliquiæ victi exercitus ad priora castra, unde nuper egressi fuerant, refugerunt ; sed ibi neque præsidium ultra, neque dux erat, cujus auctoritate regerentur : & cum

§ XXXIV. Front. Strat. 1, 3. Dio. Auctor de B. Afric. § XXXV. Flor. 4, 2. Auctor de B. Afric. § XXXVI. Flor. Dio. Auctor de B. Afric. Appian. civil. 1, 2.

in regia castra profugerent, illa quoque jam a Julianis occupata reppererunt. quippe fortuna & impetu victoriæ Cæsar usus, & hæc castra, fugiente Juba, & Afranio, qui seorsim tetenderat, exterrito, tertia quoque quasi momento ceperat.

XXXVIII. Tum ergo Scipionis milites, desperata salute, Julianos consalutant, Cæsarisque implorant fidem. nec eo minus a veteranis ira & dolore efferatis conciduntur. Quin & in Cæsaris exercitu quidam illustres a militibus interfecti sunt, ob tantam rem gestam cujuslibet delicti sibi pollicentibus impunitatem. inter quos & Tullius Rufus quæstorius pilo transiectus est: & Pompejus Rufus, vulnere in brachium accepto, nisi celeriter confugisset ad Cæsarem, esset occisus. Hæc tanta licentia, & quod ante Cæsaris imperium signa cecinerunt, fidem faciunt narrantibus, inter instruendam aciem comitali morbo, quo frequenter solebat laborare, correptum, dum pugnatur, in turri quadam propinqua quievisse.

XXXIX. Idcirco victæ quoque partes *victoriam Cæsaris non militum suorum ignavia, (nam eos quidem pugnavisse fortiter) sed partim ducum imperitiæ, partim fortunæ Cæsaris* transcriperunt; *quod tam facile victus erat exercitus octoginta millium armatorum, jam a multo tempore assuetus operibus bellicis, & ex prima pugna magnam adeptus spem victoriæ.* Ingentem profecto fuisse Cæsaris felicitatem, utro modo gesta res sit, eventus docuit, cum hostium cæsis millibus quinquaginta, captis sexaginta elephantis, vix quinquaginta milites amiserit.

XL. Pugna feliciter confecta, Cæsar, relicto ad Thapsum C. Rebilo proconsule, ad Tisdrum Cn. Domitio, illo cum tribus, hoc cum duabus legionibus, Uticam præire M. Messallam jubet; ipse cum equitatu subsequitur. Interea Scipionis equites, qui ex prælio fugerant, Paradam oppidum,

§ XXXVII. Plut. Cæs. Eutrop. Auctor de B. Afric. § XXXVIII. Plut. Cæs. Sueton. Appian. § XXXIX. Plut. Oros. 6, 16. Auctor de B. Afric.

ubi non recipiebantur, expugnant, incolas omnes, cum rebus eorum atque facultatibus, in medio foro comburunt vivos: deinde Uticam proficiscuntur. Uticæ, sicut prædiximus, Cato curabat. is tertio post pugnam die nuntio cladis accepto, convocavit in templum Jovis trecentos ex negotiatoribus cives Romanos, qui Scipioni pecuniam ad bellum dederant, unaque senatores Romanos, qui aderant, & senatorum filios.

XLI. Ubi comparuerunt, exorsus Cato, *Fortuna*, inquit, novum aperuit nobis ostendendæ virtutis atque constantiæ theatrum. Visi sunt exercitus ducesque nostri, atque omnis residua spes salutis ac libertatis in nos recumbit. Sane cum magnitudinem cladis confidero, tanta est, ut quorumlibet non firmissimorum animi terreri ea atque domari queant: cum in vos respicio, cives, cum alacritatem fidemque vestram expendo, quæ neque pecuniis, neque corporibus vos parcere sivit, dum reipublicæ consulereis; eos esse existimo, qui censeri debeant cuilibet fortunæ pares. Sed neque præcipere vobis quidquam est animus, neque reformidantibus pericula necessitatem suscipiendorum imponere.

XLII. Unum monere res & benevolentia mea imperat, ut eodem consilio, qualecunque tandem illud probatum fuerit, utamini. Distracti sententiis & fuga, singulis etiam opportuni ad quamlibet injuriam eritis; junctos & unanimes neque spernæ hostes Cæsar, neque supplices aversabitur. Ite igitur, & utrum videatur esse ratio potior, liberrima consultatione disquirite, neque meos sensus revereatur quisquam. Fortunam sequentes, necessitati hoc dare arbitrabor: obfirmantes animum, ut dignum tali exemplo erit, & admirabor, & laudabo, & hujuscemodi me viris ducem atque commilitonem adjungam in omnes casus. Neque vero conatibus consiliisque, Thapsum aut Adrumetum aut hanc Uticam statuimus terminos. Roma cogitanda nobis est, communis omnium patria, caput rerum, & imperii sedes.

XLIII. Neque vero credibile est, huic omnium late popula-

§ XL. Zonar. Auctor de B. Afric. Strab. l. 17. Plut. in Cat. 2.
76.

rum concessisse imperium Deos, ut ipsam alieno subjicerent arbitrio. nobilius urbi fatum est, ideoque multis sæpe fluctibus agitata rursus emerfit, tyrannosque suos aut virtute sua excussit, aut felicitate evasit. Cinna quidem a suis ille militibus imperfectus est. Marius atque Sulla acerbiori fato perierunt, quam qui a crudelissimis hostibus cum exquisito cruciatu necantur. Neque frustra celebratum est M. Drusi dictum, qui pater tribuni fuit, Sacram esse rempublicam, eique pœnas esse persolutas ab omnibus, qui violare illam sustinuissem.

XLIV. Igitur bonitate causæ Deorumque justitia fretis, ad hæc Romanæ reipublicæ fortuna, nihil præterea requirendum videatur. Sed tamen & alia supersunt, ob quæ lætum rei exitum desperare nemo debeat. Quanti enim esse creditis, quod nos uni huic negotio intenti erimus, hosti plus etiam respiciendum est? Hispaniam Cn. Pompejus commovit: Roma ipsa jugi impatiens nondum didicit perferre servitutem. Sed nec extenuare pericula moris mei est, quæ non ignoranda, sed contemnenda viris fortibus arbitror. Exemplum vel ab hoste petite, quantos ille labores exhaust, quanta adiit discrimina, ut vinceret eos, quibuscum ei fuit contentio!

XLV. Qua tandem ille spe, aut quo pretio? non alio certe, quam tyrannidis, quæ neque tutior est omnibus illis periculis, per quæ paratur; & si contingat vel quietissima, nulla non calamitate est inferior. At nobis, queis omne consilium in eo est, non ut injuriam faciamus cuiquam, sed ut rempublicam defendamus, neutra fors cadere infelicitate potest. Nam aut victoribus in libertate & legitimis honoribus fortunata vita per virtutem transigetur: aut vi superatis calamitatum finem mors asseret, non exstinguet fructum virtutis gloriam. Sed de istis quidem inter vos deliberabitis, orantes supremum numen, uti vobis pro veteri virtute atque fide vestra animos consiliumque duit.

XLVI. Accensi hac oratione plerique, velut obliti præsentium, bellica consilia agitabant: & erant, quibus servitia liberanda in usum militia viderentur. Id recusavit Cato, negavitque suscepturum, nisi præbitos a volentibus. cum multi

pollicerentur, *nomina dare, quibus videretur*, iussit; utque hoc liberius facerent, consilio excessit. Non diu postea liberæ ei Scipionis atque Jubæ traduntur, diversis ex locis, argumento eodem. Rex in monte quodam cum paucis abditus, Scipio sub promontorio haud procul Utica stans ad ancoras, *quid consilii Catoni esset*, sciscitabantur, *ad se venturum recepturi, aut, si ferre obsidionem decrevisset, suppetias laturi, quibuscum possent copiis*.

XLVII. Cato, retentis paulisper tabellariis, cum se digresso refrixisse trecentorum ardorem cognosceret, hoc ipsum nuntiavit, *Utica jubens abstinere, sibi que consulere: se, quidquid per præsentis difficultates posset, fide sua facturum*. Interim & ab equitibus, præfecti tres affuerunt, totidem afferentes consilia. *Jubam alii ducem, alii Catonem optabant: quidam Uticensibus diffusi, quod ob beneficium legis Juliæ favere Cæsari credebantur, oppido se includere renuebant. Cato cum præfectis agere cœpit, persuaderent equitibus, uti, valere iussu Juba, Catoni se committerent Romano duci, atque Uticam ingrederentur, munitionibus tutam, & provis in multos annos commeatibus*. Idem etiam senatores cum fletu & precibus postulabant.

XLVIII. Interea M. Rubrius, quem ad trecentos miserat Cato, rediit iratus, & multa de *perfidia hominum & inconstantia* querens. Redierunt & præfecti equitum cum ferocibus mandatis, *nullam sibi societatem cum levibus & Punica perfidia infelix fore*. Proinde qui sua opera uti cupiat, *ejectis aut interfecis Uticensibus, in vacuum oppidum se accipiat*. Longissime hæc abibant a mente & moribus Catonis. itaque leni responso dimisit præfectos, *cum trecentis deliberaturum*. At illi palam & audacius negabant *contra Cæsarem bellaturos: & a quibusdam fiebat senatorum mentio, comprehendere eos & Cæsari dedi oportere, quo in reliquos fieret mitior*.

XLIX. Idcirco dimittendos ex tanto periculo videns, abeuntes jam equites consecutus, oravit, *ut vel unam adhuc diem manerent, tutamque præstarent tot Romanis senatoribus*

fugam. Persuasi sunt a Catone equites, &, partim in portis oppidi, partim in arce custodiæ causa collocati, metum fecerunt trecentis, ne inconstantia suæ pænæ reposcerentur. Idcirco miserunt ad Catonem, oratum, *ad se veniret.* Ille, delinitis sermone senatoribus, qui circumfusi negabant *servatorem suum missuros in proditorum potestatem*, solus ad eos profectus est. Illi *veniam* petierunt, *quod æmulari Catonianam constantiam nequirent: agnoscere se, quod proavum ipsius fama esset dicere solitum, non posse omnes esse Catones. sibi in animo esse, legatos mittendi ad Cæsarem, & ante omnia Catonis incolumitatem stipulandi; nec, nisi hac impetrata, arma posituros.*

L. Ad ea subridens ille negavit *sibi esse deprecatoribus opus, idque Cæsarem ipsum scire planissime. sibi vero si consulunt, se minime invito facturos.* Inter hæc audito, *venire cum omnibus copiis Cæsarem, Vah! inquit, tanquam adversum viros?* jussisque *maturare* senatoribus, *donec haberent equitum præsidium*, portas oppidi clausit, una excepta maritima, per quam emittebat discedentes, naves tribuebat, tumultus sedabat, viaticum dabat egentibus. Hæc agentem conveniunt a M. Octavio missi, *cum duabus legionibus haud procul Utica confedisse* nuntiantes, *atque petere a Catone, ut securus statueret, quatenus imperium utriusvis esse deberet.*

LI. Nihil his respondit. Sed conversus ad amicos, *Et miramur, inquit, quomodo victi simus; quos ne in extremis quidem deserit ambitio?* simul properavit ad equites, qui castra, quæ fecerat ante oppidum Cato, eoque commigrare plebem Uticensium coegerat, *oppugnasse dicebantur, & inde repulsi irrupisse in oppidum, multisque interfectis, diripere domos.* Ut igitur hos averteret a rapinis & cædibus, singulis festertios centum dedit. Idem fecit & Faustus Sullæ filius, dataque pecunia, cum his profectus est. Prædam tamen Uticensium repetiit a discedentibus Cato, incitato cursu affecutus: & cum auctoritate viri permoti primi ordines ablata restituif-

sent, ceteri quoque projecerunt rapta, muti præ pudore, & dejectis in humum oculis.

LII. Tum Cato reversus in urbem oravit Uticenses, *ne trecentis irati essent, sed communiter deprecarentur Cæsarem*. Hæc fatus, administrationis rationes & reliqua reddidit, obsignavitque pecuniam. Mox profectus ad mare, postremum salutavit abeuntes. duobus persuadere non potuit, ut a se discederent, filio suo, & Statilio cuidam. Statilius ad imitationem Catonis pectus obfirmaverat. filius, *proficisci ad Cæsarem* jussus, interrogavit patrem, *Quin igitur idem & ipse faceret, si faciundum esse judicaret?* At ille, *Dispar est utriusque nostrum ratio, fili. me natum atque educatum in libertate, concessum a Diis immortalibus donum prodere nefas: tu, deteriore republica genitus, non debes recusare conditionem temporum, in quæ incidisti. monuit tamen, ne capeßere rempublicam vellet. neque enim nunc eam administrari, ut dignum esset Catoniano nomine, posse: secus autem fieri turpe esse.*

LIII. Commendavit deinde eum L. Cæsari, quo usus proquæstore fuerat. petentemque Lucium adjuvit in oratione componenda, qua Cæsarem exoraret; cum *pro se quemquam rogare quidquam* strictissime vetaret. Tantum sollicitudinis laborisque & tædii vir ille sumendum putavit, ut aliis prodesset; dudum projecta vivendi cupiditate, & certa destinatione consciscendæ necis. Ut tamen consilium tegeret, corporis curam adhibuit, lotusque cœnavit cum amicis & magistratibus Uticæ sedens: nam accubare post Pharsalicam pugnam desierat. Productæ quin etiam poculis & sermonibus sunt epulæ, multisque de rebus erudita & jucunda confabulatio fuit; donec prolapsus ad decretum illud Stoicorum Cato, *solum bonum virum esse liberum*, cum opponente se Demetrio, Peripateticæ sectæ philosopho, tanta contentione vocis vultusque disputavit, ut facile propositum ejus adverteretur.

LIV. Unde, cum mæstos federe convivas videret, revoc-

§ LI. Auctor de B. Afric. Plut. § LII. Dio. Appian. Plut. Auctor de B. Afric.

latus ad alios sermones eximere fuspicionem conatus est: deambulavit etiam a cœna, præfectisque vigiliarum imperavit, quæ videbantur agenda: sed cubitum iturus, arctius diutiusque in complexu filii & ceterorum hæsit. Inde novus illis timor: ensẽque supra cubile pendere solitum amoverunt. Cato cum libro Platonis, qui Phædon inscribitur, cubiculum ingressus, interrogat servum, *quis gladium abstulisset?*

LV. Illo tacente, lectionem continuat: paulo post iterum requirit ensẽ; nec allato, librum perlegit. Tum singulos advocans servos, ensẽque flagitans acriter, unum etiam percussit pugno, manumque cruentavit. Postremo filium & amicos accurrentes increpavit asperius, *sibi nec deesse rationem moriendi, si vellet, amoto gladio, dictitans: neque vero putare, ita excidisse mente, ut reciderit in filii tutelam.* Illi, luctu atque mœrore propemodum exanimati, jubent afferri gladium. quem ubi eduxit atque consideravit Cato, reposuit iterum, denuoque librum a capite ad calcem relegit ad lucernam: deinde securus obdormiit, ut stertentem perciperent, qui excubabant pro foribus.

LVI. Sub mediam noctem Butam quendam accitum ad mare misit visum, *anne jam solvissent omnes:* & medico præbuit obligandam manum, quæ ex ictu intumuerat. Id spem fecit reliquis, vivere eum constituisse. Sed falsi sunt. cum enim reversus Buta *solvisset omnes* renuntiasset, *excepto Crasso, & vehementem ventum incubuisse mari;* sorte fugientium indoluit, remisitque eundem, *ut, si quis forte alicujus opis indigus remansisset, id ad se referretur.* Ubi ille *altum in portu silentium esse* nuntiavit, janua claudi jussa, tanquam dormiturus in lectulum suum se reposuit.

LVII. Sed statim arreptum mucronem infixit corpori: neque exanimatus, quia manus inflammata fuerat ad ferendum infirmior, decidit cubili, strepituque edito excivit sollicitudinem suorum. Irrumpunt in cubiculum filius &

cum Demetrio Stoicus Apollonides. medicus, intestina videns illæsa, reponere in ventrem atque consuere vulnus cœpit. ille passus, donec discederent, manum injecit vulneri, dilaniatoque, & sparsis intestinis, qua cœperat via, servitute exivit. Decessit Cato anno ætatis undequinquagesimo. Magni utique vir invictique animi, & indomitæ nec licentiosæ libertatis, sed legum & æqui observantissimus: cujus etiam laudandus exitus foret, si cuidam ullo casu vitæ necisque suæ potestatem concessisset Deus. nunc in re vetita saltem hanc abstulerit præ aliis similibus commendationem, ut ex toto desperatorum agmine nemo videatur infanisse speciosius.

LVIII. Sed neque in vita ejus quidquam rectius carpitur, quam quod uxorem Marciam velut usurariam concessit Q. Hortensio, cum tres ei liberos peperisset, atque eo quoque tempore gestaret uterum. Id ejus factum, quamquam Philippo Marciae patri probatum, & exemplo Socratis atque veteri Romanorum consuetudine defensum, non immerito reprehendit Cæsar, falsam tamen causam hostiliter assignens, *uxorem juvenculam ideo dedisse utendam Hortensio, ut pro paupere divitem reciperet.* Nam heres instituta ab Hortensio, post illius fata domum Catonis redierat. Palam facta morte Catonis, Uticenses, licet ob partium studium oderant, tamen propter singularem integritatem, servatamque haud semel Uticam, & magnis operibus permunitam, publice sepeliverunt, cum multis magnis laudibus omnium; ne metu quidem impediante officium, quod jam haud procul copiae Cæsaris aberant.

LIX. Tumulus ei mediocris positus est juxta mare, cum statua ejus, gladium tenente. Ipse ab hoc eventu cognomine *Uticensis* a paris constantiae gloriæque proavo distinguitur. Post mortem Catonis L. Cæsar in concione populi Uticensis suadet, *ut portæ aperiantur: se profecturum ad Cæsarem imperatorem, cujus in clementia spem magnam habeat.* In-

§ LVII. Liv. Epit. Plut. Flor. Appian. Dio. § LVIII. Appian. Strab. l. 11. Dio.

terim Cæsar, cognito, Catonem, dimissis ceteris, Uticæ cum filio substituisse, non expediebat consilium viri. dein audita ejus morte, dixisse dicitur, *Invideo tibi mortem hanc, Cato, quando tu mihi servati tui famam invidisti.*

LX. Tulit tamen civiliter postea, celebrari a Cicerone Catonem, libro, qui *laus M. Catonis* inscribitur. neque aliud, nisi tanquam apud judices respondit, duobus editis Anticatonibus. Receptis interim obiter Ufceta & Adrumeto urbibus, vitæque C. Ligario & C. Cepsidio filio concessa, Uticam pergit, quæ jam a Messalla custodiis ad portas oppositis tenebatur. Obvius ibi L. Cæsar se demisit ad victoris genua, vitamque dumtaxat deprecatus, in præsentia quidem obtinuit: eademque venia Cæcinæ, C. Atejo, P. Atrio, L. Cellæ patri & filio, M. Eppio, M. Aquinio, Catonisque & Damalippi liberis data: itemque Statilio, qui Catonis exitum imitaturus a philosophis prohibitus fuerat.

LXI. Uticensibus pro studio erga se gratias egit: trecentos gravi & longa oratione incusatos, *bis millies sestertio* multavit, *quam summam sex pensionibus populo Romano per triennium penderent.* Conditionem omnes læti acceperunt, (nam de salute sua putarunt actum esse) *sequæ illo demum die natos esse* prædicantes. Interim Juba cum Petrejo Zamam fuga pervenit, quam duplici muro circumdato muniverat, regiamque sibi habuerat. Sed quia & ipse victus, & Sabura cum suis copiis deletus a P. Sirio fuerat, contemptus est a suis exclususque.

LXII. Nec caret defensione Zamensium perfidia, quod in medio foro pyram Juba construxerat, hoc proposito, ut, in ultima desperatione civibus interfectis omnibus, rebusque pretiosis in rogam conjectis, ibi cum uxoribus liberisque cremaretur. Igitur neque minis quidquam proficientibus, neque precibus, (nam & preces adhibere docuerat necessitas) ne liberis quidem conjugibusque impetra-

§ LIX. Plut. Auctor de B. Afric. Appian. Dio. Agell. 13, 18.

§ LX. Cic. ad Attic. 13, 48. Auctor de B. Afric. Plut. Dio.

§ LXI. Vitruv. 8, 4. Dio. Auctor de B. Afric.

tis, in villam suam discedit : deinde similes expertus omnium civitatum animos, post magnificas epulas ferro cum Petrejo concurrat, ut per virtutem interfecti viderentur. Petrejus valentior facile confecit Jubam, ipse servi sui manu invenit necem. Dum hæc aguntur, Cæsaris fortuna trahente omnia, Confidius e Tisdritano oppido, cui præerat, cum Gætulis paucis in regnum profectus, a comitibus suis, qui succinctum pecunia fenserat, interficitur : C. Virgilius Caninio Rebilo proconsule, a quo Thapsi obfidebatur, se deditit.

LXIII. P. Silius, qui plurimum eo bello Cæsari contulerat, vix leviter notus antea, dum per Mauritaniam ad imperatorem proficiscitur, in Faustum & Afranium incidit, qui cum equitibus Scipionis Utica discesserant. is reliquos partim cædit, partim accipit in deditionem, Afranium & Faustum cum conjuge & liberis capit vivos. Uxori Fausti, quæ eadem Pompeji erat filia, duobusque liberis ejus Cæsar incolumitatem suæque omnia concessit, & ad fratrem proficisci passus est. Afranius & Faustus, tanquam temere orta in exercitu seditione, unaque Petrejus filius, interficiuntur. Sed Cæsaris jussu factum non dubitatur, cujus etiam inter artes referunt, quod invisos sibi, per milites clam curaverit occidendos, ne clementiæ simulationem omitteret.

LXIV. Sic & Tullium Rufum aliosque inter prælium cum Scipione perisse : sic L. Cæsarem, quamquam receptum in gratiam, per insidias interfectum. Quippe judicii specie, quod libertos servosque Cæsaris ferro & igni crudeliter enecuisse, bestias quoque ad spectaculum venationis comparatas trucidasse dicebatur, militum objecisse ferociæ, a quibus quasi per iram interficeretur. Afranium certe & Faustum imperio Cæsaris occisos neque dubium est apud auctores plerosque ; neque adeo mirum, quia semel impetrata venia dimissi, denuo

§ LXII. Flor. Auctor de B. Afric. Liv. Epit. Dio. § LXIII. Appian. Liv. Epit. Oros. 6, 16. Auctor de B. Afric. Dio. Sueton. in Cæs.

ad oppugnandum eum se converterant; cui generi hominum, haud sine causa, erat infensissimus. Servavit tamen hic quoque institutum suum, ut amicorum atque familiarum deprecationi condonaret singulos. & Octavius quidem adolescens, qui postea Augustus appellatus est, pro Agrippæ sui fratre, qui eodem bello apud M. Catonem fuerat, avunculum exoravit.

LXV. Sed Scipio & T. Torquatus, unaque Damasippus & Plætorius Rustianus, cum duodecim navibus apertis multum diuque jactati, cum Hispaniam peterent, adversis ventis in Africam relati, apud Hipponem Regium a classe P. Sittii excipiuntur. Ibi Scipio, cum animadvertet, navim, qua vehebatur, ab hostibus capi, gladio se transverberat, & quærentibus, qui interea irruerant, *ubi imperator esset? Imperator*, inquit, *bene se habet*. Eodem tempore ceteri quoque a Sittianis militibus interimuntur. quibus ob navatam eo bello operam, cum alia præmia dedit Cæsar, tum Cirtam olim regum domum, quam ceperant, habitandam concessit: unde *colonia Sittianorum* appellata. Ipse interim Zamæ pecunias cogit, cives Romanos, qui contra se pugnaverant, mulctat: provinciaque ex regno facta, Q. Sallustium Crispum proconsule præficit, *qui tam avide dicitur expilasse provinciam, ut hoc ei fuisse injunctum a Cæsare quidam crediderint: alii pactum cum eo magna pecunia scripserunt, ne causam diceret*. Deinde regressus Uticam, bona eorum, qui sub Scipione duxerant ordines, vendidit. Thapsitanos Adrumetanosque pecunia, Lepitanos tricies centenis millibus pondo olei in annos singulos, Tifdritanos certo frumenti modo mulctat.

LXVI. Inter hæc rem summæ mansuetudinis, sed & prudentiæ facit, cremandis, quæ repertæ in scrinio Scipionis erant, variorum epistolis: sicut & apud Pharsaliam antea, & olim Pompejus, debellato Sertorio, summa cum admi-

§ LXIV. Flor. 4, 2. Eutrop. Zonar. Sueton. Nic. Damascen. Orot. Auctor de B. Afric. Appian. Val. Max. § LXV. Flor. 4, 2. Liv. Epit. Auctor de B. Afric. Niebl 1, 6. Plin. 3, 3. Appian. Dio.

ratione hominum atque laude fecerat. Ita multorum, qui contra ipsum fenserant, opprimere crimina, quam exsequi malebat; ne, quos mutata fortuna animum mutaturos esse sciebat, permanere in odio & inimiciis vel nolentes cogeret. Tantis rebus tam celeriter confectis, Idibus Junii Uticæ classem conscendit, & in Sardiniam trajectus, Sulcitanis, qui Nasidium classemque ejus receperant, imperat pecuniam: mox solvens a Caralis ante diem III Kal. Quintil. quia propter tempestates subinde hærendum in portibus fuerat, duodetrigesimo die Romam venit. Ibi cognoscit, in Gallia quoque, per absentiam suam, a D. Junio Bruto legato rem fortiter feliciterque gestam, victosque prælio Bellovacos, qui cum vicinis aliquot populis rebellaverant.

§ LXVI. Auctor de B. Afric. Dio. Plin. 7, 25. Liv. Epit.

JOANNIS FREINSHEMII
SUPPLEMENTORUM
LIVIANORUM

LIBER LXXX.

IN LOCUM LIB. CXV LIVIANI.

E P I T O M E

LIBRI CENTESIMI DECIMI QUINTI.

Cæsar quatuor triumphos duxit: ex Gallia, ex Ægypto, ex Ponto, ex Africa. Epulum & omnis generis spectacula dedit. M. Marcello consulari, senatu rogante, reditum concessit. qui Marcellus beneficio ejus frui non potuit, a Cn. Magio Cilone cliente suo Athenis occisus. Recensum egit, quo censa sunt civium capita centum quinquaginta millia. Profectusque in Hispaniam adversus Cn. Pompejum, multis utrinque expeditionibus factis, & aliquot urbibus expugnatis, summam victoriam cum magno discrimine ad Mundam urbem consecutus est. Pompejus Sextus effugit.

I. **R**EVERSUS in urbem Cæsar, ut omnia suis armis cessisse ostenderet, simul admiratione virtutis & metu potentie cives suos recipere servitutem & pati doceret, quatuor simul triumphos apparavit. Neque vero senatus cunctanter subibat jugum, jamque ultro plura prope, quam

postulare Cæsar voluisset, decreverat: *supplicationes dierum quadraginta, equos albos in triumphis, & lictores, quos tum haberet, quosque in prima & secunda dictatura habuisset. Præfectum quoque morum, novo nomine reperto, quasi vetus illud censoris usû viluisset, esse jussit in decennium: utque suggestus ei fieret in curia: uti consulibus, qui quoque tempore essent, in sella curuli assideret, primusque sententiam diceret: ludis Circensibus omnibus mappam mitteret: magistratus a populo declaratos renuntiaret: utque currus statueretur in Capitolio, adversum Jovem spectans: utque simulacrum ejus eodem loco poneretur, orbem terrarum calcans; in basi inscriberetur, CÆSARI HEMITHEO: utque, deleto Catuli nomine, instaurator Capitolii Cæsar scriberetur.*

II. Neque hic stetit adulantium humilitas: multaque decreta sunt tam ferviliter, ut ipsi quoque nimia viderentur. Sed, quæ memoravimus, recepit. Catuli tamen nomen, dum pudore delere cunctatur, in Capitolii dedicatione manfit. Sed honores tam prodige decretos sibi plurimum metu, quam benevolentia, sentiens Cæsar, ad conciliandos firmitus animos, in senatu verba hunc in modum fecit: *Utinam mortalibus hunc animum Dii dedissent, ut a mutuis injuriis temperantes, amicitiam pacemque colerent: neque bella geri, etiam, quod tristissimum est, civilia necessum foret, neque ex bellis deinceps aut cruenta odia, aut occultæ suspiciones timerentur.*

III. Sed quando contra potentiam & improbitatem paucorum defendi rempublicam oportuit, armisque vindicari, quod amicitiae juriq; denegatum fuerat, in eam necessitatem incidi, ut aut mihi cadendum cum libertate fuerit, aut ii prosternendi, qui nos perditos deletosque cupiebant. Et Fortuna quidem justiori affuit causæ, multorumque præliorum eventu declaravit, nondum abjecisse curam Romanæ rei Deos. atque hoc etiam subinde apparebit clarius, cum facta consultaque mea dies aperiet, magnisque documentis palam fiet, qualem ei dederint animum, cui daturi victoriam belli arbitriumque pacis fuerant.

§ I. Dio. Appian. Sueton. in Cæs. c. 70. Flor. 4, 2. § II. Tacit. hist. 3, 76. Dio.

IV. Nolim enim vestrum quemquam ita maligne de me judicare, Patres conscripti, ut aliorum potius exempla, quam meos mores secuturum putet: neque si mihi victoria contulit, ut possem, quæ cupiam, facere, aliud facturum credatis, quam oporteat. Si Marium, & Cinnam, & Sullam, quorum naturam periculum texerat, nudaverunt victoria; non ideo me his similem fore existimaveritis, cujus moderationem, ne recensendo singula me laudare videar, non mutarunt tot prospera, sed probaverunt. Enimvero neque erga Fortunam irreverenter me geram, aut indignationem excitabo Deorum, quos ferme non ulterius beneficia sua sarta recta præstare cognovi, quam donec homines his modestè atque sapienter utuntur.

V. Neque vero ab initio belli aliud mihi propositum armorum præmium fuit, quam ut, victa invidia atque insolentia, virtutem explicarem meam tuto, & ex augenda utilitate publica gloriam acquirerem. Quos igitur in aliis reprehendi atque persecutus sum mores, iis absit ut me cupiam dedere, similemque his ostendere, quos superavi! Ego vero potius ipsa fortuna mea incitor, ut, nisi olim summa mihi voluntas fuisset omnia rite atque ordine administrandi, vel inde majorem sumiturus impetum fuirim. Quem enim potius benefacere multis verum est, quam penes quem earum rerum maxima est facultas? cui vero minus aut concessum est peccare, aut necessarium?

VI. Deorum autem beneficia a quo æstimari rectius possunt, quam ab eo, cui illi summa omnia contulerunt? Quis majorem concordia pacisque publicæ aget curam, quam cujus eam servari maxime interest? Is igitur & animo imperabit plurimum, & potentia temperanter utetur; queis sine contineri magnam felicitatem diu non posse nemo dubitat. Quid si ad hæc accedat studium gloriæ, qua una in re me fateor esse intemperantiorum? An non qui & diligere a præsentibus, & laudari a posteris volet, operam dabit, ut iis factis moribusque studeat, per quæ ista tam pulchra atque desiderabilia quam certissime & comparantur, & retinentur?

VII. Neque hæc a me fingi, fidem vobis præterita non minus, quam præsentia, facient. Nihil locutus sum, quod non præ me

ulerim perpetuo : & , si potentia mutasset animum , nunc maxime tempus erat declarandæ voluntatis , postquam , deletis non partibus modo , sed etiam reliquiis partium , sospes incolumisque & victoriæ compos redii. Sed prius omnia in me gravia atque acerbæ expetant , quam hunc induam animum , ut tyrannus patriæ & civium , quam rector atque princeps audire malim. Consulatus & dictaturæ , quas dedistis , ad salutem hominum , non ad perniciem valere volo. Hujus destinationis spondere fides perpetua mea consuetudo debet.

VIII. Qui enim credere poteritis , periculum a me cuiquam innocenti fore , quem scitis veniam dedisse semper , a quibus infestissime fueram oppugnatus : nonnullis & iterato ? aut quomodo indulgebît suspicionibus , qui repertas apud Pompejum , apud Scipionem literas , introspicere noluit : & in ignem conjecit , ut , quos a pœna jam absolverat , etiam a metu omni liberaret ? Igitur posita semel cura , & præteritorum oblitterata memoria , tanquam recens in ejusdem reipublicæ societatem venissemus , benevolos amicosque afferamus animos , ut & vos meorum laborum fructum percipiatis , paternam rebus vestris adhibaturi curam , & ego vestra prosperitate , tanquam boni parentes liberorum secundis rebus , gaudeam.

IX. Sane nihil tam in votis habeo , quam uti omnes , a delictis temperando , lenitatem meam sibi propriam atque perpetuam esse patiantur : si tamen aliquid forte peccatum erit , homines nos esse meminero. Et virtuti quidem recteque factis semper erunt apud me parata præmia : errantes , quam mansuetissime poterit , ad officium revocabuntur. Neque milites meos timueritis , communes mihi atque vobis imperii custodes sunt. alendique multas ob causas necessario ; sed neque contra vos alentur , & contenti his , quæ dederitis , amare discunt eos , a quibus accipient. Sane pecuniæ plus solito exegisse fateor : sed hoc , quam seditiosos habere milites , præstabat , & levi profecto impensa redemptum est , quidquid peccare conscii victoriæ exercitus , inopia & necessitate irritati potuissent.

X. Mihi nihil ea diligentia quæsitum est : quin omne patri-
monium effusum pro republica , & grande insuper æs alienum

contractum. Sed quemadmodum ipsi liquido cernitis, pars in sumtus bellorum erogata, reliquum ad vos reportatum est; ut ad vos omnis hujus opulentiae fructus, ad me solum exigendi acerbitas & invidia perveniret. Sic enim locuples facta respublica dignitatem vestram opesque præstare tutas potest, quando nec imperium sine militibus, neque milites sine stipendio retinentur. Absit tamen, ut cuiquam molestus sim pecuniæ causa. neque velligalia nova constituam: veteribus contentus ero. semperque potius eo cogitationes curasque meas conferam, quemadmodum vos opibus honoribusque augeam, quam quemadmodum aliquid abrodam de præsentibus.

XI. Apud populum deinde similia cum differuisset, multum quidem exstinxit de priore hominum cura: fiduciam excitare non potuit, priusquam rebus ipsis comprobata promissa viderent. Inter hæc apparatu facto, qualem magnitudo rerum gestarum excusare, opes imperii, unius in annum redactæ, pati potuerunt, quatuor triumphis urbem ingressus est, eodem mense, sed interjectis diebus. Primum & excellentissimum egit de Gallis, quorum multas magnasque nationes subegerat, cujus *apparatus fuisse* traditur *ex citro*. Rhenus ibi traductus est, Rhodanusque, & ex auro captivus Oceanus. Ingens multitudo nobilium captivorum currum antecessit, & imperator quondam omnium Vercingetorix.

XII. Et hic quidem, acto triumpho, cum aliis quibusdam necatus est. Sed ejus dici lætitiā interpolavit casus in omen tractus a plerisque. Prætervehens enim Fortunæ fanum, quod in Velabro Lucullus ædificaverat, axe diffracto, pæne curru excussus est: & dum alius apparatus atque adducitur, obortæ sunt tenebræ. ascenditque in Capitolium ad lumina, quadraginta elephantis dextra lævaque lychnuchos gestantibus. Cæsar genibus per gradus Capitolii repsit; quamquam & ipse jam staret inter Capitolina numina, currumque Jovi oppositum, & titulum haberet homine majore.

§ XI. Oros. 6, 16. Sueton. in Cæs. c. 37. Appian. civil. l. 2. Vellej. 2, 56, Flor. 4, 2.

ris. Sed & inscriptionem illam sustulisse paulo post dicitur, solo nomine relicto.

XIII. Inter hunc honorem Cæsaris, cum omnium hominum magnitudinem egressus potentia ac felicitate videretur, annotata sunt carmina plena probri, quæ currum insequens exercitus militari licentia jecerat. *adlectos in senatum novos homines ignotosque traducebant: Cleopatram, mulierumque aliarum, etiam provincialium objiciebant amores, mæchum calvum canentes adducere, qui Romæ mutuum sumisset aurum, in Gallia prodegisset turpiter.* Potentiam quoque male partam fugillabant, *si juste vellet agere, pœnam daturum; quod scelestus esse pergat, dominari. præmiorum quoque parsimoniam cavillantes, alternis versibus exprobravere, lapsa se vixisse apud Dyrrhachium.*

XIV. Sed hæc quidem omnia æquo animo Cæsar patiebatur: gaudere quin immo dicebat, *nosse milites suos, quam bono imperatore uterentur.* Unius dicti acerbiter, quod obiectum sæpe ab inimicis probrum continebat, ægrius tulit: *Gallias a Cæsare subactas esse, Cæsarem ipsum a Nicomede; & triumphare Cæsarem, non triumphare Nicomedem.* Id vero falso sibi objici testatus, etiam jurejurando interposito, non ideo potuit expugnare contumaciam famæ, quin ultro tam impudens defensio irrideretur. Triumpho peracto, epulum populo datum per multos dies: duoque & viginti tricliniorum impleta sunt millia. frumentum accipere solitæ plebi deni modii extra ordinem, ac totidem olei libræ distributæ. quippe *postremo bello vestigal annuorum frumenti ducentorum millium medimnorum Atticorum, olei tricies centena millia librarum adjecisse reipublicæ* commemorabat. nummos quoque, promissos olim iisdem, divisit viritim trecentos. & pro mora & velut usura, centeni insuper additi.

XV. Veteranis itidem super bina sestertia, quæ belli civilis initio pronuntiaverat, vicena millia nummum dedit.

§ XII. Diodor. l. 43. Sueton. Dio. § XIII. Sueton. Dio. Plin. 19, 8. § XIV. Liv. Epit. Vellej. Plut. in Cæs. c. 73. Sueton. Dio. Appian. civil. l. 2.

centurionibus duplum, tribunis alarumque præfectis quadruplum. Quod autem numerum eorum, qui frumentum e publico acciperent, per licentiam temporum, præter modum excrevisse compererat, recensum eorum egit vicatim, numerumque de trecentis viginti millibus, ad centum quinquaginta millia retraxit. Altera deinde laurus Ægyptia fuit, ductaque ante currum Arsinoe, Nilusque translatus, & ad simulacrum ignium ardens Pharus. Achillæ quoque & Pothini spectati exitus.

XVI. *Hujus triumphi apparatus fieri iusserat e testudine.* singulorum enim triumphorum fercula & instrumenta, diversa e materia parari, ad ostentationem magnificentiæ & voluptatem oculorum, visum illustrius fuerat. Sed Arsinoe post triumphum, in gratiam fratris sororisque dimissa est. Tertius de Pharnace currus Ponticum triumphum in-vexit. inter ejus pompæ fercula trium verborum titulum prælatum ajunt, VENI, VIDI, VICI. Hujus triumphi fuit apparatus ex Ægyptia spina, quæ circa Thebas maxime nascitur.

XVII. Quartum ex Africa triumphum duxit de rege Juba, cujus & filius puer ductus est, fortunata captivitate, Quippe liberaliter educatus Romæ, & regnum utriusque Mauritaniae tenuit postea, & Græcis literis eruditus, memorabilior etiam claritate studiorum, quam regno, habitus est. Hujus triumphi fercula constabant ex ebore, cujus & copiam eadem victoria subministraverat. Diversus animorum sub eos dies habitus fuit. dolorem multa afferebant; præsertim quod de civibus Romanis, etiamsi titulo abstineretur, re & facto triumphabatur. Omnium enim præliorum tabulæ præferebantur, & illustrissimi cujusque noscebantur imagines, una Pompeji effigie demta, quam invidia declinandæ Cæsar omiserat.

XVIII. Sed Catonis, Scipionis, & Petreji extrema eli-

§ XV. Liv. Epit. Plut. Sueton. Dio. Flor. 4, 28. Appian. § XVI, Vellej. 2, 56. Dio. Sueton. Plin. 13, 9. § XVII. Appian. Plut. Plin. 5, 1. Vellej.

ciebant lacrimas : neque Gallico triumpho lata Massilia , neque Ægyptio ducta Arsinoe , parum indignationis ac misericordiæ commoverat. Quin & lictorum numerus , nullius unquam spectatus imperio , admonebat homines fortis suæ , & alienam vicem oblitos , suæ fortunæ cogebat ingemiscere. Vicissim captivorum reputantes multitudinem , & quam infestarum populo Romano gentium robur hi fuissent , rerumque gestarum inauditam antea magnitudinem , ab odio Cæsaris ad laudes & admirationem transferebantur. Delectabant & Achillæ Pothinique pœnæ , & Pontici regis tam celeriter dejecta arrogantia.

XIX. Opes etiam translatae (*ad decies sexies millia festertium fuisse* reperio , *coronas aureas dona regum ac civitatum , duo millia ostingentas viginti duas , auri pendentes pondi viginti millia quadraginta quatuordecim*) mulcebant animos , magnam exinde partem suis mox usibus aut voluptati cessuram , scientium. Nam & viscerationem populo dedit Cæsar ; & omnis generis spectacula diversis causis. Forum enim suum , eo , quod Romanum vocabatur , pulchrius , sed minori latitudine , ubi jus redderetur , templumque Veneris Genitricis , & juxta numinis effigiem Cleopatras simulacrum dedicavit ; cum multis & aliis nobilium artificum tabulis , inter quas *Timomachi Ajacem & Medeam octoginta talentis emisse* traditur.

XX. Locavit ibidem equi sui effigiem , qui humanis similes priores pedes habuit , neque sessorem recipere voluit , nisi Cæsarem ; statuatque sibi loricatam dicari passus est , cum effigie , quam Arcesilaus fecit. Struxit & amphitheatrum , ubi funebribus filiarum ludis pronuntiatum olim populo munus atque venationes exhibuit. Fecit & ludos regionatim , per omnium linguarum histriones , item circenses , athletas , naumachiam. Munere gladiatorio depugnaverunt quidam Romani equites , sed & Furius Leptinus , cujus pater præturam gesserat , & Q. Calpurnius , senator quondam , actorque

§ XVIII. Cic. Phil. 8 , 6. Vellej. 2 , 56. Appian. § XIX. Liv. Epit. Dio. Appian. Plin. 35 , 41.

causarum. Dinicare & Fulvius Setinus senator voluerat: sed Cæsar negavit *passurum in senatoribus*, equites admisit. Pyrrhicham saltaverunt Asiæ Bithyniæque principum liberi.

XXI. Ludis D. Laberius eques Romanus minium suum egit, quamquam sexagenarius: quod ipse diligenter excusavit in prologo, *coactum se testatus blanda vi illius, cui ne Diï quidem ipsi negare quidquam potuissent*. Sed neque serviliter se gessit in actione, ultusque est injuriam dictis liberis sub aliena persona, *Quirites libertatem perdere* exclamans; & quo versu totum in se populum convertisse dicitur, quasi vocem misisset publici affectus, *Necessum esse multos timeat, quem multi timent*. Alienavitque ea libertate Cæsarem, ut Publium ei mimographum anteponeret; statimque Publio palmam, Laberio annulum aureum cum quingentis sestertiis daret.

XXII. Neque tamen Laberio vel excusatio sua, vel potentia Cæsaris præsidio fuit, quo minus equestri loco indignus post mimum actum haberetur. Cum e vestigio in quatuordecim sessum iret, per orchestram, qui senatorum in theatro locus erat, transeunti, Cicero ait, *Reciperem te, nisi anguste sederem*; simul & illum respiciens, & cavillatus in numerum senatorum, quem Cæsar supra modum auxerat. nec tacitum a Laberio tulit, *mirum, anguste sedere, qui duribus soleret sedere sellis*. Sed nec ab equitibus receptus est, qui *gemino dedecore commaculatum ordinem* interpretabantur, & quod eques Romanus in scenam attractus esset, & quod mimus in quatuordecim remissus. Idcirco ita se coarctaverunt, ut venienti non esset locus. Sed neque ejusdem ordinis plerique temperabant a majoribus probris.

XXIII. Circensibus, spatio Circi ab utraque parte producto, quadrigas bigasque & equos defultorios agitavit patricia juvenus. ejusdemque nobilitatis turma duplex, majorum & minorum puerorum, Trojam ludit. Venationes per quin-

§ XX. Plin. 35, 12. Plut. Sueton. Dio. § XXI. Cic. Familiar. 12, 18. Macroh. Saturnal. 2, 7. Agell. 17, 14. § XXII. Macroh. Senec. controv. 7, 3.

que dies sunt editæ: & novissimo quingeni pedites, viceni elephantum, equites treceni commissi, sublatis metis, quo spatium dimicantibus esset, binisque castris eorum in locum repositis, euripoque in gyrum addito, contra eruptionem belluarum. Athletæ, stadio ad tempus exstructo, in regione Martii campi certaverunt per triduum.

XXIV. Græcis ludis C. Octavium præfecit, fororis suæ nepotem, quem successiorem fortunæ suæ destinatum, variis jam tum honoribus evehebat. Nam & nuper quatuordecim annis nato virilem simul togam & sacerdotium in locum L. Domitii dederat; & Latinis præfectum urbis constituerat; & triumphans, ornatum donis militaribus, quamquam interesse non potuerat bello, curram suum prosequi jusserat. Navale prælium non in mari aut lacu aliquo, sed in minore Codeta exhibuit, parte Martii campi effossa, & immisso flumine. Concurrerunt biremes ac triremes quadrimæque Tyriæ & Ægyptiæ classis, quadringenis remigibus instructæ, & millenis navalibus sociis.

XXV. Et hæc omnia spectacula cum tanto hominum concursu celebrata essent, ut plerique advenæ inter vicos aut vias sub pellibus manere cogerentur, multique mortales, & in his duo senatores eliderentur in turba; ab iis ipsis, quorum summa in talibus cura atque voluptas erat, *Cæsaris reprehendebatur cum sævitia prodigalitas, qui, non contentus immenso sanguine, quem prælia hausissent, nunc per ludum & jocum tantam vim ejus, una cum extortis iniquissime pecuniis effunderet.* Opera quoque data fuerat, ut omni temeritate sumtuum cujuslibet priorum exempla vincerentur. Munere gladiatorio carbasinis velis totum forum Romanum intexit, ut spectatores a sole defenderet, viamque Sacram ab domo sua ad clivum usque Capitolinum: *quod munere ipso visum esse mirabilius tradunt.* Studuit etiam inusitata quædam naturæ opera ostendere; tumque primum Romæ visa est camelopardalis.

§ XXIII. Sueton. Dio. Appian. Plin. 8, 7. Nic. Damascen. § XXIV. Dio. Sueton. Appian, § XXV. Dio. Plin. 12, 1.

XXVI. Sed aliorum inermes erant querelæ, nec ultra sonitum processuræ inanium vocum: milites perniciose mori cœperant, non cura honesti, aut inutilium sumtuum tædio, sed quia non potius inter ipsos pecunia dividebatur. neque quieverunt, priusquam sua manu correptum aliquem superveniens Cæsar ad supplicium centurionibus tradidit.

XXVII. Sed hic quidem non injuste perierat: duos alios innocentes stolidissimæ superstitionis crudelitas absumsit, ne publici quidem erroris ullo prætextu defensa. Cum enim neque Sibyllinis libris hoc iussum esset, neque ullo alio recepto oraculo, duo viri in campo Martio a pontificibus & Martiali flamine immolati sunt. Inde conversus ad ordinandum reipublicæ statum, judicia senatoribus & equiti tradidit, remotis, qui tertii ordinis fuerant, ætariis tribunis. Et quia se ipsum propterea, quod multis continenter annis Galliam obtinuisset, imperii consuetudine captum norat, tulit, ne prætorix provincix plusquam annum, ne plusquam biennium consulares obtinerentur. Ad replendam porro urbem, quæ superioribus bellis vehementer exinanita fuerat, & coloniis transmarinis deducendis, quo circiter octoginta millia civium detinebantur, sanxit, ne quis civis major annis vinginti, minorve quadraginta, qui sacramento non teneretur, plus triennio continuo Italia abesset: neu quis senatoris filius, nisi contubernalis, aut comes magistratus, peregre proficisceretur: neve hi, qui pecuariam facerent, minus tertia parte puberum ingenuorum inter pastores haberent.

XXVIII. Proposuit & iis, qui multos susciperent liberos, præmia: & omnes medicinam Romæ professos, & liberaliū artium doctores, quo libentius & ipsi urbem incohererent, & alii appeterent, civitate donavit. Sumtus quoque recidit, non lata modo diligenter, sed etiam exercita, legum usum conchyliatæ vestis & margaritarum, nisi certis personis & ætatibus, perque certos dies, ademitt. lecticis etiam uti

§ XXVI. Plin. 8, 18. Dio. § XXVII. Dio. Sueton. in Cæs. c. 30. Cic. Phil. 8, 1.

matronas prohibuit, quæ nec viros nec liberos haberent; & minores essent annis quinquaginta quinque. circa macellum custodes disposuit, qui obsonia contra vetitum emta retinerent, deportarentque ad se; submissis nonnumquam licitoribus atque militibus, qui, si qua custodes fefellissent, jam apposita e mensis ipsis afferrent.

XXIX. Correxuit & fastos, jampridem superiorum temporum ignorantia, & per licentiam intercalandi, dum pontifices in gratiam publicanorum extendunt, aut contrahunt tempora, ita turbatos, ut neque messium feriæ æstati, neque vindemiarum autumnio responderent, & jam, quod ex emendatione Cæsaris intelligitur, qui V Non. Octobr. esse debuerat dies, principium anni haberetur. Igitur repudiata veterum ratione, qui secuti lunæ revolutiones fuerant, ad solis cursum ordinavit, Ægyptiis adhibitis, & principe omnium Sosigene, quos Alexandria consuluerat, & M. Flavio scriba annitente.

XXX. Sed Alexandrini tricenos dies in menses partiti, sub finem anni quinque reliquos addebant. id displicuit Cæsari, potiusque visum, & illos quinque dies, & alios insuper duos Februario detractos, certis mensibus adjicere, & quadrantēs diei (eo enim ferme spatio solis conversio dies trecentos sexaginta quinque superat) colligere, donec ex his confecta dies quarto quoque anno intercalaretur, eo mense ac loco, quo etiam apud veteres intercalari consueverat, id est, ante quinque ultimos Februarii mensis dies: idque *bissexturnum* censuit appellandum; quod nimirum id biduum pro uno die haberi, & diem sextum Kal. Mart. vocari volebat.

XXXI. Ut igitur tam fœde luxatus annus ad siderum cœlique leges revocaretur, cum illos supervacuos dies, ad sexaginta septem in Novembrem ac Decembrem interjecit; tum mensem Mercedonium, sive intercalarem, qui ex

§ XXVIII. Dio. Sueton. Euseb. Appian. civil. l. 2. Solin. c. 3. § XXIX. Plut. in Cæs. c. 83. Scalig. de emend. temp. l. 2. Dio. Appian. Plin. 18, 25. § XXX. Macrobian. Saturnal. Herodot. 2, 4. Dio. Sueton.

consuetudine in eum annum inciderat, consumsit: unde factum est, ut annus ille, qui confusionis erat ultimus, in dies quadringentos quadraginta quinque protenderetur. Hæc ferme a veteribus tradita, nuper etiam assensum doctissimorum virorum meruerunt. Sed Dio plus septem & sexaginta diebus tribus his intercalaribus a Cæsare consumptos esse negat: cujus opinionem vir perquam eruditus e Gallia minime spernendis argumentis tuetur. Erat hæc res tam usu saluberrima, quam molitu difficilis, & ipse Sosigenes, tribus de ea commentationibus editis, se ipsum in quibusdam corrigere necesse habuit. præterea nihil in his Cæsar, nisi de consilio principum, aut etiam totius ordinis fecerat: neque tamen effugere dicacitatem hominum potuit. adeo ubi nimia taxandi licentia invaluit, non minus bene, quam secus facta, reprehenduntur.

XXXII. Sane Cicero, quasi potius a Cæsare, quam a cælo, ea anni ratio indicta esset, cuidam dicenti, *cras lyram exorituram*, *Nempe ex indicto*, respondit. Sed idem Cicero magnis verisque præconiis Cæsarem extulit, cum is Marcello consulari, mentionem ejus inferente L. Pisone, & C. Marcello ad pedes se abiciente, senatu etiam surgente, & rogante universo, nonnihil prius accusata ejus acerbitate, redditum cum summa illius dignitate concessisset. Quamquam illo beneficio Marcellus frui non potuit, cum a Mitylenis urbem repeteret, Athenasque venisset, in ipso portu a P. Magio Chilone familiari suo interfectus: qui-vetus Pompejanæ militiæ comes, aliquem amicorum ab eo sibi præferri non patiebatur.

XXXIII. Et asperferat Cæsarem suspicio: sed quibus aliqua veri cura erat, cum constaret de Magio, non sustinebant quidquam de Cæsare credere: purgavitque eum scripta ad Ciceronem epistola M. Brutus, Marcelli præcipuus admirator. Neque alio luculentiore testimonio magni-

§ XXXI. Macrob. Censorin. de die nat. Sueton. Plut. Erych. Put. de Biffext. c. 10. Plin. § XXXII. Plut. Cic. pro Marcell. Idem familiar. 4, 4 & 6, 4. Val. Max. 9, 11. Liv. Epit.

tudinem viri approbaverimus, quam quod in libro, quem de Virtute composuit Brutus, ei reddidit, *se vidisse Marcellum Mitylenis exfulantem*, &, *quantum modo natura hominis pateretur, beatissime viventem, neque unquam bonarum artium cupidiores, quam illo tempore. Itaque visum sibi se magis in exsilium ire, qui sine illo rediturus esset, quam illum in exilio relinquere.* Addiditque, *C. Cæsarem Mitylenas præterveclum, quia non sustineret videre deformatum virum.*

XXXIV. Sed horum a Cæsare præclare constitutorum gratiam alia quædam elevabant, quod, relaturus gratiam clientibus suis, senatus numerum, indignis multis adscriptis, ampliaverat: prætores creaverat duodecim, quot simul eodem anno fuerant nunquam: quæstorum quoque & minorum magistratuum collegia auxerat: notatos a censoribus, metu judiciorum extorres reduxerat: condemnatos ambitus in Italia esse sinebat. Etiam incivis plane videbatur comitiorum ratio, quæ cum populo diviserat, ut, excepto consulatu, ceterorum magistratuum partem dimidiam populus, alteram ipse constitueret. Unde *Candidati Cæsaris* appellati, quos nullo repulsæ metu brevibus libellis, circum tribus missis, commendabat.

XXXV. Sed & Cleopatæ amor magnopere datus est crimini, quæ anno eodem Romam regio comitatu venit, accitu ipsius. Cæsar mulieri viroque (minor ille Ptolemæus fuit) hospitium in suis ædibus dedit. notatusque est, tanquam præter notissimum Cleopatæ adulterium, etiam puero nefarie illuderet. Sane maximis honoribus præmiisque auctos, *regesque socios & amicos* appellatos, remisit in regnum: filium etiam, quem Cleopatra paulo post discersum ejus ex Ægypto pepererat, de suo nomine *Cæsarionem* appellari passus est. quem quidem *Cæsari forma quoque & incessu similem fuisse*, tradiderunt. M. Antonius etiam, *agnitum ab eo*, senatui affirmavit. contra quem Oppius librum

§ XXXIII. Cic. ad Attic. 13, 10. Senec. conf. ad Helv. § XXXIV. Sueton. Dio. Quintilian. 6, 3. Tacit.

edidit, *non esse Cæsaris filium, quem Cleopatra dicat*: plane quasi patrocínio res egeret.

XXXVI. Dum ista Romæ geruntur, in Hispania plus obortum belli erat, quam aut classe prius e Sardinia, aut mox cum Q. Fabio Maximo, Q. Pedio legatis, exercitu misso coerceri posset: ipsiusque jam Cæsaris præsentia requirebatur. Igitur urbis custodia M. Lepido, & sive sex, sive octo præfectis permessa, (nam de numero dubitatur) quos proprætoribus constituit, qui per absentiam suam res urbanas administrarent, in Hispaniam profectus est, quantum jam non consul, sed designatus, sine collega. Neque supervacuum fuerit explicare, quali tum honore, & quoties præditus egerit; quando annue ille confusionis hæc quoque confundendi occasionem scriptoribus præbuit.

XXXVII. Sed quoniam alii *consulem*, alii *dictatorem* fuisse volunt, Suetonii sententiam veram esse judico, *tertium & quartum consulatum gessisse titulo tenus, contentum dictaturæ potestate, decreta simul cum consulatibus*. Igitur & in tres novissimos menses, puto per eam causam, quod jam ipse consul cum collega per duodecim menses fuisset, (nam annus ille, ut est expositum supra, mensibus quindecim constitit) binos suffecit. Neque vero comitia consularia, quæ sunt circa id tempus a M. Lepido consule eodem & magistro equitum habita, eo pertinuisse crediderim, ut Cæsari sub finem demum anni tertius consulatus daretur; sed ut novi consules sufficerentur.

XXXVIII. Plurimum certe moveor auctoritate scriptoris, qui bellum Hispaniense tradidit: quem certe, quicumque tandem fuerit, iisdem temporibus vixisse constat: nec iniquum arbitror, ut huic Fastorum fragmenta, quibus alioquin permultum tribuo, posthabeantur. Ceterum Hispaniensium armorum hæc ferme causæ fuerunt. Proximus sub Cassio & Marcello tumultus, Cæsaris legiones dis-

§ XXXV. Sueton. Euseb. Dio. Plut. in Cæs. c. 72. § XXXVI. Dio. Sueton. Liv. Epit. Appian. civil. 1. 2. Fasti Capitol. § XXXVII. Sueton. in Cæs. c. 76. Dio.

cordia & suspicionibus labefactaverat; metuque pœnæ miserant ad Scipionem legatos: deinde cum Scipio victus esset, Pompejus morbo in Balearibus attineretur, T. Scapula, Q. Aponio ducibus, Trebonio Cæsaris legato negarunt obsequium, totamque fere Bæticam traxerunt secum ad defectionem.

XXXIX. Interim & Pompejus trajecit in Hispaniam, ususque occasione, dum muneribus dandis Romæ Cæsar tempus terit, præter spem omnium, brevi magnas copias collegit. Nam favore paterno adjutus, a multis civitatibus societatem & auxilia obtinuerat: quibus instructus, alias vi adjugebat partibus. Jamque Carthaginem Novam obsidebat, cum Scapula, & qui cum eo erant, imperatorem eum agnoverunt; vicissim nihil non & dicentem & facientem, quo sibi benevolentiam hominum pararet. quod alioquin abruptis consiliis necessarium, ab ingenio asperiore & rustico extorserat etiam Allobrogum fuga, qui Curionis milites, deinde Jubæ captivi, post ab hoc Pompejo transditi, nescio quam ob offensam, ad hostes transfugerant.

XL. Hac nova humanitate multi etiam allekti sunt ex hostilibus castris: eorum maxime, qui olim sub Afranio militaverant. Accesserunt interim & ex Africa cum alii, tum Sex. Pompejus Varusque & Labienus, a quibus simul classis instar adductum est. Ea quoque res, quod frater venerat, vires auxilii, spem favoremque hominum accendente fama, pro uno duos stare Pompejos: ideoque auxilia diversissimis ex locis confluebant. Sed surgentem hanc & proxima quæque amplectentem potentiam, quorundam adventu, quos Cæsar præmiserat, sparsa mox affuturi fama stitit: Cnæusque, diffusus alia retineri posse, relicta maritima ora, in Bæticam se recepit.

XLI. At inter P. Varum & C. Didium haud procul Carteja in ipso Oceani ostio contractum navale prælium,

§ XXXIX. Auctor de B. Hisp. Nic. Damascen. Dio. Cic. familiar. 13, 15. § XL. Appian. Flor. 4, 2,

T. Liv. Vol. XI.

E.

repens tempestas etiam effecit tristius, sic quoque depressis multis ex utraque classe navibus. Cessit tamen Varus, objectisque in fauce portus ancoris, inter sese inexplicabili nexu obvinctis, arcuit ingressum hostilium navium, classisque reliquias fervavit. Interea Cæsar in Hispaniam venit admirabili celeritate, &, quod miraculum auget, iisdem septem & viginti diebus (tot enim, nec amplius, Roma Obulconem, ubi exercitus erat, pervenit) poemate, quod inscribitur *Iter*, composito.

XLII. Ullam oppidum Cn. Pompejus tum oppugnabat, ab aliquot mensibus. Idcirco Cæsar, sperans bene meritam civitatem sola adventus sui fama liberari posse, relicta majori parte militum, cum paucis, qui sequi poterant, ab equitatu Fabii & Pedii legatorum, quem occurrere sibi jusserat, in castra deductus est. Sed Pompejus, unum virum uni non adeo præstare ratus, in obsidione persistebat. Cæsar igitur undecim cohortes per L. Julium Patiecum introduxit Ullam, per media Pompeji præsidia tutum iter præbente nocte, ventis & tempestatibus horrida: ipse contendit Cordubam, non modo spe avertendi Pompejum ab Ulla, sed etiam capiendi per prodicionem oppidi: quam ei spem legati Cordubensium injecerant, nupero ejus adventu, cum a Pompejo modo discessissent, obviam profecti.

XLIII. Priori consilio respondit eventus. namque Sex. Pompejus, qui cum præsidio Cordubam tenebat, trepidis nuntiis accivit fratrem. Sic & Ulla prope capta discrimen effugit, & Corduba a Cæsare relicta est: quem præter hostem etiam vexare morbus cœperat. Igitur dilatum in hiemem bellum, neque discessum in hiberna; cum interim quartum consul, & valetudinem recuperavit Cæsar, & partem exercitus, quæ consequi celeritatem ejus nequiverat, recepit. Ategua firmissimum erat præsidium Pompeji, quo plurimum frumenti comportatum fuerat. Id subito Cæsar

§ XLI. Flor. Dio. Appian. Strab. l. 7. § XLII. Auctor de B. Hisp. Dio.

aggressus, circumvallare instituit, fusque deque ferente Pompejo, qui, munitionibus oppidi confusus, parcebat militibus suis, prius existimans futurum, ut frigoris vehementia desisteret Cæsar, quam Ategua caperetur. Sed illo pertinacius instante, cum exercitu eodem profectus est. Multa forte castella in adventum ejus exstruxerat Cæsar, ut equitum peditumque præfidiis venientem arceret.

XLIV. Sed forte accidit, ut, quo tempore Pompejus veniret, sub ortum diei nebula crassissima cælum tegeret. igitur eo facilius & perrupit Cæsaris præsidia, & multos ejus equites concidit. Legiones omnino habebat tredecim: sed quibus præcipue confideret, duæ erant vernaculæ, quæ a Trebonio transfugerant; una facta ex coloniis Hispaniæ, una Afraniana ex Africa, quam secum Pompejus adduxerat. reliquæ constabant ex fugitivis, ne ipsæ quidem plane contemnendæ, cum quartum jam annum plerique fuissent in armis exerciti, projectamque afferrent ad prælia audaciam. Neque tamen ausus est subsidio venire suis: tantum, quia duce carere Ateguenses cognoverat, L. Munatium Flaccum misit.

XLV. Is, *se Julianarum partium, & tribuni cornicularium esse*, simulans, noctu solus vigiles quosdam adiit, tanquam missus ad circumeundas excubias: a quibus accepta tessera, alios fallens, alios evitans, a postremis etiam deductus, quibus, *se missum a Cæsare ad recipiendum per proditionem oppidum*, persuaserat, per medias ejus copias Ateguam ingressus est. Pompejus, incensis nocte castris, inter Ucubim & Ateguam in montibus confedit: mox, etiam his incensis castris, Cordubam intendit iter. Interea cum ad Cæsarem Arguetius (an Aruntius?) & Asprenas venissent, quorum ille signa quinque Saguntinis obiter adempta retulerat, longius evagari Cæsaris equites cœperunt, & eos, qui commeatus ad castra Pompeji vehebant, excipere.

§ XLIII. Dio. Auctor de B. Hisp. § XLIV. Auctor de B. Hisp. Dio. Appian. civil. l. 2. § XLV. Front. Strat. 3, 14. Dio. Auctor. de B. Hisp.

XLVI. Sed qui in præsidio Ateguæ erant, ferociter repugnabant, non ferro tantum, sed etiam igne per omnia ingenia mittendi, se tuentes; donec semper cum damno repulsi, iram verterunt in oppidanos, qui Cæsari favere credebantur: nec ipsos modo occiderunt, sed etiam, auctore Flacco, feminas, vocatis nominatim ad spectaculum viris, quos apud Cæsarem esse sciebant, jugulatas præcípites miserunt de muro; infantes (dictu quoque fœdum) partim in gremiis matrum trucidarunt, alios in conspectu parentum aut humi affligerunt, aut in sublime jactatos subrectis exceperunt pilis. Sub vesperam ejusdem diei venit ad eos clam a Pompejo tabellarius, *turres aggeremque jubens accendi, & tertia vigilia tentari eruptionem: se nocte tota futurum in armis, ut tutiorem daret ad se receptum.*

XLVII. Infelix conatus fuit. reflante vento, ignis in opera Romana jactus ædificia comprehendit oppidi, erumpentesque fumo involvit, ancipiti periculo, quod eodem tempore telis etiam hostium lapidibusque petebantur. Igitur occisi captique magno numero, & argentum, & vestis, quam eo consilio extulerant, ut eorum direptione distractos opprimendo, viam ad erumpendum facerent, victoribus prædæ fuit. Neque tamen destiterunt a defensione, sed ventum secundum nacti, turrim Cæsaris incenderunt.

XLVIII. Sed multis ex oppido transfugientibus, neque inter ceteros integra concordia, tabellæ de muro sunt dejectæ, hoc exemplo: *L. Munatius Cæsari. Si mihi vitam tribuis, quoniam a Cn. Pompejo sum desertus, qualem me illi præstiti, tali virtute & constantia futurum me in te esse præstabo.* eodemque tempore legati oppidanorum, qui ante exierant, Cæsare adito, *si vitam sibi concederet, postridie oppidum esse dedituros*, dixerunt. Ille, *se Cæsarem esse, fidemque præstare solitum*, respondit. Ita ante diem XI Kal. Martii, quæ primo anno Juliano fuerunt, oppido potitus est, & Imperator appellatus ex victoria, quartum jam dictator designatus,

§ XLVI. Val. Max. 9, 2. Auctor de B. Hisp. § XLVII. Dio. Auctor de B. Hisp.

consul itidem quarto : quem honorem , sine collega decretum , inire ad finem belli distulit.

XLIX. Pompejus, his auditis, castra Ucubim versus movit, convocatisque Ucubensibus, *inquiri fautores victoriæ hostium* jussit : ex quibus occidit homines septuaginta quatuor : major aliquanto numerus, cum in oppidum reduceretur, negligentia an sponte custodum, in Cæsaris castra perfugit. Similis cædes similibus causis apud Burfavolenses est edita. Cæsar, rebus Ateguæ constitutis, ita propinquis a Pompejo locis confedit, ut castris conferre castra videretur. Ibi dum uterque operibus viribusque superare adversarium contendit, aliquot minora prælia facta sunt, certamenque singulare commissum inter spectatæ virtutis viros Turpionem Ambivium & Q. Pompejum Nigrum.

L. Quod tamen ferme superior Cæsaris res erat, Pompejus itidem castra movit; moventemque Cæsar est infectus, donec eos in Mundensem campum, fatalem Pompejo futurum, belli ratio deduxit. Et erat inde discessurus Cæsar : sed audito, *Pompejum de tertia vigilia stetisse in acie*, vexillum (id signum erat pugnae) proposuit; sed, ut est observatum, solito mœstior. Similiter Pompejus, consilii inops, & neque constitutam adversus longa belli detrimenta sociorum fidem ratus, properabat decernere, licet prodigiis aperte deterritis. Sane simulacra sudasse, *sonitus armorum* auditos in cœlo, itemque monstrosos animalium partus, faces ab oriente transcurrentes in occasum, spernere pro irritis aut ambiguis poterat : sed aquilæ Pompejanarum legionum, fulmina, quæ pedibus aurea tenebant, visæ dejicere, alasque concutere avolaturis similes, haud dubiam cladem videbantur portendere.

LI. Planities inter utraque castra intercedebat millium quinque passuum, subjecta collibus, in quibus Ucubis erat condita, & Pompeji acies constiterat. In ea planitie, sed pro-

§ XLVIII. Auctor de B. Hisp. § L. Auctor de B. Hisp. Flor. 4, 2. Dio. Jul. Obsc.

pius colles, spatium interjectum uliginosum erat, rivo per cœnosum & palustrem locum decurrente. Ita duplici locorum favore Pompejanos defensores tamen aggredi Cæsar statuit, tessera *Veneris* proposita, cum Pompejus ad excitandam patris memoriam *Pietatem* suis dedisset. Tredecim Pompejus legiones in prælium deduxerat, equitatu lateribus circumfuso, & levi armatura, sex millium numero, quibus prope alterum tantum accessit ab auxiliariis Hispanis Maurisque: filios enim suos Pompejo rex Bocchus auxilio miserat; cum adversarius ejus Bogud in præsidio Cæsaris esset.

LII. Ceterum auxilia utrobique haud magno fuerunt usui: pugnaque vix tentata, Romanis militibus campum reliquerunt. Cohortes octoginta Cæsar eduxerat, cum octo millibus equitum. Hi virtute superiores hostibus, iniquitate loci laborabant, ad extremæ planitiæ voraginosa progressi. Nullo unquam prælio fluctuata magis Cæsaris fortuna est; ut prope Juliani diffiderent victoriæ. Diu pari Marte nihil aliud quam occidebant occidebanturque; donec pugnando utrinque fessis, velut tacitis induciis quies, & mœstum silentium tenuit. Mox renovata pugna, impulsus est illud veterani militis invictum robur, ne prorsus fugeret, verecundia magis, quam virtute, retentum.

LIII. Ibi vero Cæsar vinci insuetus, ad præveniendum hoc dedecus, cogitasse de consciscenda sibi nece traditur, id quidem constat, equum e conspectu abduci jussisse, scutoque cujusdam arrepto, in primam provolasse aciem, increpita *Fortuna*, quæ veterem ducem semperque victorem pueris proderet. Variis inde vocibus pudorem virtutemque suorum stimulans, cum ante prima signa sic procurrisset, ut vix decem ab hoste pedibus distaret, magnam in se coniectam vim missilium excepit scuto, aut modica corporis declinatione vitavit. Tum vero consilii decumani, quorum in mediocri numero maxima virtus exstabat, redintegra-

§ LI. Auctor de B. Hisp. Strab. l. 11. Dio. § LII. Auctor de B. Hisp. Flor. 4. 2. Vellej. 2, 55.

runt prœlium. nec hostes rem gesserunt segnius, quos & ipsos suus imperator, adolescens impetus ad bella maximi, dimisso itidem equo, periculo communicans animabat.

LIV. Cum ita pari animo ac Marte totam ferme diem continuata pugna esset, sub vesperam, unde minime sperabatur, orta est victoriæ occasio. Rex Bogud, qui initio prœlii reliquerat locum, cum instare sibi neminem cernebat, dum adversarii contumacissima pugna detinentur, tentandorum castrorum consilio capto, Labienum non fefellit. Idcirco protinus quinque cohortes ex acie sua detractas subsidio castris ire iussit. At Cæsar, his abire visis, *fugere* inclamavit *hostem*, sive credens ita esse, sive hac specie abusus ad victoriam. Hinc certe & erecti Juliani, & terribili hostes sunt. veræque mox fugæ initium fuit, falso credita; cum, etiam errore comperto, non amplius restitui turbati ordines possent.

LV. Hæc pugna pugnata Liberalibus, advertit hominum curam, ut eodem die ante quadriennium Italiam a Pompejo relictam, recordarentur. Victi pars in castra, pars in oppidum refugerunt. castra expugnata sunt, pari prope utrorumque clade. Mundam quia Cæsar statim circumvallari imperaverat, ne quis per noctem evaderet, & aggeri exstruendo neq; temporis satis, nec materiæ suppetebat; congesta sunt hostilia cadavera, aggerque ex his effectus, valli vicem scutis pilisque & jaculis, quibus confixa corpora tenebantur, explentibus. Et gaudebat fœda crudelitate milles, vertendisque ad oppidum occisorum capitibus, tanquam virtutis suæ testimonio delectabatur.

LVI. *Cecidisse tradunt eo prœlio Pompejanorum supra triginta millia, quos inter Labienum & Varum, quibus fieri Cæsar funus iussit: & equitum Romanorum ex urbe & provinciæ circiter tria millia.* Aquilæ omnes captæ, cum signis & fascibus, præterea duces belli septemdecim. Victores deside-

§ LIII. Oros. 6, 16. Sueton. in Cæs. c. 36. Front. Strat. 2, 8. Plut. in Cæs. c. 79. Appian. Auctor de B. Hisp. Vellej. § LIV. Dio. Appian. Flor. § LV. Dio. Auctor de B. Hisp. Oros. Plut. Cic. ad Attic. 9, 18. Flor. Val. Max. 7, 6.

rati ad hominum mille pedites, equites, promptissimus quisque, & vulnerati ad quingentos. Hoc de proelio dixisse Cæsarem ferunt, *sæpe se de victoria, tum primum de salute dimicasse*. Ceterum perditarum rerum nuntius ad Sex. Pompejum Valerius adolescens Cordubam ex proelio venit. Idcirco Sextus, distributa equitibus pecunia, nocte Corduba profectus est, ad Cæsarem de pace iturum simulans: ceterum perfugit in Celtiberiam, ibique repertis latebris, latrocinio se toleravit.

LVII. Diversa Cnæo fortuna fuit. Is, primum ex acie centum quinquaginta equitibus, peditibusque paucis comitatus, non prius reniisit fugam, quam Cartejam pervenisset, Munda distantem millibus passuum ducentis, ubi naves habebat. Interea Cæsar Cordubam profectus est: cujus adventu Scapula, primus eorum tumultuum auctor, magnifice prius epulatus, jugulum servo præbuit. Cordubæ magna erat discordia, ipsis dedere cupientibus oppidum, resistantibus servis, quorum ingentem vim Pompejus armaverat. ii, cum legiones Cæsaris recipi viderent, incendere oppidum cœperunt. sed superati a Julianis perierunt hominum circiter millia duo & viginti, non connumeratis, qui extra murum ceciderant: reliquos Cæsar vendidit. Inde Hispalim itum, divisam & ipsam studiis atque factionibus. Igitur cum legati missi ad Cæsarem præsidium ab eo præfectumque Caninium introduxissent, Philo quidam, Pompejanarum partium acerrimus defensor, clam ad Cæcilium Nigrum profectus, magnaque ab eo Lusitanorum accepta manu, noctu per murum intronissus est, Cæsarisque præsidium interfecit.

LVIII. Cæsar, si infestius oppugnaret obsessum, ne oppidum a desperatis incenderetur veritus, consulto *segnius administrari omnia* jussit, quo spem effugii præberet hostibus.

§ LVI. Plur. Auctor de B. Hisp. Appian. Dio. Flor. Cic. ad Attic. 12, 36. § LVII. Appian. Auctor de B. Hisp. Strab. l. 11. Cic. famil. 9, 13.

Nec aliter, quam cogitaverat, factum. Eruperunt illi, &, incensis ad flumen Bætım navibus, quo distinerent Julianos, profugiant: sed a præparatis ante equitibus conciduntur. Sic Hispali recepta, versus Astam processit, unde legati venerant, oppidum dedentes: & in itinere oppugnatis, quæ resistebant, ad Cartejenses contendit, quorum legati *Pompejum in sua potestate esse* renuntiaverant. Sed ea quoque civitas discesserat in partes, &, re cognita, portæ sunt a Pompejanis occupatæ.

LIX. Tandem magna excitata seditione, & cæde edita, saucius humero Pompejus naves triginta occupat longas, iisque profugit. sed premente fato, dum navigium conscendit, funiculo irretivit pedem, & accelerans quidam, ferroque abruptere funiculum volens, sinistrum ejus crus incidit. Comperta Pompeji fuga, Q. Didium, qui Gadibus classi præerat, excitavit, ut mari eum terraque persequeretur. Sed Pompejana classis, nullis rebus paratis profecta, intra quartum diem aquationis causa, ad montana quædam loca applicuit. Eo loco Didius occurrit, &, navibus quibusdam incensis, aliis captis, præcluserit maritimam fugam. Pompejus, deserta & avia petens, postquam *adesse cum Didianis equitibus & cohortibus Cæsennium Lentonem* audiit, ad ultimam spem munito loco haud procul Laurone capto, repugnat.

LX. Cæsennius, ubi vi capere locum posse desperat, circummunire instituit. Tum vero Lusitani, certissimum exitum fuga vitare coacti, deseruerunt Pompejum, qui, præter accepta vulnera talo etiam intorto, neque pedes iter facere poterat; neque, ut equo vehiculove uteretur, natura loci præcipitiis aspretisque horridi sinebat. Idcirco cavis exesisque rupibus & antris se occultans, captivorum indicio proditus est, atque interfectus. Caput adolescentis præcisum Cæsennius retulit, idque a Didio transmissum, Cæsari revertenti Hispalim a. d. pridie Id. Apriles relatum

§ LVIII. Dio. Auctor de B. Hisp. Cic. § LIX. Dio. Appian. Auctor de B. Hisp. Strab. l. 11. Flor. 4, 2, Vellej.

est. Cæsar *in conspectum dari populo, ad reprimendos rebellium spiritus, deinde sepeliri* iussit.

LXI. Neque diu lætatus hoc eventu Didius, a Lusitanis, qui se denuo collegerant, per insidias occisus est. Interea qui Mundæ fuerant circumfessi, cum eruptionem tentassent, essentque a Fabio cum magna cæde rejecti, dolum paraverant, ut magna manus, per speciem transfugii recepta, in castris administraret cædem, eodemque tempore ceteri eruptionem facerent. Sed, prodito eorum instituto, Fabius tesseram per castra dedit, *uti omnes Mundenfes extra vallum conciderentur*. Tandem operibus assiduus interclusi, cum extremum malorum accessisset discordia, deditionem aliis volentibus, ceteris alia omnia, inter ipsos concursus est, & portæ ab alteris adaptæ.

LXII. Nec prætermisit occasionem Fabius, occisisque multis, reliquos redegit vivos in potestatem. Munda cum immensa hominum cæde expugnata, vicinum oppidum Urfaonem tentari placuit, situ operibusque permunitum. Interea Cæsar a Gadibus, quo processerat, Hispalim regressus, comœatu convocato, severa oratione Hispanos increpuit, *quod beneficiorum, quæ primo quæstor iis, postea prætor, deinde consul, nuper dictator victorque frequentia & magna dedisset, immemores, tam facile ad arma contra se capienda inducti essent*. Deinde revolutus *ad perpetuæ suæ clementiæ commemorationem, conservaturum se provinciam* dixit. Pecunia maxime imperata est, quibusdam & agri ademti, & graviora imposita stipendia.

LXIII. Sed ex æde Herculis Gaditani donaria sustulit, satis assuetus, apertissimis rapinis atque sacrilegiis sustinere bellorum atque munerum impendia. Ne focis quidem & bene meritis gratuita beneficia tribuit, agro donando, aut immunitate concedenda, civitatisque & coloniarum nonnullis dando jura. Sub hoc tempus Hispalim deducta colonia, ex nomine Cæsaris & Romæ, Julia Romulensis appellata

§ LX. Auctor de B. Hisp. Cic. Phil. 12, c. Plut. in Cæs. c. 79. Appian. § LXI. Auctor de B. Hisp. § LXII. Oros. 6, 16. Diod.

est. Inter hæc otia, (hæc enim bellicis comparata laboribus, homini nunquam cessare solito otia videbantur) Anti-Catones duos scripsit, vituperationem continentes Catonis, laudationique Ciceronis oppositos. His rebus ferme septimum intra mensem confectis, C. Octavius ad avunculum Cæsarem Cartejæ adhuc agentem venit, impeditus morbo, ne discedentem Roma comitaretur.

LXIV. *Per eos dies enatum palmæ germen in loco Mundenfis pugnæ, huic Octavio prosperum omen fecisse credunt, quem tantarum opum successorem Deus designaverat. Sed ad suam fortunam trahens Cæsar, factus erat hilarior atque confidentior. tantoque facilius accepit Octavii preces, tam pro aliis interpositas, quam etiam pro Saguntinis, qui multis criminibus urgebantur, cum ad conventum Carthaginiensem Cæsar accessisset. Cetera deinde provincia constituta, uti commodum properanti fuerat, Romam ad triumphum decessit.*

§ LXIII. Sueton. in Cæs. Dio. Isidor. Plin. 31, 14. Cic. ad Attic. 12, 39. Nic. Damascen. § LXIV. Dio. Nic. Damascen. Appian. civil. l. 2.

JOANNIS FREINSHEMII
SUPPLEMENTORUM
LIVIANORUM

LIBER LXXXI.

IN LOCUM LIB. CXVI LIVIANI

E P I T O M E

LIBRI CENTESIMI DECIMI SEXTI.

C. Cæsar ex Hispania quintum triumphum egit. Et, cum plurimi maximique honores ei a senatu decreti essent, inter quos ut Pater patriæ appellaretur, & sacrosanctus, ac dictator in perpetuum esset, invidiæ causam adversus eum præstitere, quod senatui deferenti hos honores, cum ante ædem Veneris Genitricis federet, non assurrexit; & quod a M. Antonio consule collega suo, inter Lupercos currente, diadema capiti suo impositum in sella reposuit; & quod Epidio Marullo & Cæsetio Flavo tribunis plebis, invidiam ei tanquam regnum affectanti moventibus, potestas abrogata est. Ex iis causis conspiratione in eum facta, (cujus capita fuerunt M. Brutus & C. Cassius, & ex Cæsaris partibus D. Brutus & C. Trebonius) in Pompeji curia occisus est viginti tribus vulneribus, occupatumque ab interfectoribus ejus Capitolium. Oblivione deinde cædis ejus a senatu decreta, obsidibus Antonii & Lepidi liberis acceptis, conjurati a Capitolio descenderunt. Testamento Cæsaris heres ex parte dimidia institutus C. Octavius sororis nepos, & in nomen adoptatus est. Cæsa-

ris corpus, cum in campum Martium ferretur, a plebe ante rostra crematum est. Dictaturæ honos in perpetuum sublatus est. C. Amatius, humillimæ sortis homo, qui se C. Marii filium ferebat, cum apud credulam plebem seditiones moveret, necatus est.

I. **H**ISPANIENSEM Cæsaris triumphum, non uti consueverat, lætum populo, sed peracerbum fuisse tradunt; quia sub Hispanorum præscriptione, non de rege aliquo aut imperatore barbaro, sed aperte de civis amplissimi modo, mox miserrimi, oppressa domo ducebatur. Itaque nec apparatus, (erat autem ex argento rasili) nec epulum, quod populo dedit, pari voluptate lætitiæque celebrata sunt: quamquam duo præbuisset prandia; quia prius parcius atque tenuius, quam pro sua liberalitate, instructum crediderat. Tum quoque frumentum populo distribuit, ne quid magnificentiæ deesset. Porro post triumphum consularia comitia habuit, suffecitque sibi in tres novissimos menses (tot enim supererant) Q. Fabium Q. F. Q. N. Maximum, C. Trebonium C. F. tanta quidem indignatione populi, veterem morem iterum violari non ferentis, ut, Q. Fabio theatrum introeunte, cum liCTOR *animadverti* ex more iussisset, universi reclamaverint, *non eum esse consulem.*

II. Triumphum etiam eidem Fabio, sed & Q. Pedio, legatis suis, decernendum curavit ex Hispania, quasi parum fuisset, semel traductam esse civilium armorum calamitatem; quamquam nihil illi suis auspiciis gesserant. Fabius Maximus a. d. III Id. Octobr. in consulatu suo triumphavit; a. d. Idus Decembr. Pedius. Hi triumphi, cum minime favente populo ducerentur, etiam ob mediocritatem pompæ derisi sunt. Cum enim paucis ante diebus Cæsar oppida eborea aut argentea transtulisset, deinde Maximus lignea; *thecas esse oppidorum Cæsaris* jactitatum est.

§ I. Plut. in Cæs. c. So. Vellej. 2, 56. Dio. Sueton. in Cæs. 38.

Sed mirari non oportet, Cæsarem hanc ostentasse victoriam, cum tantis excepta Romæ publicis gratulationibus esset, tam singularibus cohonestata decretis.

III. Sanè tantum illi verecundiæ superfuerat, ut neque nuntios ex Hispania, neque literas publice mitteret: at Patres, plerique adulandi studio, nonnulli quo maiore oneratum invidia velocius & excusatius perderent, honores nullo jure, nec exemplo congerebant. Et Cicero quidem, quantum summo cuique hominum tribui potest, sententia sua dederit. Sed alii sic adauxerunt, ut Cicero propemodum malevolus fuisse videretur. Ita *supplicatio dierum quinquaginta* decreta; *utque Palilibus ludi ederentur, non jam ob natalem urbis, sed quia pridie ejus diei nuntiata Cæsaris hac victoriæ fuisset*: quemadmodum eodem mense a. d. VI. Id. April. ludi ob victoriam Africanam fiebant. Sed & ceteras insigniores ejus victorias singulis ludis placuerat celebrari.

IV. Ceterum hæc erat potius calamitatis vulnenumque reipublicæ tristes exprobratio: levius insanisse viderentur, qui *Clementiæ templum ponendum* censuerant; *nisi commune ipsi atque Clementiæ esse voluissent, simulacris utriusque dextris jungentium dedicatis*. Sane quid factururus fuerit Cæsar, si vixisset diutius, non liquet. Illud in confesso est, quoad vixit mitem humanumque & placabilem adversariis se præbuisse. Sed & sub extremum tempus, etiam quibus nominatim reditum non concesserat, reverti omnes, honoresque & imperia capere passus est. Brutum quidem & Cassium prætores tum fecerat: aliis multis alios magistratus concesserat: conjecturam inde faciente populo, fore, ut exemplo Sullæ rempublicam redderet. Postea L. Sullæ, & Cn. Pompeji statuas, a plebe disjectas, per Antonium collegam reposuit. quo tempore dixisse Cicero fertur, *Cæsarem Pompeji statuas erigendo, stabilire suas*. de Pompejo semper honorificentissime loquebatur.

§ II. Dio. Fasti Capitol. Quinælian. 6, 3. § III. Plut. Dio. § IV. Appian. civil. 1. 2. Plut. Sueton. Cic. Polyæn. Strat. 1. 8.

V. Præterea cohortes prætorias, quibus stipatus bellorum tempore fuerat, a se removit. *custodes corporis uti asceret* amicis monentibus, multisque se offerentibus ad officium, respondit, *Semel mori præstare, quam semper timere.* Dicta graviora inhibere, quam vindicare, maluit. In quibus & A. Cæcinæ criminofissimum librum, & M. Otacilii Pitholai carmina maledicentissima æquo & civili animo tulit. Sed hæc tam pulchra & laudanda plerisque insolenter usurpandis corruperat, in omni celebritate triumphalem vestem indutus, laurumque perpetuo gestans: *quo tamen honore, lætatum ideo præcipue ferunt, quod molesta & dictis obnoxia calvitiei deformitas sic tegebatur.*

VI. Sed ipsum occultandi studium patebat obtrectatorum jocos, & quod a Venere sua præcipuum formæ decus adeptum sese credi volebat, & de maximis quibusque negotiis literas Venere armata obsignabat, hanc insculptam annulo gestare solitus. Fuit enim statura excelsa, colore candido, teretibus membris, ore paulo pleniore, nigris vegetisque oculis. Sed & cultu notabili commendare formam studens, jam olim non evitaverat dicteria, cum & rubei coloris veste uteretur, qualem, Albæ regibus gestari solitam, ipse Juli genus credebat ad se pertinere, & fluxiore cinctura, in quam memorabile dictatoris Sullæ dictum fuit, deprecantibus pro Cæsare amicis, *cavere* jubens *male præcinctum puerum.*

VII. Unde & Cicero, post civile bellum interrogatus, *quomodo in electione partis errasset*, *Præcinctura*, inquit, *me fefellit.* Sed hæc erant præ his, quæ sequuntur, tolerabilia. Namque sacrificiis, certaminibus, donis circa omnia templa & loca publica, per singulas tribus colebatur: delubra quoque complura ei decernebantur, senatusconsulto: eandemque insaniam, ad exemplum urbis, civitates regesque focii insaniebant. Ipse *liberator* vocabatur, relato in fastos nomine: templumque libertati locabatur publi-

§ V. Plut. in Cæs. Cic. familiar. 6, 7. Macrobian. Saturnal. 2, 2; Sueton. in Cæs. c. 46. § VI. Dio. Sueton. in Cæs. c. 76.

ce. Prænomen *Imperatoris* non ipsi tantum, sed filiis etiam nepotibusque dabatur, cum nullos haberet: quod postea sequentes ad principes, cum nomine Cæsaris pervenit, privato concessum nemini; cum adhuc *Imperatores* vocarentur ob victoriam. quem honorem ipsi quoque principes asciscabant, vel sæpius, ut *Augustus* quidem *Imperator appellatus* legatur *semel & vicies*. Sed ista quidem appellatio quoties victori tribuitur, post nomen adscribi solet: idem quoties principatus est nota, præmittitur.

VIII. Appellatus est & *Pater patriæ*, & *dictator perpetuus*, consulque *in decennium continuum*, & *sacrosanctus esse* iussus, quo jure semper tribuni plebis fuerant. Sacerdotibus Vestalibusque injunctum, uti *singulis lustris vota pro eo facerent publice*. Decretum, ne quis *conjunctum cum eo imperium haberet*, neve rerum bello gerendarum laudem communicaret: utique magistratus inter ineundum jurarent, nihil moturos eorum, quæ essent a Cæsare definita: neve quis *injussu ejus ullam partem militaris imperii, aut pecuniæ publicæ attingeret*. Mensem quoque, cujus nomen antiquitus a numero Quinctilis fuerat, Julium appellari voluerunt, quod eo mense erat in lucem editus, a. d. V Id. quo die *sacrificandum* quoque censuerunt *ob natalem Cæsaris*.

IX. Sed quia dies eadem celebrabatur Apollinaribus ludis, ea causa fuit, cur edicto triumvirorum postea Cæsaris natalis in antecedentem diem retraheretur; quia honores ei divinos habere cupiebant, Apollinaribus non poterant, quem diem antiquæ religiones unius Apollinis honori voluerunt esse consecratum. Tum etiam *statuam Cæsaris eburneam*, mox *thensam & ferculum Cæsaris Circensî pompa inter simulacra Deorum* jusserunt *vehi*: & imagines in templis vario ornatu proposuerunt: unam in fano Quirini cum inscriptione Dei invicti; aliam in Capitolio, ubi septem regum erant statuæ, & octava in medio gladium

§ VII. Macrob. Saturnal. 2, 3. Sueton. in Cæs. c. 76. Pausan. Fænic. Tacit. § VIII. Sueton. Flor. 4, 2. Dio. Appian. Euseb. Macrob. Saturnal. 1, 12.

stringentis L. Bruti, qui libertatis vindex fuit. *Juxta hanc Caesaris collocata statua M. Bruto momentum ad facinus fuisse creditur, quod postea suscepit.*

X. His honorum velut infulis victima ornabatur, solatio potius, quam remedio casura libertatis. Sed & alia multa decreta fuerunt, quæ tamen ex his cognosci æstimarique possunt. nec ei numerus tantum horum atque novitas concivit invidiam, sed magis etiam ipsius superbia, quod cum his decretis venientem ad se pro æde Veneris Genitricis universum senatum. consulibus præcedentibus, sedens excepit, dextra tantum porrecta singulis. Nihil temere aut acceptum acerbius, aut pluribus exagitatam sermonibus fuit. Quidam *assurgere conantem a Cornelio Balbo retentum* autumant, *memorem esse jubente majestatis suæ*: alii *conatum negant, sed C. Trebatium admonere ausum limis adspexisse.* quapropter excusantibus illum postea, *profluvio ventris laborantem timuisse, ne quid assurgens turpiter faceret,* non est creditum, præsertim quia deinde pedibus domum redierat.

XI. Et quo ægrius homines factum ejus paterentur, quam ipse tulisset iniquo animo recordabantur, quod triumphanti, cum subsellia præterveheretur, a tribuno plebis Pontio Aquila assurrectum non fuerat. Nam & statim præ indignatione exclamarat, *Repete igitur a me, Aquila, rempublicam tribunus*: & per continuos aliquot dies nihil promissit cuiquam, ut non adjiceret, *si tamen per Pontium Aquilam licuerit.* Ex honoribus porro decretis, præter decennem consulatum, admisit reliquos, & quibusdam statim coepit uti: magistratusque ad libidinem & capere & dare solitus, pridie Kalendas Januarias, cum hora secunda, comitiis quaestoriis institutis, sella Q. Maximi consulis posita, deinde, mortuo eo nuntiato, qui nullis evidentibus causis obierat, sublata esset; qui comitiis tributis esset auspicatus, centu-

§ IX. Dio. Sueton. Appian. Flor. Cic. Phil. 2. Plin. 33, 1. Plut. in Brut. c. 1. § X. Flor. Dio. Liv. Epit. Sueton. in Cæs. c. 78. Plut. in Cæs. c. 84. Appian. Eutrop.

riata habuit: petentemque consulatum hora septima renuntiavit consulem C. Caninium C. F. C. N. Rebilum, qui usque ad Kalendas esset, quæ essent futuræ postridie.

XII. Hæc referri melius non potuere, quam verbis Ciceronis, qui interfuit; neque dicta prætermittenda, quibus consulatus iste derisus est. *Caninio consule prandisse neminem; eum tantæ fuisse vigilantia, ut toto consulatu suo somnum non viderit*, Ciceronis sales sunt: *antea flamines Diales fuisse, nunc consules*, Pitholai. Sed & ad salutandum consulem ituris, *maremus*, inquit Cicero, *ne, priusquam accedamus, illè consulatu abeat*: idemque Græco verbo λογοςέορνητοῖ appellabat consulem, tanquam qui sensu percipi nequiret: *idque consecutum esse Caninium* dicebat, *ut, quibus consulibus consul fuerit, quæreretur*. Sed tamen res in exemplum ivit, neque deinde quidquam fuit usitatus, quam ut multi eodem anno consules, & plerique in bimestre crearentur; annis nomina darent, qui ex Kal. Januariis fuissent.

XIII. Ceteros magistratus in speciem more antiquo populus dabat, recusante munus istud Cæsare: sed tamen neque contra voluntatem ejus fiebant, & provinciæ ab ipso mandabantur extra sortem. Numerus adhuc ceterorum idem; sed prætores eo anno quatuordecim, quæstores quadraginta creati. Nec enim erat alia maturandis civilis belli præmiis expeditior ratio. Eandemque ob causam collegio quindecim virorum adjectus unus est, & septemviris tres additi.

XIV. In senatorium quidem ordinem allegebat sine discrimine milites, libertinos, civitate recens donatos, Gallos quin etiam semibarbaros, aucto ad nongentos senatorum numero. Unde rogatum a quodam Ciceronem, *ut privigno suo decurionatum expediret*, respondisse ferunt, *Romæ, si vis, habebit; Pompejis difficile est*. & Q. Sextius pater,

§ XI. Sueton. in Cæs. c. 76, & Neron. c. 15. Appian. Dio. Cic. familiar. -, 30. Plin. 7, 53. Fasti Capitol. Tacit. § XII. Cic. Dio. Macrob. Saturnal. 2, 2. Plut. in Cæs. c. 61. § XIII. Dio. Tacit.

latum clavum offerente Cæsare, studiorum obtentu repudiavit. Quosdam etiam infimi generis provexit ad summos honores: monetæ, publicisque vectigalibus peculiares servos præposuit: trium legionum, quas Alexandriæ reliquerat, curam & imperium, exoleto suo, Rufini liberti sui filio, commisit.

XV. Hæc quoque vanis vocibus ultus est populus, hoc tantum affecutus, ut & pati posse quævis indigna & molesta judicaretur. Ideo *Gallos idem in triumphum atque curiam, depositis braccis, lato clavo sumto, duxisse* canebatur: & libellus est propositus in hanc formam: *bonum factum. ne quis senatori novo curiam monstrare velit.* Hæc ille sic defendebat, ut diceret palam, *si grassatorum & sicariorum ope in tuenda dignitate usus esset, talibus etiam se parem gratiam relaturum.* Sed in allegendis patritiis fuit aliquanto severior: in quos & C. Octavium recepturus erat, carissimum sibi; & maximi meriti virum, neque pollutum ab indignis honorem patienter laturum, M. Ciceronem, lege Cassia.

XVI. Adscripsit autem præterea consulares omnes, & eos, qui cum imperio ad exercitus fuerant. Sed & viris prætoriiis decem consularia ornamenta tribuit. Quod autem dimissi quidam fuerunt, quos accusatores corruptorum iudiciorum convicerant, id crimini datum est Cæsari, tanquam pecuniæ causa jus violasset: eaque suspicio vehementius aucta, postquam loca publica, nec profana modo, sed etiam sacra quædam subjecit hastæ. Certabat tamen ibi quoque cum rapacitate profusio; multisque grandes summæ donatæ, aut minimis addicta sunt luculenta prædia; notumque est Ciceronis dictum, mirantibus amplissimos fundos minimo abstulisse matrem Serviliorum, *quo melius emtum sciatis, tertia deducta est.* Erat autem Junia Tertia Serviliæ filia C. Crassi uxor: quam & ipsam conciliare Cæsari mater credebatur.

§ XIV. Dio. Sueton. in Cæs. c. 72 & 76. Jo. Sarisber. 2, 14 ex Macrob. Saturnal. 2, 3. § XV. Sueton. in Cæs. Nic. Damascen. § XVI. Diodor. l. 43 & 46. Sueton. in Cæs. c. 50, 54 & 76. Macrob. Saturnal. 2, 1.

XVII. Sed L. Basilo præturam gerenti visum intolerabile, quod negata provincia pecuniam Cæsar dedisset. igitur non ferens ignominiam, sibimet conscivit necem. Hæc, ut in civitate studiis & moribus discordi necessum erat, varie accipiebantur: gaudebant, quorum hæc fiebant emolumento; ceteri ringebantur, sermonibusque occultis, & quibus plus audaciæ erat, libellis editis, temporum infelicitatem traducebant. Hæc ferme anni illius gesta reperio: quo quidem ærarii curam ex præfectorum numero duo gesserunt, a quæstoribus prius administrari solitam.

XVIII. Ab eo initio varie habita ejus rei forma est; nec postea perpetuo mandata quæstoribus, sed postremo præfecti sunt ærario prætorii. Quæstores autem eo anno nulli creati, cum Lepido magistro equitum, sicut & factum anno superiore fuerat, præfectis urbana negotia administrantibus. qui postulati, *quod lictores prætextamque & sellas curules habuissent*, legem protulerunt, per quam *earum rerum potestas fiebat iis, qui magistratum aliquem a dictatore accepissent*. Apollinares ludi sumitibus Cæsaris facti sunt per alterum præfectorum, quos ærario præfuisse diximus: Romanos ædiles plebis fecerunt ex senatusconsulto. Præterea quod neque prius, neque postea factum reperitur, unus præfectorum, cum feriis operam daret, alium sibi suffecit in proximum diem, atque ille iterum alium.

XIX. Sequitur annus Julianus secundus, quintam Cæsaris dictaturam, quintumque & postremum consulatum afferens. Proximis enim comitiis, cum promissis ejus inductus Dolabella consulatum petisset, quia M. Antonium creare consulem cupiebat, qui ex Hispania redeunti longissime profectus obviam, pristinum familiaritatis gradum recuperaverat, sciens eum esse Dolabellæ inimicissimum, semet ipsum cum M. Antonio designarat: Dolabellam ostendens, priusquam ad bellum Parthicum proficisceretur, consulem esse jussurum. M. Lepidum adsciverat magistrum equi-

tum; & quia Galliam ille Narbonensem cum Hispania citeriore per legatos administrabat, & tum iturus ipse erat in provinciam, C. Octavius C. F. C. N. magister equitum designatus est, ut cum M. Lepidus paludatus exisset, iniret. nam ut Lepido præferretur, ab avunculo frustra petierat, quod esset adhuc adolescentulus.

XX. Designavit & Cn. Domitium M. F. M. N. Calvinum, qui sibi dictatori magister equitum in annum sequentem esset: sed tum magistro equitum non fuit opus, dictatura sublata. Quod enim belli Parthici causa abfuturus erat Cæsar, decretum fuerat, *uti plures in annos magistratus ordinarentur*. Nec tamen omnes declarati: prætores tamen constituti sedecim, in quibus & P. Ventidio fuit locus. Ædiles tum primum sex creati, duo patricii, quos ob frumenti procuracionem *Cereales* vocabant; quatuor plebeji, ceteri quoque magistratus omnes eum in annum constituti sunt. in sequentem, præter consules & tribunos plebis, nemo.

XXI. Ipse, qui nunquam posset quiescere, multa simul negotia amplexus, dum expeditio paratur, de ornandis instruendisque urbe & imperio cogitabat. Theatrum inprimis extruere aggressus est summæ magnitudinis, Tarpejo monti accubans. Destinavit & Marti templum, quantum nusquam esset, complanato lacu, in quo naumachiam ediderat: præterea Græcas Latinasque bibliothecas, quam posset maximas, colligendi negotium M. Varroni dederat. Quæ opera, morte ejus interrupta, successor Augustus perfecit. penes ipsum invidia fuit, quod loco theatri reputando multa privata atque etiam sacra ædificia diruerat, crematis simulacris ligneis, & quos repererat, thesauris suum in sinum reconditis.

XXII. Parabat & siccare Pomptinas paludes, quæ a Circejis magnum agri Latini modum absorbuerant; Anienem

§ XIX. Cic. Phil. 2, 32. Plut. in Anton. c. 16. Dio. Appian. civil. l. 2. Plin. 7, 45. § XX. Fasti Capitol. Sueton. in Cæs. c. 76. Dio. § XXI. Plut. in Cæs. c. 82. Sueton. in Cæs. c. 44. Dio.

flumen, ipsumque Tiberim, statim a ponte Mulvio præaltis foveis exceptos, secundum montes Vaticanos per Circæum promontorium Tarracinam, atque in mare Tyrrhenum deducere, quo minore negotio subigi naves onerariæ possent; &, jactis ad mare circum Ostiam molibus, alveoque Tiberis repurgato, portum efficere cujuslibet navigationis pacem; &, quo facilius urbs adiretur, a mari supero per Apennini dorsum ad Tiberim usque munire viam. Sed & Isthmum perfodere, inter Lecheam & Cenchreas, navigabili alveo cogitavit: quod olim rex Demetrius, postea Caligula & Nero Cæsares, infesto omnes incepto, & ipsorum interrupto morte, tentaverunt.

XXIII. Inter hæc & leges tulit, & pomœrium protulit urbis. quibus rebus cum imitari Sullam videretur, longissime anteibat clementia, qui adversus se arma tulerant, pari cum ceteris jure sinens agere, &, quibus bona propter delictum ademerat, eorum filiis remittendo partem. Igitur licet arduum sit, unum aliquem & belli & pacis excellere laudibus, utroque nomine clarus apud populum Romanum atque venerandus erat. Auxitque gloriam apud externos, duarum nobilissimarum urbium, Corinthi & Carthaginis, instauratio, quæ ante annos circiter centum simul deletæ, tum clementia & liberalitate Cæsaris resurrexerunt.

XXIV. Consilium hoc cepisse in Africa creditur, somnio permotus, cum adversus Pompejanos in solo Carthaginis castra posuisset. Magnum exercitum videre per quietem imaginatus, seque fletu ejus permotum appellari, *ut populosissimam olim urbem iterum e ruinis excitaret*, statim in commentarios retulit, *missurum colonias Carthaginem & Corinthum*, cujus eum simul memoria subierat. Coloni sunt Corinthum missi libertini generis plurimi, *Corinthiensesque* appellati & Colonia *Julia Corinthus*. Ab eo tempore rursus magnopere hæc urbes effloruerunt: Carthago quidem in tan-

§ XXII. Sueton. Dio. Plin. 35, 26. Cic. ad Attic. 13, 33. Plut. § XXIII. Dio. Cic. ad Attic. 13, 33 & 35. Plut. in Cæs. Pausan. Corinth. Diodor. ap. Vales. Appian.

tum, ut a Solino *alterum post urbem Romani terrarum decus* appellaretur.

XXV. At Cæsar, multis ad bellum causis excitatus, quod & Crassum vindicari populus Romanus jubebat, & ipsi valetudo inter^o laborem erat firmior; sed præcipuo gloriæ stimulo, quam vastus & insatiabilis animus sine modo, sine fine indefinenter appetebat: præmissis trans Adriaticum sinum legionibus sedecim, equitum decem millibus, Dacos, qui se in Pontum & Thraciam effuderant, coercere; mox Parthis inferre bellum per Armeniam minorem meditabatur: his devictis, per Hyrcaniam ad Caspium mare penetraturus, ut, Caucaſo ambito, Scythiaque perdomita, & quæ supra Germaniam colunt gentibus, ipsaque Germania, per Gallias in Italiam rediens, omnem fere orbem habitabilem, unius imperii jure complecteretur.

XXVI. Sub idem tempus, his, puto, cogitationibus admonentibus, senatusconsultum faciendum curavit, *uti totius orbis Romani descriptio, cum accuratis locorum dimensionibus, in tabulas referretur*. His excitæ rumoribus Illyriorum nationes, nunquam satis pacatæ, legatos miserunt, præteritorum petentes veniam, traditis in fidem Cæsaris omnibus. Sed inter orandum barbara quadam ferocia, *gentis suæ robur, & induratum bello fortitudinem* extulerant. Itaque Cæsar, acriore responso superbiam eorum reprimendam ratus, *Vos quidem, inquit, armis Romanis sæpe provocatis domiti, dum majoribus curis dstringimur, a pacta fide subinde reſiluistis. nec antiquiora commemoro: me subigendis Galliis occupato, cum Liburnis Priamonem reddi juberem, spreis mandatis meis, etiam copiarum eo missarum partem infidiis circumvenistis. post paulo Gabinium cum quindecim cohortibus, & tribus millibus equitum, per fines vestros ad me tendentem in Macedoniam, hostiliter vexastis, multis occisis militibus, signis spoliisque ablatis.*

§ XXIV. Strab. 1. 8 & 17. Festus. Nummi ap. Vales. in Dioscor. fragg. Mela. 1, 3. Solin. c. 40. § XXV. Dio. Appian. civil. 1. 2. Plut. Sueton. in Cæs. c. 44. § XXVI. Appian. Illyr.

XXVII. *Nunc amicitiam audetis a me petere, quem tot injuriis laceſſere veriti non eſtis. At ego talia perpetrantiſus amicus eſſe non d dicitur: armis uliſci armis, & pacem, quam petunt, præſtantibus parcere, R manum & meum eſt. Idcirco tributa, & in futurum fidei pignus obſid s m trit ; aut hoſtilia omnia propediem exſpectate.* Orantibus illis, & utrumque pollicentibus, P. Vatinius cum legionibus tribus, & magno equitatu miſit, qui acciperet obſides, & tributa imponeret. Sed talia agitantem animo Cæſarem feſtinata civium dolo mors prævenit.

XXVIII. Jam eum exorū multis nimii honores fecerant; & quod in his uſurpandis exiſtimatus erat eſſe ſuperior. Sed maxime deſpectus ab eo nuper ſenatus putabatur: iſque dolor arrogantiore facto ſævius recrudit. Cum a. d. VII Kal. Februar. ex Albano monte ovans reverteretur (hic enim ei honor decretus fuerat e feriis Latinis redeunti) acclamatione quorundam *Rex* appellatus, cum id animadverteret populo parum placere, *non Regem ſe, ſed Cæſarem eſſe* reſpondit. Attamen quidam e turba ſtatue ejus coronam impoſuit, candida præligatam faſcia, in diadematis modum. *Eam faſciam* duo tribuni plebis Lucius Cæſetius Flavus, C. Epidius Marullus *deſtrahi, hominemque in carcerem duci*, juſſerunt; gratum facturos Cæſari ſperantes, quod ille motam aliquando regni rationem ſimilis indignabundo rejeciſſet.

XXIX. At ille graviter increpavit tribunos, quaſi ereptam ſibi gloriam recuſandi doleret; ſubinde *Brutos* vocans & *Cumanos*, quia populus factum eorum probans, quaſi vindices libertatis, hoſtesque regni, *Brutos* appellaverat. nihil tamen adjecit in præſentia triſtius. Ceterum tribunos poſt aliquot dies queri auſos, *ſibi neque integrum, neque tutum eſſe de republica loqui*, accuſavit in ſenatu, quod *invidiam ſibi tanquam aſſeſſanti tyrannidem facerent*; & multis extrema decernentibus, *ſuffice e* dixit, *ſi ſenatu moti tribunatum amitterent.* Rogationem de abrogando eis magiſtratu

§ XXVIII. Faſti Capitol. Plut. in Brut. c. 14. Dio. Sueton. in Cæſ. c. 79. Appian.

C. Helvius Cinna pertulit : pauloque post interemtus, firmavit opinionem, neminem, qui collegæ magistratum abtulisset, annum supervixisse.

XXX. Cæsetii pater, a Cæsare *filium abdicare* jussus, *facturum se* negavit. Quod a Cæsare latum civiliter, non tamen absolvit eum cogitatæ dominationis crimine, quod lenis alias & mansuetus, tam præcipiti iracundia in homines præmio digniores exarsisset. Fertur & ipse sensitse commota hominum odia, & amicis dixisse, jugulo nudato, *paratum se ad cædem cuilibet : ceterum vigilarent illi ; nunc enim egregium nactos esse prætextum inimicos*. At Panfa & Hirtio prædicentibus, *ut principatum armis partum armis tueretur ; quærentibusque, num igitur pateretur iterum stipari cohortibus, quas Hispaniensi bello habuisset ?* respondit, *nihil esse miserius perpetua custodia. hoc enim semper timentis atque solliciti esse : mori se, quam timeri, malle*.

XXXI. Neque tamen aut ipse desiit appetere regnum, aut familiares ejus hanc augere suspicionem. Novissime pro rostris aurea sella, in regia veste, cum aurea corona sedentem, M. Antonius, inter Lupercos currens, adiit, & diadema paratum afferens, capiti ejus imponebat, tanta hominum mœstitia, ut etiam M. Lepidus averteret oculos ; & Cæsar ipse repelleret, plaudente populo, qui modo graviter ingemuerat. Id quia factum erat aliquoties, neque offensus Cæsar pro gravitate rei videbatur ; & cum capiti detractum in sella collocasset, seposuisse potius, quam repudiare, existimatus est. Neque mentibus eximi suspicio potuit ; quamquam mox in Capitolium mitteret eam, *solum Jovem Romanorum esse regem*, dictitans. Plura enim augendæ suspicioni fiebant, aut futura credebantur.

XXXII. Nam & passus erat Cæsar adscribi in Fastis, *ad Lupercalia, C. Cæsari, dictatori perpetuo, M. Antonium consulem, populi jussu regnum detulisse, Cæsarem uti noluisse*.

§ XXIX. Sueton. Plut. Appian. Val. Max. 5, 7. Dio. Liv. Epit. Jul. Obseq. c. 139. § XXX. Dio. Appian. Plut. in Cæs. & Anton. Vellej. 2, 57. § XXXI. Vellej. Flor. 2, 91. Dio. Liv. Epit. Cic. Phil. 2, 24. Appian. Plut. in Anton.

Igitur rem aeternam ex composito credebant, ut Cæsar, quod flagrantissime cupiebat, suscipere coactus videretur. Quin etiam fama percrebuit, migraturum Alexandriam, vel Ilium, eam deinceps habiturus imperii caput; exhaustaque delectibus Italia, regimen Romæ permissurum amicis. Sed & postremo senatu L. Cottam quindecimvirum sententiam dicturum, ut, quoniam libris Sibyllinis comprehensum esset, Parthos, nisi a rege, vinci posse, Cæsar rex appellaretur.

XXXIII. Id maturandi consilii causam conjuratis attulisse creditum, & quia revera regem Cæsar agebat, ne modestum quidem, sed assentatorum vocibus infatuatum, & nimios honores sine numero admittentem. Nam præter eos, qui suis locis sunt memorati, decretum ei fuerat, uti fastigium, qualibus ornari templa solent, in domo ejus locaretur: ipse curuli sella semper uteretur; ludis in tribunatio subsellio spectaret inter tribunos: opima spolia in templo Jovis Feretrii suspenderet: lictores semper haberet laureatos: ipsius imagine moneta signaretur: statuæ in omnibus urbibus, atque omnibus urbis Romanæ templis ponerentur: in ipsis quidem rostris duæ, altera cum civica corona, altera cum obsidionali; tanquam ipsius virtute servati cives, liberata patria forent: uti Concordiæ Novæ templum statueretur, cum anniversariis ludis, propter restitutam a Cæsare pacem: curia quoque nova ædificaretur.

XXXIV. Hostilia, cum funere Clodii arlisset, dudum instaurata fuerat. sed eadem nuper erat iterum diruta, magistro equitum Lepido templum ibi dicente se ædificaturum Felicitati: ceterum id ea re actum ferebatur, ut inde quoque Sullæ nomen tolleretur, & nova ibi curia ex fundamentis educula Julia fieret: quemadmodum & mensis appellatus ab eo fuerat, & tribuum una sorte ducta ex omnibus. Ad hæc datum, uti solus perpetuusque censor esset: filius, sive natus ei, sive adoptatus foret, pontifex maximus crearetur. pro salute ejus vota quotannis fierent: per genium ejus juraretur: omnia, quæ egisset, rata haberentur: senatores atque equites custodiam

§ XXXII. Dio. Sueton. Cic. de divin. Appian. § XXXIII. Plut. in Cæs. Sueton. Dio. Cic. Flor. Appian.

corporis ejus agerent: quinquennalia tanquam heroi agerentur: Lupercis tertium collegium adderetur; Juliorum cognomento: munere gladiatorio in urbe & per Italiam unus dies Cæsari dicatus esset: in theatris sella ejus aurea, & gemmata radiisque distincta corona, sicuti ceterorum Deorum, inferretur.

XXXV. Postremo jam non per ambages, sed propalam, pulvinari decreto, *Jovem Julium* appellarunt, eique suum attribuerunt flaminem, Antonium. Nec eo minus tanquam mortali sepulcri locum dederunt intra pomœrium. & hæc decreta, literis aureis in columnis argenteis consignata, sub pedibus Capitolini Jovis collocaverunt. Non me fallit, his commemorandis lectori me simile fastidium comparasse, atque ego cognoscendis digerendisque subii. sed referre credidi, ne parum diligenter ista traderentur, quo sub illustri documento palam fieret, in quantum insanire magna ingenia possint, quoties popularium vocum puerilibus oblectamentis in transversum acta, semel a vero gloriæ itinere diverterunt.

XXXVI. Inerat fane Cæsari præstantissimus animi vigor, & capax omnium, ad quæ adspirare mortalis natus ausit, sublimitas: sed assuetudine & voluptate, jucunda, quam salutaria, audiendi, non cessavit a se desciscere, donec ad stolta, & pudenda, & postremum exitiosa prolaberetur. Igitur propalam edebat voces insolentis arrogantiae plenissimas, *Nihil amplius esse rempublicam: appellationem modo sine corpore ac specie. Sullam nescisse literas, qui dictaturam deposuerit. Debere homines jam consideratius secum loqui, & pro legibus habere, quæ dicat.*

XXXVII. Sane magnos ei honores a principio, quotquot adhuc vetere curia digni superabant, non immerito detulerant. Sed ubi hæc cupide recipi intellectum est, statim prorupit adulantium protervitas tam impudenter, ut inter alia turpia censerent quidam, quod mulierosum esse scirent, *ut uxores liberorum quærendorum causa, quas & quot*

vellet, ducere liceret. ajuntque, hoc etiam placuisse Cæsari, atque Helvium Cinna plerisque confessum, habuisse paratam legem, quam ea de re ferri, se absente, Cæsar jussisset.

XXXVIII. Jamque eo perventum erat, ut tot atque talia admitti ab homine, vel ipsi, qui detulerant, indignarentur. At populus, ut mos est vulgo, sæpe nominibus magis, quam rebus offendi, quem tamdiu regem erat passus, sic appellari velle non ferebat. Itaque clam palamque dominationem aspernantes, vindicem requirebant. proximis comitiis reperta dicuntur complura suffragia, Cæsetium & Marullum consules declarantium. L. Bruti statuam in Capitolio fuisse diximus, juxta regum effigies, ubi & C. Cæsari nuper erat posita. huic igitur inscriptum fuit: *Brutum, ejectis regibus, primum consulem factum esse: hunc, ejectis consulibus, postremum regem.* Bruti vero statuæ: *Utinam viveres!*

XXXIX. Atque inde conversi ad prætorem Brutum, quem propter nominis communionem ab alio illo genus ducere faventes dicebant, subinde inclamarunt *Bruti* nomen, sibi, que *Bruto aliquo esse opus.* Tribunali quoque ejus inscriptum: *Dormis, Brute? &, non es Brutus?* Is populi sensus animos inimicorum Cæsaris erexit; Cassioque, sollicitanti quosdam, annuerunt, *si dux facti Brutus esse sustineret.* Ab hujus enim integritate putabant accessurum ausis suis honestissimum colorem, ut res, Bruto probata, non nisi causa libertatis suscepta videretur. Sororem Bruti Cassius duxerat: sed erat inter eos nuper orta dissensio, quod minorem natu Brutum Cæsar urbanum prætorem fecerat, eidemque consulatum promiserat, dilato Cassio, cujus tamen causam esse justiore fatebatur.

XL. Tunc igitur prior ad Brutum Cassius venit, percontatusque est, *essetne interfuturus senatui Kalendis Martiis? nam audire se, Cæsaris amicos relatueros esse de regno ejus.* Ille negare affuturum. Tum Cassius, *quid si cogamur adesse?*

§ XXXVII. Dio. Sueton. in Cæs. c. 50 & 52. § XXXVIII. Plut. in Anton. Sueton. in Cæs. c. 80. § XXXIX. Dio. Plut. in Brut. c. 11 & 14. Appian. civil. l. 2. Vellej. 2, 56.

Multa querar, ait ille, de republica, & oppetam pro libertate. Istud vero nec Dii, nec homines firint, exclamat Cassius: quin ille pereat potius, qui meruit! Nec enim solus objicere periculo. ecquid eos putas, qui voce non ausi te compellare, tribunal tuum fecerunt interpretem suae voluntatis? non forensis ea turba est profecto, aut sellularii opifices: illustres viri sunt, & principes civitatis.

XLI. Ab hoc colloquio Brutus, jam consilii certus, Q. Ligarium invisit familiarem suum. qui accusatus apud Cæsarem, & patrocínio Ciceronis absolutus, acriorem periculi, quam beneficii, sensum retinebat. Igitur dicente Bruto, *quali tempore agrotas, Quinte!* continuo se erexit in cubitum, & arrepta Bruti manu, *si quid*, inquit, *dignum te cogitas, valeo.* Inde ad sollicitandos amicos conversi, multos pertraxerunt in societatem, quosdam etiam ex Julianis partibus. Horum principes fuerunt D. Brutus, C. Trebonius: ceteri nobiliores Ser. Sulpicius Galba, Cajus & Publius Servilii Cæsar, Tullius Cimber, Minutius Basilus: plerique omnes nulla alia de causa, quam quod satisfacere Cæsari cupiditati omnium nequibat; cum singuli ferme tantum poscerent, quantum vix dare poterat universis.

XLII. Ex Pompejanis præter duces consilii Brutum atque Cassium, L. Cassius, Caji frater, Cn. Domitius Ahenobarbus, P. Turullius, Atilius, Petronius, C. Cornelius Cinna, Cassius Parmensis, Cæcilius & Bucilianus fratres, Rubrius Ruga, Q. Ligarius, M. Spurius, P. Sextius Naso, Pontius Aquila. Sed Ciceronem, de cujus neque fide, neque benevolentia dubitarunt, celare consilium maluerunt, circumspectam senis prudentiam veriti, minime aptam negotio, quod celeritatem & impetum requireret. Sed & Statilium & Favonium, duos Catonis æmulos, non adhibuit Brutus, tentata dissimulanter utriusque sententia, dum inter sermones de philosophia elicitur Favonius, *ut deterius esse tyrannide bellum*

§ XL. Appian. Plut. § XLI. Cic. pro Ligar. Sueton. in Galb. c. 3. Appian. Casaubon. ad Sueton. Cæs. c. 80. Senec. de Ira,

civile diceret : Statilius, Epicuri sectæ deditus, negaret cordato viro Laborem & periculum esse suspiciendum, malorum & stolidorum hominum gratia.

XLIII. Igitur his relictis, Labeonem quendam adjunxit. A Labeone simul & Cassio D. Brutus tentatus est, vir animi non maximi, sed cui plurima erat fallendi copia, per amicitiae fidem: erat enim inter familiarissimos Cæsaris: præterea, cum Idibus Martiis munus editurus esset in theatro Pompeji, gladiatores ejus ingentem præbere usum poterant. At ille, nullo tum responso dato, perrexit ad Brutum: & intellecto, hunc esse rei gerendæ ducem, omnia promisit amplissime: ceterorumque plurimos & præstantissimos auctoritas M. Bruti allicuit; donec facti sunt senatores equitesque amplius sexaginta. tum consilia, quæ seorsum hætenus bini ternive ceperant, in unum conferre visum. & licet neque juramento, neque sacris tactis adstrinxerant fidem, eam tamen cum silentio præstiterunt, ut ex tanto numero nemo mutaret animum, nemo proderet, ne Cimber quidem Tullius confessæ ebriositatis, & qui postea per jocum dicere solitus est, *Egone ferrem quemquam, qui vinum ferre non possum?*

XLIV. Sane non fallebat Cæsarem, nocturnos conventus agi, Brutumque & Cassium suspectabat, negans *obesos illos & comatulos se timere*, (Dolabella & Antonius rerum novarum insinulabantur) *sed pallidos hos & macilentos*: ceterum sive inopia consilii, sive nimia fortunæ suæ fiducia, contentus edicto admonuisse, *nota sibi esse, quæ agerentur*, ultra nihil cavit; etiam haruspices irridens, a quibus monebatur. Quo die primum veste purpurea procellit, atque in aurea sella sedit, sacrificanti extis cor defuit in opimo bove. At ille *nislia exta* nuntianti Spurinnæ, dicentique, *timendum esse, ne consilium & vita deficeret, quod utraque hæc corde continerentur, futura dixit lætiora, cum vellet; neque pro ostento ducen-*

§ XLII. Eutrop. Cic. Phil. 3, 11 & 13. Appian. Plut. § XLIII. Appian. Dio. Plut. Eutrop. Sueton. in Cæs. c. 80. Senec. ep. 83.

zum, si pecudi cor defuisset: idemque sibi evenisse in Hispania; neque ideo minus secutam victoriam.

XLV. Sed haruspice regerente, tum quoque maximum capitis discrimen adfuisse; hactenus motus est, ut postero die iterum immolaret. tum vero caput in jecore non fuit. Prædixit igitur Spurinna, *caveret proximos dies triginta, quorum erat postremus Idus Martiæ.* Sed & alia plurima circum hoc tempus apparuisse prodigia tradunt. Nam præter fulgurita plurima, & visa per noctem discurrentium virorum flammea spectra, avesque solitarias in foro conspectas, paucos ante menses Capuæ repertam in conditorio Capiis tabulam æneam familiarissimus Cæsaris Cornelius Balbus memoriæ prodidit, *litteras Græcas exhibentem hac sententia: Quandoque ossa Capiis detecta essent, fore, ut ex ea gente prognatus manu consanguineorum necaretur, magnisque mox Italiæ vindicaretur cladibus.*

XLVI. Proximis quoque ante mortem diebus nuntiaturum est, greges equorum, quos, in trajiciendo Rubicone consecratos, sine custode vagari patiebatur, pertinacissime abstinere pabulo, ubertimque flere. Pridie Idus avem ex eo genere, quod regem avium appellabat Italia, cum laureo ramulo Pompejanæ curiæ se inferentem, volucres varii generis ex proximo nemore persecutæ, ibidem discerperunt. Ipse in cœna apud magistrum equitum Lepidum, cum more suo inter recumbendum epistolas commentaretur, ut erat ad plura simul agenda singulari quadam mentis velocitate præditus, motam interea quæstionem audiens, *quænam esset mors optima?* prævertens omnes exclamavit, *inopinata.*

XLVII. Eandem deinde noctem & vigilans & dormiens irrequietam habuit, visus sibi per quietem interdum supra nubes volitare, alias cum Jove dextram jun gere: & cum arma Martis, quæ veteri instituto domi pontificis maximi asservabantur, sonitum ingentem edidissent,

§ XLIV. Sueton. in Cæs. c. 75 & 77. Plut. in Anton. c. 17, & Cæs. c. 89. Plin. 11, 37. Cic. de divin. Jul. Obseq. Val. Max. 1, 6. Appian. § XLV. Cic. Appian. Val. Max. 8, 11. Sueton. in Cæs. c. 84. Vell. 2, 17. § XLVI. Plin. 10, 74. Appian. Plut.

valvæque cubiculi fenestræque omnes, quæ diligenter clausæ fuerant, subito essent patefactæ; strepitu simul & fulgore lunæ exterritus, animadvertit juxta cubantem uxorem Calpurniam in somno graviter angi: comperitque imaginatam, *fastigium, quod adjectum Cæsaris ædibus senatusconsulto fuerat, ruisse; deinde maritum se tenere confossum in gremio suo.*

XLVIII. Jam illuxerant Idus, *quam in diem senatum in Pompeji curiam convenire jussérat, ut quarto post die paludatus votis nuncupatis proficisceretur.* Sed tenebat eum Calpurnia, flets oransque, *ne quo procederet.* & movebatur ille sollicitudine matronæ, in qua nullam alias muliebrem superstitionem animadverterat. accedebat & valetudo infirmior, & quod pluribus hostiis cæsis renuntiatum erat, *non litari, avesque non sinere eum egredi domo.*

XLIX. Jamque per Antonium dimittere statuerat Patres; cum D. Brutus, monentibus per nuntios consociis, amitti occasionem veritus, irrisit haruspices: ipsum castigavit, *se, frequente ac dudum opperiente senatu deluso, criminationum malevolis præberet materiam. Paratos esse decernere, uti locis omnibus extra Italiam insignia nomenque regium ferat, domi sub nomine dictatoris eandem potestatem retineat: hoc enim quasi temperamentum placuisse nonnullis credebatur.* Eos jam dimittere & jubere opperiri, *donec latiora fiant Calpurniæ somnia, nihil esse aliud, quam se offerre sermonibus & judiciis, qualia maxime nolit.* Quod si omnino constituisset eam diem inauspicatam ducere, at ipse veniret in curiam, senatumque mitteret. sic expugnatus decessit, sed ea destinatione, ne quid majoris rei ageret.

L. Cum exiret domo, imago quædam ejus in vestibulo posita sponte decidit, & comminuta est. Vix erat egressus, cum servilis quidam conditionis accurrens, quoniam repulsus ab aditu ejus fuerat, Calpurniam adiit, *custodiri petens, donec Cæsar redisset: magnarum enim rerum se adesse indicem.*

§ XLVII. Sueton. in Cæs. c. 81 & 87. Jul. Obseq. § XLVIII. Dio, Sueton. in Cæs. c. 80. § XLIX. Plut. in Brut. Appian, Dio

Sed & Artemidorus Gnidius, qui propter linguæ Græcæ professionem plerisque Bruti familiaribus notus, consilia eorum olfecerat, libello porrecto, cum vidiſſet alios ipſi oblatos amicis tradentem, *hunc*, ait, *operæ pretium eſt ipſe perlegas, & cito*. Sed ſæpe conantem ſubinde intervenientes alii ſalutantefque averterunt: manuque libellum tenens curiam introiit.

LI. Sub idem tempus pro tribunali Brutus jus reddebat ita ſecuro vultu, ut nullius inſoliti conſilii nota deprehenderetur. Cuidam tamen appellanti Cæſarem reſpondit, *neque prohibet me jus ſecundum leges dicere Cæſar, neque prohibebit*. Interea nuntiatur ei, *uxorem Porciam deficere*, quæ una mulierum conſpirationis hujus erat conſcia. Quippe maritum præter morem inquietari animadvertens, neque fatente illo, rem grandem & arcanam agitari divinata, ſcalpellum, quo præcidere ungues ſolebat, alto vulnere demerſit in femur. magnoque inde dolore, & propter amiſſum ſanguinem debilitate affecta, anxium virum ſic affata dicitur:

LII. *Ego, mi vir, in communionem utriuſque ſortis nuſſiſſe tibi, ſcio. Tu vero, cum animum meum probares, corpori diſſiſus, quod in hoc ſexu infirmius imparque dolori creditur, ſollicitudines tuas occuluiſti. Neque ego credebam mihi, donec experimentum facerem. Ecce autem poſſum, quod volui, & facile cruciatum fero. Quod ſi poſt hoc tirocinium cunctaberis habere mihi fidem, ne quis aut Catonis filiam, aut Bruti conjugem vocet, ni morte mea dedecus hoc abrupero!* Sic admiſſa in conſilii ſocietatem, ipſa viro ad facinus prodeunti veſtes, & obvolutum illis pugionem attulit. Hæc igitur, ſive nondum percurato vulnere, ſive curis urgentibus, *deliquium animi paſſa* nuntiabatur.

LIII. Sed Brutus, audito jam adſuturum Cæſarem, privata ſollicitudini publicam cauſam antepoſuit: ceteri quoque conſcii reſpiraverunt a metu. Timebant enim, ne, delato rei indicio, venire Cæſar cunctaretur: nam & apparitor ſellam auream curia jam extulerat; quæ & ipſa

§ L. Dio. Plut. in Cæſ. Appian. Vellej. § LI. Plut. in Brut.
Dio. Val. Max. 3, 2. § LII. Polyæn. Strat. I. S. Plut.

res post necem Cæsaris in omen tracta est. Sed ille, siue prædictionibus spretis, siue defunctum se periculo putans, in alias cogitationes intenderat animum, ita securus, ut visum forte, dum in senatum pergit, Spurinnam haberet ludibrio, *venisse* dicens *Martias Idus*. atque ille, *venisse quidem, sed nondum præterisse*, respondit.

LIV. Excendentem e lectica Cæsarem Sex. Popillius Lænas secreto sermone diu detinuit: unde iterum formido consciis, ne consilia sua proderentur. Nam ea quidem in re præter assuetam magnis ausis trepidationem, miro gemini erroris ludibrio propemodum ipsi detexerunt animi destinata. Paulo enim ante Cascæ quidam familiaris, sed hujus consilii expertus, prehensa ejus manu, *tu vero*, inquit, *nos celasti de arcano, sed Brutus nobis expromsit omnia*. & nisi paulo post, stupente Casca, subjecisset, *unde igitur ex tibi subito opes, ut cogitare ausis adilitatem?* minimum aberat, quin Casca rem omnem tanquam gnaro aperiret.

LV. Et Brutum atque Cassium impensius salutans Popillius, priusquam adiret Cæsarem, clam insusurravit, *optare prosperum eventum cogitatorum, sed emanare rem: properarent*. Hunc igitur cum Cæsare tamdiu colloquentem profecto deferre indicium rebantur: & admovebant nonnulli sub toga pugionibus manus, interfectori semetipsos, priusquam comprehenderentur; cum Brutus, considerato attentius Lænatis gestu, preces eum, non indicium deferre conjiciens, quia sermoni non erat locus, hilariori intuitu advertit Cassium, & a re præcipitanda abduxit. Interim Antonium pro foribus curiæ C. Trebonius longo sermone distinuit: siue ne perire Cæsarem homo prævalidus, & majestate consulatus armatus, impune sineret; siue ne ipse periret.

LVI. Fuerat enim dubitatum, *quid Antonio fieri oporteret*. Nonnullis *illum quoque, sed & Lepidum tolli* jubentibus, mi-

§ LIII. Dio. Plut. in Cæs. Val. Max. 8, 11. § LIV. Plut. in Brut. § LV. Dio. Cic. familiar. 10, 28; & Phil. 2, 14.

tior sententiâ vicit. Nolebat Brutus, *quemquam, præter Casarem, occidi, quo nihil aliud a se petitur, quam libertatem, ipso opere demonstrarent.* Profuit etiam Antonio, quod C. Trebonius cum eo se Narbone hoc consilium cepisse dicebat: eamque rem nunquam Cæsari indicaverat Antonius. Sed in curia, cum ingredienti Cæsari senatus assurrexisset, conjuratorum alii scellam ejus specie officii circumsteterunt, pars accesserunt ad eum cum Tullio Cimbro, tanquam pro fraude ejus exsule rogaturi.

LVII. Multa hic Cimber a Cæsare beneficia acceperat: quorum immemor, primas in eo facinore partes suscepit. At Cæsare negotium in aliud differente tempus, & quia impudentius urgebatur, volente confurgere, togam ejus purpuream ab utroque humero Cimber comprehendit. hoc signum ut esset cædis faciundæ convenerat. Igitur clamantem, *ista quidem vis est*, alter Casca fauciat paulo infra jugulum, non letali, nec admodum alto vulnere, quod inter initium facinoris manus trepidaverat. At Cæsar correptum Cascæ brachium graphio trajecit, exclamans, *scelerate Casca, quid facis?* & prosilire conabatur, nisi foret ab alio percussus in pectore. simul irruerunt ceteri strictis pugionibus, nemine non hanc appetente gloriam: & Cascus quidem caput ejus petiit, Brutus percussit inguina, occiput vulneravit Bucilianus.

LVIII. Ajunt, feræ modo se convertentem in singulos, & cum clamore repugnantem, ubi Brutum quoque conspexit irruere, dixisse Græcis verbis, *Tunc etiam inter hos es, fili!* nam quod flagrantissimo amore suo Brutum pepererat Servilia, natum ex se credebat. Alii negant ullam misisse vocem, neque præ irruentium multitudine facere quidquam potuisse; sed toga capiti obvoluta, simul sinistra manu deduxisse sinum vestis, ut inferiore parte corporis tecta honestius caderet, uno tantum ad primum ictum

§ LVI. Plut. in Ant. c. 17, & Cæs. Vellej. 2, 58. Dio. Cic. Phil. 2, 14. LVII. Sueton. in Cæs. Plut. in Cæs. Cic. Phil. 2, 11. Appian. Dio.

edito gemitu. Hoc habitu cecidit ad Pompeji statuam, eamque largo cruore resperfit; cum etiam in jacentem sæviretur, manumque Bruti fauciaret Cassius, eodem tempore plagam inferens. *De tribus & viginti vulneribus*, tot enim facta erant, *nullum fuisse letale*, medicus, qui ea inspexit, existimabat, *præter quod secundo loco acceperat in pectore*.

LIX. Conjurati corpus in Tiberim trahere, publicare bona, rescindere acta, quod fuerat ipsis propositum, metu consulis Antonii, & magistri equitum Lepidi superfecerunt. Sed qui in curia & circa eam exfortes consilii fuerant, sævo spectaculo attoniti, suamque vicem anxii trepidabant: nec enim quanta aut manus conjuratorum, aut quale consilium esset, liquebat. Ideoque licet progressus in medium Brutus alloqui cuperet, ejicientes se curia fuga & tumultu omnia miscebant, obvios sui quisque terroris implens. Eaque res levissimo cuique occasionem fecit, per vulnera & rapinas exercendæ petulantiae: multique peregrini atque cives, sed & senatores nonnulli vulnerati & occisi sunt incertis auctoribus; mensæ tabernæque direptæ.

LX. Quippe ex propinquo theatro tam spectatorum turba, quam ipsi quoque gladiatores, ab editore præmoniti, eruperant. Et augebat consternationem vehemens imber horribili tonitru, quasi cælum ipsum funestam atque luctuosam faciem induisset. Idcirco tota urbe domus claudabantur: senatores, ubi quisque poterat, per tabernas & insulas se abdebant: occurfabant invicem agmina, hinc contententium ad spectandum corpus, inde, re perspecta, redeuntium. Antonius & Lepidus, sibi timentes, primo in alienas ædes profugiunt: mox Antonius, mutata veste, clam egressus, communicavit suas; Lepidus, in Tiberis insulam, ubi legio erat militum, transmisit, atque inde deduxit in campum, mandata Antonii tanquam consulis opperiens.

LXI. At corpus illud terrarum modo mariumque do-

§ LVIII. Appian. Sueton. Dio. Plut. Val. Max. 4, 5. § LIX. Liv. Epit. Sueton. Dio. Plut. § LX. Appian. Dio. Cic. Phil. 2, 35. Plut. in Anton. c. 18.

mini, diffugiente comitum turba, aliquamdiu desertum jacuit, donec tribus servulis lecticam impari gressu succollantibus, dependente brachio, domum reportaretur. Sed percussores Cæsaris, postquam in curia nemo præstabat audientiam, togis circum læva brachia circumvolutis, cruentos pugiones quatiendo, recta pergebant in forum, præferente quodam in hasta pileum, libertatis signum; hortabanturque populum, *regem atque tyrannum interfectum esse*, dictitantes. & M. Brutus cruentum alte extollens pugionem, *Ciceronem* nominatim inclamavit, atque ei *recuperatam libertatem* est gratulatus.

LXII. Interim nonnulli aggregabant se euntibus, laudi & præmio futurum rati, si egregii facinoris focii existimarentur: e quibus postea C. Octavius, P. Lentulus P. F. Spinthor, ejusque familiaris Patiscus, alique, vindicibus Cæsaris poenas dederunt insolentiæ, quod se percussoribus miscuerant; cum nullam partem gloriæ tulissent, omnibus eos facto non affuisse scientibus. Sed populus diu trepidato, ubi neminem præterea lædi petive constitit, verba percussorum accepit tranquillior, *bono animo* jubentium esse, *positoque omni metu, quam diu votis expetissent, nunc beneficio suo haberent, puram haurire libertatem*. Ita multitudine utcunque placata, neque tamen illis se adjungente, Capitolium petierunt, tanquam Diis acturi gratias; illudque stipati manu gladiatorum occuparunt.

LXIII. Clamabat tum Cicero, *senatum in Capitolium a prætoribus vocari oportere*. quod profecto si foret factum, longe aliter atque accidit, constitui respublica potuisset. Venerant tamen in Capitolium advesperascente die Favonius, Aquinius, Murcus, Patiscus. sed & Dolabella jam consul: quippe fasces atque insignia consularia statim corripuerat; quamquam nullo jure facere videretur, substituendus in locum profecti: sed ille *profectum* interpretabatur, *qui esset in ea causa, ut amplius proficisci non posset*.

§ LXI. Sueton. Appian. Dio. Plut. Cic. Phil. 2, 12. § LXII. Plut. Dio. Cic. Phil. 2, 11, & familiar. 12. 14. Appian.

Postridie foro venali turba repleto, quam per amicos Cassius comparaverat, jactatæ voces sunt, non probantium factum, sed *pacem & concordiam* postulantium: quæ res, nisi ignosceretur intersectoribus, obtineri non poterat.

LXIV. Hæc agentibus commodum L. Cornelius Cinna prætor supervenit. Is neque affinitatis, neque beneficiorum memor, acta Cæsaris acerba oratione pro rostris infectatus est: insignibus etiam magistratus abjectis, *quæ sibi data contra leges a tyranno* dicebat: auctorque erat populo *deducendi libertatis auctores a Capitolio, præmiisque & honoribus ornandi*. Neque tamen adhuc ultra priores voces incaluit multitudo, Cæsaris ante oculos obversante adhuc majestate, & incerto rerum exitu. Sed ubi Dolabella cum lictoribus affuit, atque haud dissimilia locutus est, *eumque natalem urbis habendum* dixit, *quo, tyranno interfecto, libertas esset restituta*; crevit fiducia animis, cœperuntque postulare, *ut devocarentur a Capitolio patriæ liberatores*.

LXV. Atque illi, Dolabellæ accessione gaudentes, nactosque rati ducem idoneum, quem Antonio vindicare cædem volenti opponerent, juvenia promptum, nobilitate validum, non tamen descenderunt univerſi: Cassius tantum atque Brutus progressi in concionem de facto suo locuti sunt confidenter & magnifice, mutuo se laudantes, & socio- rum prædicantes operam, *D. Bruti maxime, qui gladiatores in tempore præbuiſſet, debere populum Romanum induere majorum animos, qui legitimam licet potestatem regum, simul ad tyrannidem inclinare cœpiſſet, aboleverint revocari oportere Sex. Pompejum cum tyranni legat's dimicantem in Hispania; Cæſei umque & Marullum, abrogata potestate, exsules*.

LXVI. His dictis iterum in Capitolium se receperunt, parum credentes præſenti multitudini, quod honestior populi pars aberat. Hactenus tamen erat profectum, ut necessariis eorum amicisque concederetur in Capitolium adi.

§ LXIII. Vellej. 2, 58. Liv. Epit. Cic. ad Attic. 14, 10. Dio. Euseb. § LXIV. Sueton. in Cæs. c. 85. Val. Max. 9, 1. Appian. § LXV. Cic. ad Attic. 15, 1. Appian.

tus. Ex horum numero consulares nonnullos miserunt ad Antonium & Lepidum, qui aliquoties iverunt, redieruntque, donec certius aliquod responsum obtineretur. Causa dubitandi ex eo, quod vindicare mortem Cæsaris erat his animus: sed consensum senatus, & maxime D. Brutæ potentiam, cum exercitu veterano Galliam obtinentis, verebantur. Tandem, dum earum copiarum corrupendarum occasionem nanciscerentur, paulo liberalius respondendum rati, *nihil ex privato odio agi placere*, responderunt; *sed cogi senatum, & ad eum referri de præsentibus*, idque *obtineri, quod Patres conscripti censuissent*.

LXVII. Minime displicebat ea ratio conjuratis, qui de senatus animo sententiaque non dubitarent. Idcirco reliquo diei & per noctem deinde miserunt circum domos, oratura, *ut patriæ causam suamque tueri singuli atque universi vellent*. Neque minor erat militum sollicitudo, quibus agros Cæsar dederat, aut promiserat: ii quoque circumstantes, miscentes cum precibus minas. denique nox ea nihilo tranquillior aut otiosior fuit, quam negotiosissimi dies esse consueverunt. Nam & Lepidus in foro tetendit cum militibus, & Antonius, hoc præsidio tutior, jubebat *excubare magistratus, facibus accensis, & quasi de die sedere pro rostris per vicos*. Ipse pecuniam commentariosque Cæsaris deportari iussit in ades suas: incertum, suone consilio & proprii emolumenti causa, an orante Calpurnia, ne per tumultum diriperentur.

LXVIII. Liberalibus luce prima convenire Patres in Telluris cœperunt: eo senatum indici placuerat, quod curia subiecta Capitolio, in quo gladiatores erant, tanquam obnoxia conjuratorum insidiis vitabatur. Cum inter ceteros intrare Cinna vellet, resantis insignibus, quæ pridie proiecerat; coorta est in eum, quæ Cæsaris necem ægre ferebat, populi manus, laceratumque maledictis & lapidibus appetitum in domum quandam coegerunt confugere. neque hic finis erat periculi: ligna congesta sunt, & incendium paratum;

§ LXVI. Plut. in Brut., c. 27. Cic. Phil. 2, 35. Appian. § LXVII. Dio. Appian.

ni Lepidus cum armatis accurrens vim extremam arcuisset.

LXIX. Idem, ad omnes aditus positis custodiis, ingressum ceteris tutiorem præstitit. Sed tamen ab hoc initio Cæsaris fautores receperunt animos: & cum subinde plures eorum concurrerent, Cassianorum mercenariorum fractæ ac debilitatæ voces conticuerunt. Interim perstrepebat senatus mira vocum orationumque discordia, hoc intemperantius, quod libertas ex intervallo regustabatur: proximo enim quadriennio pleraque contra animi sui sententiam censuerant. Pleraque tamen pars favens conjuratis, *eos quoque* jubebat *arcessi*: neque repugnabat Antonius, sciens non esse descensuros.

LXX. De interfecto Cæsare multa & diversa dicebantur, cum aliis *pestimum*, aliis *pulcherrimum facinus esse* videretur. pars, auctore Ti. Nerone, *præmia* decernebat *interfectioribus*: alii, *gratias agendas, omisissis*, quæ ne ipsi quidem postularent, *præmiis*. erant, qui *sufficere* crederent *impunitatem*. Contra dicebatur, *rem esse commissam minime laudabilem*, reipublicæ tamen *condonandam*, ne novis vulneribus veteres civilium malorum cicatrices rescinderentur: sed honores adimebantur, quos *necessum erat cum Cæsaris contumelia conjungi*. Reclamabant alii, *majorem esse habendam superstitum rationem, quam mortui*. & arripiebatur, quod forte a quodam asseveratum erat, *alterutrum esse necessarium, uti vel tanquam tyrannicidæ præmia accipiant percussores; vel tanquam in delicto deprehensi veniam*. & postulare cœperunt. *referretur iterum de Cæsare, qualem exilium oporteat: juratusque senatus censeret, gratia facta prioris sacramenti, quo se Cæsar sibi utem defensores, aut vindicatos jurassent: id enim necessitate extortum*.

LXXI. Inter has contentiones Antonius, insidiosè habitum animorum speculatus, cum cœptari rem videret, ad multa, quæ nollet, valituram, injiciendum celeriter impedimentum ratus, audientia postulata, *Priusquam*, inquit, *uti placere plerisque video, de Cæsare sententiæ dicantur, hoc equidem*

§ LXVIII. Cic. ad Attic. 14, 16. Dio, Appian. § LXIX. Appian. Dio, § LXX. Tacit. Appian.

sciri considerarique refert, quod rem longe, quam putamus, latius egressuram molimur. Etenim si tyrannus fuit Cæsar, projici cadaver ejus insepultum convenit, & acta rescindi. Ceterum acta Cæsaris, ut scitis omnes, nullam non terra marique partem imperii contingunt: quorum pleraque revocare, ne si decretum quidem certumque vobis foret, possemus; id quod paulo post aperitius demonstrabo.

LXXII. *In præsentiâ velim unum illud mihi consideretis, levius ceteris, & in potestate nostra haud dubie situm: ut ita demum ad cetera convellenda accingamini, cum hoc rescideritis. Quotquot ferme sumus senatus primores, profectos a Cæsaris auctoritate magistratus & imperia aut gessimus, aut gerimus, aut gesturi paulo post videmur. De his fieri quid placet?*

LXXIII. Sic commutata leviter quæstione, cum non jam de Cæsare, sed de sua dignitate intelligerent agi, velox animorum conversio facta, conclamatumque, *non esse, cur novis comitiis populo creetur molestia: præstare, semel accepta retineri.* Præ ceteris tendebant, qui contra leges a Cæsare producti, hujus condemnata memoria, nulla se videbant ratione tueri illius beneficia posse. quos inter consul Dolabella, quinque & viginti annorum juvenis, qui neque præturam gessisset, & in summo esset Antonii odio, sibi haud leviter metuebat. Idcirco voces audires stomachantium, *non contentos, si non pessimi, saltem insolentis fasti fautores, concessa amicis venia; sed etiam postulare, ut alii sua dignitate careant, quo factum illorum illustrius videatur atque ornatus.* sed bono hos animo jubebant esse alii: *neque enim hoc agi, ut beneficia, sed ut auctor mutetur. eadem habituros eosdem, sed jam populi suffragiis; idque ipsis etiam honestius fore.*

LXXIV. Hoc sermone permoti quidam continuo posuerunt magistratus insignia, tanquam paulo post majore cum dignitate recepturi: major tamen pars retinuit, rata, *semel omissem potestatem, quod in aliorum esset futuræ manibus, non esse, simul atque cuperent, ipsi redituram.* Inter hæc evocati e senatu Antonius atque Lepidus, ostenderunt se multitu-

dini, quæ in foro innumerabilis constiterat. His in superiore loco conspectis, ingens sublatus est clamor: quo vix sedato, quidam, dubium an subornatus, exclamavit, *haberent rationem sui, ne similia atque Cæsar paterentur.* Ad hæc ille, dimota leviter veste, loricam ostendit sub ea, quo magis incitaret alios, ne consulibus quidem inermibus tutum esse quidquam credentium.

LXXV. Ibi sublatus est iterum a diversis agminibus clamor, *ultionem* aut *pacem* varie postulantium. Antonius utrique se venditans, *Pacem*, inquit, *ut habeatis, curabitur; utque sit ea propria nobis & perpetua. quamquam id sane difficile est apud hos animos, qui ne juris quidem jurandi religione retinentur. Quid enim ista cautio Cæsari profuit?* Deinde versus ad turbam vindictam postulantium, *Vos quidem*, inquit, *perstatis in data semel fide. atque ego etiam ipse accederem vobis, nisi consul essem: cui non tam respiciendum est, quid sua natura sit æquum, quam quid esse videatur e republica; ut quidem senatui placet.*

LXXVI. Cum fluctuare Antonius videretur, *Lepidum* postulare *vindictam* concio cœpit. iussitque *in forum* degredi, quo a pluribus *dicta* ejus acciperentur. Is igitur, cum rostra conscendisset, diu tacitus flevit: deinde, *hoc*, inquit, *loco tecum nudius tertius constitui, Cæsar: nunc de morte tua hinc querendi imponitur necessitas! Vos vero, Quirites, quid postulatis?* Ibi quoque veterani Cæsaris *ultionem*, mercenarii Cassii *pacem* acclamarunt. At Lepidus his quidem, *Placet*, inquit: *sed qualis ista pax erit, & qualibus religionibus tuta? quandoquidem Cæsari juravimus, idque jusjurandum violatum est a nobis, qui principes esse ceterorum, qui jurarunt, dicimur.*

LXXVII. Mox *ultionem* flagitantibus, Cæsar, inquit, non profecto sacrosanctus atque venerabilis nobis ereptus est; at senatus cunctatur metu, *ne rempublicam lædat.* Reclamarunt illi: *Tu igitur solus exsequere.* atque ille: *Vellem, & fas sit. sed nec ego solus, neque vobis etiam solis adiutoribus in tanta re quidquam aut velle, aut nolle debeo.* Perplexa respondentem acrius aggressi mercenarii, quod ambitiosissimum esse scirent,

pontificem maximum facturos ostenderunt in Cæsaris locum. Et accepit omen Lepidus, egitque gratias, memoresque promissi esse in loco jussit. Tum illis audacius pacem suam urgentibus: cum impietate, inquit, & injustitia conjunctum negotium est; attamen, quæ jusseritis, faciam. hisque dictis in senatum se recepit.

LXXVIII. Ibi Dolabella toto tempore satagebat haud parum indecore, uti retinere magistratum liceret: regressus dudum Antonius cum voluptate & risu spectabat jactantem se inimicum; simul ecquid in foro novarum rerum oriretur, opperiens. Sed postquam & illo spectaculo fatiatus est, & extra curiam nihil majoris tumultus motum, animadvertit eo descendendum esse necessario, uti percussoribus impunitas detur. sed necessitatem tegens, & in maximi beneficii loco daturus incolumitatem, simul confirmaturus Cæsaris acta senatusconsulto, ad perficienda, quæ animo conceperat, ita cœpit.

LXXIX. *Quamdiu quidem de conjuratione disceptastis, Patres conscripti, ego sententiam meam non interposui: sed ubi percussoribus omissis, Cæsar oppugnari cæptus est, ex actis ejus omnibus unius tantummodo mentionem intuli; & ab ea sola difficultate tanto jam tempore vos explicare non potuistis. Neque sane mirandum, nam si ponimus acceptos ab eo magistratus, periculum est, ne tot & tales viri nostra quoque confessione indigni eis habeamur. Quid si jam convertamus animos ad innumerabilia illa, quæ vel audire labor sit, quæ per civitates, & nationes, & regna atque tetrarchias passim constituit Cæsar? quis enim est, ut ita dicam, ad Occidentem ab Oriente angulus, actorum Cæsaris expertus: quem ille non aut subegerit armis, aut beneficiis atque humanitate confirmavit?*

LXXX. *Cogitate igitur, ecquem existimetis æquo animo passurum auferri sibi, quæ acceperit a Cæsare, ut non omnia protinus bellis ardeant? at nos in tantum abhorremus a bellis, nec injuria, ut hæc sola multis causa sit, cur impunitam Cæsaris cædem esse patiamur. Infirmam enim & nimium vexatam armis rempublicam, non nisi quiete refoveri posse, omnes con-*

sciscimus atque consentimus. Sed reges & nationes, & unde longinquior est metus, mitto. Quid, vos suburbanam hanc Italiam quieturam creditis Cæsare condemnato? scilicet veteranos illos cum iisdem armis & ordinibus in coloniis locatos nihil movebit metus amittendorum, tyranno judicato Cæsare, quæ sunt iis data ab eo præmia, cum consul & dictator populi Romani haberetur? Quid, quod eorum sunt adhuc in urbe multa millia, qui promissa expectant & exigunt.

LXXXI. *Ne tanquam rebus incertis ambigamus, admonere recentissimum factum potest, quis hominum sensus sit atque animus. Quæ fuerit eorum hac proxima nocte circa senatorum domus discursatio, plurimorum querelis paulo ante cognovimus. Omnes propemodum appellati sumus, & amplissimus quisque frequentius & minacius. Per horum igitur ora oculosque raptabimus Cæsaris corpus, his confectum contumeliis, quibus fas est tyrannorum vexari reliquias; & horum manibus non discerpemur? Scilicet cujus ductu auspiciisque ferocissimas illi devicerunt nationes, cujus beneficio fortunas suas omnes debere arbitrantur, quem semper in summis magistratibus imperiisque viderunt; eum summa affectum ignominia patienter ferent?*

LXXXII. *Quam urbanæ porro plebis, quam Italiæ totius indignationem fore credimus? immo quam apud omnes pæne dixerim & Deos & homines invidiam nostram? Quis ignominia tanta notatum a nobis feret populi Romani modo principem, qui nostrum imperium terminavit Oceano, sed & trans Oceanum ignotas prius adjecit gentes? Quæ vero judiciorum nostrorum inæqualitas & quam acriter notabitur, si præmia decernamus iis, qui consulem in curia, sacrosanctum in sacro loco, pontificem maximum sub oculis Deorum confecerunt; hunc extrema dehonestemus infamia, qui propter excellentem virtutem etiam apud hostes habetur venerabilis?*

LXXXIII. *Quapropter ita censeo: Cum C. Cæsarem pro tyranno damnari nec fas sit, nec e republica; rata esse acta ejus & consulta omnia; interfectoresque incolumitate contentos esse, gratiasque hujus clementiæ nomine habere & agere senatori, quandoquidem simul laudari factum eorum, simul honori*

Cæsaris consuli non potest. Hac una est optima concordiae, quam omnes optamus, via. sic & veteranos meru, & sollicitudine civitatem liberabimus. In eandem ferme sententiam magnus orator Munatius Plancus consul designatus differuit, nisi quod pro percussoribus paulo liberalius. hunc deinde M. Tullius excepit, &, qua solebat, summa eloquentia differuit, *omnem memoriam injuriarum oblivione sempiterna delendam esse.* sed & Græcum verbum usurpavit *amnestiam*, Atheniensium factum commemorans, *qui post externa atque intestina mala, tyrannidemque perlatam, hac una tantum ratione rempublicam constituerent.*

LXXXIV. Placatis per hæc ferme animis, & inclinatis ad concordiam, fit senatusconsultum, *quæri de cæde Cæsaris non placere: acta rata esse.* additum est, *propter utilitatem publicam*, quasi per se invalida fuissent; tendentibus percussorum amicis, & concedente Antonio. Sed & illud expresserunt veteranorum centuriones tribunique, *uti de præmiis suis atque coloniis nominatim referretur*; hic etiam, quasi per metum, cedente Antonio, & demonstrante, *cum præsidium senatus non habeat, nihil denegari posse armatis.* Inter hæc postulantibus Patribus, *uti concordiae ineunda exemplum consules darent, quemadmodum & consilium dedissent*; depositis inimiciis, in gratiam redierunt: & ex eo die Antonius collegam consulatus sui Dolabellam agnovit.

LXXXV. Senatu dimisso, L. Pisonem circumsteterunt quidam, *ne tabulas testamenti Cæsaris proferret, neve palam sepeliret mortuum*, rogitantes: *ne forte quid inde novarum rerum exoriretur.* Negantem inde presserunt acrius, minas intendentes, *si propter eum dissiparentur tantæ opes, quas publicas esse oporteret*, tyrannum fuisse Cæsarem subinnuendo. Igitur Piso consules altissima voce testatur, *Patres* nondum digressos iterum cogi, petiit. *rem enim sane magnam incidisse: quando ii, qui tyrannum oppressum esse pugnent, tot exorian-*

§ LXXXIII. Cic. Phil. 1, 1 & 13. Idem familiar. 10, 8. Plut. in Brut. c. 28. Vellej. 2, 56. Dio. § LXXXIV. Appian. civil. l. 2. Cic. ad Attic. 14, 16, & Phil. 1, 17.

tur pro uno tyranni. Sepeliri pontificem maximum nolunt, & testamentum proferenti minantur, & bona interfecti publicare pergunt. belli vero homines, qui sibi ab eo tributa firma esse rataque postulant: & quæ suo jure decrevit de suis rebus, irrita esse jubent!

LXXXVI. Neque hoc Brutus aut Cassius, sed ii nimirum faciunt, qui cædis illis auctores exsiterunt. Ceterum sepultura quidem Cæsaris in vestra potestate est; testamentum autem in mea: neque commissum fidei meæ prodam, priusquam & me aliquis occiderit. His obtestationibus, & quia multi lucrum sperabant ex testamento, facile inducti Patres, & testamentum proferri a Pisone debere, & ipsi Cæsari funus publicum decreverunt. Hæc cum vix acta prius, quam nuntiata in Capitolium essent, Brutus & Cassius per internuntios excitarunt plebem: multisque eo concurrentibus, concionari Brutus in hanc sententiam cœpit.

LXXXVII. Qui vobiscum heri in foro egimus, Quirites, iidem nunc hoc agimus loco, non tanquam ad asyllum confugientes, nihil enim peccavimus; neque tanquam ad arcem, qui nos nostraque omnia vobis permittere non recusamus: sed periculo Cornelii Cinnæ moniti, quem audacia nonnullorum improviso eodemque indigno casu pæne consumpsit. Audimus autem esse, quorum vocibus & sermone pro perjuris, atque turbatoribus pacis traducamur: eoque vos accivimus, coram quibus nos purgaremus, quemadmodum, salva libertate. de ceteris etiam, quæ ad rempublicam pertineant, vobiscum agi jus est. Nos equidem C. Cæsari, cum e Gallia exercitum contra rempublicam eduxisset, eoque bello defensore libertatis Cn. Pompejum, multosque deinde præstantissimos viros in Africa Hispaniaque sustulisset, eoque nomine suo capiti non sine causa metueret, fidem jurejurando dedimus, non fore præcæditarum injuriarum memores, in futurum omne tempus servituros, neque dedimus fidem; neque si exegisset, dedissemus.

LXXXVIII. Quis enim, qui vere quidem sit Romani sanguinis, non mori, si fieri posset, nullius malit? Hactenus igitur

§ LXXXV. Appian. § LXXXVII. Cic. ad Attic. Appian.

obligati Cæsari fuimus. Idcirco, siquidem Cæsar postea nihil contra libertatem nostram molitus est, pejeravimus: sin vero neque magistratus, neque provincias, nec exercitus, aut ullam rei-publicæ partem senatui populoque Romano reddidit, sed suo unius arbitrio constituit omnia, Sulla deterior, qui tamen aliquando satiatus malis publicis dominationem deposuit: quæ non dicam species, sed quæ omnino spes superfuit libertatis? Dicet al'quis, fuit quidem vindicandæ vobis libertatis causa iustissima; sed sacrosanctum occidere non debuistis.

LXXXIX. An igitur, si æquum utrinque jus esset, aliquem gaudere fas est beneficio legis, quam ipse violarit prior? sed & causa longe est dissimilis. Cæsetius & Marullus qua potestate fuerunt? nempe tribunitia, quam antiquissimæ leges, jurejurando majorum confirmatæ, sacrosanctam esse jusserunt. sed hos in exilium exegit Cæsar indemnatos, quos, dum illa potestate furebantur, ne in jus quidem vocare fas erat cuiquam. Et illi tamen haud dubie sacrosancti. Cæsar, quia voluit, quia coegit armis ac terrore tot interfectorum civium, sacrosanctus fuit. voluntatem igitur suam vinque accuset, quæ dare ei hunc potuerunt honorem, tueri non potuerunt. Sed forte semel ira clatus sic peccavit Cæsar. infirma defensio! nec enim cuiquam sic licet esse irato, ut patria jura subvertat, tollat religiones, piaculo civitatem obliget, sed ne vera quidem esset.

XC. Quis enim Q. Metello tribuno plebis minitatus est mortem? Cæsar profecto; nec ab ira tum quidem, sed effractus ærarium, & rapiendæ publicæ pecuniæ causa. Desinant igitur exprobrare nobis perjurium, quos neque obstrictos fuisse ullæ religione apparet, quin, quod fecimus, faceremus; nec eam, quæ fuimus obstricti, ullo pacto violasse. non enim præteritorum maleficioꝝ a Cæsare pœnas exegimus, quæ erant jurejurando remissæ: sed importunum tyrannum, nec dominationem nisi cum vita positurum, ob ea, quæ postea peccarat peccaturusque erat innumerabilia, cervicibus oppressæ civitatis depulimus.

XCI. Taceo jam, plerisque videri, ne jusjurandum quidem tyranno datum servari oportere, quod cum eo nullum esse possit commercium vel humanitatis, vel religionis, qui divina atque hu-

mana omnia pervertit. Quod igitur, ajunt, postea reperiemus jusjurandum satis firmum atque efficax, ad certæ stabilisque pacis fiduciam? Quid enim jurejurando opus est, nihil præter civilia cupientibus? quando patres nostri majoresque tali aliqua causa jurarunt? non enim habebant opus: & inusitatam hanc cautionem novissimus demum tyrannorum excogitavit timor. Licet igitur sane res tota tollatur: etenim probis & modestis supervacua est hæc cura; regnum affectantibus infirma & vana. nec enim tu, Capitoline Juppiter, sis, vosque, ceteri Dii, liberæ civitatis tamdiu custodes atque præsides, uti hic populus regem unquam vel juratus ferat!

XCH. *Neque pœnitet ista hoc quoque tempore profiteri, quonondum satis liquet, quid aut patriæ futurum sit, & nobis. sed & profitebimur indefinenter, neque ullo tempore potiores privatas rationes publicis habebimus. Cujus quidem rei putamus evidentissimum modo documentum edidisse. Cum enim liceret securis honoribus frui, perire in liberata patria, si quidem ita cordi fuisset Diis, quam in oppressa magistratum gerere maluimus. Sed adversarii satis intelligunt, de jure sibi minime æquam nobiscum disceptationem esse. ad alias confugiunt artes, & maxime quarunt invidiam nobis facere apud veteranos. quo ex genere si qui adestis, quæso vos, significate.*

XCH. *Significantibus multis, Bonum factum, inquit, quod inter alios cives hic quoque numerus veteranorum venit. ad vos igitur orationem converto, vosque, sicuti cum ceteris civibus omnia vobis patriæ communia beneficia sunt, ita amorem quoque & affectum communicetis, hortor. Vos ab initio non Cæsar delegit, nec enim potuit; sed respublica vos dedit Cæsari, quibuscum populi Romani hostes coerceret. Justis illis & legitimis bellis meruistis certe præmia, & iniquus sit, qui ad mat. Deinceps contra voluntatem vestram, sed quasi sacramento devinctos, adversus patriam & defensores patriæ duxit. quibus ex bellis, si hæc vobis sola bellata essent, petere præmia vos etiam ipsos opinor puderet: sed Gallici sunt & Britannici labores, quorum vobis laudem atque merita, neque tempus ullum, nec invidia abrogabit.*

XCIV. Sed neque vos averfabimini pro his præmiis, quæ majores nostri concedere consueverunt. Illos enim novimus sociorum, aut aliorum innocentium possessiones non attigisse: ne hostibus quidem superatis totum eripuisse agrum; sed parte ademta deduxisse colonos, ut in officio victi continerentur. Quod si forte angustior, quam pro numero colonorum, ager erat; dividebatur publicus, aut a volentibus emebatur pecunia. Hac quidem ratione, cum vis imperii penes populum esset, sine querela cujusquam, in colonias deducebamini. Nuper demum L. Sulla, & postea Cæsar, patriam tanquam hostilem urbem armis captam, armis retinere necessum habuerunt.

XCV. Itaque satellitum & custodum egentes, neque missionem vobis dare voluerunt, neque publicum saltem agrum dividere. sed neque pretium qualiscunque solatii causa numerare possessoribus; quamquam abundabant pecunia ex vectigalibus publicis & hasta: verum Italiam, omnis expertem delicti, prædonum more spoliarunt agro, focus, aris, sepulcris, quæ nec externis ademimus, jussu bello subactis, decimis tantummodo frugum contenti. Sic igitur vestrorum civium bona vobis divisa sunt: eorum, inquam, qui Cæsaris ipsius auspicio, vobis commilitonibus, bello Gallico tulerant arma; qui vos proficiscentes in expeditionem deduxerant; qui pro incolumitate vestra atque victoria vota fecerant.

XCVI. Et deducti quidem estis sub signis, densisque ordinibus, ut appareret, non ad quietem vos, sed in aciem venire, præparatos ad inferendam injuriam, neque ab aliorum insidiis tutos. neque enim fieri potest, ut, quibus agri sui per vim ablati sunt, eos diutius, quam necessum sit, penes injustos possessores esse patiantur. Unde liquido apparet, quo consilio sit hoc a tyrannis factum: non enim profecto, vos uti agros haberetis, dari enim aliunde citra injuriam poterant; sed ut vos, intelligentes multis esse odio, fidi defensores essetis ejus imperii, cujus auctoritate vestræ possessiones defenderentur. Hoc enim unum satellitibus adversus dominantes est fidei vinculum, ut contracta ex communibus delictis pericula communi etiam Marte operaque propulsent.

XCVII. Videte igitur, quid inter illos nosque intersit. illi,
T. Livii Vol. XI.

H

quorum acta valere contra justitiam utilitas vincit, effecerunt, ut alii vobis suspecti, vos aliis invisi essetis: nos, quibus, qui nunc sunt in republica principes, incolumitatem dicunt clementiæ & misericordiæ causa concedere, hoc agimus; ut eorundem omnium non modo secura vobis, sed etiam tuta sit possessio. Fallimini, si vestris armis fiditis, & omnia putatis esse in præsentii potentia. tempus varie versat res humanas, & occasionem sæpe præbet infirmioribus adversus robustissimos. Pereant, qui morem tam illiberalem reduxerunt in vitam, quique inductum retinent, ut potentiori quidlibet liceat! & profecto perierunt.

XCVIII. Etiam crocodilum, tam & validam & astutam beluam, contentum animalculum ichneumon dormientem interimit. nec quis tantis viribus tantaque vigilantia sit prædo, quin sæpe non aliorum modo prædonum insidiis pateat, sed eorum etiam, quos spoliavit. nisi jure & amicitia nos nostraque muniamus, nihil nobis unquam certum aut quietum erit. Nos igitur, qui pro communi libertate facinus pulcherrimum soli fecimus, primos al-laborare convenit, uti recuperatum munus ad omnes ex æquo ci-ves communi lætitia fructuque perveniat. Igitur & quæ accepistis confirmamus, & quo vobis propria sit ac justa possessio, quam-primum per reipublicæ necessitates poterit, enise dabimus operam, ut prioribus dominis pretium ex arario solvatur. Ita nobis atque reipublicæ præsentia, quæ testamur, numina, quidquid optimo proposito fecimus, bene evenire jubeant.

XCIX. Hæc oratio valde mitigavit animos: præfer-tim ubi millis etiam in forum tabulis, eadem scripto polliciti sunt. jamque unus omnium sensus erat, fortissi-mos & reipublicæ amantissimos viros dignitati suæ restitui oportere. Sed invitantibus ad descendendum Bruti Cassius-que responderunt, facturos, si simul tuto possint. Igitur ob-fides in Capitolium mitti placuit: missique parvulus An-tonii filius, cum M. Lepidi liberis. Lepido ulcisci Cæsa-rem animus fuerat. sed destitutus a militibus, otium & concordiam spectantibus, nihil audebat: & suadebat An-tonius, præsentibus acquiesceret, ipse minime cupidus pa-

eis; sed ne Lepidus armatus, se infirmo, unus omnia posset.

C. Descendentibus e Capitolio applausum atque acclamatum est: &, consulibus nescio quid incipientibus dicere, postulatum, *uti prius dextras darent invicem atque reconciliarentur*. Inde metus incessit consules, ne paulo post percussorum factio majores, quam ipsi, vires obtineret. salutarunt tamen omnes invicem, complexique sunt comiter: & ab Antonio Cassius, a Lepido affine Brutus ad coenam invitati. ceteros etiam, ut cuique familiaritas aut necessitudo erat, alii senatores exceperunt. Ibi Cassium, inter convivalium sermonum simplicitatem, interrogatum ab Antonio, *num adhuc pugionem haberet sub ala?* respondisse ferunt, & *acutissimum quidem, si & tu affectus tyrannidem*.

CI. Postridie, simul atque illuxit, senatus est habitus, praesentisque Brutus & Cassius ceterique laudati sunt, iisque provinciæ decretæ, quas eis Cæsar ex prætura destinaverat, Macedonia & Syria. sed & Asia Trebonio, Bithynia Cimbri decretæ. Galliam Cisalpinam D. Brutus ex destinatione C. Cæsaris retinuit. Hactenus omnia satis composita atque serena apparuerunt. sed celeriter, unde non expectabatur mota tempestas, novis turbinibus atque procellis inhorruit. De testamento, itemque sepultura Cæsaris agebatur. Cassius utrique repugnabat vehementissime, ratus, quod res erat, perisse causam, si quidem ille funere elatus esset; & L. Pisonis atque L. Cæsaris sententiam laudabat, qui nuper, cum eadem de re quaereretur, quamquam alter focer defuncti, alter gentilis esset, funus fieri vetuissent: si tamen ea Pisonis sententia fuit.

CII. Ceterum Brutus, ingenio mitis & moderatus, utrumque permisit. Testamentum igitur allatum, quod proximis Idibus Septembribus in Labicano suo fecerat, demandaveratque maximæ Vestali, L. Pifone postulante in

§ XCIX. Dio. Appian. Cic. Phil. 1, 13. Vellej. 2, 56. Plut. in Brut. c. 17. § C. Appian. Plut. Dio, § CI. Cic. ad Attic. 14, 10. Lactant. 1, 15.

domo Antonii consulis aperitur. Scripserat heredes fororum nepotes, C. Octavium ex dodrante, L. Pinarium, Q. Pedium ex quadrante reliquo: in ima cera C. Octavius in nomen adoptabatur: pluresque percussorum in tutoribus filii, si quis sibi nasceretur, nominabantur. D. Brutus etiam in secundis heredibus scriptus erat: quæ res valde mirabilis est visa, hujus potissimum consilio occisum fuisse, quem tantopere dilexisset.

CIII. Ut vero populo Romano hortos circa Tiberim, cum signis atque tabulis publice legatos acceperunt, & viritim festerios trecenos; lucri dulcedine convulsi & mutati, *Cæsarem injustissime pro tyranno vituperari* exclamarunt, *quo nemo fuisset patriæ civiumque amantior*. Idcirco Cæsaris corpus in forum a Pisone illatum magna multitudo cum armis circumdedit: positumque pro rostris est in aurata æde, ad effigiem templi Veneris Genitricis fabrefacta: intra quam lectus eburneus erat, auro ac purpura stratus, quem magistratus & honoribus functi intulerant; & ad caput tropæum cum prætexta, in qua fuerat occisus. Inductum erat funus in campum Martium, ibique rogos exstructus.

CIV. Igitur præferentibus munera (quia suffecturus dies non videbatur) præceptum, *ut, omisso ordine, quibus quisque vellet itineribus, eo deportaret*. Magna ibi comploratio orta, querelæque proruperunt, senatusconsulti, quamquam recentis, immemores. Quam inclinationem populi ubi M. Antonius vidit, laudationis loco pronuntiavit per præconem senatusconsultum, quo divinos ei humanosque honores omnes decreverat. ipse perpauca a se verba addidit; ut unumquodque ex senatusconsulto recitabatur, augens extollensque ad miserationem & invidiam.

CV. Cum senatusconsulto *Pater patriæ* appellaretur, *En*, inquit, *pietatem, qua tractatus est patriæ Pater*, ad mentionem *sacrosancti, qui nemini violabilis, sed & aliis persegio esse deberet*, exclamavit: *Enimvero non alius ad hunc confugiens,*

§ CII. Plut. Sueton. in Cæs. c. 83. Appian. Dio. § CIII. Sueton. Cic. Phil. 3, 12. Appian. § CIV. Liv. Epit. Sueton. Appian.

sed ipse hic sacrosanctus occisus est. Quos ille profecto honores neque gessit unquam, neque petiit. Nos vero illiberales, quos honores ejusmodi dedimus, ut volunt, indigno, nec petenti. Quamquam vos, o fidi cives, hic, quem etiam mortuo habetis, honor, ab hoc crimine satis liberat. Prælecto deinde jurejurando, quo se pro salute ejus adstrinxerant omnes, exsecrabilemque esse jusserant, qui non vindicasset petatum insidiis; contentissima voce, manuque ad Capitolium sublata, Jura-vi, inquit, Jupiter Diique ceteri, & paratus eram ulcisci. sed quando hæc potius decerni e republica visum est Patribus, præcor, ut sint utilia.

CVI. Tumultuantibus ad hæc verba senatoribus, (nec enim obscure petebantur) ad leniendam offensam subjecit: *Sed oportet, Quirites, existimare, Deorum hanc potius invidiam, quam mortalium factum fuisse: magisque de præsentibus, quam præteritis, esse sollicitos. magna enim nos pericula circumstant, & si iterum ad arma itur, omnis reliqua nobilitas perit. Quod igitur superest, hunc Deorum numero adscriptum destinata pompa deducamus, laudes lacrimasque debitas persolvendo.* Hæc locutus, veste raptim more fanatici cujusdam subducta, accinxit sese, lectumque subinde aperiens & introspeciens multa querebatur. postremo sanguinolentam Cæsaris vestem conto sublata, explicans, indignamque viri necem miseratus, populum veluti furore quodam inflammavit.

CVII. Accesserunt deinde inter ludos ex poetis accommodatæ ad hunc casum voces; mirificeque commovit animos illud a Pacuvio: *Men' servassè, ut essent, qui me perderent!* quod interfectorum plerique, cum fuissent in Pompejanis partibus, Cæsaris beneficio non vitam modo fortunæque suas, sed etiam dignitatem retinuerant. Sic affectos nova etiam species adjecta infaniores fecit. Corpus ipsum in lecto jacens conspici non poterat. sed simulacrum ex cera confectum pari magnitudine machina quadam extolli ex eodem lecto poterat, tria & viginti vulnera re-

§ CV. Sueton. Appian. § CVI. Quinilian. 6, 1. Cic. Phil. 2, 36. Plut. in Anton. 6, 19. Sueton. Appian.

præsentans iisdem locis, quibus percussum corpus fuerat:

CVIII. Ibi vero nemo se continuit amplius. pars eum in Capitolini Jovis cella cremare destinabat; alii faces ingerebant curiæ, in qua occisus fuerat, eo corpus illaturi; nisi metu, ne una theatrum & templa arderent, sacerdotes prohibuissent: cum repente duo quidam gladiis succincti, ac bina jacula gestantes succenderunt lectum in foro, ubi regia quondam fuerat. confestimque circumstantium turba cum subsellis tribunalia, mensasque numulariorum, & quidquid lignorum in foro erat, cum ipsa funeris pompa donisque conjecerunt in rogam: deinde tubicines & scenici artifices vestem, quam ex instrumento triumphali funeris condecorandi causa acceptam induerant, sciderunt, injeceruntque flammæ; & veterani arma, quibus exculi celebrabant funus, nonnulli coronas etiam & dona militaria; matronæ insuper pleræque ornamenta sua, quæ gerebant, & liberorum bullas atque prætextas.

CIX. Hac flamma domus L. Billieni desagravit: multaque & alia vicina foro ædificia corripuisset ignis, nisi milites restitissent, consulumque jussu quidam perditorum, qui dolo augebant incendium, de rupe Tarpeja præcipitati essent. Nec ideo minus plebs accensis e rogo facibus ad domum Brutorum & Cassii, ceterorumque cucurrit, easque oppugnavit, & vi rejecta, minitata est postridie cum armis affore. Sic sævienti forte se Helvius Cinna tulit obviam, extremum officium persoluturus amico, quem uri in foro audiverat, quamquam valetudine infirma, & proximæ noctis dira quiete territus. Visus erat invitari a Cæsare, & cum renueret, arrepta manu trahi. Erat multitudo infensissima Cinnæ Cornelio, qui nuper graviter erat in Cæsarem concionatus.

CX. Igitur audito, *Cinnam adesse*, tanto furore concitata est, ut frustra restantem, *sibi nihil commune cum illo, præter cognomen, esse*, ferarum more discerperet, caputque præsi-

§ CVIII. Sueton. Dio. Appian. Tacit. Plut. § CIX. Cic. Phil. 3, 36. Dio. Sueton. Plut.

xum hastæ circa rogum ferret. Ea causa fuit C. Cascæ, qui & ipse tribunus plebis erat, libellum proponendi, *sibi & Servilio Cascæ parricidæ cognomen idem, mentem longe diversum esse*. Ob hunc tumultum edixerunt consules, *ne quis arma ferret, militibus exceptis*. atque ita cædibus finis est impositus. Interea reliquiæ Cæsaris a libertis in monumentum illatæ sunt: in loco busti populus aram excitavit. columna quoque erecta est prope pedum viginti ex marmore Numidico, inscriptumque, *Parenti patriæ*. & hic loci sacrificare, libare, vota suscipere, controversias quasdam, interposito *per Cæsarem* jurejurando, dirimere instituerunt.

CXI. Hæc auctore quodam C. Amatio, humillimæ fortis juvene, facta, sed qui se *C. Mario C. F. progenitum* ferens, apud turbatam & credulam plebem plurimum posset. Nam & vivo adhuc Cæsare eo audaciæ venerat, ut venienti in urbem Octavio cum magno agmine, in quo & matronæ quædam erant necessariæ Cæsaris, ad Janiculum occurreret. quo tempore adolescentulus ille magnum sane prudentiæ specimen edidit. Magnopere instabant ei, qui cum Amatio venerant, *ut eum pro cognatione, quæ Marii cum familia Cæsarum esset, complecteretur*. dubitabat, quid faceret, Octavius. admitteret? quem sciret ab Atia matre sua, atque a matertera repudiari. rejiceret igitur tanta stipatum manu testimonium ei generis ferentium, & maximo favore hominum elatum ad minime spernendam potentiam?

CXII. Quippe coloniæ veteranorum complures, & municipia splendida, collegiaque fere omnia patronum adoptarant; & paulo ante, cum reversus ex Hispania Cæsar populum in hortos suos admisisset, proximo intercolumnio propemodum æque frequenter atque Cæsar fuerat salutatus. Tandem lenibus verbis, *ad se minime pertinere judicium de tantis rebus*, respondit: *Cæsarem uti rei Romanæ, ita & familiæ suæ principem esse: hujus voluntatem sibi pro præcepto*

§ CX. Sueton. Appian. Val. Max. 9, 9. Xiphilin. Dio. Cic. Phil. 2, 42. § CXI. Appian. civil. l. 2. Liv. Epit. Nic. Damascen. Plut. in Cæs. c. 50.

fore: interim integra omnia servaturum. Sed Cæsar, comperto, *Hierophilum ei nomen, artem veterinariam esse*, nolente causam ejus suscipere Cicerone, extra Italiam decreto relegavit. At is post necem ejus redierat, validaque manu cinctus, metum non interfectoꝝ modo, sed universo senatui, maximum injiciebat, de interficiendo eo consilia agitare creditus.

CXIII. Igitur legatione impetrata libera, multi ex urbe discedebant, alius alio: & qui provincias habebant a Cæsare, proficiscebantur. Brutus autem & Cassius prætores deducendos in colonias veteranos curabant, ne quid turbarum in urbe darent; id quoque concedentes beneficii, *uti portionem suam cuique liceret vendere*, quod lex ante vicessimum annum non admittebat. His cum insidiari falsus Marius diceretur, ab Antonio raptus in carcerem, atque ibi indicta causa necatus est. Patres consulis audaciam mirati, factum non improbarunt, quod, eo superstite, sollicitam plenamque metus vitam acturi videbantur. Sed ærarium privatum, quod interfectoꝝ constitui ab equitibus Romanis quidam excogitaverant, T. Pomponii Attici gravitate sublatum est.

CXIV. Is enim equestꝝ ordinis ætate & existimatione facile princeps, cum appellatus ea de re per C. Flavium, Bruti familiarem esset, respondit, *si quid Brutus de suis facultatibus uti voluisset, usurum, quantum ea paterentur: sed neque cum quoquam ea de re collocuturum, neque coitutum.* Et valuit exemplum primarii viri, qui neque partium odio hoc faciebat, quarum principes adamabat; neque parsimonia, ultro plura collaturus, quam petebantur: sed quia viro bono discedendum a ratione recta nusquam videbatur. At hujusmodi homines interdum importuni sunt vetita molientibus: neque dubium est, quin illa Attici tergiversario, Brutorum causam haud perfunctorie perculerit.

§ CXII. Val. Max. 5, 15. Nic. Damascen. Cic. ad Attic. 12, 48. & Phil. 1. 2. & CXIII. Cic. familiar. 11, 1. Dio. Appian. Val. Max. Cæsar. Nep. in Attic.

CXV. Sed & in senatu per eosdem illos dies, Antonio referente, multa præclare constituta : inter quæ, *ne qua post Idus Martias immunitatis tabula, neve cujusquam beneficii figeretur* ; & illud, omnium maxime aptum libertati, *ut nomen dictaturæ in perpetuum e republica tolleretur*, execrationibus additis *in eorum capita, qui mentionem ejus fecissent, quive magistratum eum accessissent*, præmiis quoque constitutis, *si quis horum aliquem occidisset*. Cum ob hæc laudibus omnium Antonius in cælum efferretur, æmulatione accensus Dolabella, per absentiam collegæ, tumultuantem subinde plebem acerrimis suppliciis repressit, *liberos homines de saxo dejici jubens, servitia in crucem tolli*. sed & columnam aramque Cæsari positam evertit, solumque sternendum locavit.

CXVI. At hæc omnia brevi sunt in contrarium versa : eodemque loco templum postea exstructum, in Deorum numerum relato. Hoc primum Romæ impiæ stoliditatis exemplum fuit : a quo postea manavit mos absurdissimus, defunctos imperatores appellandi *Deos*, quos vivos ne reges quidem appellari majorum gravitas tulerat. Hunc exitum vitæ C. Cæsar sexto & quinquagesimo ætatis anno habuit : vir Alexandro Magno haud immerito conferri solitus, maximi vigoris ad omnia ; qui perficere, quod vellet, posset : hoc miserior, quod non voluit meliora, dubiumque reliquit, utrum eum nasci, an vero non nasci, reipublicæ magis profuisset. Generis humani profecto peffis fuit crudelissima : qui pugnis quinquaginta duabus, quarum multo majorem partem sola ductus ambitione decertavit, undecies centum & nonaginta duo millia hostium occidisse fertur, non computatis civium infinitis millibus, quorum referri numerum vetuerat.

§ CXV. Cic. Phil. 1, 2 & 2, 36. Idem ad Attic. 14, 7. Liv. Epit. Dio. Appian. civil. l. 2. § CXVI. Sueton. Appian. Plut. Senec. nat. quæst. Solin. c. 6. Plin. 7, 25.

JOANNIS FREINSHEMII
SUPPLEMENTORUM
LIVIANORUM

LIBER LXXXII.

IN LOCUM LIB. CXVII LIVIANI.

E P I T O M E

LIBRI CENTESIMI DECIMI SEPTIMI.

C. Octavius Romam ex Epiro venit, (eo enim illum Cæsar præmiserat, bellum in Macedonia gesturus) omnibusque prosperis exceptus, etiam nomen Cæsaris sumpt. In confusione rerum ac tumultu Lepidus pontificatum maximum interceptit. Sed M. Antonius consul cum impotenter dominaretur, legemque de permutatione provinciarum per vim tulisset, & Cæsarem quoque, petentem, ut sibi adversus percussores avunculi adesset, magnis injuriis affecisset; Cæsar, & sibi, & reipublicæ vires adversus eum paraturus, deductos in colonias veteranos excitavit. Legiones quoque quarta & Martia, signa ab Antonio ad Cæsarem tulerunt. Deinde & complures scævitia M. Antonii, passim in castris suis trucidantis, qui suspecti erant, ad Cæsarem desciverunt. D. Brutus, ut petenti Cisalpinam Galliam Antonio obsisteret, Mutinam cum exercitu occupavit. Præterea discursus utriusque partis virorum ad accipiendas provincias, apparatusque belli conjunct.

I. **O**CCISO Cæsare, cum immenso interfectorum errore potius subblata recens respublica, quam restituta vetus esset; spe, metu, sollicitudine, rumoribus omnia miscebantur. Quibus dominatio lucro fuerat, assertores ejus respicere, fovere, etiam incendere: quamquam id palam præ se ferebat nemo. Lepidus & Antonius amicos magis Cæsaris, quam ultores profitebantur, nec ipsi fidentes invicem, & nescii, quorsum evasura præsentia forent: si casus daret, non ausuri leviora, quam Cæsar concupiverat. Percussores, facto suo læti, Patrumque laudibus erecti, dum ad honestatem retulisse omnia videri volunt, negligentiores erant in comparandis ad fortuita præsidii.

II. Senatus discors, & plerisque omnia alia, quam rempublicam spectantibus, vindicatam ordini dignitatem gratulabatur magis, quam usurpare noverat: pars magna otium, alii privatas rationes spectare: nihil in plerisque gravitatis, nihil in reliquis potentiae esse. Milites magna Cæsaris veneratione, hunc unum anteferre omnibus; ceteros despicere: bellis civilibus contemnere senatum, odisse patriam, facere injurias, vim & arma minitari didicerant. plebs olim corrupta, seque & rempublicam venalem habere docta, rerum ceterarum æque imperita ac negligens, turbulentis vocibus strepere: pauci omnium ordinum boni, præsentia mala de flere magis, quam emendare poterant. Quidlibet tamen potius evenit, quam quod expectabatur, ut neque respublica pristinum statum recuperaret, neque ulli horum, qui hominum opinione domini destinabantur, succederet.

III. C. Octavius civilium simul atque militarium artium studiis sextum jam mensem vacabat, magistro dicendi usus Apollodoro Pergameno; quem jam grandem natu, ex urbe secum Apolloniam Taulantiorum eduxerat, præmissus ab avunculo ad Geticum bellum. Circum circa legiones

§ II. Appian. civil. l. 2. Sueton. in Aug. Plut. in Brut. c. 32. Vellej. 2, 59.

erant collocatæ, imperatorem expectantes, quem longinquos hostes cogitantem interim domestica fraus absumferat. Id ubi compertum est, pro atrocitate rei gravis orta consternatio, & ex proximis hibernis concursus tribunorum & centurionum ad Octavium fuit, suam militumque operam offerentium; nec spernendam Salvidienus & Agrippa judicabant, æqualium familiarissimi.

IV. Sed ipse, licet in puerilibus annis eximia prudentia, nihil moliri, rerum atque animorum incompto statu, certus, ad urbem properavit: matris insuper & Philippi vitrici literis confirmatus, quibus eadem placebant. Igitur trajecto Adriatico mari Lupiam petiit, propinquum Brundisio oppidum, incertus adhuc, quemadmodum animati milites essent, qui eo præmissi a Cæsare fuerant. Ibi de testamento Cæsaris & adoptione sua, itemque populi ob interfectum Cæsarem dolore factus certior, quamquam propinquis dissuadentibus, cernere hereditatem statuit: & præmissis, qui specularentur, numne aliquis ex percussorum numero, sibi quoque metuentus, Brundisii esset, postquam omnia tuta cognovit, eodem profectus est.

V. Exiverunt obviam legiones, magnaque exceptum lætitia in oppidum deduxerunt. Hinc ille confirmatus, adire hereditatem & nomen adsciscere Cæsaris non distulit, huiusque favore paucos intra dies & firmam militum manum, & pecuniæ vim haud spernendam adeptus est; confluentibus ad eum, qui profecturi Brundisio in Macedoniam fuerant, quique cum ære publico veniebant e transmarinis provinciis. Satis hinc munitus adversus vim apertam, sed ut in nova amicitia suspectans suos, cum frequenti comitatu proficisci cœpit.

VI. Municipiorum non erat omnium idem favor: sed veteranorum ubique summa studia, vindictæ se offerentium, incusantiumque *negligentiam Antonii, qui scelestissimum facinus inultum sineret*. Cæsar hos collaudans, *opperiri tempora*

§ III. Appian. Sueton. in Aug. § IV. Dio. Vellej. Appian. § V. Dio. Jul. Obseq. Appian.

sua quietos jussit. Ita per Neapolitanos fines profectus, in villam Philippi vitrici, & cum eo ad Ciceronem, in Cumanis suis agentem, venit. & facile consensum est inter hos, ut, mutuam sibi operam pollicerentur: Cæsar adolescens militum studio firmior, sed urbanæ opis indigens, Patrumque favorem adjungere cupidus, quos Cicero unum omnium maxime facundia & auctoritate moderabatur; Ciceroni vicissim adversus arma Antonii armis erat opus, quibus salutem suam defenderet. Interea enim & rixa ei cum Antonio inciderat, & multa facta in urbe erant, quæ rerum totam faciem insigniter commutarent.

VII. Quippe M. Antonius, ad quælibet consilia perinde facilis, mire miscebat boni malique civis indicia, multa e republica, multa contra patriam facitendo; & vicissim his illisque carus aut invidus. Sed tum acri studio partes tueri optimatum videbatur. Quippe *de revocando Sex. Pompejo* retulerat, utque pro paternis ei bonis quingenties de publico daretur: utque maris imperium ei concederetur, quale pater habuisset. Ob hæc collaudatus a Cicerone & reliquis Patribus, cum infensam habere plebem videretur, auctoritate senatus armatum comparare præsidium cœpit. quo initio reversus ad ingenium, hunc delectum instituit, ut numero militum atque genere formidolosus senatum non jam pro Antonio, sed sibi, timere cogeret.

VIII. Jam enim habebat ad sex millia: neque promiscue, sed ex iis, quæ duxerant ordines, aut aliquo insigniori facinore clari erant, legebantur. Senatui metum falso respondit, *dimissurum hos esse, simul atque populus conquiesset*. Interim cum & commentarios Cæsar's haberet domi, & scribam ejus Faberium sibi obsequentissimum, (nam & abiturus ad bellum Cæsar multa ad Antonii arbitrium rejecerat) his ad stabiliendam suam potentiam abutebatur, quos volebat ab exilio revocans: regibus civitatibusque, sed & sui præsidii primoribus, beneficia dispensans: quos-

dam & in senatum recipiens : quarum rerum omnium invidia penes defunctum, gratia penes Antonium erat.

IX. Idem, ut M. Lepidum beneficio devinceret, regimen sacrorum, quod in illa confusione rerum ipse potuisset intercipere, illi dare statuit. Sed id quo facilius consequeretur, lege lata, sacerdotum comitia populo ademta transtulit ad pontifices: ita re in paucorum redacta potestatem, in ceteris quoque solemnibus nihil ferme pristini moris servans, quasi furtim paratis suffragiis *M. Lepidum pontificem maximum* renunciavit. Hinc nova percussoribus sollicitudo. Igitur missis ad amicos nuntiis, *D. Brutum*, qui tres habebat legiones, *intentum esse, Trebonium in Asia, Cimbrum in Bithyria, quantas possent, pecunias cogere* jubebant. ipsos consilii incertos diversæ causæ tenebant : manerent in urbe? facere cum periculo viderentur. exirent? nondum tempus eundi in provincias venerat; & si prius egrederentur, fugæ similis futura erat profectio.

X. Igitur senatus, salutem atque dignitatem virorum æqualibus studiis conservare pronus, frumenti eis procuracionem imposuit. Et quia prætor urbanus Brutus erat, Antonio referente, legibus est solutus, *si ab urbe plus quam decem dies abfuisset*. At his ex urbe digressis, Antonius moliri multa instituit, Syriam provinciam appetens, destinatam Cassio : deinde, quia sibi paratum esse adversarium Dolabellam sentiebat, eo vertit, ut huic persuaderet eam provinciam petere, suum auxilium pollicitus.

XI. Sic rogatione ad plebem lata, (nec enim impetrari ab senatu potuisset) res confecta : frustra obnuntiante tribuno plebis Asprenate, quem senatus subornaverat, sperans, Antonium quoque, ut augurem, & Dolabellæ nuper insensissimum, occasione oblata usurum. Sed ille, graviter correpto Asprenate, *mitti tribus in suffragia* iussit. Cum provincia bellum quoque Parthicum datum, & legiones, quæ

ejus belli causa præmissæ in Macedoniam fuerant. Dein Antonius Macedoniam provinciam petiit.

XII. Nec fuit difficile negotium, victis in Dolabellæ causa omnibus, quæ obstiterant. Ex his rebus apparuit, bona fide cum collega reditum in gratiam ab Antonio esse, qui non modo Parthicum ei bellum demandandum curasset, sed & in illius gratiam exarmasset Macedoniam, quam ipse habiturus provinciam erat. Ut tamen commutatæ potius provinciæ, quam ademtæ Pompejanis viderentur, senatus obtinuit, pro Syria C. Cassio Cyrenen, pro Macedonia M. Bruto Cretam dari.

XIII. Hæc Octavio nuntiata sunt apud Tarracinam: quo magis sibi properandum in urbem judicavit; ominibusque prosperis exceptus est. Cum enim circiter horam tertiam, ingenti circumfusus multitudine, quæ officii causa obviam erat effusa, Romam intraret, super caput ejus, circa solis orbem arcus fulgentibus stellis in speciem coronæ micuit. ac subinde Juliæ, Cæsaris filiæ, monumentum in campo fulmine ictum. Credo, his quoque excitatum adolescentem, ut magno animo negotium capefferet. Perseverabat enim dissuadere Atia, cui magna erat non ut matri modo, sed ut severæ diligentique educatrici, apud adolescentem auctoritas; & accedebat cum Philippo vitrico fororius Marcellus, minime contemnendis adducti rationibus, quod *successurus erat in clarissimi ejusdem invidiosissimi-
que nominis hereditatem, octodecim annorum adolescens, id temporis, quo tanti viri cædes impunita, percussores in honore & imperiis essent; & his omnibus suspectior Antonius summa potentia parique superbia, qui filium Cæsaris peregre advenientem non modo adire, sed ne mittere quidem quemquam suorum, voluisset.*

XIV. Contra hæc omnia fixum certumque adolescenti fuit, exsequi destinata, neque Cæsaris necem impunitam,

§ XII. Plut. in Brut. c. 29. Appian. Liv. Epit. Jul. Obseq. Vellej. 2, 59. Plin. 2, 28. Dio. Sueton. in Aug. c. 14. § XIII. Auctor de caus. corrupt. eloq. Nic. Damascen.

aut se in minore fortuna pati : neque committere, ut , quo nomine dignus a Cæsare judicatus fuisset, eo se indignum suo judicio ipse fateretur. Consilium, prima fronte calidum & audax, postquam processit, (ut ab eventu judicare homines solent) pro prudentissimo vulgatum est: visusque ille quolibet juvene promptius susceptum propositum, quolibet sene cautius esse executus.

XV. Hoc tamen Atiæ monitum non sprexit, *ut inter initia temperaret animo, neque rueret, nisi rebus paratis.* Idcirco in itinere confluentem ad se turbam mitibus verbis ablegando, cum mediocri comitatu accessit ad urbem: & postea quoque *nihil ostendit se iratum percussoribus; nec ignorare, æquius esse, ut ipse prior ad Antonium, adolescens ad virum, privatus ad consulem eor.* Postridie C. Antonio prætor adito, professus est, *ad hereditatem se Cæsaris adire, suscipere nomen;* idque relatum in acta publica. Continenter deinde a foro perrexit ad M. Antonium consulem in Pompejanos hortos; neque statim admissus, dissimulavit injuriam, placidoque & familiari colloquio petiit *auxilium adversus percussores avunculi.* deinde & mentionem interposuit *de pecunia, quæ sibi opus ad legata ex testamento patris præstanda esset.*

XVI. Antonius, hac oratione vehementer offensus, qui non modo depositum a Calpurnia millies sestertium retinebat, sed insuper omnem, quæ ubivis esset, hereditatem lacerabat furtis, & in præsentia respondit durius, & postea quoque legem curiam de adoptione ferens, consulto extraxit negotium cunctis artibus; submisit etiam tribunos plebis creditus, qui vetarent. His excitatus injuriis. adjungere sibi plebem statuit, apud quam magna Cæsaris erat memoria, magnum odium Antonii, qui necem ejus vindicare, cum posset, nolisset. Igitur in locum Helvii Cinnae tribunatum dissimulanter ambire cœpit, quanquam patricius, necdum senator: & per Ti. Canutium tribunum

productus in concionem, ostendit, & *legatam populo pecuniam, & aliam ex sua liberalitate numeraturum.*

XVII. Atque hoc ut præstare posset, hereditatem paternam proscripsit atque vendidit, etiam inductis coherentibus suis, ut portionem suam cederent sibi. Sed illa oratio; simulque ludorum apparatus valde suspectus erat optimatibus, non ignaris, quorsum ista expedirentur. Nec ideo minus facti sunt Veneri Genitrici, Cæsare Octaviano sumtus præbente pro collegio, quod adhuc vivo dictatore institutum, metu aut negligentia supersedebatur. Ab iisdem causis ludi victoriæ Cæsaris facti non erant Palilibus. Et hos igitur edidit, Matio & Postumo curantibus: sellam tamen Cæsaris purpuream & coronam gemmatam in theatro non posuit, Antonio & tribunis vetantibus.

XVIII. Nam & paulo antea Critonii cujusdam ædilitio munere sellam illaturo Antonius *carcerem* minatus est, *nirerum novarum defineret.* Sed adolescens adversus hanc malignitatem ejus hominis, quo vel præcipuo adjutore se usurum speraverat, generosa fuit ad resistendum constantia: quæ subinde, præter humana præsidia, raris quibusdam, & aptis ad omen trahi, casibus confirmabatur. Inter quæ cometen per continuos aliquot dies spectatum, ipse his verbis prodidit: *His ipsis ludorum meorum diebus, sidus crinitum per septem dies in regione cæli, quæ sub septemprionibus est, conspectum.* Idoriebatur circa undecimam horam diei, clarumque & omnibus terris conspicuum fuit. Eo sidere significari vulgus credidit, Cæsaris animam inter Deorum immortalium numina receptam: quo nomine id insigne simulacro capitis ejus, quod mox in foro consecravimus, adjectum est.

XIX. Sed & alii potius ad gloriam Cæsaris juvenis pertinere existimabant: plerique magnarum esse calamitatum prænuntia. Sed Octavianus, statua sine certamine posita si-

§ XVI. Plut. apoph. Rom. c. 45. Flor. 4, 4. Dio. Sueton. in Aug. c. 10. § XVII. Plut. Appian. Cic. ad Attic. 11, 2, & familiar. 11, 27 & 28. Plin. 25, 11. Jul. Obseq. Dio. § XVIII. Plut. in Anton. c. 21, & in Cæs. c. 18. Sueton. in Aug. c. 80 & 88. Jul. Obseq. Dio.

T. Liv. Vol. XI.

I

dentior, & Julii mensis appellandi confirmavit consuetudinem, ut etiam ab ipso Bruto in proscriptione ludorum fuorum poneretur; aliosque insuper ludos, ob quandam Cæsaris victoriam decretos, fecit. Et profecto mirari animum adolescentis convenit, qui tantas impensas tam alacriter faceret, cum Antonii malignitate & senatus varie premere-
tur. Nam timentes illi, ne paternis opibus instructus ad parem aspirare potentiam vellet, *perquiri publicas pecunias, quæ fuissent penes Cæsarem*, jusserunt. Sed & de agris frequen-
tes movebantur controversiæ, aliis alios repetentibus priva-
tim, & in publicum eos, qui proscriptorum atque exsul-
lum fuissent.

XX. Harum rerum judicia apud Antonium ipsum, aut collegam ejus Dolabellam agebantur: quod si qui & alii magistratus judicabant, Antonii præpollebat auctoritas, qui ne translatitium quidem adolescenti jus ulla in re sine pa-
ctione gravissimæ mercedis impertiebat. Quin & in cohe-
redes ejus similes intentabantur minæ, senatusque consul-
tum proferentibus, quo Cæsaris acta rata habebantur, re-
spondit Antonius, *id fuisse tempori datum, ut populo tumultuanti satisfaceret; ceterum neque rebus suis carere æquum esse eos, quibus ademta per injuriam essent, & mentem potius se-
natus, quam verba, spectari oportere. Se tamen illorum por-
tiones relicturum, si exegissent a Cæsare, cujus lubricam ætatem nollet nimis opibus ad suum reipublicæque periculum con-
citari.*

XXI. Post hæc igitur Q. Pedius & L. Pinarius partes suas receperunt ab Octaviano, quo interim periculo sub-
ducerentur, mox usibus ejus libenter reddituri. Horum adjutus benevolentia, toleravit immensos sumtus ludorum, omnibusque occasionibus insignem animi magnitudinem ostendit. Cum enim pecuniam, quæ ex auctione sua redi-
gebatur, populo divisisset, & addici petentibus res suas minimo pretio juberet, quia & nummos festinabat colli-

§ XIX. Jul. Obseq. Cic. de nat. Deor. 2, 5, & ad Attic. 16, 1 & 4. Dio. Appian. § XX. Sueton. in Aug. c. 10. Appian.

gere, & propter metum judiciorum venditionem maturabat: ea ipsa res ei magnam conciliavit hominum benevolentiam, forrem optimi adolescentis serio miserantium.

XXII. Postquam autem & suum patrimonium, & quidquid aliunde fuerat consecutus, sed & matris Atiæ, Philippique vitrici possessiones, tum concessum sibi a Pedio & Pinario quadrantem Cæsarianæ hereditatis venum proposuit, ita concitatus est plebis affectus, ut omnium ore *patientia hujus & animi magnitudo* concelebraretur; negarentque vulgo homines, *diutius se laturos consulis insolentiam*. Et certe studia vulgi ludis, qui sub eos dies pro Bruto edebantur, patuerunt. Receptum erat moribus, ut Apollinares ludos urbanus prætor faceret. Sed quia percussores Cæsaris tuti esse in urbe non poterant, vicem suam Brutus C. Antonio collegæ suo demandavit: eique ludorum suorum apparatus transdidit.

XXIII. Et fuit is plane magnificus atque sumtuosus: nec ludi tantum proscripti, sed etiam postridie venatio. sperabant, ea voluptate delinitam plebem æquiores postea fore percussoribus. Et erant conducti, per quos initium clamoris nasceretur, *revocandos esse primarios viros populi-que amantissimos*. & sequebatur miseratio, sensimque etiam reliqui spectatores jungebant vocem, mirifico omnium plausu: cum ingens multitudo plebis in theatrum irrupit, inhibuitque spectaculum, donec ista postulatio penitus extingueretur. Inter hæc Dolabella properè in Syriam profecto, quia rumor erat, Cassium & Brutum de antiquis provinciis occupandis cogitare, M. Antonius respicere Macedonicas legiones cœpit, numero & genere militum validas, multisque adjectis equitibus, & levi armatura.

XXIV. Per eosdem dies forte, an fraude illius, percrebuit fama, *Getas in Macedoniam irrumpere*. de hac ad senatum referens, *interesse reipublicæ dixit, non deduci a Ma-*

§ XXII. Liv. 3, 15. Cic. Phil. 10, 3, & ad Attic. 15, 10 sqq.

§ XXIII. Plut. in Brut. c. 31. Cic. ad Attic. 16, 4, & Phil. 10, 4 & 15, 1. Appian.

*cedonia exercitum, qui & ipsius Cæsaris destinatione prius Getis, quam Parthis coercendis comparatus esset. præterea nihil-
dum ex Parthis hostile nuntiar. Senatus, mittendum prius ad
res Macedonia inspicendas legatos, censuit. nec expectato
eorum reditu, exercitum Antonio decreverunt, multa tum
temporis senatui grata facienti. atque ille cum amicis Do-
labellæ pactus est, ut unam ei legionem mitteret, ceteras quinque
retineret. Post hæc reversi ex Macedonia, nullos ibi fuisse
Getas, retulerunt, adjecto tamen, in Antonii, ut putatur,
gratiam, periculum esse, ne irruant, si ex Macedonia legio-
nes deducantur.*

XXV. Cum hæc obtinuisset, colorem reportandi in Ita-
liam exercitus quærens, cum a. d. Kal. Jun. senatus habe-
retur, *permutari provincias petiit, ut sibi Gallia, D. Bruto
Macedonia decerneretur.* At vero senatus, intellecto consulis
vaframento, induci non potuit: quidam etiam ex eo or-
dine privatim scripserunt ad Brutum, hortantes, *ne Anto-
nio cederet.* Igitur Antonius, Cæsaris exemplo, confugit ad
populum, ejusque scito provinciam Galliam obtinuit, Octa-
viani præcipue gratia adjutus, cum legionibus, quæ erant
Apolloniam præmissæ: & frater Antonii Cajus Macedoniam.

XXVI. Unde adolescens ille clarior in dies, plebique
& militibus grator, magna horum frequentia stipabatur,
etiam pecunia sibi favorem concilians. nec dubitabatur,
novarum rerum hæc esse primordia, nec ultra differri tur-
bas, præsertim quia M. Antonius, incrementa ejus æger-
rime ferens, ad se volentem colloqui causa in tribunal
ascendere, quemadmodum facere, Cæsare rerum potente,
erat solitus, repulerat per lictores, *detrahique ex loco supe-
riore jusserat.* Hinc immensæ multitudinis iræ: nec deerat
Octavianus accendere odia, forum vitans, sed per ceteras
celebriores partes urbis in excelsa loca insiliens, in mo-
rem concionantis Antonium accusabat.

XXVII. Jamque ille & a tribunis centurionibusque suis

§ XXV. Cic. Phil. 1, 2 & 11, 2, & ad Attic. 14, 16. Vellej. 2,
60. Appian. § XXVI. Appian. Dio.

monebatur, *finem injuriarum faceret, filioque Cæsaris, cujus beneficiis sua deberent omnia, vel sua causa conciliaretur.* & cum ille commode respondisset, iisdem auctoribus congressi, post mutuas querelas ita redierunt in gratiam, ut sæpius redeundum esset. Nam uterque mentis alterius non nescius, arguendi tempus nondum venisse putabat: & animos, satis jam sua iracundia & suspicionibus exacerbatos, amici non sinebant conquiescere: nunquam defuturis, qui potentiorum inter se inimicitias suam occasionem putarent, & in pace negligendi, turbari malint omnia, dum aliquo in numero propter præsentem necessitatem habeantur.

XXVIII. Igitur non multi intercefferunt dies, cum iterum impugnare Cæsarem Antonius cœpit, quamquam recenti beneficio Galliæ provinciæ obligatus. Forte tribunus quidam plebis decesserat, cujus in locum Flaminium commendabat Cæsar, petere non ausus, quod ætatem legitimam non habebat: sed populus, sensuum ejus non ignarus, ipsi tribunatum offerebat. Unde simul & Patres & Antonium metus cepit; senatu percussoribus Cæsaris timente, Antonio sibi, si facultatem adeptus adolescens discessurus & præpotens turbandæ plebis, aut paternas inimicitias exsequi, aut suas cœpisset.

XXIX. Igitur Antonius edictum proposuit, *Cæsarem contra leges appetere quidquam vetans; &, nisi paruisset, vim consulatus minabatur. Ea indignatione plebis exceptum hoc edictum traditur, ut Antonius, desperato, posse obtineri, quod volebat, præsentis tribunorum numero contentus, tollere comitia cogeretur.* At Cæsar, missis circa patris colonias certis hominibus, veteranos sollicitabat: idemque per alios agebat apud legiones, quæ cum Antonio ituræ in Galliam, ex Macedonia modo reverterant. Tum quoque eorundem tribunorum opera *deponere simultates suas* in Capitolio professi sunt. nequidquam. mox enim Antonius quosdam ex præsidio suo ad concilium amicorum adduxit, *quos sibi Cæsa-*

ris dolo parare insidias diceret. nam ad priorem metum somnio factus erat timidior; prima nocte, postquam reconciliati in Capitolio fuerant, dextram suam ardere fulminis ictu imaginatus.

XXX. Neque Cæsaris accipere purgationem voluit; quamquam infontem insimulare ficto crimine videretur. Qui tamen eo tempore prudentes & boni viri habebantur, & credebant factum, & probabant. Jam enim Octavianus per Ciceronem ad senatum se applicare cœperat. Sed non admissus ab Antonio, circa fores ejus exposculabat, *se immo quotidianis insidiis peti*; multaue in caput suum execratus, si merito argueretur, judices poscebat. Cum prodiret ad eum nemo, *ipso se Antonii amicos judices ei ferre* dixit: postremo abiens clara voce testatus est populum, *se quid sibi accidisset, penes Antonium necis suæ causam fore*.

XXXI. Acerbioribus igitur, ut solent post reconcilia-
tiones, odiis, ad comparanda sibi præsidia, eademque detrahenda inimico, uterque properabat. Antonius allicien-
dæ plebi statuat Cæsaris posuit in rostris, inscriptam, PARENTI OPTIME MERITO: deinde legem Agrariam per Lucium fratrem promulgabat, *Pomptinas paludes* divisurus, quamlibet siccata nondum erant. Ea lex per vim per-
lata: septemviri dividendis agris creati, quos inter & C. Antonius fuit, tum maxime prætor. Tres enim fratres eodem tempore totidem gerebant magistratus, magnum ad quælibet audenda robur.

XXXII. Et legis quidem istius tanta fuit apud demen-
tem populum gratia, ut L. Antonio statua equestris inau-
rata in foro poneretur, in qua inscriptum erat, QUINQUE
ET TRIGINTA TRIBUS PATRONO POPULI ROMANI. sed
& equites aliam posuerunt, item adscribentes, PATRONO;
& aliam novo exemplo tribuni militum, qui in exerciti-

§ XXIX. Plut. in Ant. c. 21, Appian. Senec. de clement. § XXX.
Cic. Phil. 6, 3, & familiar. 12, 23. Vellej. 2, 60. Plut. Sueton.
in Aug. c. 10. Appian. § XXXI. Cic. familiar. 12, 3, & Phil. 11,
6 & 13, 18. Idem ad Attic. 15, 19. Plut. Dio.

bus Cæsaris fuerant. Eo tempore Casilinum coloniam deduxit M. Antonius, quo Cæsar paulo ante deduxerat; cum in eam coloniam, quæ esset auspicato deducta, dum esset incolumis, novos adscribi colonos liceret, nova colonia non posset jure deduci. Sed Antonius quidlibet honestum putans, quod firmandæ potentiæ esset, multa moliebatur cum fratribus. Provincias adimebant, aut dabant, aut prorogabant contra legem Juliam, qua nulla poterat esse publice utilior; tribunorum ad hæc usi opera, quos Marcus pecunia suos fecerat.

XXXIII. Interim & Sex. Pompejus, Antoniorum opera revocatus, excessit Hispania: in qua post fratris interitum copias haud contemnendas paraverat. Cum enim aliquamdiu in Lacetanis latuisset, latrocinio se tolerans, paulo post pluribus ad eum ex Mundenſi fuga coeuntibus, Pompejum ausus profiteri, Lacetanorum juventutem induxit, ut se in Bæticam sequeretur. Venit ad eum & ex Africa regulus Arabio, quem paterna ditione Bocchus atque Silius expulerant. His auxiliis multas occupavit urbes: quarum deinde præsidio vim Carinatis elusit, cum majoribus copiis a Cæsare missi. Postea cum successore Carinatis Asinio Pollione prætorio bellum clarissimum gessit, Carthage cum una legione receptus, Eboram deinde oppugnavit cepitque. Eadem die de morte Cæsaris cognovit. inde ad sex legiones, quas in ulteriore provincia reliquerat, rediit; missis Romanis ad consules literis, *ut sibi ad larem suum liceret reverti, exercitus omnes dimitterentur.*

XXXIV. His deinde successibus firmior, cum ad eum quotidie multi confluerent, Asinium mors Cæsaris & secutæ illam turbæ plurimum debilitarent, Carthaginem novam obsidere ausus est. At cum per absentiam ejus premiosos suos a Pollione audisset, cum valida manu congressus, claram victoriam obtinuit, virtutem ejus plurimum

§ XXXII. Cic. Phil. 1, 8 & 2, 2, & familiar. 12, 13. Appian. Dio. § XXXIII. Strab. l. 3. Dio. Appian. Vellej. 2, 73. Cic. ad Attic. 15, 20.

adjuvante casu. Forte acciderat, ut, Asinio in fugam acto, pars tamen exercitus strenue repugnaret, ambiguum factura victoriam, nisi eodem tempore & paludamentum, quod inter fugiendum abjecerat Pollio, vidissent inter hostium manus, & *Pollionem interfectum* audissent. Ejus nominis errore, (nam illustris eques duci cognominis ceciderat) simul conspecta vestis, tanquam amisso duce exterriti cesserunt. Ab hoc tempore potens pollensque Pompejus, omnem fere ulteriorem Hispaniam recepit, donec M. Lepidus, citeriori præfuturus, in proximam Galliam venit.

XXXV. Is auctoritate sua Pompejum adduxit ad pacem, effecitque, ut discederet ab armis, senatus illi septies millies, quantum ex bonis ejus paternis Cæsar redegerat, & oræ maritimæ præfecturam daret. Quæ res eo confici facilius potuit, quod salvis Cæsaris actis fiebat: quippe Cæsar extremo tempore cunctis, etiam quibus nondum ignovisset, sine exceptione pristina jura reddiderat: ut non novum ei dandum beneficium, sed confirmandum, quod dedisset Cæsar, videretur. Adjuvitque Antonius, amicus & propinquus Lepidi, odio quoque Cæsaris inimicum ejus paternum corroborans. Pompejus, deducto ex Hispania exercitu, concessit Massiliam, ut interim, quid in urbe fieret, specularetur. M. Lepido honores ab senatu habiti, statua equestris inaurata in rostris posita, cum inscriptione præclara: mox & triumphus absenti, rebus gestis non maximis, decretus.

XXXVI. Interim ad vim & arma res spectare cœpit, cum Antonium, consulatus viribus prævalidum, Octavianus ætate & injuria favorabilis, & assumpto Cæsaris nomine, oppugnaret. Idcirco Antonius a. d. VII Id. Octobr. Brundisium exivit, legionibus Macedonicis quatuor occursum, ut pecunia sibi conciliatas ad urbem adduceret, magno timore civitatis. Contra Cæsar in Campaniam excucurrit, primumque a Calatia, mox a Casilino veteranos evocavit, in-

§ XXXIV. Dio. § XXXV. Cic. Phil. 13, 4. Sueton. in Cæs. c. 75. Dio. Appian.

senfos Antonio, qui novos colonos superinduxerat. Sed & pecuniæ magnitudine excitabantur, quingenis donati denariis. Inde Capuam profectus, magna centuriata manu Samnium petiit, Calibusque & Theani, ceterisque municipiis, summo omnium favore exceptus, paucis diebus iustum exercitum coegit promptus adolescens.

XXXVII. Inde consilio Ciceronis recurrens in urbem, ad decem millia hominum sub uno signo, neque omnes more militiæ perarmatos, quasi præsidium suum adduxit. Trepidabant urbani, hinc Cæsarem, inde Antonium venire cum copiis. neutrius perspecta voluntas, & quia nuper in Capitolio conciliatos viderant, ne hæc ex compacto gererentur, metuebant; donec eos confirmavit Canutius tribunus plebis, profectus obviam Cæsari, &, proposito ejus cognito, prædem se offerens reipublicæ, introductoque adolescente, qui ad secundum lapidem juxta fanum Martis confederat, verba in hanc sententiam fecit, continua rabie lacerare Antonium solitus: *Miro quodam fortunæ ingenio rer in hæc tempora, quo rempublicam extraordinaria pericula circumstant, extraordinarium quoque præsidium accessisse. quis enim tantum aut furorem hominum, aut benignitatem Deorum præscire atque prædicere potuisset?*

XXXVIII. *A consule patriam oppugnari publicis viribus, a privato defendi domesticis copiis: in illo nihil esse, quod non oderis, vituperes, timeas; in hoc omnia præclara & salubria, pietatem, consilium, virtutem! Cavete enim quidquam aut perniciosius publice Antonio, aut Cæsare salubrius posse cogitari. M. Antonium quis vestrum non novit, tanquam digitos suos? ejus luxum, libidines, crudelitatem, rapinas quis ignorat? nec repetam, quæ coram toties objeci, vobis audientibus: ad præsentia tempora vos respicere jubeo, & magnitudinem periculi, quod vobis denuntiat, diligenti æstimatione metiri.*

§ XXXVI. Flor. 4, 4. Dio, Cic. familiar. 12, 23, & Phil. 3, 2. Idem ad Attic. 16, 8. Vellej. 2, 61. Sueton. in Aug. c. 10.
§ XXXVII. Tacit. Cic. ad Attic. 16, 8. Dio. Appian. Vellej. 2, 69.

XXXIX. *Homo ex magnis opibus, per temporum miseriam subito paratis, deinde turpissime dilapidatis repente egenus, post necem Cæsaris abundare copiis cepit. Quæritis unde? quamquam quid opus est quærere, quod scitis omnes. Quantum illi pecuniæ nocte, quæ mortem Cæsaris est insecuta, Calpurniæ timor dedit in manus? quantum creditis ex interpolatis commentariis Cæsaris, ex innumerabilibus chirographis redactum? qua nundinatione nullus unquam fuit quæstus copiosior. Regna, provinciæ dantur, adimuntur, tanti videlicet, quanti redimere hæc cupientium desideria paciscuntur. datur civitas aliis, aliis immunitas: restituuntur exsules, minime profecto gratis.*

XL. *Jam una rapina ad Opis septies millies sesterrium sublatum nostis. Nunc etiam municipiis imperari audimus pecuniam. Tantis instructus divitiis, maximo præditus magistratu, provinciæ & legionibus auctus, quantum possit, videtis: quantum velit, nisi ipsi creditis, ego vobis neutiquam persuasero. Pauci admodum dies sunt, cum in concione vestra palam professus est, locum me apud eos quærere, quibus, se salvo, in civitate locus esse non posset. quæ de principibus senatus alio tempore dixerit, quos & auctores Cæsarianæ necis, & mearum actionum aperte nominabat, meministis.*

XLI. *Neque est, ut meo aut illorum periculo rem transigi posse putetis: nostro sanguine contentum Antonium fore, nostris facultatibus; vos vero, si non honoratos apud eum, at certe tutos fore. Recordamini, quam ille vocem nuper admodum pro Castoris sedens jecerit, qua nulla sane potuit audiri crudelior, cum pro solita sua impudentia stultitiaque haud dissimulante diceret, nisi victorem, victurum esse neminem. Quid potuit apertius? aut quibus aliis verbis bellum internecinum efficacius denuntiaret? Adversus hoc tam cruentum atque horribile monstrum, velut alter Hercules, Octavianus se opposuit, ætate puer, audacia prudentiaque nemini clarissimorum virorum postferendus.*

XLII. *Quod fuit hujus adolescentis durissimo difficillimoque suo tempore consilium? quanta moderatio? quam sapienter dome-*

§ XXXIX. Cic. Phil. 2, 38. § XL. Cic. ad Attic. I. 8, & familiar. 12, 3. § XLI. Cic. Phil. 5, 8.

sticum vulnus, quam patienter inimicorum injurias tulit? Carere illum sicut hujus ætatis ardore, ita omnino animo credidissimus, nisi præsentī documento palam ostenderet, neminem sibi hac quidem parte comparari posse. Tot illustres viri, summis usi honoribus, duces veteres, triumphales, indefensam rempublicam sinerent; nisi hic nobis subito exstitisset, qui, nullis instructus publicis præfidiis, paucos intra dies, quam eum proficisci ex urbe vidimus, tot millia fortissimorum virorum adduxit præsidio publicæ libertatis.

XLIII. Hic nobis munere Deorum datus est adolescens, in quo, etiam qui sententiis invicem discedunt, pari amore consentiant. Alii Cæsaris acerrimam mentem, admirabilem celeritatem, imperterritum animum desiderant. hæc omnia nobis iste regenerat, sunt, qui nimis cupidum potentiæ fuisse putent, pluraque bella e re sua, quam publica, gessisse, nec in honoribus modum novisse, nec in imperio finem. hic igitur pro illo Cæsar placeat, qui sibi nihil præterquam salutem & libertatem petens, ceteros labores suscipit pro republica, nullo honorum, aut imperii desiderio, sed leges & jura civitatis valere postulans.

XLIV. Hæc atque talia cum Canutius disseruisset, Octavianus verba facere ad populum cœpit, memoriam patris invocans, & quæ ille pro republica prospere, erga populum Romanum liberaliter, adversus inimicos clementer fecisset. deinde flexit ad spes suas modeste commendandas, quoniam per ætatem commemorare res gestas nullas posset. postremo accusavit Antonium, injurias suas publicasque profectas ab eo coarguens: quibus coactus exercitum contraxisset. Adesse veteranos patris sui, mente omnes eadem, uti patriam defendant, eique operam & obsequium contra quemcunque foret opus, & in præsentia contra Antonium polliceantur. Id unius ore omnes profiteri.

XLV. Secutus ad hæc multitudinis clamor, faustæque in Octavianum voces. Ceterum non idem veteranorum sensus erat, qui cum pugionibus veste tectis circumsteterant. Exciti enim tanquam ad componendas Cæsaris & Antonii controversias, aut si abnueret Antonius, Cæsarem tu-

taturi, aut etiam, si res ita ferret, pœnas sumturi de percussoribus, ægre ferebant, se adversus Antonium, modò ducem suum, nunc consulem adhiberi. Igitur catervatim abire cœperunt, alii palam indignati, pars *arma sua non apportasse* causantes, *nec alienis perinde uti*. Cæsar, dissimulato dolore, quia erat ad vim imparatus, laudatos, *quod se deduxissent*, novoque insuper donativo auctos, dimisit: neque ex omni numero plus quam mille, sive secundum eos, qui plurimum ponunt, tria millia remanserunt.

XLVI. Ceteros etiam cito subiit pœnitentia, comparandoque belli lucra cum agriculturæ laboribus, & Cæsaris inescati liberalitate, cito cum armis, tanquam ad illa petenda digressi, ad eum reverterunt. Igitur, recepto animo, Etruriam percurrit, Ravennamque & finitima loca, militibus Arretium convenire iussis. Dum hæc a Cæsare parantur, Antonius ad Macedonicas legiones Brundisium venerat: acceptusque est gratanter, ob spem donativi, quod tanto uberius futurum sperabant, quanto esset Antonius Cæsare locupletior. nam *domi ejus acervos strui pecuniæ, neque jam numerari, sed appendi aurum*, audierant.

XLVII. Deduxerunt tamen eum in tribunal silentio; quali prius accepturi rationem, quare ultionem occisi Cæsaris distulisset. Hoc ægre passus Antonius increpavit ingratos, *qui nullum lætitiæ signum adventu suo ederent, cujus beneficio pro Parthica expeditione Italiam habituri provinciani forent*. deinde querelas addidit, *quod emissos a protervo adolescentulo* (sic Cæsarem appellabat) *corruptores non protinus adduxissent. se tamen inventurum illos: militibusque divisurum festivos quadringenos*.

XLVIII. Hæc in promittendo parsimonia cum a dignantibus excepta risu esset, ipse contra irasceretur; eo processit ferocia militum, ut cum gravi convicio relinquerent concionantem. Tum ille defiliens, *disceitis*, inquit, *impræta facere*: negotioque dato tribunis, *ut seditiosi siste-*

§ XLV. Appian. § XLVI. Dio. Appian. Cic. Phil. 5, 4. § XLVII. Appian. Dio. Cic. ad Attic. 16, 8.

rentur, forte duxit decimum quemque; nec tamen in omnes animadvertit. Sic tamen etiam multum cædis fuit. *circiter trecenti supplicio affecti* traduntur: inter quos & centuriones quidam, viri fortissimi fuerunt. & quod auget sævitiae speciem, sub oculis Fulviæ, quæ virum secuta ad exercitum fuerat, jugulati sunt. Irritatis per hæc potius, quam per terrefactis animis, Cæsaris emissarii dolorem militum stimulabant, libellos in castris proponendo, quibus, laudatæ superioris Cæsaris memoria, & prædicata liberalitate adolescentis, crudelitas & sordes Antonii perfringerentur.

XLIX. Horum libellorum auctores conqueri iussos contubernia celaverunt; non præmiis, non pœnis, quæ indicanti, aut occultanti denuntiabantur, mutabiles. Ea contumacia concussit Antonii animum, &, cum interea Cæsaris conatus nuntiarentur, iterum ad milites prodiit, excusans, quod necessitate coactus, in paucos quidem & contra voluntatem animadvertisset. Ceterum ipsos scire, quam nec sævum se, nec sordidum ostenderit Antonius usquam. Sed satis esse querelarum, satis etiam tum delictorum, tum supplicii: centenos illos denarios se pronuntiassse non donativi nomine, (neque enim id pro fortuna sua facturum) sed quo lætior accessus suus legionibus esset.

L. Nec addidit quidquam, ne cedere militibus timore videretur: denuntiavit quin etiam, *parendum imperiis suis fore*. Remotis deinde tribunis, quos suspectabat esse cupidiores Cæsaris, alios præfecit: comiterque appellatos milites, *diversis agminibus secundum mare superum* iussit Ariminum pergere. Ipse cum legione Alaudarum Romam superbo adventu terruit, equitibus in suburbio relictis, militem accinctum ducens in urbem, & nocturnis armatorum circa ædes suas custodiis. Sed convocato senatu, Cæsarem accusaturus, effecturusque, ut hostis ille judicaretur, in Capitolium ascendit. in aditu curiæ nuntium ad eum delatum est, *legionem Martiam*, cujus multi centuriones in-

perfecti fuerant, *sublatis signis Albam secessisse, in urbem opportunam & munitam.*

LI. Dum ad hæc subsistit cogitabundus, en aliud nuntium: & *quartam legionem, duce L. Egnatulejo quæstore, ad Cæsarem se transfuisse.* qua re audita, sic est exterritus, ut, abjecto de Cæsare referendi consilio, senatusconsultum de supplicatione M. Lepido decernenda per diffusionem faceret, quo celerius mittere senatum posset. Nec enim honoris Lepidi causa vocari Patres jusserat; supervacuis omnino minis adversus tribunos plebis quosdam, qui minime repugnaturi fuerant.

LII. Sed ille L. Cassio denuntiaverat *mortem, si in senatum venisset*: D. Carfulenum e senatu vi & minis mortis expulerat: Ti. Canutium, non templo modo, sed etiam aditu Capitolii, per armatos prohibuerat. Sed ejusdem diei vespere fortitionem provinciarum ex arbitratu suo fecit. Cajo fratri Macedoniam, C. Calvisio Africam dedit: ceterorum plerique provincias suas repudiando, nullam fuisse Antonii fortitionem judicaverunt. Ipse, neque votis nuncupatis, neque sacrificiis solemnibus factis, ante lucem paludatus ita profectus est ex urbe, ut templa, forum, occursum hominum, diem pane ipsum vitaret, in Galliam properans. Sed prius Albam ire statuit, ad revocandas, si posset, legiones: inde rejectus Tibur ad ceteros milites rediit, advocataque concione, jurare coegit omnes, se non esse deserturos.

LIII. Inter hæc magnus existit in urbe timor, certatimque venerunt Tibur Patres propemodum universi, equitum pars maxima, & ex ipsa plebe honestissimus quisque; videntesque, jurari in verba Antonii a militibus & veteranis, quorum magnus sane numerus ad veterem ducem recurrebat, ipsi quoque volentes adstrinxerunt se jurejurando, *benevolos fidosque M. Antonio semper fore*: ut mirarentur homines, ubinam illi Romani essent, qui pau-

§ L. Cic. ad Attic. 16, 1, & Phil. 4, 45. Appian. § LI. Appian. Cic. Phil. 3, 3. Liv. Epit. § LII. Cic. Phil. 3, 10, & 13, 9.

cis ante diebus, concionante Cæsare, M. Antonium convitiis fœde profciderant. Igitur cum splendido satis comitatu Ariminum venit, bona cum spe, fore, ut D. Brutus propter veterem amicitiam, sed magis odio metuque Cæsaris, provinciam sibi tradat.

LIV. Sed longe alia Bruto mens fuit : quem exarmari percussorum nemo patiebatur, in ejus copiis maxima spe reposita incolumitatis. neque vero aut Cæsarem metuebat, docte simulantem Pompejanarum partium gratiam ; aut credebat Antonio, quem propter infinitam ambitionem, omnibus, qui aliquid posse viderentur, infidum atque obliquum esse cognoverat. At Cæsaris animum anceps fatigabat deliberatio, quemadmodum utendum præsentibus foret. Percussores avunculi oderat, Antonium metuebat : atque illos sciens ita vicissim erga se affectos, sæpe agebatur, ne cum exercitu progressum ambo simul junctis copiis invaderent.

LV. Sed cognito, hos inter se commissos esse serio, non dubitans, acriorem ex duobus prius opprimendum esse, Bruto auxilium ferre non distulit ; sublato Antonio, ab ejus segnitie haud perinde metuens. Nec enim contemnendus erat imperator Antonius, & viribus haud spernendis nitebatur. Præter recentem delectum, tres habebat legiones Macedonicas ; & veteranorum manum, senum quidem, sed in quibus duplo plus roboris, quam in tironibus, esset. Præterea Lepidus & Asinius in Hispaniis, ille cum quatuor, Pollio cum duabus legionibus, & cum tribus in ulteriore Gallia L. Plancus, haud alieni a partibus videbantur.

LVI. Cæsar præter Marciam & Quartam legiones, unam habebat tironum, veteranorum duas, sed suppletas ex novo delectu. His Albam convenire jussis, senatui scripsit, hujus auctoritatem maximi facere simulans ; delatumque ab exercitu honorem, ut pro prætore imperium haberet, non accepit. Sed cum duæ legiones, quæ ab Antonio dis-

cesserant, inter se ad simulacrum pugnae concurrissent, spectaculo delectatus, & oblata liberalitatis occasione, iterum quingenos nummos divisit; quina millia pollicitus, ubi, re ad praelium deducta, fortem fidelemque operam navavissent.

LVII. Sic excitatis militibus suis, & sparsa largitionum fama, insecutus Antonium, in itinere equites, sagittarios, elephantos illius redegit in potestatem minime repugnantes; quod Antonius Sueffae, & passim in castris trucidando, qui ei suspecti erant, animos militum vehementer alienaverat. Sed Antonius, missis ad Brutum codicillis, *decedere jubebat provincia, quo & plebiscito gereret morem, & sibi parceret.* Brutus contra senatusconsultum misit, quo ipsi data erat Gallia. Tum Antonius diem praestituit, *intra quam nisi decessisset, pro hoste haberetur.* Neque cessit Brutus, quo minus nuntiandum curaret, *debere Antonium sibi longiorem diem dicere, ne forte citius, quam vellet, ab senatu hostis judicaretur.*

LVIII. Et poterat opprimere Bruti exercitum, adhuc in castris agentem, tanto potentior Antonius, sed urbes adire maluit. Ab his cum reciperetur, Brutus veritus, ne mox nulla pateret sibi, per simulationem decedendi profectus est Mutinam, validam urbem atque populosam, eamque occupavit. & copiis Mutinensium milites suos alere, mactare pecudes, carnemque ad diuturnae obsidionis expectationem salire instituit. Habebat autem secum magnam gladiatorum multitudinem, duas legiones veteranas, quibus olim praefuerat, & unam tironum: sed omnes nuper firmos ad res suas tuendas effecerat, ducto in Transalpinos exercitu, multisque castellis captis atque vastatis, & liberaliter donato milite.

LIX. Igitur neque minis Antonii cesserunt: & Antonius, cum dimittere Brutum nollet, ad praelium elicere non posset, circumvallare Mutinam coepit. His rebus in urbe cognitis, redintegratus est apud omnes Caesaris favor, de-

§ LVII. Cic. Phil. 4, 2. 5, 17.. Dio. Liv. Epit. Appian. § LVIII. Cic. familiar. 11, 4.

que ipſus & Bruti honoribus in ſenatu actum. Provincia quoque Gallia laudata, quod Antonium non recepiſſet. Octaviano imperium Ciceronis ſententia decretum; ſtatua, Philippi: Servii Serviliuſque, ut ante juſtam ætatem petendorum honorum ei poteſtas fieret, cenſuerunt. Aberant tum conſules, nam & Dolabella proſectus in Syriam fuerat: ergo M. Servilius tribunus plebis, ejuſque collegæ, a. d. XIII Kai. Januar. ſenatu convocato, propoſuerunt ediſtum Bruti, quibus ſequæ & exercitum provinciamque in poteſtate ſenatus fore demonſtrabat.

LX. Læta igitur curia, & majora meditante, ſenatuſ-consultum de præſidio factum, uti C. Panſa, A. Hirſius conſules designati, dent operam, ut ſenatus Kalendis Januario tuto haberi poſſit. Interim reſciſſa ſortitione Antonii, placuit provincias manere apud hos, qui obtinebant, neque tradi cuiquam, niſi jūſſu ſenatus. Hæc & ab aliis, ſed imprimis a Cicerone, qui eadem die tertiam & quartam Philippicas habuit, cupide decernebantur, qui profeſſis in Antonium odiis, multas hoc tempore orationes edidit, quibus rerum ille ſtatus eximie depictus eſt. Nam ille ex itinere, propter filium, quem Athenas ſtudiorum cauſa præmiſerat, in Græciam ſuſcepto, inde trajecturus ad Dolabellam, a quo ſe paſſus erat legari, ſubito erat reverſus: Auſtris reſtantibus navigare vetitus, &, auditis interim Octaviani ſucceſſibus, novaque ſpe reipublicæ recuperandæ, alacrior.

LXI. Sub hæc tempora P. Servilius Iſauricus fatum explevit, magno vir natu: ſed ad extremam uſque ætatem ſenſibus integris, nec non nonaginta vitæ annis inſracta valetudine. Par erat & animi robur bene de republica ſentienti, & fortiter loquenti. quibus rebus ita nuper offenderat Antonium, ut in ſenatum tuto venire non poſſet. Unde & Canutio non diu poſt M. Antonius & C. Cæſar objecerunt, quod in capeſſenda republica conſularis Iſaurici ſcelam ſequeretur. quibus ille reſpondit: malle Iſaurici eſſe

§ LIX. Cic. Phil. 4, 1, & familiar. 11, C. Appian. Dio. § LX. Cic. Phil. 3, 10, & ad Attic. 15, 11, 16, 11. Plur. in Cic. c. 57.

discipulum, quam Epidii calumniatoris. id erat nomen crimenque rhetoris, quem illi audiverant.

LXII. Hujus viri quanta fuerit auctoritas, vel ut mores temporum noscantur, annotabitur. Forte per forum incedens, cum testes in reum dari vidisset, loco testis constitit, præfatusque, *sibi nec hominem notum esse, qui causam diceret, neque cur esset postulatus: at improbum sibi videri dixit, propterea quod se pedibus incedentem, nullo reverentiæ signo edito, eques præterisset.* Digna res visa iudicibus, cur indicta causa damnaretur.

LXIII. Eodem & sequente anno multa, ut solitum in principio magnarum calamitatum, prodigia nuntiata. *Terra motus in Alpibus & in Italia crebri, fulminata navalia, Jovisque Capitolini cella, quæ fuit in fano Victoriæ, aliæque sacræ ædes & statuæ. tabulæ æneæ ex delubris Fidei & Saturni turbine evulsæ, ad Opis valvæ ædis fractæ. arbores extirpatae, tellus convulsa. fax cælo visa, quales Græci bolidas vocant, ab ortu ad occidentem ferri. trini soles apparuerunt; quorum unus quasi spineæ corona cinctus micuit: & postea paulatim unum in orbem sole redactis, multis mensibus prope ad exitum anni lurida & pallens lux fuit, quasi continuo sideris defectu. id ostentum mox accommodarunt temporibus, triumphos denuntiatos dictitantes, quorum duo defecturi fuissent, Cæsare superflite, cujus victoriam corona soli circumdata, spicarum figura, frugum ubertatem notasset. Aetna arsit. in Tiberis ostio piscium magna vis relabente aestu in sicco est exposita. Padus etiam inundavit in campos, magno accolentium damno; recedensque vim reliquit ingentem viperarum. insecta est pestilentia vehemens per omnem Italiam. armorum sonitus auditus in Germania de cælo, cum cantu tubarum, virorumque clamoribus, & equorum decurrentium strepitu; cum tale nihil oculis cerneretur.*

§ LXI. Cic. Phil. 2, 5, & familiar. 12, 12. Sueton. de clar. rhet. c. 4. § LXII. Dio. Val. Max. 8, 5. Jul. Obsequ. Appian. § LXIII. Jul. Obsequ. Plin. 2, 26 & 31, & 3, 30. Euseb. Chron. Plut. in Cæs. Dio.

LXIV. *Voces humanæ majores ex lucis auditæ. pallida simulæcra hominum sub crepusculis visa. bos inter arandum humana voce prolocutus, frustra se urgeri; non enim fruges paulo post, sed homines defuturos. infans recens natus locutus est. amnes confliterunt. terra hiavit. effigies Deorum lacrimare & sudare; in quibusdā & sanguineus sudor apparuit. puteorum aqua in sanguinem versa. lupi per fora urbium discurrerunt. sereno cælo sæpe fulguravit. taurus, cum in æde Vestæ immolatus esset, exsiluit. Carmina Sibyllarum jactata, quibus finis reipublicæ instare prædictus esset. lapidibus multoties pluit.*

LXV. *Hæc in communes valere calamitates credita; sed alia malum significare singulis. Ciceroni, quod consecrata ab eo pridie, quam in exsilium iret, Minerva, vi turbinis dejecta & confracta est: Lepido, quod ante domum ejus canum ululatus auditi, maximusque omnium a ceteris dilaniatus est. Hoc minari pontifici maximo crediderunt: illud Antonii & Dolabellæ consulum alienationem a republica portendisse, quod in æde Castorum ex eorum nominibus literas quasdam corvi advolantes rostris exciderant. Sed omnia hæc malorum præfagia prope modum fero apparuerunt. Jam enim ea passim agebantur, ex quibus exarsuræ necessario turbæ erant, discurrentibus utriusque partis ducibus ad occupandas provincias, cogendosque exercitus, & quæ alia bellis gerendis apparantur. Ex quibus initiis longorum deinceps atque multiplicium certaminum insani tumultus exstiterunt.*

§ LXIV. Dio. Appian. Enseb. Jul. Obseq. § LXV. Appian. Dio. Cic. familiar. 12, 25, & Phil. 4, 4. Liv. Epit.

JOANNIS FREINSHEMII SUPPLEMENTORUM LIVIANORUM

LIBER LXXXIII.

IN LOCUM LIB. CXVIII LIVIANI.

EPITOME

LIBRI CENTESIMI DECIMI OCTAVI.

M. Brutus in Græcia sub prætextu reipublicæ, & suscepti contra M. Antonium belli, exercitum, cui Vatinius præerat, cum provincia in potestatem suam redegit. C. Cæsari, qui primus reipublicæ arma sumserat, proprætoris imperium a senatu datum est cum consularibus ornamentis; adjectumque, ut senator esset. M. Antonius D. Brutum Mutinæ obsedit. missique ad eum a senatu legati de pace, parum ad eam componendam valuerunt. Populus Romanus saga sumsit. M. Brutus in Epiro C. Antonium prætorem cum exercitu potestati suæ subjecit.

I. **H**oc idem tempus M. Bruti & C. Cassii cunctationem abruptit, quorum anceps hætenus & varie impedita deliberatio fuerat. Romam reverti periculosum erat; manere in Italia, suspectum; & si ad impositam provinciam accingerentur, contumeliosum videbatur. Brutus enim in Asia, Cassius in Sicilia frumentum emendum, atque in

urbem mittendum curare debebant. Præbuit tamen illud negotium & colligendarum classium facultatem, & prætextum ducendi moras, si forte casus aliquis existeret. nec interea desistebant tueri dignitatem, ut poterant, & literas atque edicta in urbem mittere.

II. Sub autumnum deinde per Lucaniam pedestri itinere Veliam accessit Brutus, atque inde transjecit Athenas. paucisque dein diebus cum sua classe discessit Cassius. Jam enim desperaverant, qualem volebant, obtineri rempublicam posse: & quia Cæsar Octavianus jam se commoverat, nesciebant, quantum huic recte crederetur. Et primo quidem tempore Brutus cum philosophis conversando, videbatur abjecisse rerum aliarum curam. sed tamen & nobiles juvenes, qui Athenas studiorum causa profecti fuerant, sibi dissimulanter adjunxit. in quibus & M. Cicero-nem M. F. & in Macedonia per Herostratum quendam tentavit animos eorum, qui copiis præerant. Interim Athenienses ei & Cassio statuas æneas, juxta Harmodium & Aristogitonem tyrannicidas, tanquam horum imitatoribus, ponendas locaverunt. Hæc agentibus, C. Cæsarem, coacto exercitu, senatum defendere contra Antonii dominationem & injurias auditum est.

III. Igitur sub prætextu reipublicæ & belli Antoniani Cassius in Syriam contendit, jam inde a quæstura benevolam & familiarem. Brutus, Græciam atque Macedoniam occupaturus, facile contrahebat reliquias Pompejanorum exercituum, quæ tum adhuc per Græciam vagabantur: etiam, quos a Dolabella nuper advectos morbus aut oblivio sacramenti retinuerat, ultro affluentibus. Igitur profecto jam consilio, ad ostium Caystri perrexit, Romanis navibus obviam, pecuniam cum M. Apulejo quæstore, qui tradita C. Trebonio provincia decedebat, in Italiam portantibus. Ab hoc Apulejo, perquam amico sibi

§ I. Plut. in Brut. c. 32. Cic. ad Attic. 15, 9 & 16, 4. Idem familiar. 11, 3, & Phil. 10, 4. Dio. § II. Dio. Plut.

homine, Brutus & copias accepit, & talentum sexdecim millia, ex tributis atque vectigalibus Asiæ.

IV. Cum inde Samum reverteretur, forte natalis erat Bruti. eoque ob rem feliciter confectam hilarior, poculum in convivio poposcit grandius, idque manu tenens, alta voce retulit Græci poetæ versus: *a fato se & Phæbo Apolline pessundari*. Hæc vox quia nulla apparente causa erat jacta, vim præfagii deinde habere visa est: utique postquam ultimo proelio sive ipse, sive Cæsar & Antonius, (utrumvis enim traditur) signum militibus dederunt *Apollinem*. Sed hæc posterioris paulo temporis sunt. At tum quidem Brutus erectus ad conatum comparandi exercitus, etiam Veterem Antistium induxit, ut daret ei ex sua pecunia vicies, seque ipsum offerret ac conjungeret partibus, Sed & equitatum, qui in Syriam ducebatur bipartito, interceptit. quingenti equites a Cinna quæstore ad Brutum in Theffalia discefferunt: ceteros, qui per Macedoniam ducebantur, Cn. Domitius a legato Syriaco abduxit. Legio, quam legatus Antonii L. Piso ducebat, Ciceroni adolescenti se tradidit.

V. Interim & ipse profectus Demetriadem, armorum ingentem copiam, quæ jussu Cæsaris transportata in Græciam, tum ad Antonium reportabantur, occupavit. Inter hæc summa celeritate, nequidquam retinente senatu, C. Antonius prætor affuit, Q. Hortensio successurus, qui Macedoniam obtinuerat. Sed prævertit Brutus, provinciamque, tradente Hortensio proconsule, accepit, delectusque in ea, ejusdem Hortensii summo studio habuit. Vicinos etiam reges atque tyrannos adjunxit sibi: magnæque iterum auctus est pecunia. Quippe Thracis cujusdam reguli conjux Polemocratia, cujus maritus occisus dolo æmulorum fuerat, cum filio & thesauris se contulit ad Brutum, ejusque fidei omnia tradidit.

§ III. Liv. Epit. Dio. Cic. Phil. 11, 13. Plut. Appian. Vellej. 2, 62. § IV. Appian. Plut. Val. Max. 1, 7. Cic. Phil. 10, 6. § V. Cic. Phil. 1, 5, & 13, 15. Liv. Epit.

VI. Brutus, puero Cyzicum amandato, donec in patrum imperium restitui posset, aurum atque argentum, cuius magna vi erat potitus, signare instituit. His rebus acceptis, C. Antonius cum septem cohortibus contendit Apolloniam, ad occupandum Illyrici exercitum. Tres legiones a P. Vatinio proconsule, apud Apolloniam & Dyrrhachium habebantur. Cum his paulo ante res in Dalmatia & Illyrico gesserat Vatinus, deficientibus denuo post Cæsarem barbaris; & aliquot oppida ceperat, ex quibus rebus Imperator est appellatus. Sed postea ob acceptum detrimentum, amissoque Bæbio viro consulari, (forte ex suffectis a Cæsare fuit) Dyrrhachium se receperat.

VII. Istum exercitum M. Bruto tradidit, apertis Dyrrhachii portis: non sponte, (semper enim adversatus his partibus, & pro ingenii quadam pravitate Bruto fuerat) sed milites continere invalidus, apud quos in odio semper habitus, tum etiam propter adversam valetudinem in contentu erat. Clausit tamen portas; &, insolito casu adjuvante, facile repulisset Brutum, si studia militum habuisset. Quippe Brutus, ut accidere quandoque ajunt per altam nivem ambulantes, morbo correptus, quem *boulimiam* Græci vocant, ingenti desiderio cibi deficiebat. & quia cum expeditis valde properaverat, longe a tergo relictæ erant commæatus. Igitur ad portam oppidi progressi milites, *panem* a vigilibus petierunt.

VIII. Atque illi, intellecta Bruti necessitate, continuo affuerunt ipsi cum cibariis & vino. Tanta enim erat Brutæ dignatio, ut cuilibet ducum anteferendus videretur. Igitur hos quidem recepit volentes: sed quia honestius putabat, ab imperatore accepisse legiones, quam si contra voluntatem ejus, cui commissæ fuerant, ad se pellexisset; in literis ad senatum aliquam Vatinii mentionem fecit. Ceterum eam non admodum fuisse aut factam ex animo, aut creditam, vel inde colligas, quod Cicero, cum ab senatu

§ VI. Cic. familiar. 5, 9. Appian. § VII. Appian. Dio. Vellej; 2, 69. Plut.

honores laudese decerni censeret, Vatinii, quamquam olim reconciliati, mentionem insuper habuit.

IX. Dum hæc aguntur, ob multiplices prodigiorum terrores, & præsentia mala, novi consules A. Hirtius & C. Pansa (nam is magistratum hoc anno gessit, quamquam proscripti filius) senatum Kalendis Januariis convocarunt. Ne tum quidem finis minarum fuit; &, cum de more sacrificarent consules, lictorum unus, non apparente causa, repente concidit mortuus. Igitur neque sequenti biduo cessatum; sed senatus habitus est etiam postridie Kalendas, quamquam antiquo pontificum decreto postridie omnes Kalendas, Nonas, Idus, atri dies haberentur. Sed inter procuranda prædicia exstitit aliud omnibus minacius. quippe accitus ab Etruria haruspex *reditura* respondit *regna, qualia olim fuissent, cunctosque servituros, se uno excepto*: atque hæc fatus, compresso spiritu, cecidit exanimis.

X. Decretum tamen postea est, *ut Hostilia curia reficeretur, & locus, in quo navale prælium fuerat editum, complanaretur. Minervam quoque Ciceronis reponi placuit*, cujus circum hæc tempora contra Antonium actiones nemo melius exposuerit ipsius eloquentissimi viri Philippicis, quarum quæ quinta inscribitur, Kalendis est habita; sexta vero, post triduum. His quamquam Fufius Calenus, & alii quidam obstrepebant, obtinuit tamen factio Cæsaris, eique prius decreta confirmavit, *statuam equestrem in rostris, cum ætatis ejus adscripta notatione; utque præpatore bellum cum consulibus adversus M. Antonium gereret consularibus ornamentis*, adjectum etiam, *ut senator esset, sententiamque loco prætorio diceret; ejusque rationem sic haberi in omnibus, quasi anno superiore quæstor fuisset.*

XI. *Militibus decreta pecunia ex ærario, quantum iis victoria causa Cæsar promississet; & quam expendisset Cæsar privato*

§ VIII. Vellej. Plut. Cæ. Phil. 10, 6, & familiar. 5, 9. § IX. Dio. Macrobian. Saturnal. 1, 16. Plut. Liv. 5, 1. Appian. § X. Cic. familiar. & Pail. 5, 1. Dio. Vellej. 2, 61. Sueton. in Aug. c. 10. Liv. Epit.

consilio parandis copiis, ea de publico redderetur: utque iis militibus, qui discessissent ab Antonio, statim atque finitum bellum esset, missio daretur, agrique dividerentur. His ita constitutis, cum opinione omnium pro hoste iudicato Antonius haberetur, mater ejus, uxorque & filius puer, tota nocte deprecabundi discurrerunt per senatorum domos; & interdiu quoque in curiam euntes fletu & precibus, & ad genua se projiciendo singulorum, moverunt multorum animos, ut tam repentinam fortunæ mutationem non sine misericordia intuerentur.

XII. Hoc videns metuensque Cicero vehementi rursus oratione accendit indignationem Patrum: sed a L. Pisone familiari Antonii mitior dicta est sententia, placuitque ex ea, *mitti ad Antonium legatos, qui pro Gallia offerrent Macedoniam.* cetera mandata perscripta sunt durius, quod id negotium Ciceroni senatus imposuerat: *Ut ante certam diem discedentibus militibus (Kalendæ Februariæ prædicebantur) fraudi ne foret, fuisse cum Antonio: qui neglexissent id facere, pro hostibus haberentur. Antonius a Mutina confestim discederet: exercitum cis Rubiconem intra diem dictam reduceret, dum ne propius urbem Romam ducentis millibus admove-ret: provinciam ne depopularetur; neve delectus in ea haberet: essetque in Patrum conscriptorum & populi Romani potestate.*

XIII. Neque multo post, priusquam reverterentur legati, tumultum esse decreverunt, vestitumque mutaverunt Patres, populo quoque fumentē saga, Cicerone principe, qui pridie Non. Febr. descendit ad forum sagatus, cum reliqui consulares togati vellent descendere: quod solebant eo honore functi, quamquam erat in sagis civitas. Senatusconsultum quoque factum, *ut L. Munatius Plancus ex Comata Gallia, & ex Narbonensi Lepidus, de quibus bonatum erat opinio, auxilio consulibus & D. Bruto essent.* Missi sunt ad Antonium tres consulares Ser. Sulpicius, L. Piso, L. Philippus, principes civitatis. Ex his Sulpicius, qui

§ XI. Cic. Phil. 5, 19. Liv. Epit. Dio. Appian. § XII. Liv. Epit. Appian. Dio. Cic. Phil. 5. 2. 5, 3. 12, 7.

ætate ceteros anteibat, cum jam prope castra venisset, fato functus est; ceteri metu, an alia causa, incertum, nihil egerunt amplius, quam ut mandata porrigerent.

XIV. Accepit ille gaudens causam sibi datam ab senatu hostiliter agendi. Quamobrem in conspectu legatorum Mutinam verberavit tormentis; & multa statim in senatum, in Ciceronem, in Octavianum, coram iisdem effudit: *Mirari, quod Romæ sint, qui Cæsarem, optime de republica meritum, pro tyranno & hoste habeant; Ciceronem non habeant, qui, servatus a Cæsare, cum necari jure potuisset, hanc ei referat gratiam, ut percussores ejus potiores habeat amicis omnibus? Decimum, donec recte fecisset, habuerit odio; idem nunc parricidam diligit. huic conservatam provinciam velit, a solo Cæsare datam; Antonio eat ereptum, quam habeat populi Romani beneficio. Sed & Patres conscriptos pravis consiliis uti, qui in gratiam pueri (Cæsarem notabat) se afficerent injuriis. Dari præmia militibus, qui a se descivissent, cui senatusconsulto essent dati; minas denuntiari his, qui maneant in officio. Eam vero rem tam ad suum incommodum, quam reipublicæ detrimentum, depravata in tantum disciplina, pertinere.*

XV. *Se tamen assensum esse decretæ oblivioni, propter viros duos, Cassium & Brutum. Sed quando ipse & Dolabella hostium numero habeantur, non aliam ob causam, quam quia jure data retineant, se quoque irritam passionem illam oblivionis facere, quam hi, quorum ad beneficium ea res pertineret, priores violassent. Dedit deinde vicissim mandata iisdem legatis perferenda senatui: quamquam & ipse legatum mitteret L. Varium, ædilitium hominem, compotorem suum, cui propter morum turpitudinem cognomentum erat inditum Cōtylæ. Mandatorum ea fuit summa, futurum se in potestate senatus, amore pacis & patriæ. Ciceroni, a quo profecta sciat, quæ nomine senatus scripta fuissent, hac respondere: sibi concessam plebiscito Galliam, jusque datum bello Decimum prosequendi, lege contempta repugnantem. adeoque si perstet, pœnas*

§ XIII. Dio. Cic. Phil. 8, 1, & familiar. 10, 33. § XIV. Cic. Phil. 8, 7. Appian. Dio.

ab eo sumtutum, uno percussorum pro omnibus, ut tandem exsol-
vatur piaculo senatus, quo per Ciceronem Decimo opitulantem
se obstringat.

XVI. Hæc legatis injuncta. Modestiora per Varium ;
tectiora certe, nuntiavit : *Provinciam* (his enim verbis usus
est) *remitto : exercitum depono : privatus esse non recuso : omnia*
obliviscor. in gratiam redeo, si legionibus meis, & si equitibus, &
si cohorti prætoriae prædam agrosque dederitis ; & quibus ego
atque Dolabella dedimus agros, eos tenere patiamini. Postu-
lavit præterea, uti *chirographorum atque commentariorum Cæ-*
saris obtentu facta sua atque collegæ decreta manerent : ne
tangerentur rationes ad Opis : ne fraudi esset septemviris agro-
rum dividendorum, quod egissent ; ceterisque, qui secum essent,
& adversus leges commisisse dicerentur. ne sua judiciaria lex
abrogaretur. ut pro Togata Gallia Comatam provinciam habe-
ret, cum sex legionibus, iisque suppletis ex D. Bruti exercitu,
non solum ex delectu suo : tamdiuque ut obtineret, quamdiu M.
Brutus, C. Cassius consules prove consulibus futuri in provin-
ciis essent.

XVII. Hoc addebat, ut potentes viros demereretur, simul
Cæsari sollicitudinem immitteret, ne cum his conjungeret
vires Antonius, si nimis ab eo premeretur. Non enim erat
ullum concordie studium Antonio ; nec aliud agebat his
mandatis, quam ut colorem quæreret bonæ causæ, sena-
tui se permittens : sed has conditiones adjecerat, quas
neque recepturus senatus esset, neque Cæsar pateretur.
Qua enim ratione hic aut interfectores patris sui con-
sules creari sineret ; aut Antonianis copiis paria decerni
præmia, quam decreta suis essent : atque per hoc Antoni
apud milites auctoritatem & potentiam adaugeri ? Neque
dubitatum est, quin extemplo hostis Antonius judicaretur :
militibus alia diceretur dies, uti nimirum cum Antonio
fuisse fraudi non esset his, qui ante Idus Martias eum reli-

§ XV. Cic. Phil. 8, 8. 11, 6. 13, 12. & familiar. 12, 4. Ap-
pian. Dio. Plut. in Ant. c. 24. § XVI. Cic. Phil. 10, 8.

quissent, & aut ad consules, aut ad Cæsarem, aut ad Brutum adissent.

XVIII. Consulibus permissum, *ut rempublicam defenderent, viderentque, ne quid ea detrimenti acciperet.* In hæc quia ingenti pecunia erat opus, *quintam & vicefimam facultatum omnium conferri jusserunt.* Hoc tempore præcipua Ciceronis opera fuit, quotidianis ferme concionibus populum hortantis. hinc & armorum magna vis gratuito fabrorum labore, & variis nominibus pecuniæ collectæ. Antonii præfertim amicis, auctore eodem, impensæ graves injectæ. quas illi sane sustinebant alacriter, tanquam re ipsa criminationes refellerent. Etiam municipia Italiæ opes suas conferebant, principibus pecuniæ pollicendæ Firmanis, quibus ob eam rem actæ erant ab senatu gratiæ: quemadmodum & Marrucinis, qui *ignominia notandos* censuerant, *quotquot militiam subterfugissent*; & L. Nasidio equiti Romano, cujus hortatu non milites modo facti vicini, sed etiam facultatibus sublevati fuerant.

XIX. Patavini quoque, rejectis Antonianis, pecunia, militibus, & quod maxime deerat, armis consules & Cæsarem juverunt: horumque studium alii Transpadani, qui prius Antonio favere putabantur, imitati sunt. Sed eo perventum erat, ut urbem, jam inde a triumpho Pauli Macedonico immunem a tributis, subire insolitum onus, pecuniam dare, contribuere,olvere oporteret. Nam & Mutinensis Brutus valde urgebatur inopia: & Marcus non abundabat. & ad vocem tributi quotidie obdureſcebant homines, quæ supra annos centum viginti vix audita in urbe fuerat. Et renato in Africa bello, etiam Q. Cornificius pecuniam petebat. Igitur & senatores in singulas tegulas sive propriarum ædium, sive conductarum, quaternos obolos penderunt. Maxima enim erat rei nummarie difficultas publice, ut etiam annuos prætermitti ludos oport-

§ XVII. Dio. Vellej. 2, 65. Appian. Cic. Phil. 5, 12 & 8, 12.
§ XVIII. Dio. Appian. Cic. familiar. 11, 14, & Phil. 7, 8.

teret, præterquam paucos obiter factos, & dicis causa.

XX. Igitur M. Bruto, qui per eadem tempora *provincias & exercitus a se occupatos retinere* jubebatur, senatusconsulto permissum, *ut pecunia, si qua opus sit, & exigi possit, utatur, exigatque, a quibus videatur: ad rem militarem mutuam sumat a civitatibus, frumentumque imperet.* Eodem senatusconsulto laudatus est Q. Hortensius, iussusque cum Q. Cæpione proconsule & legatis suis Macedoniam provinciam obtinere, *quoad ei ex senatusconsulto successum sit.* Sed & C. Cassio decretum, *ut Syriam obtineret cum imperio, bellumque cum Dolabella gereret.* Q. Cæpionis nomine non alium nisi M. Brutum intelligi monendum est, qui nomen illud prænomenque, cum ab Servilio Cæpione avunculo esset adoptatus, adsciverat. Dum hæc in Antonium Romæ fiunt magnò plerorumque studio, non defuerunt, qui partes ejus modis omnibus tutarentur. Ex quorum numero adversus senatusconsultum, quo contra rempublicam fecisse existimabantur, ad Antonium profecti sunt prætores ejus anni duo, P. Ventidius, L. Marcus Censorinus: unusque tribunus plebis, & designati duo, cum aliis quibusdam senatoribus.

XXI. Alii manentes in urbe omnem pro Antonio lapidem movebant: Fufius præsertim & Piso, plerumque sententiis dissidere a Cicerone soliti, & pacis commoda inculcantes. Hi neque vestem mutaverunt statim, & senatui fuerunt auctores *iterum ad Antonium legatos mittendi*, Panfa quoque consule hortatore. dictæque sunt sententiæ, *ut consulares quinque, atque inter eos Cicero, legarentur.* Sed hic quidem senatui causas, cur proficisci neque posset, neque deberet, luculenta oratione exposuit: atque illo detrectante legationis munus, ceteri quoque remanserunt. Sed Vibio Pansæ consuli, ad bellum exeunti, fœda ostenta facta. Nam ultima concione, quam ad populum ha-

§ XIX. Cic. Phil. 12, 4 & 14. Idem familiar. 1, 24 & 12, 20, & ad Brut. ep. 2. Plut. in Æmil. c. 63. Dio. § XX. Appian. Cic. Phil. 10, 11, & ep. ad Brut.

buerat, quendam ex turba comitalis morbus prostravit: & qua profectus est hora, statua ejus ænea equestris, quam habebat domi, corruit.

XXII. Equus phaleratus in heri conspectu festinans concidit: inter immolandum, ut solebat, priusquam paludati magistratus proficiscerentur, exta ab haruspice propter mirificam sanguinis exundantis copiam judicari nequiverunt: & quidam e populo in eodem sanguine lapsus, palmam, quam boni ominis causa proficiscenti daturus erat, cruentavit porrexitque. Ad hæc simulacrum Matris Deum in palatio ab ortu ad occasum se convertit: & Dianæ signum, quod Mutinæ colebatur, plurimo sanguine primum, deinde lacte fluxit. Consules ante ferias Latinas ex urbe profecti sunt, quod semper exitiosum ipsis fuisse, multa documenta declarare videbantur. Neque leviora minis mala secuta.

XXIII. Rediit Sullana proscriptio, omnisque ferme nobilitas, exceptis, qui fecerunt, sublata est. Hujus calamitatis causa senatui a Dione adscribitur: qui prava calliditate neminem toleraturus dominum, alios aliorum ope studuerit evertere; atque sic offensos sibi omnes effecerit, amicum neminem. Nec reprehendendum hoc judicium esse, manifestum erit ex rerum expositione, quæ secutæ sunt: quas patebit non alias fuisse, quam ex ejusmodi consiliis proficisci debuerunt. Quippe Antonius, jam dissimulans, quod ab initio solum prætulera, *non propter spretum plebiscitum Decimo bellum se facere, sed tanquam Cæsaris percussori*, jactabat, etiam scriptis ad senatum literis: eo haud dubie animo, ut vel alliceret juniorem Cæsarem, vel certe suspectum partibus faceret.

XXIV. Et profecto varie nutabat Cæsar, incerta temporum & negotiorum intuens. Oblivio præteritorum & impunitas ab senatu viris ejusdem ordinis, & plerisque arcta necessitate junctis, humanitati imputari poterat; con-

§ XXI. Cic. Phil. 8, 4, & 12, 1. Dio. § XXII. Jul. Obseq. Dio. § XXIII. Flor. Dio. Cic. Phil. 13, 10. Appian.

esse pro majoribus exiguae provinciae, securitatis ipsorum causa datae videri. *Sed quorsum in Gallia retineri Brutum; & decretam sibi provinciam ingresso Antonio, dominationis impingi crimen: eoque praetextu se quoque in eum armari? Praeterea Dolabellam, uno percussorum Caesaris interfecto C. Trebonio, hostium numero haberi: Bruto Cassioque imperium amplissimum, potestatemque in omnes alios, qui provincias ab Ionio mari ad Aegyptum usque obtinerent, concedi. Quorsum enim ista, nisi ad partes extollendas Pompejanas, pertinere?*

XXV. Reputabat &, quid sibi decretum esset ab senatu, reperiebatque, *tanquam adolescentulo fieri fucum, concedi speciosa, statuum, ordinem senatorium, nomen praetoris, (de his enim rebus jam acceperat;) at decreto, uti cum consulibus bellum administraret, exercitum suum eripi, parere cunctis majus imperium obtinentibus. ad haec, praemia decreta tantummodo his, qui transfugissent ab Antonio, non etiam qui Caesarem secuti alii essent, ad suam injuriam pertinere judicabat; neque aliud agi ab senatu, quam ut se ad tollendum Antonium abuterentur; illo dejecto, se quoque tollerent. Interim & imperium suscepit Spoleti, & pro more novam potestatem auspicantium immolari iussit. apparueruntque omnium victimarum jecinora replicata intrinsecus ab ima fibra, responsumque a vatibus, intra annum duplicaturum esse potentiam, quemadmodum extra duplicia fuissent.*

XXVI. Sic animatus in concionem vocavit milites, ostenditque, *se horum etiam, quae ab senatu acciperet, causa gratias iis agere; nec enim daturus ei imperium Patres, nisi prius a militibus habuisset: neque se de fore praemiis eorum, re feliciter gestis. Confirmabant adolescentis suspiciones cetera quoque: quod legati & mandata publico nomine ad Antonium mittebantur: consules ad eum, se nescio, scribebant; & literas Antonii ad senatores quosdam destinatas, cum intercepissent, clam se reddendas curaverant: neque serigerebant bellum, per causam hiemis omnia tardantes at-*

§ XXIV. Appian. Cic. Phil. 10, 5. § XXV. Plin. 11, 17. Sueton. in Aug. c. 95.

que procrastinantes. Præter præsidium Antonii Claterna dejectum, nihil erat ab Hirtio gestum: & Panfa tollendis Antonii legibus, agendoque per urbem & Italiam delectu, occupabatur.

XXVII. Sed quia nondum erat tempestivum hæc intelligere videri; etiam Hirtio, ut a senatu clam mandatum fuerat, duas poscenti legiones, quartam & Martiam, quod erat roboris in exercitu, concessit. & Hirtio Claternæ hibernaturo, Forum Cornelii profectus, quotidie & legendo, & scribendo, & declamando se exercuit; gnarus, in summa dignitate potentiam munitam armis, facundia destitutam & civilibus artibus, metui quam amari, & terere quam rogare aptiorem esse. Interea & legatus Bruti Pontius Aquila, qui tribunus plebis offenderat Cæsarem, deinde inter percussores ejus fuerat, T. Munatium Plancum aliquot præliis victum, Pollentia, etiam crure fracto, expulit.

XXVIII. Et ipse Brutus senatori cuidam, qui profugerat ad Antonium, supellectilem, quam ille Mutinæ reliquerat, mittendo, in tantum celebratus est, ut & complures civitates, quæ superiore anno largitionibus, concessionibusque privilegiorum erant obligatæ Antonio, a partibus ejus alienarentur, & exercitus fieret segnior. Igitur Antonius ad corrumperendos Mutinenses suorum aliquos in oppidum misit. At Brutus hoc sentiens, dolum haud inelegantem machinatus, convocavit omnes cujusque modi homines, qui tum Mutinæ degebant: paucisque verbis factis, demonstravit locum, in quem milites, simul alium, in quem ceteri discederent.

XXIX. Ita relictos in medio hostes facile comprehendit. At ubi circumvallatus urgeri fame cœpit, Cæsar ei metuens, Hirtium impulit, ut ad liberandam obsidione

§ XXVI. Jul. Obseq. Plin. Appian. Dio. Cic. familiar. 12, 5, & ad Brut. ep. 1, & Phil. 8, 2. § XXVII. Dio. Cic. Phil. 8, 2, & familiar. 12. Appian. Sueton. in Aug. c. 84. § XXVIII. Cic. Phil. 11, 6. 12, 6. & familiar. 10, 8. Appian.

Mutinam una proficiscerentur. In itinere Bononiam occuparunt, quæ antiquitus in clientela Antoniorum constituta, cum præsidium non haberet, sine certamine aperuit portas. Neque, præter Rhegium Lepidi & Parmam, ullum oppidum Antonio supererat. Sed erat is equitatu firmus, quem obviam venientibus a Bononia misit. Fiebant igitur equestria crebra prælia: sed vincebantur Antoniani, quamquam superiores numero, quia torrentibus interrupta planities multitudinis usum auferebat.

XXX. Ne tamen Mutinam venire victores possent, Scultenna fluvio & præsidiis ad eum Antonii prohibebantur. Igitur ut, quibus possent modis, Brutum, præsentia horum cognita, confirmarent, ab altissimis arboribus efferri faces accensas iusserunt. Deinde, cum id parum intelligeretur, tenuem plumbi laminam literis insculptis convolverunt, quæ per urinatorem alligata brachio sub aqua deferretur. Cum hoc modo sæpe commeassent literæ, atque parte Scultennæ, quæ nunc quoque Mutinam intrat, salem, quo maxime indigebant obsessi, cuppis inclusum, itemque pecora intromississent; sentiens, quod agebatur, Antonius, retia per annem tetendit, quibus omnia hæc exciperentur. Tum ad aliam astutiam transitum, & columbæ cum epistolis ultro citroque missæ. Priusquam dimitterentur, in obscuro loco fame macerabantur. Deinde epistolæ seta religabantur ad collum. sic dimissæ, quam proxime urbem poterat, cibi lucisque desiderio petebant summa quæque ædificia, ibique excipiebantur: utique postquam, intellecta re, cibum certis locis collocari Brutus jufferat.

XXXI. Eadem deinde remittebantur a Bruto cum literis, loca nota repetentes. Sic obfirmato ad tolerandam obsidionem Decimo, Antonius, fratri Lucio custodia operum ad Mutinam demandata, castra hostium castris op-

§ XXIX. Sueton. in Aug. c. 17. Cic. familiar. 10, 15 & 12, 5. Idem. Phil. 10, 5. Dio. Appian. Plin. 3, 16. § XXX. Front. Strat. 3, 37 & 14, 3. Dio. Cluver. Ital. antiq. l. 1. Plin. 10, 37.

posuit. Crebræ inde velitationes, sed nihil ad rerum summam: inter quas & Galli equites, quos cum elephantis ad Cæsarem defecisse diximus, ad Antonium redierunt, clade etiam aliqua Cæsarianis illata; & inter pabulatores, oborto certamine, suos unoquoque conante defendere, acriter pugnatum, superiorque discessit Antonius. Interim P. Ventidius ex coloniis Cæsaris instar duarum legionum collegit, notus plerisque & militiæ focius. Magni inde rumores exfiterunt in urbe, cum eo properare audiretur. fugerantque multi, atque inter eos Cicero. Sed conjungere se cupientem Antonio Ventidium Cæsar & Hirtius excluferunt. Ergo profectus in Picenum, ibi quoque delectibus habitis, aliaque conscripta legione, temporibus insidiabatur.

XXXII. Dum hæc in urbe & Italia fiunt, M. Brutus in Macedonia & Epiro res suas insigniter auxit. C. Antonius, progressus Apolloniam, eo contrahere, quidquid militum vicinis locis erat, moliebatur. Sed ubi & illi se ad Brutum potius contulerunt, & Apolloniatas eodem inclinare Antonius sensit, magnam urbem & gravem, relicta Apollonia, Buthrotum profectus est. Mox, amissis in itinere cohortibus tribus, quæ cæsæ a Bruto fuerant, cum præter Amantiam & Bullidem teneret nihil, huc statuit contendere.

XXXIII. Sed loca, per quæ eundum erat, Cicero adolescens jam præceperat: per quæ vi conatus aperire viam, victusque; dum inter paludes magno agmine se recipit, a Bruto circumvenitur. Facile erat delere universos, sed Brutus, *parcendum* dicens *suis mox futuris, consalutari eos iussit*, & cum nihil responderent, *tamen dimitti*. Sed rursus in præruptis locis nactus, circumdatosque, uti prius salutans, commovit omnium animos, ut *dignum exiustimatione sua prædicantes, quæ mitis & sapiens ferebatur*, in fidem ejus concederent. Antonium etiam deditum ita clementer

§ XXXI. Plin. Dio. Appian. Cic. § XXXII. Plut. in Brut. c. 37. Dio. Cjc. Phil. 11, 11.

habuit, ut ne magistratus quidem eriperet insignia: simulque cum Bruti literis ad senatum allatæ sunt Idib. April. a C. Antonio *proconsule*; hoc enim adhuc vocabulo utebatur.

XXXIV. Hæc igitur epistola movit iram Patribus: at quam Brutus scripserat, mira senatus lætitia, totiusque civitatis alacritas excepit atque laudavit. Igitur paucis abinde diebus, quam fugatus a Mutina Antonius animos Patribus fecisset, Bruto Cassioque provinciæ, quas jam privato consilio occupaverant, decretæ sunt. laudati exercitus, qui his se tradidissent. Senatusconsulto comprehensæ comprobatæque pecuniæ, quas a quæstoribus transmarinarum provinciarum acceperant. postremo præceptum rursus omnibus provincias trans Jonium habitantibus, *uti M. Bruto, C. Cassio dicto audientes essent*. Sed jam de rebus, quas interim in Asia Dolabella gessit, exponendum est.

§ XXXIII. Plut. Appian. Cic. ep. ad Brut. 14. Dio. § XXXIV: Vellej. 2, 62. Plut. Appian.

JOANNIS FREINSHEMII SUPPLEMENTORUM LIVIANORUM

LIBER LXXXIV.

IN LOCUM LIB. CXIX LIVIANI.

EPITOME

LIBRI CENTESIMI DECIMI NONI.

C. Trebonius in Asia fraude P. Dolabellæ occisus est. Ob id facinus Dolabella hostis a senatu judicatus est. Cum Pansa consul male adversus Antonium pugnasset, A. Hirtius consul cum exercitu superveniens, suis M. Antonii copiis, fortunam utriusque partis aquavit. Victus deinde ab Hirtio & Cesare Antonius in Galliam confugit, & M. Lepidum cum legionibus, quæ sub ipso erant, sibi junxit: hostisque a senatu cum omnibus, qui intra præsidia ejus essent, judicatus est. A. Hirtius, qui post victoriam in ipsis hostium castris occiderat, & C. Pansa, e vulnere, quod in adverso prælio exceperat, defunctus, in campo Martio sepulti sunt. Adversus C. Casarem, qui solus e tribus ducibus supererat, parum gratus senatus fuit: qui, D. Bruto, obsidione Mutinensi a Casare liberato, honore triumphi decreto, Caesaris militumque ejus mentionem non satis gratam habuit: ob quæ C. Caesar, reconciliata per M. Lepidum cum M. Antonio gratia, Romam cum exercitu ve-

nit, &, perculsis adventu ejus iis, qui in eum iniqui erant, cum annos novemdecim haberet, consul creatus est.

I. **P.** DOLABELLA, cum in consulatu suo Syriam plebiscito obtinuisset, sic instituit agere, tanquam non ad unam provinciam tuendam, sed ad infinitam colligendam potentiam viribus opus haberet. Erat enim inter hunc & Antonium collegam, sicut mox ejus rei certa indicia eruperunt, de occupanda dominatione inita pactio. Idcirco simul Achajam attigit, Veterem Antistium nactus, (quem postea Bruto accessisse diximus) pecuniam ab eo poposcit; deinde, per Macedoniam atque Thraciam agendo eadem, M. Octavium Marsum legatum cum una legione præmisit in Asiam.

II. Ipse tardius infecutus, allato senatusconsulto, quo Cassio Syriam ab senatu datam cognovit, C. Trebonium, qui tum Asiæ præerat, adiit: complexusque hominem, & familiarissime collocutus, adeo fefellit, ut nihil non in ejus amicitia collocandum esse Trebonius crederet, cibaria militibus ejus daret, cum ipso creberrime & confidenter versaretur. Sed hæc utrum eo animo facta sint, an vero ut ad fraudem Dolabella illiceretur, inter auctorum diffensionem, tanto post tempore, difficile dijudicatu est. Certe neque Pergami, neque postea Smyrnæ admissum esse Dolabellam traditur; forum tantum rerum venalium, tanquam consuli videlicet, præbitum. Ideoque incensum ira Dolabellam, oppugnationem tentasse ferunt oppidi; submotumque Trebonii promissis, fore, ut Ephesi intromitteretur.

III. Neque tamen excusandus Dolabella est, utro modo res acciderit, fide violata. Quippe missis a Trebonio copiis, quæ proficiscentem Ephesum sequerentur, atque observarent, hostilia agitans animo, dissimulavit omnia, donec minore parte in proximis locis relicta, plures revertisse Smyrnam cognovit. Tum vero paucos illos per

§ I. Dio. Appian. Vellej. 2, 67. Cic. Phil. 11, 2, 13, 19, & ep. ad Brut. 11. § II. Cic. Dio. Appian.

insidias delevit: statimque Smyrnam contendens, fidelissimorum antiquissimorumque sociorum oppidum irrupit noctu, scalis ad mœnia, qua parum attente custodiebantur, appositis. Trebonius, in cubili deprehensus, cum ad Dolabellam deduci posceret, contumeliosissime exceptus, deinde Samario cuidam exsuli traditus, verbera atque tormenta pertulit, ne publicam pecuniam proderet.

IV. Postquam sic excruciatuſ est biduo, *caput abscidi* jussit Dolabella; idque in tribunali, ubi jus reddere consueverat, propositum, deinde ad Cæsaris statuam projectum, pilo suffixerunt milites, gestaruntque circum vias: postremo per plateas silice stratas mittentes remittentesque pro pila, sic contriverunt, ut amplius agnosci nequiret. Corpus tractum atque laceratum in mare abjectum est. Ad hunc modum occiso Trebonio, Dolabella occupavit Asiam, seque munire rebus omnibus instituit, acerbe cogendo pecunias, & classẽ a Rhodiis, Lyciisque, atque ex Pamphilia & Cilicia, per L. Figulum contrahendo, non ignarus instantium.

V. Quippe quamprimum hæc sunt Romæ cognita, hostis ab senatu judicatus est; *desque dictus, intra quem impune ab eo discedere milites atque familiares possent.* Decretum præterea, *uti consules, Mutinensi bello confecto, Asiam obtinerent provinciam, & de Dolabella sumerent pœnas.* nondum enim Cassii conatum successusque compererant: & veriti, ne interea Dolabella fieret firmior, finitimarum provinciarum prætoribus *curam Asiæ, donec eo venissent consules,* demandarunt.

VI. Sed priusquam ab illis quidquam ageretur, rebus Cassii auditis, *huic bellum contra Dolabellam* decreverunt, amplissimis verbis Cicerone dicente sententiam, *uti ejus belli gerendi causa, C. Cassius proconsule, quibus ei videatur, naveis, nautas, pecunias, ceteraque omnia, quæ ad bellum*

§ III. Vellej. 2, 69. Appian. Cic. Phil. 11, 2, 12, 18. Dio. § IV. Cic. Phil. 11, 2, & familiar. 12, 12. Appian. Dio. § V. Liv. Epit. Dio. Cic. familiar. 12, 14.

gerendum pertineant, imperandi in Syria, Asia, Bithynia, Ponto, jus potestatemque habeat: utque, quamcunque in provinciam ejus belli gerendi causa advenerit, ibi majus imperium C. Cassii proconsulis sit, quam ejus erit, qui eam provinciam tum obtinebit, cum C. Cassius proconsul in eam provinciam venerit.

VII. Eodem fenatusconsulto comprehensum, uti *finitimi reges, tetrarchæ, dynastæ, C. Cassium suis copiis opibusque adjuvent: & de Dejotaro patre & filiis regibus nominatim, qui, audita morte Cæsaris, Armeniam, ab eo sibi ablatam, suo Marte recuperaverant. Interim & Mutinense bellum ad finem venit, sed ita, ut majorum inde motuum exordium oriretur. C. Panfa consul cum novis ex Italia delectibus, (quatuor legiones tironum erant) & Ser. Sulpicio Galba, qui ad eum, itineris accelerandi causa, millia passuum centum erat missus, Bononiam processerat. inde ut ad castra collegæ & Cæsaris perveniret, per viarum angustias tutius noctu obviam ei D. Carfulenum, qui bello Alexandrino præclaram operam Cæsari navaverat, cum legione Martia, & duabus præteriis cohortibus, Hirtii atque Cæsaris, miserunt.*

VIII. Hoc ubi sensit Antonius, quamquam iter arctum occludere palam potuisset; tamen, ne moram injiceret bello, (quamprimum enim pugnare cupiebat) insidias per silvestria Æmiliæ viæ disponere maluit. quam ad rem quia parum idoneus eques erat, duas robustissimas legiones, secundam & tricessimam quintam, in arundinetis, quæ ad utrumque latus viæ erant, collocavit: duasque insuper prætorias cohortes, alteram suam, alteram M. Silani, qui nuper a Lepido ad eum venerat. Quippe Lepidus, a fenatu ad opprimendum Antonium evocatus, ambigua fide, & propter recentem affinitatem Antonii in hunc propensior, cum ad senatum frustra de reconciliando eo scripsisset, M.

§ VI. Cic. Phil. 11, 12. § VII. Cic. Phil. 2, 17, & familiæ 10, 30. Appian. Dio. Hirt. de B. Alex. c. 31.

Silano tribuno copias ducendas dederat, non expresso, utri se parti adjungeret.

IX. At Silanus, imperatoris sui mentem tenens, (nam ille & Narbone concionatus fuerat, & ad multos scripserat, *se cum Antonio consentire*) ad Antonium concesserat. Partem tamen equitatus cum leviter armatis ostendebat Antonius, signa legionum apud Forum Gallorum occultans. At legio Martia, prætoriarque cohortes, hoste conspecto, retineri non potuerunt, quo minus prælium confertum irent. Igitur Panfa, duabus legionibus tironum sequi jussis, transitis silvarum & paludis angustis, aciem instruxit cohortium duodecim. Nondum illæ duæ legiones aderant, cum Antoniani prorumpunt ex insidiis, manusque continuo locis impeditis conferunt.

X. Igitur Martiæ legionis milites, inveterati bellorum usu, ne turbarentur a tironibus, qui mox supervenerunt, seorsim hos jusserunt consistere: ipsi & prætoriani alacriter capeffiverunt pugnam. Tria sic prælia, discreta locorum ingeniis, simul facta. Nam a dextro cornu, ubi legionis Martiæ cohortes octo contra legionem tricessimam quintam constitierant, Carfulenus & Galba Antonianos loco pepulerunt, in fugam non potuerunt vertere. In ipso viæ Æmiliæ aggere, ubi cohors Cæsaris prætoria contra prætorianos Antonii erat collocata, diu pugnatum est perquam acriter. sed in sinistro cornu, quod erat infirmius, ubi cohors prætoria Hirtii, cum duabus ex legione Martia pugnabat, Antonius fuit superior: & cum equitatu, quo valebat plurimum, circumire cœpisset hostes, pedem eos referre ad castra coegit, quæ interim prudenti consilio Torquatus Panfæ quæstor muniverat.

XI. Hoc modo certatum inter hos accepimus a. d. duodevicesimum Kalend. Maji: quo prælio Panfa consul, cum, accepto vulnere, fortiter repugnaret, pilo per ilia transf-

§ VIII. Cic. familiar. 10, 9. 12, 2, & Phil. 13, 4. Front. Strat. 5, 2. Appian. Dio. § IX. Cic. Phil. 10, 33, & familiar. 10, 31. Front. § X. Appian. Cic.

actō aliud accepit gravius, & ex prælio elatus est Bononiā. Antonius, victorem se ferens, castra etiam hostium oppugnavit; neque capere potuit, multis occisis tironibus Panfæ, multis etiam amissis militibus suis. Idcirco, ne interim cognita re Cæsar atque Hirtius supervenirent, omiſſa oppugnatione caſtrorum, ad ſua reduxit exercitum. At Hirtius, ad deſenſionem valli ſui, quod interim a parte ſuorum oppugnari Antonius jufferat, relicto Cæſare, cum legione quarta, & veteranorum decem cohortibus (hæc ſeptima erat legio) redeunti Antonio occurrit, appetente jam vefpera.

XII. Ibi deſeſſi & inordinati, ab integro milite excepti, quamquam ſatis fortiter ſe defenderent, cladem acceperunt, majori parte veteranarum Antonii copiarum deleta. In hoc prælio ſummi ducis atque fortiſſimi militis munia conſul explevit, non modo rebus omnibus optime proviſis, ſed adito inter primos periculo, & aquilam quartæ legionis ipſe in hoſtium adverſa ſigna inferens. Quod niſi nox & paludofa circum loca Hirtium ab inſequendo deterruiſſent, conſcisci bellum potuit. Hæc & Antonii eripuerunt equites, & his occaſionem dederunt plures ſuorum conſervandi. quippe ſaucios, nonnullos & integros, præ laſſitudine in uliginofis locis hærentes, partim in equos imponendo, alios recipiendo poſt terga, & valentiſſimum quemque jubentes correptis equorum caudis accelerare fugam, magnum eorum numerum reduxerunt in caſtra ad Mutinam, quarta demum noctis hora reverſi.

XIII. Aquilas duas, ſigna ſex & ſexaginta victores rulerunt. Sic æquata partis utriuſque fortuna, non ſolum Hirtius, cujus id proprium decus fuerat, ſed Panſa quoque & Cæſar, a militibus, & mox ab ſenatu, ad quem literas Hirtius & Cæſar ſcripſerant, appellati ſunt Imperatores; quamquam adverſum prælium Panſa fecerat, Cæ-

§ XI. Cic. Phil. 14, 9, & familiar. 10, 36, & ep. ad Brut. 3. Oroſ. 6, 18. Jul. Obſeq. c. 128. Dio. § XII. Cic. familiar. 10, 33, & Phil. 14, 10. Appian.

far non interfuerat pugnae illi quidem, sed tamen castra multarum legionum paucis cohortibus tutatus, oppugnantes repulerat. Sed *e praelio fugisse eum*, Antonius scripsit, *ac sine paludamento equoque post biduum demum apparuisse*: & velut testimonio consentiens per eos dies fama, *ipsum etiam cecidisse*, vulgavit.

XIV. His tribus praeliis ferme dimidia militum utrinque pars interiit, cum tota cohorte praetoria Caesaris: ex Hirtianis haud perinde multi ceciderunt. Cum in castra sua omnes redissent, Antonio decretum erat abstinere praeliis, urgere obsidionem, & equitatu, qua parte virium praevalebat, hostibus negotium facessere, donec confectus fame Brutus deditionem facere cogeretur. Sed eadem causa diversis ducibus festinationem suadebat. Idcirco frustra saepius hoste laceffito, qua parte Mutina propter locorum naturam claudi minus potuerat, perrumpere conati, cum Antonius solos equites emisisset, equitatu suo his opposito, ut instituerant, Mutinam cum legionibus ire perrexerunt.

XV. Tum vero Antonius, omittendae Mutinae metu, legiones duas produxit: reliquas ex aliis castris acciri prope iussit. At Hirtius & Caesar, cupide aggressi instructos, priusquam subvenire alii possent, egerunt in fugam. Hirtius, cum Antonii vallum superasset, circa principia pugnans interfectus est; quarta legio, quam ille secum habuerat, a quinta Antonii paene tota concisa. Ibi Caesar, ad quem jam summa rerum redierat, consilio manuque insignis apparuit per omnia; receptoque Hirtii corpore, etiam castra Antonii occupata aliquamdiu tenuit.

XVI. Sed paulo post summa vi connisus Antonius eiecit hostem, multosque Caesarianorum occidit: quo tempore Caesar aquilam, a moriente aquilifero traditam, humeris subiit, ipse quoque cruentus & saucius; & tanto pon-

§ XIII. Liv. Epit. Dio. Cic. Phil. 14, 8, 10 & 14. § XIV. Sueton. in Aug. c. 10. Cic. familiar. 10, 33. Sueton. § XV. Dio. Appian. Cic. familiar. 10, 33. Sueton.

dere, sicuti tum signa erant, non deterritus, in castra re-
portavit. Victoriā absolvit D. Bruti eruptio, cui inter di-
versa partium studia, quidam omnia, nonnulli nihil tri-
buerunt. His prœliis & robur & soboles militum interisse
visa est. viri quoque illustres multi ceciderunt, inprimis
consul uterque, (nam & Pansa ex vulneribus est mortuus)
& L. Fabatus, & C. Peducæus, & D. Carfulenus, & Pon-
tius Aquila.

XVII. Noctem proximam mutuo metu utrinque exege-
runt in armis. At Antonius, vocatis in consilium amicis,
quamquam plerique censerent, *manendum esse, non majori
accepta, quam reddita, clade, ducibus hostium occisis, equitatu
salvo, & Mutina ad extremum deducta; Recte quidem vos, inquit,
confiditis; plures enim habemus sperandi causas: sed obsequen-
dum Fortunæ est, quæ victoriæ nobis hanc obstruxit viam,
alias aperuit munivitque. Modo percurrere in oppidum volue-
runt hostes. sive idem consilium denuo tentet Cæsar, sive circum-
vallare nos incipiat, quod erit ei propter multitudinem opera-
rum haud difficile, in arcto res nostræ erunt, omnibus circa ho-
stilibus, & equitatus usu adempto.*

XVIII. Sed & M. Lepidus, & L. Plancus me pro pro vi-
cto contemnent, & ut solet infelicibus, ex amicis hostes & illi
fient. At si Mutinam relinquimus, mox cum tribus legionibus
suis Ventidius aderit: Lepidus etiam & Plancus auxilia ma-
gna & firma subministrabunt. Quod igitur bene vertat, paratos
habete ad iter milites; & quia multis arma desunt, pro scutis
cortices dabimus. Hæc locutus, non magno post intervallo
castris egressus, ad Alpes magnis itineribus contendit. At
Decimus, timore Antonii liberatus, Cæsarem metuere inci-
piens, noctu abruptis fluvii pontibus, ad eum certos ho-
mines misit, gratias tanquam servatori agens, petensque,
ut succedens ad ripam, flumine medio, & civibus arbitris, in
colloquium veniat. Se enim certis indiciis declaraturum, non

§ XVI. Flor. 4, 4. Sueton. Herodian. Cic. ad Brut. ep. 24, &
familiar. 11, 14. § XVII. Appian.

sponte, sed fatali quodam infortunio, tractum ad conspirationem esse.

XIX. His Cæsar respondit iracundius, *se neque Decimi servandi, sed belli cum Antonio, implacabili hoste, gerendi causa venisse: neque pietatem sinere, ut alloquatur, aut etiam aspiciat interfectorem patris: pati tamen incolumem eum esse, donec senatui populoque Romano videretur.* Tum vero Decimus, progressus ad flumen, clara voce appellavit Cæsarem, &, recitato senatusconsulto, quo Gallia sibi data provincia fuerat, edixit, *ne, trajecto fluvio, Cæsar alienam provinciam sine consulibus invaderet; neve persequeretur Antonium: huic enim operi se sufficere.*

XX. Non fallebat Cæsarem, hanc ferociam Bruto ex fiducia Patrum accedere. igitur, quantumvis eum in ordinem redigere facile potuisset, moderatus est iræ, seque Bononiam ad C. Pansam contulit, rebus omnibus senatui perscriptis, effectoque, ut de iisdem nomine Pansæ scriberetur. Hoc fuit illud in republica tempus, quo nullum reperio fuisse unquam difficilius. Plena suspicionum omnia, plena timoris, simulationis, perfidiæ. & Dolabellæ quidem atque Antonii jam eruperat furor: neque obscurum erat, quid Brutus, quid Cassius molirentur. Lepidi, Planci, Asinii cunctatio quorsum tenderet, mox apparuit.

XXI. Sed senatus, quem *castra Pompeji* non præter rem appellabat Antonius, id agebat unice, ut per diffensionem Julianorum ducum partes illæ penitus tollerentur. eamque tum machinationem Octaviano C. Pansa detexit, tanto simplicius atque apertius, quanto certius de instantibus supremis minus movebatur metu gratiaque, & ceteris affectibus, qui propter vitæ commoda sollicitant animos. Igitur cum vocari Cæsarem jussisset, *Ego, inquit, patrem tuum tanta caritate dilexi, ut me ipse non potuerim magis. Sed neque mortem ejus vindicare licuit, neque consen-*

§ XVIII. Front. Strat. 1, 7. Cic. familiar. 11, 13. Appian. § XIX. Oros. 8, 18. Appian. § XX. Vellej. 2, 60.

sui ceterorum resistere, cui & tu, quamquam exercitu parato, prudenter sane cessisti.

XXII. *At illi, cum & te metuerent & Antonium, qui & ipse ingens Cæsaris studium præferebat, penitus gavisi sunt, inter vos male convenire; futurum sperantes, ut mutuis offensis invicem attereremini. Postquam autem copias haud spernendas penes te esse viderunt: primo quidem tanquam adolescentulum, inani honorum specie allicere sunt conati; deinde, ubi tu cum alibi, tum in recusando, quod exercitus offerebat, imperio, magnum animum & sui compotem ostendisti, exterriti eo flexerunt consilia, uti nobiscum administrares bellum, atque hoc prætextu Martia & Quarta legiones robur exercitus abs te abducerentur.*

XXIII. *Neque desperabant, fore, ut alteruter vestrum bello interiret, superstes solus & imbecillus facile tolleretur, atque ita prorsus oppressis jam ab initio Cæsaris partibus, Pompejanæ resurgerent. Atque hanc ipsis consiliorum jam fuisse summam, novi, nam & pleroque eo tempore Romæ, & senatui interfui: neque vitavi suspensiones atque voces, quod mentionem pacis atque concordiae intuli. Ceterum postea quoque non mihi, non A. Hirtio, cum ad bellum mitteremur, alia mens fuit, quam ut Antonium, castigata viri superbia, redderemus commodiorem, deinde reconciliarem tibi.*

XXIV. *Non enim putabamus aliud a nobis fieri posse, vel referendæ patris tui meritis gratiæ melius, vel firmandis partibus nostris utilius. Sed hoc quidem consilium, quod occultari interim ratio fuit, nunc Antonio victo, occiso Hirtio, & me in fata concedente, mature tibi aperio: non ut a te gratiam ineam, quæ morienti sera & infructuosa est; sed quia, quemadmodum ostendunt omnia, felix nascenti genius affuit, uti, his cognitis, & quæ tibi sint utilia scires, meamque simul atque Hirtii cum voluntatem, tum quæ præter illam facere coacti sumus, intelligeres.*

XXV. *Exercitum autem, quem ipse dedisti nobis, te recipere minime invidiosum erit: eum itaque tibi restituo. Neque*

§ XXI. Cic. Phil. 10, 11. Appian. § XXIII. Cic. Phil. 12, 7, Appian.

vero moleste ferent Patres, satis cognito, (non enim tentare neglexerunt) nullis conditionibus perducī ad Brutum posse. Tirones meos, per me licet, ipse etiam habeas. Quod si forte nimia senatus reverentia tenentur, satius erit relinqui. Curæ enim fuit senatui, ut hos haberet in potestate. igitur & tribunos delegit, a quibus non milites modo, sed etiam nos consules custodiremur. Rem igitur majoris invidiæ, quam utilitatis, & ante tempus te excitaturam, omitti satius fuerit. igitur ad hos quidem accipiendos Decimum evocavi: sed quia nondum ille venit, Torquato quæstori tradentur. Hæc fatus, & mox exsecutus, animam efflavit.

XXVI. At Torquatus de voluntate Patrum copias Decimo adduxit: funera consulum cum honorifica pompa Cæsar Romam transmisit: iique in campo Martio publica sepultura honorati sunt, quia pro republica dimicantes ceciderant. Cujus rei sensus etiam abjectorum hominum animos ita pertentasse traditur, ut, M. Cornuto prætore urbano funus locante, qui tunc Libitinam exercebant, gratuitum ministerium præbuerint, paratumque exsequiarum conduxerint sestertio nummo. Milicum etiam corpora, præsertim qui ex Martia legione ceciderant, publicis operibus atque muneribus, & communi exstrukione sepulti sunt.

XXVII. Per eos dies de morte consulum suspicio percrebuit, opera Cæsaris occisos: *Hirtium in acie per suos milites, aut ipsius Cæsaris manu; Pansum per venenum vulnere affusum.* Certe Torquatus Glyconem medicum eo nomine custodiendum aliquamdiu curavit, ut parricidam. Sed M. Brutus, cujus ad Ciceronem epistola exstat, in tuenda medici innocentia etiam Cæsaris famam fidemque asseruit. Certe ambitiosos hæc suspicio semper sequitur, ut nullum sit tam insigne atque execrabile scelus, quod pro dominatione facturi non existimentur: ceterum longe abest a pru-

§ XXV. Cic. Phil. 11, 13. Appian. § XXVI. Appian. Liv. Epit. Vellej, 2, 62. Val. Max. 5, 2. Cic. Phil. 14, 12. Sueton. in Aug. 72. 12.

dentia Octaviani, ut rem minime facilem tegi, & si erumperet, omnium alienaturam animos, adolescens necdum fatis firmus auderet.

XXVIII. At senatus, donec incertus belli exitus esset, adversus victorem sibi providendum statuens, extraordinaria imperia tollebat, decreto, *ne quis longius annuo imperium obtineret: neu quis unius curationem annonæ*. quantum enim ad solvendam rempublicam diuturnæ & solitariæ potestates valerent, multis exemplis apparuerat. ita præveniri posse putabant eum, qui futurus esset superior, ne quid præter solita & concessa legibus appeteret; & invidiam transferri in victum, cujus videlicet immitem & ambitiosum animum senatus timuisset.

XXIX. Postquam de Antonii clade rescitum, resumto pacis habitu, supplicationes dierum sexaginta decretæ. At Camillo, Vejis captis, supplicationes in quatrimum primo omnium decretæ fuerant: nec scio, an ulli temere plurium dierum ante Pompejum, cujus Mithridatica victoria duodecim dierum supplicationem habuit. mox Cæsari tres dies additi: statimque cum ejus potentia crevit adulatio. Scilicet nihil est in rebus humanis stabile, sed, ut quæque ab initio constituta sunt, ita ferme ab ambitione & vanitate absunt longius: paulo post inclinat sensim mos antiquus, dein solutius prolabitur; donec tandem cum impetu ruat, & ultra omnem finem modumque proferatur.

XXX. Igitur nuper Cicero quinquaginta dies sententia sua comprehenderat, cum debellatum nec esset, nec crederetur: quot neque Gallicis antea bellis, neque aliis decretum unquam fuerat. Tum vero propter fugatum a Mutina hostem decendium additum. Antonius, quique cum eo fuerant, bonis omnium publicatis, hostes judicati; deque iis bello persequendis sententiæ dictæ. Quin & decemviri, in quibus & Cicero fuit, tanquam ad præmia militibus persolvenda creati, edictum proposuerunt, *uti quisquis ali-*

§ XXVII. Dio. Sueton. in Aug. Tacit. Brut. ad Cic. ep. 64.
§ XXIX. Cic. Phil. 14, 1. Dio. Liv. 5, 23. Cæs. de B. G. 2, 35.

quid accepisset ab Antonio consule, ea de re profiteretur, cum gravibus minis in eos, qui fecus fecissent.

XXXI. Hoc tempore T. Pomponii Attici laudabilis æquitas exstitit, qui, licet amicissimus esset Ciceroni & Bruto, nihilominus Antonii præsentem fortunam aliorum fere omnium exemplo minime despexit; sed pristinae necessitudinis memor, Fulviæ uxori, liberisque Antonii, cum illa de bonis, & hi etiam de vita periclitarentur, quam posuit, opem tulit.

XXXII. Erat ea temporis oblata Pompejanis opportunitas, ut tum demum vere liberos se crederent & gloriantur, & velut omni periculo defuncti, spernere Cæsarem atque etiam opprimere inciperent. Nam neque triumphum decreverunt petenti; & cum Cicero, provido magis, quam grato, animo, quod ampliora meritum credebatur, & invitis extorquere posse suspicabatur, sententiam dixisset, *ut ovanti introire Cæsari liceret*, a plerisque repugnatum est, Neque Cicero satis animum texit, *laudandum adolescentem, ornandum, tollendum* dictitando. Quo tempore dixisse Cæsar dicitur, *se vero non esse commissurum, ut tolli posset.*

XXXIII. Ceterum, ut erga Cæsarem parci, sic in honorando Bruto profusi fuerunt, omnia huic tribuentes, quæ sperare ille debuisset. Supplicatio ejus nomine ad omnia pulvinaria decreta. Et quia forte natali suo liberatus obfidione fuerat, *fastis ad eum diem Bruti nomen adscribi* iustum: triumphum denique decreverunt homini, qui beneficio vivere alieno diceretur, neque adjutor victoriæ, sed spectator tantum prælii cum aliis e muro fuisset. Martiam quoque & Quartam legiones Drusus ei Paullusque, ceteris assentientibus, decreverant. Sed ea res irrita fuit: bellum quoque adversus Antonium uni decretum, vota quoque nomine ejus nuncupata publice.

§ XXX. Cic. Phil. 11, 1, & familiar. 11, 20 & 21, & ad Brut. ep. 1. Appian. § XXXI. Corn. Nep. in vit. Attic. Appian. Dio.

§ XXXII. Cic. ad Attic. 1, 15, & familiar. 10, 20. Vellej. 2, 62. Sueton. in Aug. c. 12. Dio. § XXXIII. Cic. familiar. 11, 18, & ep. ad Brut. Liv. Epit. Vellej. 2, 62. Dio. Appian.

XXXIV. *Legionibus, quæ ab Antonio defecerant, promissum a Cæsare donativum exsolvi placuit; partem eorum, qui pro libertate occiderant, liberis aut propinquis dari: superstitiibus honoris causa concedi, ut ludos oleæ frondibus coronati spectarent.* Cæsaris inter hæc, militumque ejus, nulla aut parca mentio: quamvis & ad Lepidum, & Plancum, & Polli-
nem literæ de persequendo Antonio mitterentur, & senatus non vivos tantum, sed etiam mortuos, laudibus ac honoribus cumlaret. In quibus & Pontio Aquilæ statua est posita, heredibusque reddita pecunia, quam ille mutuam Bruto dederat, suas atque amicorum opes inter publicam inopiam alendis legionibus infumenti.

XXXV. Enimvero Cæsar, hæc considerans, & præterea omnes suos adversarios potentia & imperiis auctos, Sex. Pompejo præfecturam maris, Bruto Cassioque Macedoniam & Syriam cum amplissima potestate datas, atque hæc omnia cum Panfæ verbis congruere, ad reconciliandam cum Antonio gratiam animum adjecit. Neque deerat senatus obtentum præbere quidlibet novaturo. Centuriones missu legionum Romam iverant, petendæ pecuniæ causa, quæ promissa erat victoribus. Responsum est, *legatos ab senatu venturos ad exercitum.* miseruntque jussos, *submoto Cæsare, milites alloqui.* non repugnavit Cæsar: sed nec dissimulavit, *frustra eos fatigatos non relatu-ros responsum, priusquam ipse esset adhibitus.*

XXXVI. Consilium senatui erat, sub specie pulsi Antonii abducere a Cæsare, tanquam non necessarias amplius, copias; easque tradere Bruto, ut Cæsar exarmaretur. quærebantque in ejus exercitu ferenda discordia dissociare animos, & alios voluntate ac largitionibus, reliquos deinde vi redigere in potestatem. Igitur Martiæ & quartæ legionis militibus, quæ decreta erant, præmia laudesque legati afferebant: ceterorum Cæsaris militum non major, quam

§ XXXIV. Cic. Phil. 14, 13, & Brut. ep. 11. Dio. Appian. Liv. Epit. § XXXV. Cic. familiar. 11, 10. Liv. Epit. Dio. Vellej. 2, 62. Appian.

ducis ipsius, ratio habebatur. Sed omnis ista calliditas in contrarium vertit. legiones negarunt, *sine imperatore suo ullæ audituras mandata.* legati re infecta redierunt.

XXXVII. Tum vero, simul Cæsar affuit, artesque increpavit Patrum, universis idem animus fuit, ut non minus qui honorati, quam qui neglecti erant, injuria se affectos opinarentur. Nam & illi suspecta habebant omnia, & contumeliam commilitonum, sed maxime Cæsaris, ad suam ignominiam pertinere arbitrabantur: & præteriti docebant, *consilium senatus non ad beneficium duarum legionum, sed ad ruinam exercitus imperatorisque spectare. nec ornari illos præmio, sed emi; tradendos mox percussoribus optime de se meriti Cæsaris, contra filium ejus & amicos, ut scelestæ & indignæ qualibet facerent & paterentur.*

XXXVIII. Hæc audita Romæ terruerunt non ignaros vacillare Cæsarem, & Antonio locum dare respirandi. Is enim cum ad extremas angustias redigere hostem potuisset, si transisset Apenninum; alia omnia habens in animo, captivos milites ducesque tractabat comiter: volentes in suorum allegebat ordines; si mallent ad Antonium se recipere, patiebatur. Quin & Ventidium tres legiones habentem tenuisse contentus, *aut ad se transire jussit, aut omisso metu ad Antonium pergere, exprobratum communis utilitatis ignorantiam.* Sed & Decium quendam ex illustribus dimittens, atque ab hoc interrogatus, *quo igitur animo in Antonium esset? Sapientibus sufficere edita ab se indicia,* respondit; *insanis autem nulla suspexitura.*

XXXIX. Sub idem tempus ad Lepidum & Asinium scripsit apertius, *nec sibi nec veteranis parem referri gratiam; sed omnia tradi parricidis, cum certo interitu Julianarum partium, si pauci, qui supersint, pari atque Antonius imprudentia inter se committerentur. Cautius agere gregarios milites, qui, finitis stipendiis, agre divellantur, sed iisdem coloniis juncti*

§ XXXVI. Plut. in Cic. c. 66, & Brut. c. 38. Appian. Dio. Veliey. § XXXVII. Appian. Dio. § XXXVIII. Cic. familiar. 11, 10.

unisque confideant: Hoc & ipsis procurandum esse, & monendum Antonium. interea posse eos in speciem parere senatui, sed memores, primam esse debere suæ salutis atque dignitatis curam. Nec aliud ab his agebatur, sponte inclinantibus in hanc sententiam, & Antonio affinitate aut familiaritate intima devinctis.

XL. Et licet ad Brutum collega Plancus accesserat, tamen neque huic constabat fides, & Bruti perquam infirmæ erant copiæ; cui maximus tironum, sed idem prope inutilis numerus, octo legiones: veterani belli calibus imminuti, & ex his, qui supererant, multi quotidie ex longa inopia se replentes incautius rumpebantur. His rebus effectum est, ut senatus aliquanto honestius tractare Cæsarem inciperet, conciliante ei gratiam Cicerone, cujus ambitiosam senectutem adolescentis calliditas egregie deceperat. Nam, quod ipso postea tradente Cæsare constitit, ruinam metuens, Ciceronem adungere & retinere studuit.

XLI. Quod quia nullo firmiore vinculo consequi posserebatur, consulatum instituit petere, militique ad Ciceronem nuntios, patrem appellitans, *ex usu publico, & gloria illius fore, si det operam, ut una gerant consulatum. Penes illum enim, ut peritum & senem, vim magistratus omnem fore: se honore contentum, per quem arma gloriosius poneret; nec aliam petendi triumphus causam fuisse.* Sic inescatus Cicero negotium Cæsaris in senatu egit: *Difficilia esse reipublicæ tempora: qui cum imperio sint, inter se fœdera agitare, inconsulto senatu. referre, ut adolescens, sine causa contumeliose habitus, quibusdam honoribus mulceatur. Eundem magnas habere copias: neque tam interesse reipublicæ, ne præter ætatem fiat consul, quam ne similitates armatus exerceat. Præterea dari collegam tanquam puero præceptorem posse, ne quid contra utilitatem senatus atque reipublicæ ausit.*

XLII. Sed irrita sunt hæc a percussoribus, non occulto

§ XXXIX. Sueton. in Aug. c. 12. § XL. Dio. Cic. familiar. 10, 14, & ad Brut. ep. 17. Plut. in Cic. c. 66, & Brut. c. 38. Appian. § XLI. Appian. Cic. ad Brut. ep. 4.

Ciceronis morbo, & minime dubio omnium periculo, si filius interfecti, idemque magnis copiis subnixus, consultatum indipisceretur. Igitur inter omnia dantes, & nihil relinquentes, media via placuit, *uti sententiæ inter consulares dicendæ jus ei esset.* postquam hoc parvi fiebat, decretum, *uti proximis comitiis prætor, sequentibus consul renuntiaretur.* Hoc modo satis acute putabant elusisse puerum, ut ipsi quidem appellare consueverant. Sed ille hoc ipsum veluti convicium ad defensionem eorum, quæ meditabatur, arripens, Lepido satagente, cum Antonio reconciliavit gratiam, non obviis modo excipiens redeuntem, sed ipse alliciens eum & provocans.

XLIII. Inter hæc, Antonii rursus emerfit fortuna, cujus de rebus curatius referendum est: sine quarum cognitione secutæ mox conversionis tota sit obscura ratio. Fugatus a Mutina petebat Alpes, vir adversus incommoda non minus pervicax, quam luxui, quoad vacaret, deditus. Igitur & in hoc itinere diversi & pæne contrarii generis documenta edidit: plerumque tolerans inediæ & laborum, supra quam sit credibile; iterum, ubi videbatur esse aliqua occasio, profusus in vinum & epulas. Unde non ineleganter respondisse visus est familiarium ejus unus, quærenti, *quid Antonius ageret, Quod canis in Ægypto: bibit & fugit:* quando in illis regionibus canes metu crocodilorum currendo bibunt ex flumine. Sed sæpius vix necessariorum erat copia: ut & cortice vixisse copiarum ejus, & nullius animalis carnibus abstinuisset, tradantur.

XLIV. Non erat difficilis extinguendi hoc tempore belli labor, si quis insequi fugientem voluisset. Verum enimvero Cæsarem indignatio, quod Bruto mandatum bellum erat, averterat: Brutus insanum rebatur, inimici sui adversarium, suo periculo tollere. Tendebat ad Lepidum, castra trans Alpes habentem. erat & in illo spes, pontifica-

§ XLII. Dio. Zonar. Cic. ad Brut. ep. 15, & Phil. 4, 1. Sueton. in Aug. c. 12. Oros. 6, 8. Liv. Epit. § XLIII. Vellej. Ap-
pian. Plut. in Ant. c. 23 & 24. Macrob. Saturnal. 2, 2.

tum & alia quædam Antonii studiis consecuto; & in exercitu, in quo multos sciebat suis partibus addictos. Custodiam Alpium Lepidus Culleoni mandaverat. is transitum Antonio dedit, ut penetrare in Narbonensem Galliam posset, ubi castra ad flumen Argenteum Lepidus habebat.

XLV. Interim & P. Ventidius cum tribus suis legionibus ad Antonium venit. quibus receptis, haud procul Lepidi castris castra posita sunt, nullo munita vallo, ut venisse ad amicos videretur. Magna hic & pudenda tum inconstantia, tum temeritas Lepidi fuit. Hunc antea senatus ad opprimendum Antonium in Italiam acciverat; eodemque tempore L. Plancum. mox quia Silanus, ad Rhodanum adductis copiis, Lepidum suspectum Patribus fecerat, Plancum Antonius diserte *participem consiliorum* appellabat, miserunt ad eos literas, *illorum opera rempublicam in presentia non indigere.*

XLVI. Ut tamen averſi animi nullum indicium ederent, quo ad maleficio illi perpererentur, negotium imposuerunt *oppidi condendi, quo deducerentur, qui olim Vienna pulsi ab Allobrogibus* (unde initium discordiarum Viennam & Lugdunum incolentibus exstitit) *ad confluentes Rhodani Ararisque in campis Segusianis confederant.* Hæc origo Lugduni fuit, nobilissimæ civitatis; nomen, ut ajunt, a Corvo (*lugum* vocabant Galli) adeptæ, & situ loci edito. quippe *dunum* & olim, & nunc quoque, collem significare quibusdam, certum est, & colli Lugdunum inædificatam fuisse constat. Tanta autem loci fuit opportunitas, ut intra centesimum annum in maximam perducta frequentiam, deinde unius noctis incendio consumta, mox restoruerit, & hodie quoque inter clarissimas Gallorum urbes numeretur.

XLVII. Ab eodem Planco & alia tum deducta colonia est Rauraca. Quamquam enim venire in Italiam, prohibente nemine, potuissent, malebant paruisse senatui vi-

§ XLIV. Cic. familiar. 10, 11 & 11, 12. Dio. Plut. in Cæs. Plin. § XLV. Appian. Dio. Cic. Phil. 13, 9. § XLVI. Tacit. hist. 1, 65. Dio. Plin. 4, 18. Plut.

deri, atque interim Antoniani belli speculari exitum. Silanum certe Culleonemque, reversos ab Antonio, verbis castigavit Lepidus, scripsitque Romam, *se neque opera eorum uti, neque in castris habere, neque ulli negotio praefecisse*. Ceterum res ipsa indicio est, simulate hæc acta, neque contra voluntatem Lepidi hos accessisse Antonio, neque ab hoc rediisse tanquam desertores, sed internuntios.

XLVIII. Sane colloquium adhuc abnuebat Antonii: quin & contra eum scribebat senatui, eoque fidus habebatur, & idoneus, cui bellum mandaretur. Sed neque hostile quidquam in eum designabat, in vicinia passus agere, sæpiusque venientem in conspectum militum, ita flectere universos, ut, etiam invito Lepido, exercitu ejus positurus fuisse videatur. Quippe Antonio comitas inerat, audacia, profusio: ubi otium esset, luxus; quoties expediret, industria, & quidquid placere, corrupta disciplina, militi potest. Lepidus ad omnia segnior, non virtute ulla notabili, non vitio carus, prope contemptum venerat. Forte accidit, ut Antonius, cum barba capilloque promisso ad castra Lepidi veniens, aspectu simul atque sermone plurimorum misericordiam eliceret. ibi Lepidus ad disturbandum colloquium *tubas occinere* jussit, quia tribunorum imperia spernebantur.

XLIX. At milites, concionante Lepido, conclamarunt, *pacem se velle, neque cum ullis deinde civibus esse dimicatu-ros*. Mox Canidio Rufrenoque & similibus auctoribus, per Lælium & Clodium, meretriciis vestibus tectos, secreta cum Antonio pacta fecerunt; *etiam Lepidi eadem, si vellet, polliciti*. Sed is *parci Lepido* jussit, *sibi cum exercitu venturo viam pandi*. Hoc præcipuo studio agebant Decumani, quos aliquando Antonius duxerat. Neque fallebat ea molitio M. Juventium Laterensem legatum Lepidi, prorsus egregium civem: sed multa salubriter monenti non habuit Lepidus fidem. postremo auctor ei fuit *dividendi in partes exercitus*:

§ XLVII. Dio. Cic. familiar. 10, 34. § XLVIII. Dio. Vellej. 2, 63. Plut. in Anton. c. 23.

sic evidentius, quo quisque sit animo, appariturum. Lepidus, trifariam partitis copias, iussit occurrere praesidio quæstoribus, quos adventare dicebat.

L. At hi, de quarta vigilia fumtis armis, tanquam exituri, vallum occuparunt, nuntiosque miserunt ad Antonium. Ille, his auditis, prima luce flumen transgreditur: & per averfa castrorum admissus, ubi vallum a Lepidanis erat dirutum, protinus ad prætorium contendit, prosequente eum Lepidi exercitu, & orante imperatorem, *parceret tantæ multitudini civium Romanorum, eorumque salutis, atque securitatis causam susciperet.* Atque is, ut e cubili disinctus exsiluerat, Antonium complexus est, *prioremque austeritatem suam necessitate temporum excusavit.* Sunt, qui & *ad pedes ejus procidisse* tradant: quod, quamvis in timido homine nihil non credi potest, quia plerisque non est traditum, neque factum puto: aut si forte, simulatum a Lepido timorem, ne prodidisse causam senatus sponde videretur.

LI. Scelere enim potius, quam ignavia, peccavisse plerisque tum visus est, receptumque ab eo Antonium, non modo scriptores inferioris ævi, sed M. Cicero, D. Brutus, L. Plancus, totus denique senatus censuit. Eamque opinionem & quæ præcesserunt omnia, & quæ secuta sunt, corroborarunt. At Laterensis, cum & Lepidum frustra monuisset, & Plancum, quos inter se discordes reconciliare reipublicæ causa acerrime nifus fuerat, sub ingressum Antonii gladio se transfixit. Ob hæc statuum ei decrevit senatus, laudationemque & publicum funus: at quæ posita Lepido pro rostris fuerat, subversa est. isque hostis iudicatus, cum ceteris, qui simul a republica defecerant, *nisi ante Kal. Septembres ad sanitatem redissent.*

LII. Saga quoque resumta, crebrique ad M. Brutum, C. Cassium, Sextumque Pompejum nuntii missi, *ut reipubli-*

§ XLIX. Appian. Cic. familiar. 10, 21 & 34. Plut. § L. Plut. Vellej. Appian. Cic. familiar. 10, 34. § LI. Rutil. Itinerar. Sueton. in Aug. c. 12. Cic. familiar. 13, 21, & ad Brut. ep. 13. Dio. Liv. Epit.

ea subvenirent. Etiam duo senatores, Lucejus & Panfa, tanquam ad visendum Græciæ statum missi, qui *properare Brutum* juberent. E Sardinia quoque evocatæ copiæ, & e tribus *Sextianis legionibus*, quæ erant in Africa, unam accipere jussus Q. Cornificius; duas mittere in Italiam: quamquam ne his quidem fatis confidebant, quod & ipsæ sub Cæsare militassent: sed omnia experiri cogebat necessitas. Postremo cum longe hæc spes abesse videretur, ad Cæsarem recursum est, neglectum contemptumque paulo prius, & coactum ad nova, sed incognita adhuc Patribus, consilia.

LIII. Triumphus etiam ac stipendium ei decernitur, & omnibus decretis ornatur. Idcirco lætus, hanc sibi ad obseptum antea consulatum viam aperiri, simulavit obsequium, paravitque ad bellum omnia. sed interim clanculum induxit milites, ut jurarent, *contra nullum se exercitum, qui Cæsaris fuisset, arma capturos.* Hoc aperte spectabat ad Antonium & Lepidum, quorum copiæ majorem partem constabant e Cæsarianis legionibus. Præterea instigabat eos, *uti legatos iterum ad senatum mitterent, quasi deprecaturus, ne contra fas & religionem dimicare cum civibus cogerentur; revera, ut exigenter nondum persolutas pecunias, Cæsarique darent consulatum.*

LIV. Nec hoc timide fiebat amplius, sed palam advocata concione. Quousque, inquit, commilitones, *adversariorum insatiabilem importunitatem perferimus? Hæc scilicet, ut plurima vobis ante nota præteream, præmia meruimus, ut ab his vexemur atque opprimamur, quibus nostro sanguine salus atque securitas parta est. Antonii præda fuissent, neque rem aut publicam, aut suam, tueri quisquam eorum potuisset, nisi ego ille puer (sed virum sentient!) nisi ego, inquam, quem puerum appellare consueverunt, vobis adiutoribus causam suscepissem publicam, & nimiam Antonii ferociam Mutinensi victoria refrenassissem.*

LV. *At illi præclaram scilicet vicem servatoribus suis reddunt, contemptum, ignominiam, pericula. neque desinent, nisi*

§ LII. Cic. familiar. 11, 13 & 12, 10. Dio. Appian. § LIII. Cic. ad Brut. ep. 17. Dio. Appian.

caverimus, priusquam universos, alios alia fraude circumventos deleverint. Hoc enim agunt homines Pompejanis partibus devoti, ut eos, qui patri meo navarunt operam, occasione temporum inter se commissos, mutuis vulneribus conficiant. Ideo nempe bella ex bellis seruntur, donec omnes, quos ob militiam Cæsaris perosi sunt, duces militesque prorsus interierint. Neque enim alio pertinuit, quod nuper duabus legionibus oblata sunt præmia, quam ut ex dolore ceterarum oriretur in hoc exercitu perniciofa dissensio.

LVI. Quam vero sint inensi Cæsaris amicis, numquid proximis diebus ostensum est? cum ab Antonio quidem, sed ex parentis mei commentariis data, cunctis eriperentur. Unde & vobis facilis esse conjectura potest, quæ vestra sit futura conditio, qui agros, qui pecunias accepistis a Cæsare, siquidem hi rempublicam obtinebunt: quæ vero mea, dum regnabunt in senatu percussores patris mei. Sed mihi quidem curæ erit, ut neque vita mihi incustodita sit, neque mors indecora. Vestri me miseret, quibus nemo relinquetur, a quo speretis operæ, patri mihi que navatæ, pretium. Nam me quidem ab ambitione longius abesse, quam huic ætati credi potuisset, ipsi comperistis, cum oblatum a vobis imperium abnuui. nunc alia conditio est temporum, neque pro vobis, neque ad ultionem patris quidquam profecero, donec ero privatus.

LVII. Ea me causa consulatum petere coegit: atque is eandem ob causam negatur ab his, quorum interest, neminem esse aut vestrarum utilitatum procuratorem, aut Cæsarianæ necis vindicem. Igitur communis salutis mihi vobisque tantum unam reliquam video viam, si vestro favore consulatum consequar: nec enim aliter, aut quæ a parente meo accepistis, confirmari, aut quæ a me exspectatis, persolvi quibunt. Sed & ad publicum bonum, quietemque patriæ res pertinet. percussores enim patris reos agam: quibus sublatis, finis aliquando civilium bellorum erit.

LVIII. Alacri acclamatione militum hæc excepta: delectique statim ex promptissimis veteranorum quadringenti, qui legatione ea fungerentur. Cum Patres ætatem Cæsaris

excusarent, centuriones legationis principes (edocti enim erant) responderunt, & apud antiquos Rullis, Deciis, Corvinis, multisque aliis consulatum fuisse creditum; & recentiore memoria superiorem Africanum, Titumque Flaminium admodum adolescentes consules factos, utilem reipublicæ operam præstitisse. Magnus quoque Pompejus & Dolabella allegabantur, atque in hoc ipso Cæsare factum senatus decretum, quo multis annis ante legitimam ætatem honores petendi facultas concessa erat. Cum propter gravitatem negotii tempus traheretur, legati, ut moniti a Cæsare erant, impunitatem petere Antonianis cœperunt, ut credibile est, non tam impetrandi proposito, quam ad tentandos senatus animos, an & huc adduci possit; & si succenseret, hunc armorum prætextum habituri.

LIX. Sed elusum fatis commodo astu periculum est, contradicente nemine, sed pro magno aliorum numero eadem postulantibus plerisque. unde effectum est, ut citra invidiam propter multitudinem hominum, quibus in causa dispari paria concedi rectum non esset, tota res omitteretur. Inter has altercationes cum ferociter locuti milites, atque ab senatoribus nonnullis increpiti essent, acrius ad consulatum Cæsari conficiendum exarserunt; & quia intromissi in senatum arma deposuerant, caput legationis Cornelius centurio curia egressus resumit gladium, saguloque rejecto, capulum ostendens, *si vos non dederitis*, inquit, *hic dabit*.

LX. Quo tempore Ciceronem respondisse ferunt, *si hoc modo petieritis Cæsari consulatum, auferetis*. Eaque vox exitium ei accelerasse creditur. namque Cæsar, libertatis studiosissimum esse cernens, villiorem habere cœperat. Hæc cum in castris audirentur, exasperati sunt milites, confestimque ad urbem duci voluerunt. Nec Cæsar lenivit: quin verbis adaugens iras, barbara suorum dicta factaque non reprehendit; senatum increpavit, *quod milites intrare curiam inermes jusserat, quodque interrogati a senatore quodam*

§ LVIII. Appian. Cic. Phil. 5, 17. Dio. § LIX. Sueton. in Aug. c. 26. Dio.

fuerant, ab exercitu, an vero a Cæsare mitterentur? Igitur propere legatis quibusdam ad Lepidum & Antonium (nam & cum Antonio gratiam, Lepido fatagente, reconciliarat) cum octo legionibus & magno equitatu atque auxiliis, coactus scilicet a militibus, Rubiconem transiit, unde & proximi belli civilis initium fuerat.

LXI. Inde bifariam exercitu diviso, cum potiori parte contendit Romam, ceteris ex commodo sequi iussis. In itinere, ut fit, ubi milites imperatorem ducunt, minime a maleficiis temperatum. homines, qui forte per viam occurrerant, & in his eques Romanus, pro speculatoribus occisi: direptæ adversariorum villæ. legati, qui cum pecunia veniebant, Cæsaris artibus terrore injecto, refugerunt. Hæ res tanta consternatione replerunt urbem, ut nihil ad extremum terrorem superesset.

LXII. Anxii Patres, & alius alium varie accusantes, *quod exercitus ademus Cæsari, quod triumphus denegatus, quod præmia militum maligne repræsentata essent*, repente in contraria omnia transierunt; nusquam jam apparente Cicero-
ne, qui multus antea ubique fuerat. Augetur donativi modus, neque duabus jam, sed octo legionibus decernitur. *Decemviri cessare, Cæsar dividere præmia jubetur: ipse absens consul designatur.* ad hæc omnia significanda legati festinanter emittuntur, sed neque milites flexit profectum ab invitis beneficium: & senatus, fœda inconstantia, vixdum egressis porta legatis, consilium mutavit; excipiente metum pudore, quod indigna viris trepidatione subacti prono collo exciperent jugum, nihil pro libertate ausi. *Quod igitur postea vacaturum periculo & ignominia tempus, si hæc consuetudo invalescat, ut ambitione cujuslibet honores armis obtineantur? quin huc eniterentur, ut militem, si lenibus consultis nequireret, constantia & severitate in officio contineant. armis opus adversum armatos esse.*

§ LX. Plut. in Anton. c. 24. Appian. Dio. Liv. Epit. Oros. 6, 18. § LXI. Appian. Dio. § LXII. Plut. in Cæs. c. 78. Appian. Dio.

LXIII. *Si primum impetum fregerint, subitum animos pudorem, subituram reverentiam patriæ, & metum ex legibus. Quod si præter spem arma, pro republica accepta, contra eam miles verterit, L. Plancum, D. Brutum affuturos auxilio. Denique si neque pudore militis prohiberi fatum reipublicæ, neque armis defendentium posset; at illi occumberent pro libertate potius, quam male & infelicitè expertam dominationem reciperent. Et majorum exempla memorabantur, quibus præ amore libertatis nihil fuerit in vita carum atque pretiosum.* Hujusmodi inter se dictis animati, mox in maximam fiduciam venerunt, postquam eadem die appulis ex Africa legionibus duabus, equitibus mille, *Diis ipsis curæ esse custodiam civitatis* interpretati sunt.

LXIV. Igitur adjuncta legione, quam nuper Panfa præsidio urbi reliquerat, Janiculum, ubi pecuniæ erant repositæ, pontemque fluminis occuparunt præsidiis; per urbem disposuerunt stationes; in portu quoque parandas naves curaverunt, ut victi cum pecuniis fugerent. Cæsarem *intra centesimum ab urbe lapidem cum exercitu consistere* vetuerunt. Hæc satis confidenter acta. Sed ubi signa legionis, a Panfa relictæ, araneis velut ex longo situ oppleta venire visa, prodigii speciem metumque fecere; quæsitæque Cæsaris mater & soror non comparuerunt, amicis, apud quos celabantur, gratiam minasque adversariorum pariter spernentibus: iterum rediit timor, tanta opportunitate amissa, quod his obsidibus quidlibet impetraturi facilius a Cæsare fuerant.

LXV. Atque ille, suis timens, cum prioribus Patrum legatis, dum mandata exponunt, mutatæ sententiæ nuntium supervenisset, cum irritatis supra modum militibus Romam properat; præmissis, qui *bono animo esse populum Romanum, & quiescere* juberent, *nihil hostile passurum.* Ita pacato agmine accessit, omnibusque citra controversiam in potestatem acceptis, sub Quirinali colle constitit. Eo statim mira mutatione affectuum venerunt quidam ex senatoribus, mox etiam promiscua multitudo, salutandi ipsum

militesque gratia. At ille, castris in loco positis, postridie urbem, septus idonea manu, intrat. quacunque incedit, occurrunt salutantium gratulantiumque agmina: nihil in speciem officiosæ humanitatis prætermittitur. Sic ad ædem Vestæ pergit, ubi matrem sororemque esse audiverat.

LXVI. Interim & illæ tres legiones, missis legatis, fecerunt deditionem. Ex prætoribus, qui præfuerant, Cornutus sibi manus intulit; reliqui in fidem recepti sunt. Cicero, per amicos impetrato Cæsaris colloquio, magnis eum laudibus extulit, *se quoque senatui deferendi consulatus auctorem fuisse* dictitans. Respondit Cæsar, nec sine morfu, *Ciceronem sibi novissimum amicorum occurrere*. Secuta deinde nocte, vanus rumor terruit civitatem, *Martiam & quartam legiones adesse, diripiendæ patriæ causa*. Tum iterum velut furore tacti principes, & secure crediderunt dictis, & suis se viribus sustinere posse Cæsarem, quamvis tantas habentem in proximo copias, rati sunt.

LXVII. Igitur eadem nocte senatu habito, M. Aquilium Crassum emiserunt ad parandas e Piceno copias: idque tanquam lætum nuntium, discurrente per urbem tribuno plebis Apulejo, vulgarunt. Sed ubi falsam fuisse famam rescitum est, Cicero, qui pro foribus curiæ senatores adventantes cum laudibus exceperat, in lectica fugit. Cæsar, irrita hominum vecordia, *exercitum in campum adduci* iussit. quo tempore lætum ei augurium apparuit sex vultures. nec tamen in quemquam consuluit durius: quin etiam Crassum, qui fervili habitu in Picenum penetraverat, dimisit incolumem, interim clementiæ captans laudem, mox eosdem, quibus tum videbatur ignoscere, proscripturus.

LXVIII. *Pecuniam autem ex Janiculo, & quidquid ubivis publicæ* fuit, comportari iussit: ipse excessit urbe, libertatem scilicet præbiturus comitiis, eo jam adductis rebus, ut eadem omnia absens posset. Igitur & nova comitiorum forma fuit, quia more majorum interrex prodi

§ LXV. Dio. Appian. § LXVI. Dio. Appian. § LXVII. Cic. Phil. 14, 6. Appian. Jul. Obseq. c. 128.

tam celeriter non poterat, absentibus plerisque patriciis magistratibus. Nam decreto prætoris urbani (extincto jam Cornuto, Q. Gallium fuisse constat) duo nominati sunt proconsules comitiorum habendorum causa: his perfectis, nihil ultra potestatis usurpari. Ab his consul creatus Cæsar, collegæ nomine Q. Pedium Q. F. administrum accepit. & exultabat adolescens honore ante tempus capto, quem præter juniorem Marium nemo præcocius invaserat: consulatum enim, si civiliter computes, annos undeviginti natus iniit; siue dies incundi XIV Kal. Septembr. (variant enim scriptores) siue X Kal. Octobr. fuit: revera vicesimo ætatis anno, quia trimestre circiter correcti a Julio fasti absorbuerant: quod spatium tametsi processerat, tamen vulgo non computabatur.

§ LXVIII. Dio. Appian. Auctor de caus. corrupt. eloq. Jul. Obseq. Casaub. ad Sueton. Aug. c. 26.

JOANNIS FREINSHEMII SUPPLEMENTORUM LIVIANORUM

LIBER LXXXV.

IN LOCUM LIB. CXX LIVIANI.

E P I T O M E

LIBRI CENTESIMI VICESIMI.

Cæsar consul legem tulit de quæstione habenda in eos, quorum opera pater occisus esset: postulatique ea lege M. Brutus, C. Cassius, D. Brutus, absentes damnati sunt. Cum M. Antonio vires Asinius quoque Pollio & Munatius Plancus, cum exercitibus suis adjuncti, ampliassent, & D. Brutus, cui senatus, ut persequeretur Antonium, mandaverat, relictus a legionibus suis, profugisset; jussu Antonii, in cujus potestatem venerat, a Capeno Sequano interfectus est. C. Cæsar pacem cum M. Antonio & Lepido fecit: ita ut Tresviri reipublicæ constituendæ per quinquennium essent, ipse, & Lepidus, & Antonius; & ut suos quisque inimicos proscriberent. In qua proscriptione plurimi equites Romani, centum triginta senatorum nomina fuerunt, & inter eos L. Paulli fratris M. Lepidi, & L. Cæsaris Antonii avunculi, & M. Ciceronis. Hæjus, occisi a Popilio legionario milite, cum haberet annos sexaginta tres, caput quoque cum dextera manu in rostris positum est. Præterea res a M. Bruto in Græcia gestæ continet.

I. **I**NITO consulatu, C. Cæsar cum reversus in urbem, sacrificiis factis, augurium captaret, duodecim vulturibus visis, quod augurium Romulo novam urbem condituro conspectum dicebatur, in amplissimam spem similis fortunæ erectus est. militibus deinde pecunias distribuit, *suis ex facultatibus dare* dictitans, cum in manu haberet publicas. iisdem gratias egit. egit & senatui; sed militibus ex animo magis. Horum enim ope se sciebat adjutum; senatum, quod fecisset, metu fecisse. Par apud Patres simulatio, qui & *hæc ultro tribuisse Cæsari* prædicabant, & *reliqua accumulatu-*

II. Idcirco quem paulo ante consulatu judicaverant indignum, ei decreverunt, *ut etiam exacto magistratu, donec apud exercitum esset, consules honore anteiret:* judicia paulo ante & pœnas comminati ob copias privato consilio contractas, nunc & *alias allegere* jusserunt: & sicuti Bruto in Cæsaris ignominiam bellum Antonianum decreverant, ita nunc Cæsari *legiones etiam Bruti* adjecerunt. Postremo & cura urbis permissa, potestatem dederunt *agendi pro arbitrio, etiam præter leges, omnia.*

III. Ceterum Cæsar post sacra peracta, adoptionem suam curiata lege confirmavit. Mox alia rogatione Dolabellam absolvit, qui judicatus hostis fuerat; & præparata primum largitionibus populi gratia, solutoque residuo, quod debebatur ex testamento Cæsaris, legem tulit *de quæstione habenda in eos, quorum scelere pater occisus esset:* quam de nomine collegæ *Pediam* maluit appellari.

IV. Hac postulati sunt non percussores modo, sed & qui confecti fuisse consiliorum dicerentur, absentes plerique: nonnulli & insontes. qui nec insidiati Cæsari, nec omnino eo tempore versati Romæ fuerant. Hac fraude præcipue Sex. Pompejus petebatur, hoc crimine haud dubie innoxius, sed quem quolibet prætextu tolli Julia-

§ I. Appian. Sueton. in Aug. c. 26 & 25. Jul. Obseq. Dio.
§ II. Appian. Dio. § III. Appian. Dio. Liv. Epit. Vellej. Sueton.

narum partium interesset. Reis hac lege universis una præconis denuntiatione dicta dies est, damnatique inspectante Cæsare ad unum omnes, absentes plerique, nemine judicum absolvente quemquam, uno senatorum excepto, P. Sicilio Coronate, qui M. Brutum absolvit palam: cujus rei dissimulata interim ira, mox proscriptione hominis patuit. P. Servilius Casca, qui primum ictum inflixerat Cæsari, tribunatum plebis eo anno gerebat, patiente Octaviano, qui tum adhuc odium in percussores tegebat.

V. Is neque adolescenti fidens, & exagitatus a Cicerone, (qui *parricidam* appellare sustinuerat, cum eodem tempore pro salute percussorum, quibus erat amicissimus, Cæsarem per epistolas rogasset) non expectato Cæsaris adventu, Roma profugerat. Hunc P. Titius collega, magistratu abrogato, reum peregit; & ante annum mortuus firmavit opinionem, non posse annum supervivere, qui collegæ magistratum abstulisset. Nec dissimile Q. Gallii prætoris fatum fuit, cujus opera tum Bruto atque Cassio abrogatum imperium erat. Idcirco provinciam Africam præmiî loco nactus a Cæsare, paulo post miserabiliter interiit. Cum enim pugillares duplices veste tegens ad Cæsarem salutandum introisset, suspicionem movit gladium oculi. Nec ausus statim inquirere Cæsar, ne quid aliud inveniretur, paulo post e tribunali raptum, servilem in modum torisit, negantemque jussit occidi, prius oculis sua manu effossis.

VI. Ipse scripsit in libris de vita sua, Q. *Gallium*, colloquio petito, insidiatum sibi, conjectumque a se in custodiam: deinde urbe interdicta dimissum, naufragio vel latronum insidiis periisse. Crudelitatem Cæsaris, quo plus metuebatur, studiosius tegere atque adjuvare nili sunt omnes. Gallio magistratum abrogarunt collegæ: populus diripuit domum: Patres capitis damnaverunt. Namque fortunam adolescen-

§ IV. Appian. Liv. Epit. Plut. in Brut. c. 19, & Cæs. c. 95. Cic. ad Attic. 16, 14, & Phil. 13, 15. Idem ad Brut. ep. 1, & familiar. 10, 12. § V. Dio. Jul. Obseq. c. 129. Appian. Sueton. in Aug. c. 27.

tis omnia sequebantur: & alii formidine, multi favore, pars magna præmiis incitabatur. Quippe & *accusatoribus percussorum pecunia* promissa erat, & *magistratus, quem accusatus gereret, militiaque vacatio ipsis liberisque & nepotibus.*

VII. His motus, opinor, Capito, Vellei historici patruus, Agrippæ subscripsit in C. Cassium. Nam M. Agrippam Cassio Cæsar, L. Cornificium Bruto accusatores apposerat. Nihil erat actum damnatione reorum, nisi & vi armisque possent superari. Namque Brutus atque Cassius *jam habere legiones circiter viginti* dicebantur. Idcirco Cæsar, ad hos debellandos amicitiam Antonii sibi necessariam fore videns, a quo propter affinitatem dissociari Lepidus nequiret, eo contulit consilia, ut hos interim haberet adjuutores, postea, sublati eorum ope percussoribus, ipsos quoque tollendi rapturus aut facturus occasionem.

VIII. Ne tamen ejus propositi emanaret intempestiva suspicio, neque de rebus iis retulit, & quasi bellum illaturus hostibus judicatis, ad mare superum lentis itineribus processit. Interea ex composito Q. Pedius ad senatum *de venia Lepido atque Antonio concedenda* retulit. Alia jam plane rerum facies esse cœperat, ut, qui modo pro defensoribus libertatis habiti fuerant, tanquam hostes & parricidæ in execratione essent: contra despecti modo & tantum non hostes patriæ judicati, non benevoli tantum fideique reipublicæ, sed etiam civitatis ac senatus patroni haberentur.

IX. Igitur ad Cæsarem senatus misit, tanquam ignarum eorum, quæ agerentur, ut hujus sententiam exquireret. Atque is, *omnia alia cupientem, vi militum adigi ad consentiendum*, rescripsit. secutumque senatusconsultum, quo prius decretum antiquabatur, cum amicis ad eos literis. Eam ob causam senatui gratulatus est Cæsar, Antonioque scripsit, *auxilio se venturum adversus Decimum, si ei videretur.* Ob hæc collaudatus ab iisdem Patribus, quibus paulo ante

§ VI. Sueton. in Aug. c. 27 & 83. Appian. Dio. § VII. Vellej. 2, 69. Plut. in Brut. Appian. Dio. § VIII. Appian. Dio.

nihil Decimo carius, nihil execrabilius Antonio fuerat. Adeo facile convelluntur animi externa tantum spectantes, quotiescunque eorum, a quibus dependent, aliqua intervenit conversio. nec enim abripi fluxu mortalium fas est, quisquis constantibus verisque bonis innititur.

X. Sed Antonius respondit, in *Decimo se vindicaturum Cæsaris injurias, in Planco suas; Cæsarique se conjuncturum*. Hinc vero D. Bruti res subito miserandum in modum labare cœperunt. Is tertio post Mutinensem pugnam die insequi Antonium orsus, postquam receptum a Lepido audiit, cum L. Planco, qui designatus una consul sequentem in annum fuerat, consilia viresque sociaverat. Sed ubi se damnatum esse Romæ, Alinium Pollionem, semper Julianis partibus fidum, cum suis legionibus accessisse Antonio, & insuper sollicitare Plancum cognovit; diffidens rebus suis, adversus Cæsarem convertere signa cœpit.

XI. Sed desertus a Planco, mox etiam petitus infidiis, extremam in desperationem incidit. Nam Plancus, frequentibus epistolis multa de se senatui, multa Ciceroni liberaliter & facunde pollicitus, ad potentiores desciverat: quatuor transductis ad Antonium legionibus. Idcirco Brutus, numero, quam viribus, ampliores copias agens, quod ex decem legionibus una tantum veteranorum erat, altera bina, æque nondum satis ex inopia Mutinensi recreatæ; relicta Gallia, per Ravennatem & Aquilejensem agrum in Illyricum ducere conatus est, ut in Macedoniam ad M. Brutum evaderet.

XII. Sed quando istam quidem viam Cæsar & Antonius obseperant, & in Japydia congressum repulerant: relictis machinis, alia longiore atque difficiliore via Rhenum petere statuit, atque ibi transiectus per Germaniam proficisci. Sed ubi consilium ejus emanavit in milites, desperare omnes, atque alia circumspicere præsidia cœpe-

§ IX. Euseb. Dio. Appian. § X. Cic. familiar. 10, 24 & 11, 13. § XI. Cic. familiar. 10, 24 & 11, 15. Dio. Vellej. 2, 63. Appian.

runt. Primum ad Cæsarem sex transferunt tironum legiones cum auxiliis suis: reliqui mox omnes ad Antonium, solis permanentibus Gallis equitibus, quibus custodiam corporis sui crediderat.

XIII. Cum his per Salassos, emto transitu, singulisque in capita denariis datis, penetravit in Galliam, dimissisque & donatis, qui domum reverti maluerant, cum equitibus omnino trecentis ad Rhenum venit. Ibi vero, dum ad difficilem plerumque periculi transitum cunctatur, paulatim desertus, decem tantummodo comites retinuit. Idcirco hac ipsa paucitate spem dante fallendi, rursus Aquilejam petere constituit, Gallico habitu sumto; nam & linguæ non ignarus erat.

XIV. Sic oberrans, cum captus a latronibus Sequanivinctusque esset; *cujus esset ea ditio*, interrogavit. Ubi responsum est, *Camilli esse*; *duci ad eum*, postulavit, quod sua quædam beneficia Camillus habebat. Sed ille, palam objurgans suos, *qui per ignorantiam in tantum virum injuriose peccavissent*, clam nuntios ad Antonium misit. ille propere Furium quendam cum equitibus ire jussit: a quo trucidatus est Brutus. Caput ad se delatum inspexit Antonius, sepeliri que jussit. Nec obliteranda duorum amicorum Bruti memoria, quorum alter in gratiam ejus sibi conscivit necem; alter, cum mori pro eo cuperet, invitus supervixit.

XV. Territus equitum adventu Brutus in latebras se abdiderat. Has ubi repererunt Antoniani, Sex. Terentius obtulit se irrupentibus, Brutum simulans, ac obscuritate loci sperans fallere. Sed agnitus a Furio, servatusque est. Brutum, casus suos deplorantem, & inani subterfugio subtrahentem gladio cervicem, Helvius Blasio ad ferendam fortiter mortem, non voce tantum, sed & exemplo suo excitare nifus est; sibi que ultro intulit manus. Nec ultra profectum, quam ut præ metu mortis vecors homo, Fu-

§ XII. Appian. Illvr. & civil. § XIII. Strab. l. 5. Appian. Oros. 6, 18. § XIV. Appian. Vellej. 2, 64. Val. Max. 4, 7. Liv. Epit.

rio admonenti, *constantius præberet cervicem*, responderet his ipsis verbis: *Ita vivam, dabo.*

XVI. Sic alter hic post C. Trebonium pœnas interfecti Cæsaris dedit: & sub idem fere tempus alius ex percussoribus Minucius Basilus, cum per iram quosdam servorum castravisset, a familia interemptus est. At Antonius maximi rursus exercitus imperator, adjuncto Lepido, cum decem millibus equitum, & legionibus septemdecim, Alpes iterum transcendit; sex relictis in Gallia, sub compotore suo, L. Vario Cotyla. Necdum enim satis fidebant Cæsari: neque etiam magis illius beneficio, quam suis viribus, restitutos videri decorum rebantur. Similiter in hos affectus animo Cæsar, Bononiam occurrit cum valida manu. calidos & tempori servientes facile mutuus metus jungit: iræ atque odia in occasionem differuntur: fit pactio, ut inter sese de rebus omnibus colloquantur. & quia par utrobique timor erat, omnia sollicitè exæquantur.

XVII. Et fortuna providerat. Medio inter diversa castra spatio, nomine, non magnitudine, par Germanico Rhenus parvam insulam efficit, (hodie peninsula esse dicitur) plano solo, & parum insidiis apto. Ad hujus viciniam adduci legiones quinas placuerat: deinde, his æquali spatio relictis, pergi cum trecenis comitibus ad pontes. duo enim erant, hic Cæsaris, ille Antonii castra respiciens. Hoc ubi factum, Lepidus, cui cum neutro simultas fuerat, præmissus ad speculandum, essetne omni ex parte vacua insidiis insula, paludamentum extulit.

XVIII. Eo signo conspecto, utrinque relicto ad pontes comitatu, Cæsar & Antonius in media insula, loco undique conspicuo, ubi fellæ erant positæ, congressi sunt: seque mutuo, ne forte sub alis pugiones haberent, excusserunt. Inde Cæsar, tanquam consul, in medio; ceteri lateribus ejus assederunt: submissaque voce collocuti sunt, ne quid ab iis, quos ad pontes adduxerant,

§ XV. Val. Max. 9, 13. Senec. ep. 82. § XVI. Appian. Oros. 6, 18. Dio. Plut. in Anton. c. 24. § XVII. Plut. Appian.

excipi posset. Hoc continuo biduo factum, ut ab orto die ad occasum usque contenderent. Tertio demum die cessit Cæsar, ut inter alios, qui exitio communiter destinabantur, proscribi Ciceronem pateretur: *sine qua conditione* negabat Antonius *reconciliationem fieri posse*; atque Antonio Lepidus assentiebatur.

XIX. Eratque tantus hominum furor, ut vicissim Antonius avunculi sui L. Cæsaris, Lepidus fratris Paulli necem gratificarentur; dum inimicos tollerent, ne quidem necessariis parcentes, & præterea odio suorum, a quibus increpati forte fuerant, accensi. Ceterorum, quæ tunc decreta sunt, hæc summa fuit: *Cæsar consulatum in reliquam anni partem P. Ventidio cedat. Tresviri reipublicæ constituendæ per quinquennium sint, eumque magistratum Lepidus cum Antonio ac Cæsare consulari potestate gerant: iidemque confestim in istud quinquennium magistratus urbanos designent: in his neque senatus auctoritate, neque populi jussu sit opus: provincias seorsim Lepidus Hispaniam omnem cum Narbonensi Gallia; cetera Galliarum citra & ultra Alpes Antonius; Africam utramque, Sardiniam ac Siciliam Cæsar obtineant.*

XX. Transmarinæ provinciæ silebantur, sive ut opinionem efficerent Tresviri, non omnia se sibi cupere; sive potius, quia tum illæ in potestate percussorum, & bello repetendæ erant. *Id vero bellum Antonio Cæsarique demandari, Lepidum in locum D. Bruti consulatum invadere, Romanamque & Italiam custodire placuit, Hispanias & Narbonensem per legatos obtinere. Ad hæc tres ei legiones sufficere visæ; ceteræ ita distributæ, ut viginti Antonius, totidemque Cæsar haberent. Militibus, inter alia victoriæ præmia, coloniæ quoque promissæ duodeviginti urbium Italicarum, quarum in ædificia finesque deducerentur.*

XXI. Neque contentissima ea pars Italiæ erat, sed pulcherrima oppida latissimusque ager destinabatur, Capua,

§ XVIII. Dio. Appian. Plut. in Cic. § XIX. Senec. suafor. 6. Flor. 4. 6. Plut. in Anton. c. 25. Cic. ad Brut. ep. 2. Appian. Liv. Epit. § XX. Dio. Appian. Plut. in Anton. Flor.

Rhegium, Venusia, Beneventum, Nuceria, Ariminum, Vibona. In has conditiones junxerunt manus, jurejurando interposito: & quia Diis testibus non satis obstricta fides videbatur, etiam advocarunt exercitus. iisque Cæsar, pro honore magistratus, quem gerebat, de scripto recitavit omnia, præterquam de proscriptione quod convenerat. Sic exercitus inter se consalutaverunt, & quo firmior esset imperatorum concordia, postulatum est, *uti velut obfidem reconciliata gratia, privignam Antonii Clodiam, vixdum nubilem, Cæsar duceret.*

XXII. Assensit adolescens, fatis gnarus, ad servanda conventiona non fortius affinitatis vinculo, quam ceteris, adstringi potentes & cupidos: & modo patrem suum Cæsarem, quo minus Pompejum everteret, ea necessitudine nihil impeditum fuisse noverat. Tum etiam ostentum ei factum ferunt, quo ad summæ rei spem acrius excitaretur. In castris ejus luce prima in culmine prætorii, super linteum aquila sedens, duos corvos hinc inde infestantes afflixit, & mortuos dejecit in terram, notante universo atque exitum præfagiente exercitu, *futurum, ut ex tribus hic solus superstes & victor esset.*

XXIII. Trahebantque eodem, quod, paulo antequam in Italiam regrederentur, in castris Lepidi, centurionis gladium circumvolutus anguis vinxerat; & in tabernaculum Lepidi lupus irrumpens, everterat mensam. id everse potentie fuisse præfagium crediderunt: Antonio voluptatum insaniam, & ex his perniciem ostendi, quod circa fossam castrorum ejus lac fluxerat, & concentus quidam fuerat exauditus. Nec urbana mala prodigiis caruerunt. canum ululatus, luporum per forum discursus, bovis & infantis recens nati sermo, simulacrorum sudor sanguine mixtus, clamores pugnantium, strepitus armorum equorumque currentium, apparente nullo, solis varie mutata species,

§ XXI. Flor. 4, 6. Dio. Appian. Sueton. in Aug. c. 62. Orosg. 6, 18. § XXII. Vellej. 2, 65. Dio. Jul. Obseq. Sueton. in Aug. c. 26.

lapidum imbres, ædes sacrae statuaque de cœlo tactæ multum timoris incusserant; sed ille in immensum crevit ex eo, quod inter procuranda hæc prodigia evenit.

XXIV. Quippe Tuscus haruspex, *actum esse de libertate, & antiqua redire regna, seque excepto uno, ceteros servituros omnes*, vaticinatus, compressit spiritum, vivendique finem sibi posuit. At Tresviri, tollendos ante omnia præcipuos inimicorum rati, ne consiliis suis impedimento forent, percussoribus in urbem præmissis, occupari statim duodecim, vel ut alii tradunt, septemdecim imperarunt, & in his M. Ciceronem. Horum quatuor statim in publico, aut inter convivia, reperti occisique, ceteri per sacra ac profana omnia tumultuosissime quæsit, tantum excitarunt pavoris, ut tota nocte cum ejulatu ac clamore, quemadmodum captis urbibus solet, discursaretur.

XXV. Et quia nomina proscriptorum nondum erant publice proposita, se quisque peti ratus, in eam desperationem venerant, ut alii suas, alii publicas ædes incensuri essent, ne inulci morerentur; nisi Q. Pedius consul summa diligentia, hac illac volitans, *bene sperare* jussisset, & *expectare diem*, *vanos aperturam timores*. Deinde quamprimum lux apparuit, nomina septemdecim illorum edidit, *auctores malorum omnium* incusans, & securitati ceteris promissæ fidem publicam interponens. necdum enim, quid de proscriptione Tresviri constituissent, cognoverat.

XXVI. Sed ille quidem proxima nocte, per nimiam contentionem ruptis vitalibus, interiit. Tresviri paulo post ingressi sunt triduo, cum cohortibus prætoriis & singulis legionibus. Primo die Cæsar, sequenti Lepidus, tertio Antonius intrarunt. statimque patuit, funus apparari reipublicæ. Namque dispositis per urbis opportuna stationibus, concionem populi P. Titius tribunus plebis advocavit, legemque simul promulgavit atque pertulit: *Reipublicæ constituendæ Tresviros in quinquennium creari cum potestate consulari*: (hoc verbo utebantur, cum plus quam regiam rapuissent) *eos esse*

M. Lepidum, M. Antonium, C. Cæsarem, ex ante diem V Kal. Dec. in ante diem prid. Kal. Jan. sextas.

XXVII. Unum etiam ad summam indignitatem deerat, ut curatis precibus exorandi essent suscipere honorem, quem, oppressis legibus, vi ac fraude invaserant. Igitur & sacrificatum est, tanquam ob magnam & repentinam felicitatem, & ad consuetum habitum senatus rediit: quamquam & ex iis, quæ agebantur, & ex prodigiis recentibus, imminentium rerum gravis cura occupasset animos. Nam & armorum telorumque species a terra visæ cum fragore ad cælum ferri: & in fastigio ædis Æsculapii examen apum; supra templum Genii publici, itemque Concordiæ, vultures confederant. Nam & hæc præfagire convulsionem boni status, fugamque & cades credebantur: quod post constitutam sedem opesque industria paratas, fumo & turbulento æris strepitu apes pelluntur; & vulturibus hanc inesse naturam sagacitatem putabant, ut triduo aut biduo ante circum ea loca oberrent, ubi cadavera futura essent.

XXVIII. Neque diu his expectandum fuit. statim enim atque magistratum Tresviri acceperunt, super septemdecim illos, proscripserunt alios centum triginta, eorumque nomina variis per urbem locis proponenda curarunt. Neque multo post alios adjecerunt centum quinquaginta. deinde sæpius, & subinde plures, ut aliqui recens damnati erant, aut etiam indemnati perierant, ne innocentes occisi viderentur. Redit Sullanæ crudelitatis exemplum: funeribus urbs completur: per domos, vias, fora, theatra, templa sanguis funditur, capita in rostris proposita, mox ad Triumviros deportantur: corpora abjiciuntur in profluentem, aut canibus avibusque estæ relinquuntur.

XXIX. Nec fidum cuiquam aut tutum quidquam erat, quando & excipientibus eadem poena erat proposita, & abscondentibus, & vetantibus excuti domos suas, atque

§ XXVI. Dio. Appian. Fragg. marmor. ap. Pigh. § XXVII. Jul. Obseq. Dio. Plin. 10, 6. § XXVIII. Appian, Oros. 5, 21. Flor. 4, 6. Aug. de civ. Dei 3, 27. Dio.

aperiri perspicique conclavia omnia. Neque interfectorebus modo promissa erant præmia, sed & indicibus cujuslibet hoc genus facti. Sed edicti sanguinarij hunc in sensum concepta formula fuit.

XXX. *Nisi tanta quorundam esset tamque insanabilis improbitas, ut servari nescirent, & servatoribus ulro timendi essent, nihil ad summam humanitatem atque clementiam desiderari hoc tempore pateremur. Sed occisus Cæsar documento nobis esse debuit, ne aut vindictam illius, aut nostra pericula negligeremus. Neque vero consilium hoc nostrum iniquitatis aut scævitiæ arguet, quisquis & ipsi & nobis illatas injurias expenderit. Illum quidem & imperatorem & pontificem maximum, excisis aut subactis validissimis nationibus, quæ populo Romano terrori semper fuerant, novas trans Oceanum terras aperientem imperio, in media curia, loco sacro, sub oculis Deorum interemerunt ii, quos aut in summa sua gratia amicitiaque constitutos, aut bello victos, clementia servatos, ad summos honores opesque provexerat, partim etiam testamento heredes instituerat.*

XXXI. *Nec occidisse contenti, tribus & viginti vulneribus lacerarunt, ut scævitiæ & perfidiæ ludibrium adjicerent. Ceteri vero boni viri, tantum abest, ut animadvertere in parricidas conati sint, ut etiam magistratus illis, provincias, exercitus darent. queis illi abusi, publicas diripuerunt pecunias, atque inde majores adversus nos copias compararunt. quin &, accitis barbarorum auxiliis, atque eorum barbarorum, qui semper hostili animo in populum Romanum fuerunt, Romani juris civitates, quotquot imperata facere sceleratorum hominum recusabant, vi metuque adegerunt ad partes; alias etiam diruerunt cremaruntque.*

XXXII. *At nos ab aliquibus horum jam sumimus pænas; idque ut videatis etiam in reliquis, Dii dabunt. Quod igitur, constituta domi republica, magnisque per Hispanias, per Gallias gestis rebus, unum etiamnum grave certamen contra parricidas, qui transmarinis provinciis incubant, certaturi sumus; nec tutum esse, nec aut nobis aut patriæ utile arbitramur,*

dum gerundi belli causa peregre absumus, hostes a tergo relinquere, qui temporibus nostris insidientur, & nobis, alibi occupatis, denuo fluctus aliquos in urbe atque Italia excitent.

XXXIII. *Igitur ne dilatum quidem oportuit, quin e vestigio de medio tollerentur: quando ipsi priores denuntiarunt nobis periculum, bellumque intulerunt, hostes judicando & nos, & qui nobiscum essent exercitus. Nec vero nimium aut invidiosum rati sunt, tot simul civium millia destinare exitio: quos imitaturi non sumus. neque enim molesti ulli multitudini erimus; neque etiam ex divitum aut honoratorum numero inimicos omnes conquiremus; sed in pessimum tantummodo & scdisimum quemque advertemus.*

XXXIV. *Igitur licet plures esse inimicos credibile fiat tribus, quam uni: pauciores tamen puniemus, atque alius ante nos imperator in constituenda republica fecit, quem vos ob rem bene gestam felicem cognominastis. Sane etiam vestra non minus, quam nostra refert, esse aliquem certaminum finem, exscindique velut radices bellorum, quibus jam olim atterimini, paulo post interituri cum republica, nisi causæ ducesque factionum tollantur. Expedit etiam, nonnihil facere in gratiam exercituum, ne injurias suas contemni a nobis putent.*

XXXV. *Et poteramus quidem comprehendere citra negotium, quos supplicio addiximus; sed vestræ salutis ergo, ne velut in cæca licentia militum ira latius, quam sit imperatum, evagetur; proscribere nominatim, certoque atque definito numero malumus. Quod igitur faustum felixque sit, nobisque & reipublicæ salutare, quorum huic edicto subjuncta sunt nomina, eorum neminem recipere, celare, dimittere quisquam velit; neque pecuniam accipere, quo quidquam eorum faciat: qui secus faxit, inter proscriptos & ipse referatur. Capita occisorum ad nos reportantur: in singula, si liber retulerit, vicena quina sestertia; sin vero servus, cum libertate & civitate, quam herus habuerit, dena dantur: indicibus paria præmia sunt. nomina præmium accipientium in occulto manento, nec in commentarios referuntur.*

XXXVI. *Hac clausula timori occurrebatur, ne quis*

exemplo M. Catonis quæstoris repetere aliquando data hoc nomine præmia posset. Proposita deinde proscriptionis est tabula, &, velut ordine servato proscribentium, quorum primus fuerat Lepidus, proximus Antonius, primo loco Lepidi frater proscriptus est Paullus; secundo L. Cæsar avunculus Antonii; quod horum quoque sententiis judicati hostes illi fuerant. proximi, frater L. Planci Plotius, & L. Quinctius Pollionis Asinii socer legebantur; cum Asinius & Plancus alia tabella, juxta posita, designati consules nuntiarentur.

XXXVII. Ejusmodi viros in primis tabulis proscribi placuerat, ne quis aliorum sperare veniam auderet. His additus C. Toranius, qui tutor Cæsaris, idemque patris ejus Octavii collega in ædilitate fuerat. Erant omnino multis de causis graviora hæc Sullanis temporibus mala: non ob multitudinem occisorum; quin aliquanto minor numerus tum interiit, patentibus adhuc effugiis, & errore sublato, qui in proscriptione Sullæ multos, de quibus non erat cogitatum, sustulerat. Cum enim factum hoc recordarentur Tresviri, ne periculum ex similitudine nominum aliis, quam qui peterentur, esset, seorsim senatores, in alia tabula ceteros proscripserunt.

XXXVIII. De numero tamen auctores dissentiunt. Qui plurimum ponunt, senatores proscriptos circiter trecentos tradunt, equitum duo millia; qui minimum, senatores centum triginta. Sed priori proscriptione minus & apud interfectores malitiæ, & apud interfectos miseriarum fuit. Jussu enim imperatoris, nec invisos antea, nec infensos, subito percutiebant; ut temporis magis imputari hæc crudelitas, quam animo, posset: & qui peribant, ante metum mortis occisi, nece tamen simplici defungebantur. Tum vero nondum exolescente superiorum malorum memoria, quin & superstiti aliquo numero, qui pars illorum fuerat, (nec enim amplius septem & triginta anni inter-

§ XXXVI. Oros. Appian. § XXXVII. Sueton. in Aug. c. 27. Appian. Dio.

erant) magno autem eorum, qui audiverant recens per-
petrata; eveniebat, ut & qui facturi essent eadem, qua-
dam improbitate superare propositum exemplar studerent,
& qui passuri, omnium cruciatuum, quos cuiquam acci-
disse meminerant, in semetipsos speciem atque dolorem
imaginando timendoque exsequerentur.

XXXIX. Hoc quoque nomine gravior erat triumviralis
proscriptio, quod Sulla tantum inimicos tollebat, aut ex
ceteris prædivites; (his enim præcipue timenda est omnis
rerum conversio, ipsis opibus desideria potentiorum irri-
tantibus;) nunc autem non inimici modo aut divites,
sed amicissimi quique, præter & ipsorum & omnium ex-
spectationem proscribebantur. Non enim unis tantum de
causis stringebantur Triumvirorum gladii: sed & priva-
tim invisi peribant; & multo plures eorum, qui domina-
tum affectantibus ullo modo obstare videbantur. Idcirco
quisquis unum horum præcipuis affectatus studiis fuerat,
a duobus pro hoste notabatur; & quia duos offenderet
unus nolebat, etiam ab hoc odium reddebatur pro gra-
tia: ut idem homo & amicissimus cuipiam horum, & ini-
micus omnium videretur. & quia invicem se cogitabant
pessumdare, non minus spoliare sese mutuo amicis, quam
tollere hostes, studebant.

XL. Igitur ut hoc assequerentur, valde illiberali per-
mutatione concedebant invicem necessarios suos ad ne-
cem, ut vicissim alterius familiares tollerent. & si quidem
par videretur ratio, singuli pro singulis dabantur, inter-
dum & pro uno præpotente tres minore dignitate, aut
quatuor. Tria igitur ad summum delicta erant, quæ morte
vindicanda judicabant, qui tum rerum potiebantur. Unum,
si quis inimicus esset: alterum, si amicus uni aut duobus
reliquis collegis: tertium, si magnas opes possideret. quod
enim ad perficienda, quæ animo destinaverant, plurima

§ XXXVIII. Appian. Dio. Plut. in Anton. c. 26. Liv. Epit.
Oros. 6, 18. Plin. 6, 43. § XXXIX. Lactant. 6, 12. Dio.

pecunia erat opus; quemlibet hostium habebant numero, a quo illa teneretur.

XLII. Cassius enim & Brutus ex Asiæ vectigalibus, vicinorumque regum atque tetrarcharum collatione, magnas atque paratas habebant opes: his Europa restabat, vacua, & continuis exhausta bellis. Igitur inter alia sæva & pudenda, puerum quendam virilem togam fumere coegerunt, ut tanquam virum occiderent. Atilius is fuit, qui deducantibus eum ex more amicis, repente inter conjuratos adscriptus est.

XLIII. Atque ita desolatus fuga fervorum atque comitum, cum ne mater quidem eum præ metu recepisset, in montana confugit: mox fame premente degressus in planitiem, a plagiario quodam interceptus est, (nam id quoque genus per incerta temporum grassari cœperat) & ergastulo inclusus. At ubi puer delicatus inopiam, captivitatem, labores ultra perferre non potuit, cum iplis compedibus, occasione captata, proreplit in viam, &, cum indicasset se prætereuntibus, occisus est. Alius etiam impubes, dum in ludum com meat, cum pædagogo suo, qui corpus pro puero objecerat, interfectus. Atque hæc talia moveri a quolibet, sed geri sine consensu Trium non poterant: ut minime credam excusanti Cæsarem Dioni; quamquam sane postea, cum rerum solus potiretur, benignum & placabilem se exhibuit.

XLIII. Jam enim proscriptionibus aut bello sublatum erat, quidquid obstare dominationi ejus potuisset. Equidem hunc adolescentem ipse Dio hætenus, pro potentia scelerum non segnem ubique depinxerat: & sunt auctores haud contemnendi, tantoque potioris in hac causa fidei, quanto enisus extollunt in ceteris Octavianum & mirantur, qui scribunt, *eum restitisse quidem aliquamdiu collegis, ne qua fieret proscriptio, sed inceptam exercuisse utroque acerbius.* Id sane concesserim, eum non tam indigna perpetrasse, sicuti reliquos, sed percussores maxime Cæsa-

ris fuisse persecutum : ceterum *ea quoque* sane *multa cades fuisse* dicitur ; neque video, quomodo eum suspicione appetitarum pecuniarum liberem, & ob eas aliquando laxati cædibus freni. Sed ne inimicos quidem, præter paternos, ei defuisse constat ex eo, quod adversus ipsum facta sunt senatusconsulta, legiones excitæ, urbs firmata præfidiis, uti superiore libro vidimus.

XLIV. Sane Tanusiæ fidem adjuvit atque Philopœmenis. Uxor illa T. Vinii, hic libertus fuit : conditumque in arca, quales codicibus aut servandæ pecuniæ adhibentur, in ædes liberti Tanusia transtulit. Hic occultatus est, donec obiisse Vinium homines crediderunt. Tum ludorum publicorum solemnitatem captans Tanusia, quos propinquorum ejus quidam edebat, per Octaviam sororem Cæsaris, quæ multis eo tempore salutis fuit, obtinuit, ut solus Triumvirorum Cæsar in theatrum veniret ; arcamque illatam aperuit, Cæsarique rem indicavit. Ille miratus fidem & ingenium eorum, qui commenti rem hanc fuerant, silentioque texerant, impunitatem concessit omnibus : Philopœmenem quin etiam postea equestri dignitate decoravit.

XLV. Servati sunt etiam eodem tempore plures proscriptorum ab uxoribus, quarum tum summa comperta fides est, cum libertorum media, fervorum aliqua, filiorum nulla adverteretur. Certe Thuria Q. Lucretium, qui postea consul factus est, inter cameram & tectum cubiculi, una conscia ancilla, toto tempore textit : quamquam & in hoc fervorum fuit egregia fides. quippe vagatus aliquamdiu cum duobus, inopia cogente, succollantibus iisdem, in urbem revertebatur, pro ægroto ratus latiturum.

XLVI. Deinde cum alter bajulorum, fracto crure, herum destituisset, innixus alteri pergebat : donec ex eadem porta, ubi pater ejus, Sulla proscribente, captus occisusque fuerat, armatam cohortem procurrare videns, omine simul loci, simul conspectu militum conterritus, in sepulcrum,

§ XLIII. Sueton. in Aug. c. 27. § XLIV. Dio. Appian. § XLV. Sueton. in Aug. Vellej. 2, 67. Val. Max. 6, 7. Dio. Appian.

quod forte in agro erat, se illatebravit. Ne ibi quidem tutum ei quidquam fuit, furibus eo delatis, qui effodere sepulcra conlueverant. sed dum iis se spoliandum servus præbet, effugium ad portam Lucretio fuit: isque expectavit venientem, &, parte data vestium suarum, cum eo perrexit domum: receptusque ab uxore & occultatus, precibus amicorum veniam deinde impetravit.

XLVII. Ligarium autem quendam uxor celaverat. post ab ancilla, quæ sola rem norat, proditum lugens, caput auferentes milites cum clamore sequebatur, se quoque occidi iubens, quæ celasset virum: nam & ex his cædibus esse præmio locum. Cum hi non moverentur, ad Tresviros procurrit, eadem ingerens. Ubi & hi dissimularunt, inedia se confecit domi. Sulpicia vero cum diligenter a matre Julia esset asservata, ne Lentulum Cruscellionem in Siciliam sequeretur, ancillari habitu cum duabus ancillis totidemque servis, omnia, quam virum relinquere, & vel vitæ discrimen adire maluit; reperitque Messanæ humistratum, & desiderio uxoris se afflictantem, quamquam dux copiarum a Sex. Pompejo, ad quem profugerat, creatus esset.

XLVIII. Acilium uxor redemit a militibus, omni suo mundo dato: servaruntque illi fidem, atque etiam navem conduxerunt in Siciliam fugituro. Apulejum coegit sua, ut comitem fugæ ascisceret, indicium minata, si, se relicta, proficisceretur. Atque comitatus iste profuit, minime proscriptum suspicantibus obviis, qui cum uxore, servis atque ancillis, publica Via tam secure iter faceret. Antium conjugis industria stragulis involutum per bajulos ad mare transtulit, unde trajecit in Siciliam.

XLIX. At C. Antistius Rheginus non vulgari modo servatus est. missus in cloacam ab uxore, proximum diem fœtore defensus latuit: nocte carbonarii habitu indutum, carbonibus onustum asinum præ se agere iussit; ipsa minime longo intervallo in lectica antegrediebatur. Cum ven-

tum ad portam esset, accurrit miles quidam, & læticam curiose scrutatur: celeriterque superveniens Rheginus orat militem, *ne molestus esse mulieribus pergeret*. Ille, dum contemtim tanquam cum carbonario rixatur, agnovit hominem, aitque, *perge latus sospesque, imperator: hoc enim tibi nomen atque hanc fidem etiamnum a me deberi sentio*. nam sub eo pridem in Syria meruerat.

L. Neque dedignentur optimæ matronæ, pari pietate conjungi sibi Coponii uxorem; quamquam illa ceteris infelicior, servatam eo usque pudicitiam, redimendi viri causa, M. Antonio prostituit. Neque minus M. Lepidus gratiæ aut precibus exorabilem se præbuit. Hoc enim connivente, centurionum humanitas, fratrem imperatoris sui reverentium, effugium L. Paulo in Græciam dedit; unde mox cum M. Bruto Miletum profectus, hanc exilii sedem habuit. Alias enim difficulter evadere proscripti poterant, quia statim, tabulis propositis, stationes ad portas, aliosque urbis exitus oppositæ sunt, portus etiam pari diligentia observati, lacus quin etiam & paludes, & quidquid vel effugium præstare posse, vel latebras videbatur.

LI. Igitur & intra urbem & extra discurrentibus passim centurionibus multi trucidabantur: virique, modo summa in auctoritate constituti, ad effugiendam necem, habitus aut locis obsecenis occulebantur. Neque percussores tantum timebantur, ut non plus sollicitudinis a familiaribus esset. Alium infensa uxor, alium ingrati liberi habebant anxium: plerique libertos servosque suos, aut debitores, aut vicinos metuebant. Omnium odiis, quacunque occasione cœpissent, tristissima tempora viam ad vindictam patefecerant. Igitur senes, summis honoribus usi, ad mancipiorum suorum accidebant genua, misericordiam orantes: neque hoc erat indignissimum, sed quod plerumque nihil tanta humilitas supplicandi proficiebat.

LII. Tanto deterior tum erat Romæ, quam bello & ab

hoste oppressis esse solet, conditio: nam illi cum ab externis urgeantur, in fide tamen atque caritate domesticorum acquiescunt; hic vero non scelus modo atque offensas suorum, sed & cupiditatem, &, ne quid mali deesset, timorem quisque metuebat. Quos enim nulla propria ira stimulat, ii spe ostentati publice præmii, aut diripendarum opum herilium abripiébantur: optimum quemque atque modestissimum, minæ Triumvirorum absterrebant, ne quam suis opem ferre sustinerent.

LIII. Reliqua vero multitudo aut investigabat proscriptos, prodebatque ad necem; aut occisorum, direptis bonis, diruebat domos. pauci, qui relinquebantur, boni prudentesque summo cum stupore fatum intuebantur urbis; cum alias civitates, dissensione civium afflicta, concordia restitutas esse didicissent; hanc eorundem hominum discordia vexatam esse, concordia propemodum everti cernerent. Miserabilis enim erat, supra quam cogitari possit, facies, & varia mortis imago: cum alii percussoribus suis repugnarent, tanquam latronibus; alii cervices præberent, gnari, ministros hos, non auctores suæ calamitatis esse; multi, ne tamen inimicorum arbitrio morerentur, fame, laqueo, præcipitio se conficerent, aut in aquam ignemve jacerent corpora.

LIV. Multi quoque per errorem, aut privata odia, præter mentem Triumvirorum occisi: quorum cadavera facile dignoscebantur a proscriptis, quia proscriptorum capita demebantur deportanda ad Tresviros. Sed & eorum, qui eadem evaserant, mira varietas fortunæ fuit. Nonnulli, priusquam superare maria possent, naufragio hausti: alios eadem urbs, quæ tum proscriptos atque fugientes, mox lætiora ad tempora servatos in magistratibus atque imperiis vidit. tantum rebus humanis inconstantia inest; qua non modo parvæ civitates jactantur: sed illa regina prope rerum Roma, invicta armis, constituta legibus, exornata

ingeniis, nullius eorum, quæ per homines contentis studiis appetuntur, indiga, suis ipsa bonis ad summam suam miseriam abusa est.

LV. Eandem tamen paulo post recreavit idem ille Cæsar, a quo tum propemodum extincta est: ne quis aut lætis rebus timere duras, aut tristibus sperare meliores desinat. Quamquam sane minus fallantur, qui deteriora expectant in dies: quando tam facile crescit improbitas, & alioquin hæc est vitæ conditio, ut nocere cuilibet in promptu sit; conservatio rerum atque instauratio, bonis a. tibus, iisque multis indigeat. Unius pueruli incogitantia male custoditus ignis consumere paucis horis oppidum potest, quale multis annis aliquot hominum millia restituere nequeant. Sed ad res Romanas revertor, præter enarratos antea casus, paucos adhuc relaturus, præ ceteris in utriusque fortunæ exemplum dignitate hominum, aut raro miroque eventu notabiles.

LVI. Sergius apud ipsum Antonium delituit, donec ei consul jam Plancus, Antonio auctore, reditum impetavit. Nam inter summam crudelitatem, multas tum ostendit Antonius clementiæ stricturas: certe Attico, apud P. Volumnium latenti, sua manu scripsit, *ne timeret, statimque ad se veniret. se eum, & Q. Gellium Canum* (is una latebat, æqualis & familiarissimus Attico) *de proscriptorum numero exemisse.* misitque præsidium eis, ne per noctem in periculum aliquod inciderent. At Salvius tribunus plebis, quamquam, ne hostis judicaretur, Antonius intercesserat, tamen diffidens ob alia, convivium amicis dabat, quasi non diu cum ipsis futurus postea.

LVII. Supervenerunt armati, omnibusque præ metu exsiliis, quiescere ceteros centurio iussit, Salvium cervices præbere: capillisque prehensum supra mensam traxit, quantum opus erat, ut caput præcideretur. quo correpto abiens, imperavit ceteris, *tenerent sese, quo essent, loco*

quieti, ne similia paterentur. Ergo etiam post centurionis discessum, in multam noctem, cum relicto tribuni corpore, attonitis & fulminatis similes accubuerunt. Post hunc Minutius prætor, inter habenda comitia, in foro occisus est; cum, audito periculo, in tabernam quandam veste mutata confugisset, indicio licitorum proditus, qui per ineptam pietatem discedere cunctabantur.

LVIII. Alterius prætoris L. Villii Annalis, itemque viri prætorii C. Toranii exitus, nec sine scelere filiorum, nec sine sceleris vindicta commemorari potest. Annalem, dum in Campum cum filio quæsturæ candidato descendit, comites repente deseruerant, proscriptum audientes. Idcirco ad clientis vile tectum in suburbio confugiens servari potuisset; nisi nefarius juvenis, rem suspicatus, eo deduxisset milites. Atque is auctor spectatorque paternæ necis, cum Triumvirorum impia liberalitate paterna bona, simulque ædilitatem obtinuisset, vino obrutus, ab iisdem militibus, qui patrem occiderant, orto jurgio, interfectus est.

LIX. C. Toranii latebras, ætatem, notasque corporis, quibus agnosci posset, detestabilis filius centurionibus edidit. a quibus repertus senex inducias petiit, *donec filius ab Antonio*, cujus secutus partes fuerat, *aliquid impetrasset.* Cui ridentes illi, *impetravit*, inquit, *sed mortem tuam.* Hoc audito, iterum petiit *brevissimum spatium*, filiamque accitam monuit, *abstineret hereditate paterna, neve causam præberet fratri, mortem etiam illius ab Antonio impetrandi.* Atque is postea filius, dilapidato patrimonio, furti damnatus, solum vertit. Horum mortibus admonitus P. Rupilius Rex, qui tum præturam gerebat, matura fuga in M. Bruti castra se contulit.

LX. Sed vix alterius, quam Ciceronis, fatum annotatu dignius fuit. Proscriptus ille cum filio, fratre, filio fratris, & amicis atque familiaribus omnibus, pro certo habens id, quod erat, non magis Antonio eripi se, quam

§ LVIII. Val. Max. 9, 11. Appian. § LIX. Val. Max. Appian. Horat. serm. 1, 7, & ibi interpr.

Cæsari Cassium & Brutum, posse, primo in Tusculanum fugit: inde transversis itineribus in Formianum, ut ab Cajeta navim conscensurus, proficiscitur. Unde aliquoties in altum provectum cum modo venti adversi retulissent, modo ipse jactationem navis, cæco volvente fluctu, pati non posset, tædium tandem eum & fugæ & vitæ cepit; corvorum etiam prodigio terrente, qui crocitanter, & capita tundentes funium, in utroque antennæ cornu confederant. regressusque ad superiorem villam, quæ paulo plus mille passibus a mari abest, *Moriar*, inquit, *in patria sæpe servata.*

LXI. Interim appropinquantibus percussoribus, in cubiculum ejus involantes corvi ruperunt somnum, & in conspectu ejus ferrum horologii loco motum excusserunt, laciniamque togæ morsu correptam retinuerunt. Inde excitati servi, quam possent opem hero ferre, quem etiam animantibus ratione non præditi curæ esse credebant, constituerunt. partimque precibus, partim vi sublatum de novo imposuerunt in lecticam, mare petitori. Supervenientibus deinde Herennio centurioni, & tribuno Popillio cum paucis militibus, sive tutor quidam Clodianus cliens, sive Philologus Q. Ciceronis libertus, &, ne quid scelerei deesset, eruditus a Marco, semitam ostendit in densas silvas pertinentem.

LXII. Tum viso Ciceronis comitatu, exclamavit Popillius, *sequimini, qui a tergo estis, milites*: non quia plures adessent, verum ut exterreret Ciceronianos. satisque constat, hos fortiter fideliterque paratos fuisse ad dimicandum; ipsum, *deponi lecticam, & quiete pati, quod fors iniqua cogeret*, jussisse; visisque armatis, dixisse, *accede, veterane, &, si hoc saltem potes recte facere, incide cervicem.* Trementi deinde, dubitantique, *Quid si ad me*, inquit, *primum venissetis?* Ita prominenti ex lectica, præbentique immotam cervicem, caput repetito ter ictu præscisum est. Nec sa-

§ LX. Liv. ap. Senec. suavor. 6. Appian. Plut. in Cic. c. 69.
§ LXI. Val. Max. 1. 4. Plut. Appian.

tis stolidæ crudelitati militum fuit: manus quoque, scripsisse in Antonium aliquid exprobrantes, amputarunt.

LXIII. Ita relatum caput ad Antonium, jussuque ejus inter duas manus, tantorum operum ministras, in rostris positum, ubi ille consul, ubi sæpe consularis, ubi eo ipso anno adversus Antonium, quanta nulla unquam humana vox cum admiratione eloquentiæ, auditus fuerat. Vix attolentes præ lacrimis oculos homines intueri trucidata membra ejus poterant: ceterorumque cædes privatos luctus excitaverunt; hæc una communem. Hoc tam infame ministerium C. Popillius Lænas sibi pro beneficio depoposcerat, olim in causa maxime dubia a M. Cicerone defensus. Sed, capite viso Ciceronis, exclamasse Antonium ajunt, *nunc peractam esse proscriptionem suam.*

LXIV. Nam continuo post, patratam cædem, velut rem lætissimam, Popillius & per veredarios terra, & mari per dromones nuntiandam curaverat: deinde ipse, adveniens in forum, caputque tenens manu, sedenti pro tribunali Antonio monstravit quatiens. At ille exsultavit præ gaudio, sæpius cachinnos revocans: hominique exsecrando coronam imposuit, tanquam qui maximum omnium & velut decumanum hostem suum fustulisset. Tantaque fuit turpissimi latronis improbitas, ut imaginem suam coronatam, juxta caput Ciceronis in rostris proponeret: tanta insuper summæ improbitatis apud spurcissimum imperatorem gratia, ut decuplum ab Antonio præmium reportaret.

LXV. Hunc exitum sortitus est M. Cicero ante diem VII Idus Decemb. ut Tiro libertus ejus memoriæ prodidit. Vixit tres & sexaginta annos, ut, si vis abfuisset, ne immatura quidem mors videri possit: ingenium, & operibus, & præmiis operum felix; ipse fortunæ diu prosperæ: facies ei decora ad senectutem, & commoda permanfit valetudo: tum pax diutina, cujus instructus erat artibus,

§ LXII. Appian. Aufid. Bass. ap. Senec. Plut. § LXIII. Corn. Sever. ap. Senec. Val. Max. 5, 3. Senec. suafor. 6 & 17. § LXIV. Appian. Plut. in Anton. c. 26. Euseb. Chron.

contigit. namque prisca feveritate iudiciis actis, maximorum noxiorum multitudo provenit, quos obstrictos patrocinio incolumes plerisque habebat. Jam felicissima consulatus ei fors petendi, & gerendi maximo consilio, industriae. Utinam moderatius secundas res, & fortius adversas ferre potuisset! namque utræque cum venerant ei, mutari eas non posse rebatur.

LXVI. Inde sunt invidiæ tempestates coortæ graves in eum, certiorque inimicis aggrediendi fiducia: maiore enim simultates appetebat animo, quam gerebat. Igitur in longo tenore felicitatis, magnis interim ictus vulneribus, exilio, ruina partium, pro quibus steterat, filiae morte, exitu tam tristi atque acerbo, omnium adverforum nihil, ut viro dignum erat, tulit, præter mortem: quæ vere æstimenti minus indigna videri potuit, quod a victore inimico nil crudelius passus erat, quam quod ejusdem fortunæ compos ipse fecisset.

LXVII. Sed quando mortalium nulli virtus perfecta contigit, qua major pars vitæ atque ingenii stetit, ea iudicandum de homine est. Ergo si quis virtutibus vitia pensarit, vir magnus, acer, memorabilis fuit, & in cujus laudes exsequendas Cicerone laudatore opus fuerit. Sed ille quidem, semel proscriptus ab Antonio, vicissim illum ad perpetuam hominum memoriam victuris monumentorum suorum tabulis proscripsit. Neque reticenda Fulviæ crudelitas est, jam a Clodianis temporibus inimicissimæ Ciceroni. Hæc igitur caput ejus, impositum genibus, (nam & domi suæ, superque mensam spectare hoc Antonius cupiverat) amarulentissime insultans mortuo conspuit: deinde linguam, a qua scilicet maxime læsam se arbitrabatur, compunxit acubus & calamistro.

LXVIII. Nam & hæc furia partes suas inter illam publicam cladem egit egregie; multique inimicitiarum

§ LXV. Auſtor. de cauſ. corrupt. eloq. Euseb. Chron. Afri-
Pollio. ap. Sec. suaſor. 6. § LXVI. Cic. ad Brut. ep. 15. Afri-
Pollio. § LXVII. Plin. 7, 30. Dio. Appian.

aut pecuniæ causa, hujus jussu interemti sunt. Cæsetius Rufus senator, vicinum Fulviæ habens ædificium, vendere petenti noluerat. Tum igitur, licet dono dedisset, proscriptus est, caputque ejus allatum Antonio, convivium agitati, cui tum in morem hæc crudelitas venerat, ut capita principum civitatis cœnanti referrentur. Is igitur, diu versata considerataque facie, *Hunc*, inquit, *ego non noveram*. dubitantque uxoris esse facinus, referri ad illam caput, illa proponi non in foro, ut cetera, sed in ipso illo ædificio jussit, ne quærendum quis haberet, cur esset hic interfectus.

LXIX. Similiter & C. Verres proscriptus est ob negata Antonio Corinthia: & Nonius senator, Strumæ filius, propter opalum gemmam, quam habebat avellanæ magnitudine. Parque horum contumacia, Antoniique feritas fuit: neque minus mori decreverunt illi pro his nugis, quam hic occidere. Sapientius illi, quibus vita carior divitiis fuit. multos enim exemerunt Antonius & Fulvia, plus deferentibus ipsis consecuti, quam sperare ex illorum morte potuissent; &, ne vacaret in tabulis locus, alios pro his adscripserunt, tanquam vicarios mortis.

LXX. At L. Cæsarem Julia soror servavit: ad quam ille cum profugisset, matrem imperatoris sui reverentibus militibus, aliquamdiu tutus fuit. Postea vincente pudorem avaritia, petitus a centurionibus in cubiculum sororis confugit. Atqui illa, manibus expansis januam defendens, clamitabat, *non occidetis L. Cæsarem, priusquam me percusseritis, quæ vestrum imperatorem peperit*. Sic his tandem abactis, processit in forum Julia: sedentique pro tribunali cum collegis Antonio, *Me ipsam*, inquit, *indico, quæ L. Cæsarem habeo domi, & habebo, donec simul interficiamur; quando eadem in receptatores constituta pœna est*. At ille, *Sororem*, inquit, *melio-rem, quam matrem, præstas: ab illo me judicari hostem passâ, nunc mihi ultum aut injuriarum obstitas*. Cessit tamen ad ex-

§ LVVIII. Val. Max. 9, 5. Appian. Senec. ep. 83. § LXIX. Tacit. 2, 4. Plin. 34, 2 & 37, 6. Dio. Appian.

tremum, Plancoque negotium dedit, de salute L. Cæsaris referendi.

LXXI. Sed & ab ipsis militibus nonnulli servati sunt: quorum tamen benevolentia Largus diu frui non potuit. cum enim alium quærentes, hunc reperissent; moti hominis infelicitate, qui captus, antequam vestigatus esset, in proximam silvam perfugere jusserunt. Ille igitur in alios incidens, ad priores recurrit, *vos me potius interficite*, clamitans, *quando nihilominus est pereundum: vos potius capitibus mei præmium accipere æquum est, qui me servare voluistis.*

LXXII. Æquior fortuna Virginio fuit, qui suavi eloquio præditus, primum servis suis persuasit, *se prodito, modicum, immo incertum, præmium habituros, cum perpetua turpitudine & metu; servato, præclaram conscientiam & aliquando famam facti, sed & mercedem longe majorem atque certiores relatu-ros.* Ita cum his eodem habitu fugientem nacti milites agnoverunt. neque hic eum facundia sua aut felicitas deseruit, quo minus & hi sequerentur eum ad mare, pecuniam potius ab incolumi voluntate ipsius accepturi, quam propter occisum per scelus. Sed ubi ventum ad litus est, jam abnavigaverat uxor, quæ ex composito cum nummis eo accefferat, abisse jam rata virum. servus tamen, in litore ob hoc relictus, & navem commonstravit, & omnem exposuit rei ordinem.

LXXIII. Igitur orante Virginio, *expectarent, dum revocaretur uxor, aut in Sicilia acciperent nummos*, in scapham imposuerunt eum, alacrique remigio pervexerunt in insulam: cunisque sibi cum fide exsolvi promissa vidissent, hujus viri comitatum sacramento suo prætulerunt; manseruntque cum eo usque ad pacis tempora. Ipsa quoque Triumvirorum discors concordia, dum alii exosum servare conatur alius, aut contra gratum alii perdere, magnam eo tempore varietatem casuum peperit. tamque fuerunt incerta omnia, ut alias præmia proditoribus suorum, alias supplicia repræsentarentur.

LXXIV. Haterii servus, hero prodito, nactus libertatem, dum facultates occisi subhaestantur, liberis Haterii bona paterna redimere cupientibus, improbus licitator se objecerat. Illi, tempora non ausi arguere, cum silentio & lacrimis affectabantur nebulonem, donec commota populi indignatio extudit a Tribusviris, ut eum rursus proscripti liberis in servitutem addicerent. Alius conservum suum, pulchro stratagemate (quali & Panopioni partam salutem postea memorabimus) vitam heri morte sua redempturum, vetuerat, demonstrata militibus fallacia. Igitur necatus est dominus: sed populus non destitit obtundere Tresviros, donec index ille patibulo, fidelis autem servus libertati vindicaretur.

LXXV. At Urbinium Panopionem, in villæ Reatinæ spelunca latitantem, cum infesti milites peterent; unus ex servis ejus, veste cum domino permutata, sumtoque annulo, percussoribus sese objecit, *nihil causari dicētans, quo minus imperatum peragerent*. Sic ille pro Panopione interfectus, pietatis hoc postea præmium ab domino retulit, ut amplo monumento, factique pulcherrimi testimonium præferente, conderetur. Menenii servus in lecticam domini opertam se conjecit, aliis e familia succollantibus, atque ita interfectus pro hero, evadendi in Siciliam ei spatium præbuit.

LXXVI. Sed hi quidem beneficiis affecti, retulerunt merentibus gratiam: majus miraculum fuit in stigmatia, qui Antium Restionem noctu fugientem, ut poterat, in compede assecutus, terruit primum aspectu suo; deinde confirmavit, *bono jubens esse animo, sibi majorem acceptorum olim beneficiorum, quam hujus injuriæ, memoriam esse*: abstrusumque in speluncam quotidianis operis aluit. Postremo cum suspicantes rem milites supervenirent, extruxit rogam, & senem, forte oblatum, occidit, atque in pyram imposuit. dominum, data interfecti veste, dimisit: ipse induit herilem

§ LXXIV. Appian. § LXXV. Val. Max. 6, 5. Macrob. Saturnal. 1, 11. Appian. Senec. de benef.

cum annulo, seque percussoribus obviam tulit. A quibus pro homicida retentus, *Restionem*, inquit, *occidi, vicemque crudelitati ejus*, a quo sic notatus sum, *reddidi*. Quia verisimilia loquebatur, crediderunt milites; caputque ignobile ferentes frustra contenderunt in urbem. Antius, a servo subductus, in Siciliam cum eo transjecit.

LXXVII. Simili commento C. Hosiudum Getam filius eripuit morti, tanquam mortuo paratis exsequiis, crematoque in area domus rogo: nam *suspensio finisse vitam* finxerat. Hac arte senex elapsus, in prædio recens emto substitit, ad dissimulandum oris habitum altero obligato oculo, quem deinceps, reddita pace, inutilem habuit, per longam videndi defuetudinem facultate amissa.

LXXVIII. Et quia de filiorum pietate mentio fieri cœpta est, Oppius patrem decrepitum, & ætatis tædio fugere nolentem, sustulit in humeros; elatumque urbe, modo manu sublevans euntem, modo deficientem imponens cervicibus, in Siciliam transportavit, sine ulla alia molestia, cum, sicut Æneæ patrem gestanti, viam pietas vel per medios hostes faceret. Arruntius quoque monumento suo similis in filio fidei testimonium inscribendum curavit: *Hic situm esse, cui proscripto filius non proscriptus, receptator primum, deinde auctor comesque fugæ, atque sic causa salutis fuisset.*

LXXIX. Neque reticendus est Q. Cicero Q. F. qui magni & multiplicis ingenii, postremum vitæ actum egregio facinore nobilitavit. Cum enim Q. pater, dum Asturam comitatur Marcum, de proscriptione sua cognosset, subitoque recurisset ad urbem, exportandi viatici causa, receptus est a filio & celatus, proscripto & ipso. Igitur prodeunte familia repertus juvenis, tortusque, ut patris indicaret latebras, magno animo pertulit dolorem; donec pater, re intellecta, miratus simul pietatem filii misertusque, prodidit. Tum quoque filius oravit milites, *ut se priorem occi-*

§ LXXVI. Val. Max. 6, S. Macrob. Appian. § LXXVII. Appian. Pigh. annal. 794. Dio.

derent: at, idem postulante patre, diverſi eodem tempore utrumque contrucidarunt.

LXXX. Sed Egnatios patrem filiumque, complexu co-hærentes, una plaga confecit; militesque, capitibus ablatis, corpora ſe adhuc complectentia reliquerunt. Balbis duobus tutius viſum ſeorſim fugere, utrumque perdidit. nam pater, falſo de filii cæde nuntio credens, ultro ſe obtulit perſequentibus; filius interiit naufragio. idemque fatum Aruntii fuit, cui pater vix perſuaſerat, ut ſupereſſe ſeni fuſtineret. Atque illum comitata ad portam infelix mater, neque felicior matrona, rediit ad componendas viri reliquias: neque multo poſt, audito filii caſu, inedia ſibi conſcivit mortem.

LXXXI. Inter hos terrores, M. Terentius Varro tribunus plebis, ne ſibi eveniret, quod Helvio Cinnae nuper, edicto propoſito, *ſe cauſa & agnomine diſtingui* profeſſus eſt *ab eo Varrone*, quem ſui ævi doctiſſimum, magnamque militiæ laudem parendo & imperando meritum, forte propter hæc ipſa, tanquam iniquum dominationi, Treſviri proſcripſerant. Sed certatim eum recipere cupientibus amicis, Fuſius Calenus vicit, habuitque eum in villa, ubi ſæpe ex itinere divertebat Antonius: neque a quoquam ex ſua aut Caleni familia indicatus, effugit periculum, vitamque & ſtudia ad centeſimum ferme annum prorogavit. Bibliothecis tamen ſuis hac proſcriptione direptis, partem deſideravit librorum, quos ad eam diem magno numero compoſuerat.

LXXXII. Sed in alio ſene humana infirmitas, atque ignorantia rerum, magno exemplo patuit. quomodo enim proſcriptus à Sulla M. Fidufius ſenator timere potuiſſet, ne tanto intervallo ab hominibus, qui tum ne nati quidem omnes erant, proſcriberetur? Sed illi hæc ipſa proſcriptionis mortisque cauſa fuit. Contra Valerius Meſſalla proſcriptus ab Antonio, poſtea conſul in locum ejus ſa-

§ LXXXIX. Cic. ad Attic. 6, 2. Plut. in Cic. & Anton. Dio.
§ LXXXI. Agell. 19, 14. Val. Max. 8, 7.

ctus est: interim exemptus proscriptioni, non misericordia Triumvirorum, sed metu. Quippe Messalla cum Bruto erat, juvenis probitate, constantia, cura, studio reipublicæ incomparabilis: ad hæc excellenti eloquentia, cum judicio, industriaque pari.

LXXXIII. Edixerunt igitur in hanc formam: *Quando M. Messallam ex propinquis ejus cognovimus, ne quidem in urbe tum fuisse, cum interfectus est Cæsar; exemptus e numero proscriptorum esto.* Ille tamen uti hac venia contempsit, Bruti causam amicitiamque præferens. Neque pigeat ceterorum quoque, qui traditi sunt, notabiles casus pertexere: quorum, sicut & de quibus antea relatum est, pars ante consulatum Lepidi Plancique, pars his consulibus perierunt.

LXXXIV. Ligariorum fratrum nota concordia & caritas fuit. Hi, cum aliquamdiu latuissent sub camino, proditi sunt a servis, alterque statim occisus. at qui effugerat, audito periisse fratrem, de ponte se dejecit in fluvium; diuque luctatus cum piscatoribus, qui servare tanquam forte prolapsum nitebantur, *frustra estis*, inquit: *proscriptus sum, vosque perdere citius possum, quam a vobis servari.* Cum ne sic quidem fatigaretur illorum humanitas, milites ad custodiam pontis appositum accurrerunt, necaruntque proscriptum.

LXXXV. Duo quoque alia fratrum paria referuntur gravi mulctata exitio. In amnem se quidam præcipitaverat: quem inquisivit servorum ejus unus, repertoque post quintum diem, quia nondum confusa omnia oris lineamenta erant, caput præmii spe amputavit. Hujus fratrem alius servus in latrina se occultantem indicavit: percussoreque dedignati descendere, hastis confixum extraxerunt, occideruntque, ut erat, fordidum, ne capite quidem abluto. Alius, fratrem comprehendi videns, seque pariter proscriptum ignorans, *me, me*, inquit, *prius interficite.*

§ LXXXII. Agell. 3, 10. Dio. Plin. 7, 43. Appian. Cic. ad Brut. ep. 18. § LXXXIII. Plut. in Brut. c. 77. Cic. pro Ligariis, c. 21. Appian.

Tum centurio, *rem æquam postulas: nam & tu scriptus es prior.* amboſque interfecit ordine.

LXXXVI. Vidit & ſcelera conjugum iſthæc ætas: & Septimium quidem uxor adultera, per amicum Antonii, quocum habebat ſtupri conſuetudinem, referendum curavit in proſcriptorum tabulas; & ad ſe refugientem, diſſimulata conſcientia, detinuit, donec percussores ſupervenirent: eodemque die celebravit cum adultero nuptias. Salaffum, (quod Curtiorum cognomentum eſt) jam elapſum ex urbe, perplexitas conſilij eodem revocavit, ſperantem interea poſuiſſe tempeſtates eas detonare: ſed ubi venit ad ædes ſuas, venditas didicit a janitore, qui una fuerat tranſdittus; & ab eodem in cellam receptus, uxorem acciri juſſit ex illius ædibus. Illa, noctem cauſata, ſpoſpondit *affuturam poſtridie*; affuitque, ſed cum percussoribus. quod ille proſpiciens ex ſummis ædibus, (eo enim tædio moræ ſubierat) de tecto ſe præcipitem dedit. Fulvius, ad mulieris ædes conſugiens, quam concubinam ſuam manumiferat, nuptumque dotatam dederat, oblivionem beneficiorum omnium, ſolamque memoriam ſuperinductæ uxoris invenit.

LXXXVII. At militarium virorum Statius Samnis, cujus egregia opera ſociali bello effuſerat, deinde propter egregiam laudem genuſque & opes in ſenatum Romanum adſcriptus, octogelimo jam ætatis anno proſcriptum ſe diſcens, diripiendas opes ſuas populo familieque permittit, multa & ipſe ſuis manibus in publicum jaciens. Exinanitam deinde domum clauſit, incenditque: roſum ſibi efficiens, quo & pars urbis conflagravit. Capito ſemiapertis foribus lingulos intromiſit, confoditque aliquot. irrumpentibus deinde multis, ſimul circumventus eſt. Veculinus, magna in Rhegienſi agro manu coacta, partim ex proſcriptis, partim ex duodecim illis urbibus, quæ veteranorum præmiis deſtinari fremebant, multos intercipiebat centuriones; donec, adverſus ſe majore exercitu miſſo, coactus eſt in Siciliam ſe recipere.

§ LXXXVI. Cic. familiar. 6, 18. Appian.

LXXXVIII. Nec hic stetit hominis audacia: redintegravit inde bellum; pluribusque demum proeliis victus, filium ceterosque proscriptos Messianam præmisit: ipse in medio freto deprehensus a persequentibus, repugnando in frustra concisus est. Naso a liberto, quem habuerat in deliciis, proditus, militi extorsit gladium, unumque inter omnes proditorum petens, priusquam occumberet, interfecit. Alium a militibus occidi videns servus, qui a conducenda navicula redierat, *expecta*, inquit, *paulisper, domine*, simul centurionem ictu letali occupans. deinde suo quoque corpori gladium infigens, *accipe solamen*, inquit, *quantum dare fides mea potuit, domine!*

LXXXIX. At Lucius quidam duobus libertis, quos putabat fidissimos, auro tradito, quod deferrent ad mare; postquam se delusum intellexit, ipse quæsit percussores, jugulumque præbuit. Labienum, qui in Sullana proscriptione interfecerat multos, liberti celabant, tormentis etiam pro incolumitate patroni generose spretis. Sed ille videns, evadere se non posse, & frustra torqueri suos; pro foribus suæ domus expectavit percussores, sella posita. Cestius, ruri latens, minus ex fide suorum animi, quam ex discursatione centurionum timoris concipiens, ut aliquando molestia se liberaret, *bussum parari* iussit *a servis*, *ut dicere possent, fuisse Cestium*; atque in accensum ignem se conjecit.

XC. Aponium ad eandem desperationem adegit victus tenuioris impatientia, cum tuto lateret: igitur ultro se obtulit interficiendum. Jamque fastidium erat sponte expectantium mortem: ajuntque *fuisse, qui, neglectus a percussoribus, cum se satis diu sedens in propatulo frustra præbisset, suspendio expulerit vitam*. At focer Asinii per mare fugiens, tempestatum offensus violentia, desiliit in medios fluctus. Planci fratrem C. Plotium Plancum unguentorum prodidit fragrantia, ne in Salernitana quidem latebra his deliciis carere sustinentem. adeo rationi ferociter amat repugnare prava consuetudo. Tamen adhuc occultabatur: &

fervi, cum ad indicandum torquerentur a militibus, summa fide & silentio cruciatum perferebant, donec ipse Plotius, tam bonos fidosque servos diutius torqueri non ferens, prodiit in medium, & jugulatus est.

XCI. Silinius, cum *proscriptum se* negaret, *nomen suum legere* jussus, juxta tabulam est interfectus. Æmilius, suæ fortis nescius, cum alium quendam peti cerneret, *quisnam hic proscriptus esset*, interrogabat: cui centurio, *proscriptus est & iste, & tu*; simulque occupavit ambos. Chilo & Decius, cum egressi curia, se quoque in mortifera illa tabula legi didicissent, ad portam fugiebant: sed ipsa trepidatione proditis centuriones manus intulerunt. Silicius, cujus unius calculo absolutus nuper Brutus fuerat, facti ejus, quo alias multum erat gloriatus, immemor, sandapilæ, qua forte mortuus efferebatur, subjecit humeros.

XCII. Ea res admonuit custodes portæ, cum plures solito vespillones conspicerentur, ut excuterent sandapilam, ne forte pro mortuo vivus efferretur. Tum reliqui, numerum audientes argui, negarunt *hunc esse sui ordinis*: itaque agnitus, vita & capite caruit. Sed Varus, a liberto proditus, per montana & aspera loca usque in paludes Minturnensium se subduxerat; cum ab his, qui latrones perquirebant, erutus, & pro latrone damnatus, tacuit. Sed ubi ad indicandos socios tormenta adhiberi vidit; *denuntio vobis*, inquit, Minturnenses, *ne paulo ante proconsulem populi Romani, nunc quod rerum in præsentia potentibus pluris est, proscriptum torqueatis*.

XCIII. Non habebatur fides: sed altercantibus supervenit centurio quidam, & capite Vari demto, composuit litem. At qui evadere ex Italia potuerunt, ad Brutum atque Cassium se conferebant, aut ad Cornificium in Africam: etiam Atticus, qui maximas in Epiro possessiones habebat, eo appulso *recipi haberique* jusserat *liberaliter*. sed plerisque Sex. Pompejus saluti fuit, vicinam Siciliam

§ XC. Val. Max. 6, 8. Plin. 12, 13. Salm. c. 57. § XCI. Appian. Dio.

obtinens. Atque is sane quam bonam operam his temporibus præstitit Romanæ nobilitati.

XCIV. Quippe Italiæ assidens, Romæ & per ceteras civitates proponenda curabat scripta, *Pompejum duplum ejus mercedis, quæ in proscriptos esset constituta, daturum servatoribus. eos porro, qui ad se confugissent, auxilio, pecuniaque & honoribus adjuturum.* Lembi etiam ejus ac onerariæ naves, itemque triremes oberrabant circum Italiæ litora; quæ signum darent latentibus, exciperent, defenderentque venientes. ipse transvectos excipiebat obvius, vestem, supellectilem, & cetera liberaliter suppeditabat; idoneum quemque præficiebat legionibus, cohortibus, navibus. sed neque prodidit eos postea, nullo cum Tribusviris inito fœdere, quo proscriptorum salus non contineretur. Neque piget infigniora quædam exempla ponere, quo inter hæc tam tristia lætorum quoque casuum permixta commemoratione lectoris animus redintegretur. Hirtius cum fideli servorum manu circumibat per agros ergastula solvens, & colligens fugientes: cum his primo villas atque vicos expugnabat, mox majora oppida, postremo, Bruttiorum gente redacta in potestatem, bello petendus fuit. Tum demum ad Pompejum transjecit cum suis.

XCV. At Sentius Saturninus Vetulio, cum virtute animi calliditatem conjunxit: arreptisque prætoris insignibus, cum servis in lictorum, apparitorum, fervorumque publicorum habitum compositis exiit porta; conscensoque vehiculo publico, *prætorem se ferens, & ad Pompejum de pace mitti*, deducente Italia, cum Puteolos venisset, quasi publico munere fungeretur, summa securitate correptis publicis triremibus, in Siciliam profectus est. Apulejus & Aruntius centuriones mentiti, cum servis milititer adornatis, cursu se extulerunt porta, tanquam alios prosequerentur; deinde coactis, sicut de Hirtio diximus,

§ XCIII. Dio. Appian. Corn. Nep. in Attic. § XCIV. Dio. Appian.

T. Liv. Vol. XI.

P

quos potuerant, armis signisque, ad speciem exercitus instructi, partitis copiis ad fretum contenderunt. Sed accidit forte, ut eodem, in colle quodam, pernoctantes, dum missos adversus se Roma milites credunt, mutuo cum metu se continerentur; mox prima luce infestis armis concurrerent, donec agniti, laboresque suos & pervicaciam fortunæ miserati, diversis navibus alter ad Pompejum, alter ad Brutum evaserunt.

XCVI. Pari vaframento secutus est Ventidius, sed liberti sui ingenio & fide, qui patronum, simul atque proscriptum cognovit, continuo vinxerat, quasi tradendum percussoribus: sed noctu, persuasis servis, cum armata familia tanquam centurionem miles secutus est. perveneruntque feliciter in Siciliam, cum sæpe in eodem diversorio cum veris centurionibus Ventidium quærentibus pernoctassent.

XCVII. M. Volusius ædilis plebis, recepta nuper superstitione Iſidis ad salutem abusus est. linea enim stola cum persona canicipiti ab amico Iſiaco sumta, per itinera viasque publicas stipem petens, evasit. Rebilum audacia servavit, & Themistoclis imitatio. Nauclerum enim, qui pecuniam ab eo petebat, *ni prodi mallet*, eodem commento terruit, *se denuntians indicaturum, quod accepta pecunia proscriptum veheret*. Sic a terro pervectus ad Pompejum est incolumis. Appius, opes suas famulis dividens, cum his in Siciliam navigabat. Ibi tempestate exorta, pecuniæ inhiantes, jussurunt eum *in scapham tutiorem descendere*: & favit ei fortuna, simulatumque auxilium veram ei incolumitatem præstitit, in scapha transportato, cum interea navem fluctus absorbuissent.

XCVIII. Et hos quidem servavit fuga. Nonnulli per inculta camporum, aut etiam in sepulcris, vel ipsa urbe latitantes, pacatiora expectare tempora potuerunt. Quorum Marcus quidam, suis in ædibus fide servorum occultatus, inde, pace restituta, velut ab exilio in publicum prodit.

Sittius etiam municipum suorum benevolentia Cales pro exilio habuit: primus & forte solus ad ea tempora hominum, relegatus in patriam. Nam illi prædivitem virum, & pro copia sua munificum, custodiverunt armati; servis minando, prohibendo ingressu oppidi milites, donec, legatis ad Tresviros missis, quod diximus, impetrarent.

XCIX. Alium metus coegit ad felicem audaciam: quippe a liberto in sepulcrum abstrusus, quia ferre loci speciem nequibat, in conductam quandam fordidam habitationem immigravit. deinde, quia miles quidam juxta divertebat, periculum timens, capite raso, quod libertinis erat solitum, ludum aperuit publice, nullique suspectus totum illud minacissimum tempus citra periculum exegit. Has inter calamitates nihil erat calamitosius, quam quod ne flere quidem occisos erat licitum: quin ultro *lati omnes esse* jubebantur edicto, *propter consulum designatorum triumphos, & imminentes novi anni ferias.*

C. Nam a. d. IV Kalendas Januar. L. Plancus triumphavit ex Gallia, Rhætis divictis: & mox a. d. prid. Kal. ex Hispania M. Lepidus. Plancus ædem Saturni fecit ex manubiis. Et quamvis imperata lætitia hos in Capitolium cives militesque prosequerentur, nec tamen aut illorum tacita execratio, aut horum apertissima convicia defuerunt. Certe servatus ad memoriam nostram versus est, inter triumphos istos usurpatus, *de Germanis, non de Gallis duo triumphant consules*: quod, ut supra memoravimus, ille Plotium fratrem, hic Paullum, in proscriptorum numerum retulissent.

CI. Hoc tempore consulatum P. Ventidius Bassus, ex pacto Triumvirorum, cum C. Carinate per aliquot dies gessit, abdicante Cæsare, & collega ejus mortuo Q. Pedio. Neque moram afferebat, quod tum maxime prætor erat Ventidius: nihili enim fiebant leges, quarum Genucia cautum erat, ne quis duos magistratus uno anno gereret;

Ventidio etiam majorem invidiam excitabat fortunæ prioris humilitas : ajuntque, *per urbis vias vulgo proscriptos fuisse versiculos, quibus omnes augures haruspicesque excirentur ad recens portentum, quod is, qui mulos fricare solebat, consul factus esset.*

CII. Quippe Ventidium bello sociali ductum in triumpho Cn. Pompeji memoravimus. Inde juvena inope in caliga militari tolerata, mulos atque vehicula, præbenda euntibus in provincias magistratibus, conduxit; indeque convicio inimicorum appellatus est *mulio*. Sed quia Cæsari tum in illo ministerio, tum subinde majoribus admotus, satisfecerat, receptus in amicitiam, senatorque & mox tribunus plebis creatus, ac deinde prætor designatus est. Eodem anno, quia frequentibus legatis exhauriebantur hereditates, C. Salonius tribunus plebis *legem tulisse* dicitur, *ne cui plus besse legare testamento liceret; quadrante utique heredibus servato.*

CIII. Sed major cura omnium de honoribus fuit, quibus Tresviri placarentur. His igitur & alia decreta, quæ olim ob servatas civitates dabantur; & coronæ civicæ, postquam atrocitate temporum videri meritum cœpit, non occidere. Neque vero culpandi videbantur sibi Tresviri, quod multos tollerent; sed pro magno habendum, quod nonnullos relinquerent: & publice solebant profiteri, *se neque Sullæ aut Marii secuturos asperitatem, ne odium sibi pararent; neque Cæsaris clementiam, ne contemptui, & ex contemptu insidiis obnoxii fierent.* Tales igitur in sanguine civium cum fuissent, non erat magna postulanda in patri-moniis abstinencia.

CIV. Certe *dotem interfectorum uxoribus, decimam bonorum liberis, si mares essent, si femina, vicesimam* erant polliciti: sed præstabantur hæc oppido paucis; plerisque concessa per legem, extorquebantur calumnia. Neque vero bona

§ CI. Vellej. 2, 65. Val. Max. 6, 9. Agell. 15, 4. § CII. Plin. 7, 49. Agell. Cic. familiar. 10, 18. Dio. Marian. S. 67. § CIII. Dio. Plin. 16, 4 & 22, 6.

reliquorum tuta dominis ulla ex parte erant. Civium proborum quietorumque, quorundam etiam, qui studiorum causa aberant, bona vendebantur, nihil suspicantibus dominis. Romæ & per universam Italiam mercedem habitationum annuam exegerunt: qui proprias ædes incolerent, ab his semissis ejus, quanti locari possent, postulabatur. Sic & prædiorum dividebantur redditus.

CV. Præterea constituiebantur cujusque modi & generis vectigalia: depositæque pecuniæ, etiam apud Vestales, auferiebantur. Totæ quin etiam urbes affligebantur militum hibernis, & præstandis sine pretio cibariis: sed multo magis diripiendis earum agris, qui videlicet publicati erant; hostibusque judicatis, qui præstitutum ante diem iis non excessissent. Jam enim in antecessum, quo promtiores ad reliqua bellorum exercitus forent, repræsentare præmia incipiebant, polliciti, *per se deducturos, quas decreissent colonias*. In his præter eas, quæ supra recensitæ sunt, Aquinum, Alife, Arretium, Interamna, Ligures Bæbiani & Cornelianii, lege triumvirali deductæ coloniae reperiuntur: quibus accessisse postea videntur Cremona & Mantua.

CVI. Ita conciliatis manipularibus, duces ac tribunos possessionibus proscriptorum alliciebant, gratis aut vili pretio addicentes; aut honores interfectorum atque sacerdotia transferentes in ipsos. Atque hoc ipsis assequi erat perfacile: ne enim, a quibus nollent, subhastata emerentur, vetuerunt *ad hastam accedere nihil comparaturos*, mortem interminati. Venerunt igitur tanto pauciores, & postquam hi pessime accepti sunt, & immenso coacti quædam emere; nemo deinceps, præter Triumvirorum satellites, quidquam licitatus est. At Ventidius ante consulatum etiam pontifex creatus est; & in ejus locum prætura cuidam ædilium concessa. ceteris etiam prætoribus, quintum ante diem, quam abituri magistratu erant, dati successores sunt, illis in provincias dimissis.

§ CIV. Plut. in Anton. c. 27. Dio. Corn. Nep. in Attic. § CV. Plut. Dio. Frontin. § CVI. Serv. in Virg. Eclog. 1. Dio. Agell. 15, 4.

CVII. Ita cum appareret, nihil non ex lubidine Triumvirorum agi, quamquam invidiosius damnatisque *regum* atque *dictatorum* nominibus abstinere; tanta consecuta est animorum commutatio, ut, qui nuper intolerabilis visus fuerat planeque ferreus superioris Cæsaris dominatus, nunc, instituta cum præsentibus comparatione, merum aurum videretur. Sed religiosissimi principes, cum urbem vacuarent hominibus indidem natis, locupletare peregre accitis Diis voluerunt: templumque Serapidi ac Isidi, post sæpius repudiata eorum sacra, decretum est. Hæc eo anno domi & in Italia gesta.

CVIII. Nec pauciora interim Brutus in Græcia, Cassius in Syria, Cornificius in Africa, & in Sicilia Pompejus gesserunt: quamquam illa sane concisus apud auctores referuntur. Brutus, accepto senatusconsulto, quo sibi decretum imperium erat, pacataque Græciæ & Illyrici parte, Cæsarem (a quo tum adhuc Antonium oppugnari putabat) per epistolas monuit, *perseveraret in incepto, &, quoniam communem hostem haberent, secum rediret in gratiam*. Interea, quod desiderari se sciebat in senatu, ad transjiciendum se comparabat. Sed ubi mutatum Cæsarem, omniaque ad bellum spectare cognovit; hoc agere contento studio cœpit, ut vi repellere vim facturos posset. Igitur Macedonia rebus optime constitutis, recurrit ad componendam seditionem, quam interim in exercitu C. Antonius commoverat, clam appellando duces militesque, & ad defectionem sollicitando.

CIX. Sed mature colubitus est a Bruto, ademptisque insignibus prætoris, in libera custodia habitus Apolloniæ. Sed ille, non repressa per hoc, verum aucta audacia, magis etiam ad se pertrahere exercitum annisus est: tantumque profecit, ut in legione quarta seditio nasceretur, resque veniret ad manus, & nonnulli ad liberandum custodia Antonium pergerent. Id consilium Bruto literæ quædam interceptæ prodiderunt, correptusque Antonius, &

pro ægroto in currum opertum coniectus est, ut exportaretur oppido, atque in navi asservaretur. Igitur milites, Antonio non reperto, Brutum timentes in colle quodam haud procul Apollonia confederunt, missis, qui *Brutum ad se venire* juberent.

CX. At ille, *milites ad imperatorem accedere verius esse*, respondit: ignovitque deprecantibus, paucis interfectis, aut ab exercitu remotis seditionis auctoribus. Statimque ita sunt converse militum mentes, ut interficerent relegatos, his culpam omnem imputantes; quæstoremque atque legatos Antonii ad necem deposcerent. Certum erat Bruto, nihil statuere in quemvis civem durius, quam necessum esset. Igitur hos quidem in naves impositos tanquam submersurus, in tutiora loca transtulit. Interim audita morte Ciceronis & ceterorum, *dolere se quidem morte amicissimi viri dicebat, sed magis causa mortis erubescere*. Semper enim eum, ne quid Cæsari crederet, diligentissime monuerat. Accusabat & superstitēs, qui pati ac videre sustinerent, quæ vel auditu intoleranda forent libertatis & patriæ amantibus. Ipse autem, ne his rumoribus iterum ad defectionem milites sollicitarentur, Apolloniæ atque Antonii custodia C. Clodio relicta, in superiorem Macedoniam transtulit exercitum, inde in Asiam transmissurus: ubi longius abducti ab Italia, neque transfugiendi occasionem, neque etiam eorum, quæ domi fierent, notitiam adipiscerentur.

§ CIX. Cic. ad Brut. ep. 2. Dio. Plut. § CX. Cic. ad Brut. ep. 16. Plut.

JOANNIS FREINSHEMII
 SUPPLEMENTORUM
 LIVIANORUM
 LIBER LXXXVI.

IN LOCUM LIB. CXXI LIVIANI.

E P I T O M E

LIBRI CENTESIMI VICESIMI PRIMI.

C. Cassius, cui mandatum a senatu erat, ut Dolabellam hostem judicatum bello persequeretur, auctoritate reipublicæ adjutus Syriam cum tribus exercitibus, qui in eadem provincia erant, in potestatem suam redegit: Dolabellam, in urbe Laodicea obsessum, mori coegit. M. quoque Bruti jussu C. Antonius captus, occisus est.

INTER hæc Syriam Q. Cæcilius Bassus, privatus ille quidem, sed animi consiliique non egens, Sex. Cæsari cum vita & duabus legionibus ereptam obtinebat. Nec prohibere dictator Cæsar potuerat, Africano tum bello, deinde aliis intervenientibus, & duces contra se missos facile Bassus repellebat, Apamea constituta arce belli: circa quam

optimus ager alendo exercitui sufficiebat omnia, & vicini reguli multi, levitate infita, & odio Cæsaris, in commilitium pertrahebantur. Inter quos & Jamblichus fuit, Emesensæ gentis regulus, Lyliadisque & Chalcidis tyranni.

II. His opibus aliquot Romanorum ducum, legionibus & equitatu magno instructorum, vim sustinuit. C. primum Antistius obsederat eum Apameæ, deinde, cum æquo Marte aliquamdiu certatum fuisset, velut tacitis induciis diremti, utrinque ad comparanda auxilia, bello interim omisso, se contulerunt. Antistio & finitimi, quotquot Cæsari studebant, mittebant auxilia, & ex Judæa procurator gentis Antipater: cujus filium Herodem, e judicio capitali ad se confugientem, in honore habuerat Sextus, Samariæque & cavæ Syriæ præfecerat. His deinde ab Roma missæ copiae accesserunt.

III. Sed Alchandonius Arabs Rhambæorum rex, infidi semper animi, cum ab utrisque vocatus esset, medio inter Apameam & Antistii castra loco confedit, &, mercede se militaturum professus, plura danti Basso accessit: bonamque ei operam, quod arcu perite utebantur Arabes, præstitit. Nec ideo minus ad Apameæ obsidionem Antistius redierat, magna cum spe boni eventus: donec accessiti a Basso Parthi, maximis copiis, duce Pacoro, affuerunt. Hi, Antistium repulisse contenti, multis ejus occisis militibus, propter hiemem (nam in exitu December erat) nulla alia re gesta domum redierunt.

IV. Ab hoc tempore res Cæciliæ Bassi satis firmæ fuere: robustusque exercitus, & ex victoria plenus animi, ut etiam Patribus, Italicarum rerum perturbatione anxiiis, solatio esset. Ceterum quia Cæsaris confirmata acta fuerant, quamquam eo jam peremto, L. Staius Murcus, ex prætura Syriam provinciam habiturus, cum tribus legionibus bellum intulit Basso; supervenitque Q. Marcius Crispus prætorius

§ I. Cic. Phil. 11, 18. Strab. l. 16. § II. Joseph. antiq. Jud. 14, 17, & de B. Jud. 1, 8. Strab. Dio. § III. Dio. Strab. Cic. ad Attic. 14, 9.

& ipse cum legionibus totidem ex Bithynia. Ita duobus magnis Romanis exercitibus & equitatu firmo circumfessa Apamea, defendebatur tamen intrepide, donec in Syriam C. Cassius venit, Trebonianis militibus instructus, quos a Dolabella P. Lentulus transduxerat, & pecunia ab eodem Lentulo, nam is Trebonii quæstor fuerat.

V. Ad hunc omnia propere concesserunt, sive propter senatusconsultum, quo *parere ei omnes eæ provinciæ exercitusque* jubebantur; sive propter ipsius virtutem famamque & amicitias. Quippe commemorare adversus singulos *multa sua merita* atque officia poterat: & ubi hæc deerant, *rei publicæ salus* erat obtentui. *Scire ipsos, quam ex præclara & potenti, subito in miserrimam conditionem res Romana incidisset, ambitione paucorum, qui, sublata libertate, communibus commodis debitas curas, suam ad dominationem universas transfulissent.*

VI. *Esse vero tantam in hominum animis regnandi dulcedinem, ut ne Cæsaris quidem exitu perterriti paria concupiscant. Sic Antonium, degustato sub Cæsare imperio, sic Octavianum, hereditate avunculi & ipso nomine incitatum, patriam, amicos, famam, salutem denique ipsam cupiditatibus suis posthabere. Nam Dolabellam quidem, immani audacia atque crudelitate latronem, factis ipsis omnia ab senatu populoque Romano recens concordiae causa constituta violasse: C. Trebonium Asiæ proconsulem occidisse: nihil ad se pertinentem occupasse provinciam: nunc etiam in procinctu esse, ut decretam C. Cassio Syriam eripiat.*

VII. *Se vero non ita cognitum aut domi populo Romano, aut foris sociorum cuiquam esse, ut conjunctam cum publico periculo injuriam ferat. sibi certe, ipso illo Dolabella consentiente, ipso illo Antonio, decretam Syriam esse. hanc se provinciam & debere obtinere, & posse. Neque hanc modo concessam sibi; sed in vicinas omnes datum ab senatu imperium*

§ IV. Cic. Phil. 11, 13, & familiar. 12, 1. Vellej. 2, 69. Appian. Joseph. antiq. Jud. 12, 17. § V. Cic. familiar. 12, 14. Liv. Epit. Appian. § VI. Cic. Phil. 11, 2.

esse. neque tam adhuc eviluisse sanctissimum hoc nomen, ut non ubique venerationi sit gentibus. Igitur & has copias, quibus utatur, parare isto senatusconsulto instructum celeriter potuisse: & habere certum, multos circum sponte vocantium populos regesque sibi futuros auxilio.

VIII. Sed malle se Romani imperii salutem Romanis maxime copiis ducibusque defendere: atque adeo abominari illam fortunam, ut externis potissimum praesidiis inniti necessum sit publicae libertatis assertores. Igitur se a Murco Crispoque imperatoribus, itemque a Caelio Basso petere, ut, positis inimiciis, ad concordiam redeant, & ad communem omnium salutem secum administrare rempublicam occipiant. Frustra inter se pugnare, quibus esse nulla salus, praeterquam in publica, possit. Jam & Octavianum sentire cum senatu; neque lenius huius, quam consulum armis, Antonium premi. Ne sibi jam aut pro Caesare bellandum, aut contra ipsum putent, quando partes eas suo ad rempublicam reditu filius ipse Caesaris sustulerit.

IX. His atque similibus causis inducti Marcus atque Marcius, Cassio tradiderunt copias; & Bassum, misere cupientem retinere suos milites, reliquerunt ipsi, seque ad C. Cassium transtulerunt. Ille omnes eadem in castra contraxit. quo tempore magnus repente imber exstitisse traditur, & irrumpentes in castra portis omnibus apros confudisse ac conturbasse pleraque; neque defuisse, qui celerem Cassio & potentiam & interitum praedici opinarentur.

X. At Cassius, his copiis auctus, omnia circum terreat imperiis; gravesque exigendo pecuniarum summas, civitatibus terribilis imminebat. Tum & quatuor oppida Judææ, propter non soluta stipendia venierunt, Gophna & Lydda, & cum Emaunthe Thamna. Sed & Malichum ex Judæorum principibus interfectorus erat Cassius, nisi pro eo regulus gentis Hyrcanus centum talenta misisset. Profectus enim erat in Palæstinam Cassius, uti venientem ex

§ VIII. Cic. familiar. 12, 11. § IX. Vellej. Cic. familiar. 11, 12. Dio. Appian.

Ægypto legatum Dolabellæ A. Allienum occuparet. Is Alexandria legionum quatuor instar reducebat, reliquias Pompejanæ Crassanæque cladis: aut ex iis cohortibus, quas apud Cleopatram reliquerat Cæsar. neque ausus adversus octo legiones contendere, cum exercitu in Cassii partes transiit.

XI. Haec ante Nonas Martias acta perscripsit in urbem Cassius ex castris, quæ in oppido Galilææ Tarichæa posuerat. Post mensem deinde, Dolabellam in Ciliciam venire audiens, dimissis sine injuria Basso Crispoque, & si qui præterea manere gravabantur, classisque præfectura Murco tradita, eodem instituit ducere, auctus etiam equitum sagittariorum aliquo numero, qui ex Parthis, quam apud gentem fama erat clarissimus, ad eum venerant. Tum cognito, classem Dolabellæ esse in Cilicia, ipsum isse Laodiceam, eodem cum omnibus copiis est profectus.

XII. Quippe Dolabella, post interfectum Trebonium, tributis Asiæ civitatum, classem a Rhodiis Lyciisque atque e Pamphilia & Cilicibus, opera L. Lucilii Figuli, mercede conduxerat: Syriamque Figulus navibus, Dolabella pedestri itinere cum legionibus duabus petebant. Animos Tarsus & Laodicea dabant, hæc inter insignes Syriæ civitates, illa Ciliciæ caput. Sed classis ad Corcyram clauso portu se tenuit, cum eam Q. Cassius secutus esset; deinde hoc ad castra Cassii profecto, Turulius quæstor cum navibus, quas anno superiore Tullius Cimber in Bithynia compararat, cursum præcluderet.

XIII. At Dolabella, Tarsensium, deinde Laodicenorum juventute centuriata, exercitus instar fecit: dejectaque parte muri, castra oppido conjunxit; postquam, prælidio Cassii apud Ægæas Ciliciæ civitatem dejecto, ab Antiochiæ oppugnatione cum detrimento rejectus aliquoties, deinde desertus in itinere a plerisque militibus Asiaticis fuerat.

§ X. Joseph. antiq. Jud. 14, 17, & de B. Jud. 1, 9. Dio. Appian. Cic. Phil. 11, 13. § XI. Cic. familiar. 12, 12 & 13. Dio. Appian. § XII. Appian. Cic. familiar. 12, 12.

Laodicea, in peninsula sita, præclaras a terra munitiones, a mari portum optimum habebat. & cum ager frugum vinique feracissimus esset, commodam sane stationem atque securam Dolabellæ præstare videbatur. Sed Cassius, cum decem legionibus, & cohortibus auxiliaribus viginti, & quatuor millium equitatu suggestus, os Laodicensi portus obstruere satagebat, non sacris, non religiosis parcens, quo minus ex suburbanis ædificiis saxa materiamque comportaret.

XIV. Per hæc res angustæ fiebant Dolabellæ, jamque triticum penes eum ternis tetrachmis erat; sed erant tamen adhuc solatio Laodicensæ naves, quas Cassiana moles non satis exitu prohibebat. Mox & classis Dolabellæ supervenit. qua confusus transmittit Aradam, pecunias & naves inde quoque coactus. sed deprehensus cum paucis, periculum ægre vitavit fuga. Igitur Cassius, missis in Phœniciam Lyciamque & Rhodios, qui classem adducerent, nec adjutus, præterquam a Sidoniis, commisit tamen prælium; quo plures utrinque demersæ naves sunt, quinque una cum remigibus & classiariis Dolabella captas abduxit.

XV. Ergo Cassius tum ad eisdem iterum, a quibus erat contemptus, tum ad reginam Cleopatram misit. & Tyrii quidem Aradiique cum eo numero navium, quem conficere potuerant, affuerunt: parque studium Serapionis fuit, qui Cleopatæ prætor in Cypro, regina inconsulta, Cassium jovit. Nam illa, propter familiaritatem Cæsaris dictatoris, Dolabellæ favebat, & hujus in gratiam passa erat abduci legiones ab Allieno: classemque paratam habebat, quam ei submitteret; sed ea ventis retinebatur. pecuniam tamen grandem subministraverat. Cassio autem ne auxilium mitteret, *famem pestilentiamque* excusabat, *quo simul utroque malo Ægyptus premeretur.*

XVI. Rhodiorum Lydiorumque perplexius responsum

§ XIII. Dio. Tacit. Cic. familiar. 12, 13 & 15. Strab. l. 16. Appian. § XIV. Cic. familiar. Dio. Appian. § XV. Dio. Appian.

fuit: *Semper Romanam magnitudinem colere solitis, nihil accidere tristius potuisse, quam quod Romanæ civitatis principes inter se collidi mutuis discordiis sentiant; nec sciri possit, utra partium iustius senatus populique Romani auctoritatem præferat. Iisdem enim vocabulis utrosque niti, nec alia nunc afferri a Cassio, quam quæ Dolabella prius asseverasset. Scire se, nuper admodum M. Marcello, Ser. Sulpicio consulibus, renovatum esse fœdus, quo eosdem cum senatu populoque Romano hostes sibi futuros iurassent. Sed ejusdem nuntium populi jussu Dolbellæ Syriam datam cognosse, cujus senatus eandem Syriam Cassio dederit.*

XVII. Sane Dolabellam hostem ab senatu judicatum dici, sed ab eodem senatu, prioribus decretis abolitis, Cassium, & qui cum eo sentiant, hostium numero esse. Non debere Romanos irasci externis civitatibus, si non satis dispuissent, utrorum sit causa iustior; cum inter ipsos ea de re constet nihil, armisque decidi necessum sit omnia. Nihil se potuisse aut rebus ipsis æquius, aut in nomen Romanum reverentius statuere, quam ut neutris partibus auxilium præstent ad civilia bella, seque ita gerant, ut nemo habeat adversum ipsos odii causam. idque sibi necessarium esse propter agros, quos in continenti habeant Rhodii: qui facilius a quolibet hoste vastari queant, quam defendi vel a potentissimis sociis.

XVIII. Audire se, hoc ipsum consilium ipsis probari, qui semper existimati sint multum valere prudentia. Sane Dejotarum regem, cum semper fuerit Pompejanis partibus addictissimus, & ab adversis gravia damna acceperit, auxilium Cassio non mittere. idemque ab aliis regibus atque civitatibus fieri, quos nulla alia causa attineri arbitrentur, quam quia quid sibi faciendum sit inter hæc incerta rei Romanæ fata nesciant.

XIX. Neque vero recte sibi objici, quod naves Dolbellæ dedissent. Simili enim conditione & Cassio fuisse daturos, & cuilibet, dum ne hostium in numero esset. Non enim ad bellum

§ XVI. Cic. familiar. 12, 15. § XVII. Appian. Cic. § XVIII. Cic. Phil. 11, 13, Dio, Appian.

eî concessas, sed deducendi tantum gratia: neque se scire, an his ad bellum abutatur; neque, si sciant, esse probaturos. Legationes ad Dolabellam missas crimini sibi dari, mirabantur; nisi forte ad proconsulem populi Romani, denique modo consulem, legatos mitti fuerit nefas. Neque arbitrii sui, neque modestiæ esse, quos a populo Romano mitti oporteat in provincias, anquirere. sibi putare colendos, quicunque mittantur. Aut igitur operam det Cassius, ut, quidnam voluntatis in re qualibet senatus populusque Romanus habeat, intelligi possit; aut rem tantam dijudicare nescientibus ne irascatur.

XX. Hæc ideo minus habebant ponderis, quod ab inimico animo profecta putabantur, quia tunc maximos magistratus iidem gerebant Rhodii, qui ante aliquot annos Pompejum ceterosque fugientes oppido & portu non receperant. Sed Cassius jam classem luculentam, præfecto Sextilio Rufo, habebat: & a tribus aliis, quas Q. Cassius, Turulius, Patiscus ducebant, adjuvabatur. Ergo non dubitavit denuo cum Dolabella configere; quamquam huic Ægyptiæ naves accesserant. Sed tum quidem dubio Marte pugnatum. paulo post a Cassianis hac arte parta est victoria.

XXI. In Lycia Sex. Marius & C. Titius legati Dolabellæ classem habuerant rostratarum, cum onerariis magnis navibus centum: hoc Dolabellæ consilio, ut pulsus Syria, copiis in naves impositis, Italiam peteret. Sed a Lentulo quæstore Asiæ disjecta classis, onerariæque ad unam omnes captæ sunt. Cum igitur hoc genere navium abundare Cassius cœpisset, Statio Murco quasdam earum, haud magni ad alia usus, attribuit; quas incensas opportuno vento in classem hostium mitteret. Ille, feliciter exsecutus consilium, & in prælio victor fuit, & in portum invectus navibus, exitum Dolabellæ penitus interclusit.

XXII. Jam & a terra perfectis operibus aries admovebatur: &, nequidquam eruptione tentata, repulsus intra

§ XIX. Appian. Cic. § XX. Cic. familiar. 5, 14. Appian. Dio;
§ XXI. Dio. Appian.

mœnia hostis erat. Sed resistebatur adhuc, &, ne corrupti nocturnæ excubiæ possent, M. Octavius Marfus pervigili cura impendebat. Igitur qui interdium in stationibus erant, quieti se tradente Marso, fecerunt proditionem, Quinto quodam auctore, & per diversa parva ostia, quæ in muris ad subitas eruptiones veterum industria reliquerat, intromissus hostis est. Urbe capta, cum Dolabella suum exemplum metueret, ne, quod in Trebonio fecerat, ipse pateretur, servo suo præbuit cervicem, *caput afferre iubens Cassio suæ salutis præmium.*

XXIII. Ille, superesse tam bono hero gravatus, cum illum jugulasset, se quoque eodem ferro interemit. Sed & M. Octavius sua manu invenit necem. *Corpora sepeliri* jussit Cassius, quamquam Trebonium inhumatum abjececerant. Q. Dellium, qui pactus erat *salutem, si occidisset Dolabellam*, tanquam impleta conditione, inter suos habuit. At Laodiceños, publica sacraque pecunia ablata, gravibusque impositis tributis, ad extremam miseriam redegit; cum & bellum multas ejus oppidi partes afflisset, & nobilissimum quemque supplicio peremisset victoria. ceteris tamen abstinuit injuriam, militesque Dolabellæ, quamquam erant ab senatu hostes judicati, in sacramentum accepit, pœna remissa: neque postea etiam, cum multorum insidiis peteretur, quemquam eo nomine interfici passus est.

XXIV. Sed *inter cetera Dolabellæ spolia nobilem equum fuisse* ferunt, *singularis cujusdam & pulchritudinis & fati.* Hunc se vidisse C. Bassus tradidit Argis, ubi natus erat, ex genere illo decantato, uti constanter est creditum, *Diomedis equorum, quos, occiso domino, Herculem deduxisse Argos, fama ferebat; haud credibili pulchritudine & vigore omnibus aliis equorum laudibus longe præstantem.* Hunc Dolabella nuper, cum fama ejus adductus Argos venisset, grandi summa emerat. Sed ob-

§ XXII. Appian. Dio. Vellej. 2, 69. § XXIII. Appian. Dio. Senec. Suasor. 1. Strab. l. 16.

servatum est, omnes illius equi dominos cum familia fortunisque omnibus misere disperisse. Nam primus omnium Cn. Sejus (unde & *Sejanus equus* appellatus est) a M. Antonio capitali supplicio affectus fuerat: & modo P. Dolabella gravi exitio erat consumtus. Sed postea quoque & Cassius interiit, & ipse M. Antonius, inter Cassianam cladem hoc equo potitus: sed ad institutum revertor.

XXV. Occiso Dolabella, multi reguli tyrannique Laodiceam cum muneribus & coronis ad Cassium accurrunt. quos inter ab Hierosolymis Hyrcanus venerat, Herodem adducens & Malichum, qui patrem Herodis interceptisse veneno putabatur. Idcirco cum venia Cassii Herodes cum in conspectu regis sui per aliquot centuriones Romanos contrucidandum curavit. At Cassius, constitutis Syriæ rebus, præfectoque cum una legione fratris filio, quos sibi fidos putabat homines, civitatibus tyrannos imponens, quo in numero Marion Tyrius fuit, in Ciliciam proficisci statuit, inde Cleopatram, ob missa Dolabellæ auxilia, petiturus; postquam obiter Tarsenses propter favorem adversarum partium mulctasset.

XXVI. Nam illi, divisi in factiones, & unaquaque nomen civitatis obtendente suis consultis ausisque, primo Cassium, mox Dolabellam coronaverant: deinde Cimbrum Tullium, ad opem Cassio ferendam properantem, arcere transitu Tauri statuerant: mox, pacti cum eo, simul pauciores habere opinione copias viderunt, excluderant oppido, neque commeatu juverant. Ille prævertendum ad majora ratus, ommissa oppugnatione Tarfi, contendit in Syriam. Interea Tarsenses, occupato, quod Cimber opposuerat, castello, vicinos, eoque semper invisos infestisque, Adanenses bello petierunt, *Cassianos esse* improperantes. Ergo vivente adhuc Dolabella, L. Sextilium Rufum Cassius misit: a quo victi venerunt in deditionem. Cassius

§ XXIV. Agell. 3, 9. § XXV. Joseph. de B. Jud. 1, 9, & antiq. Jud. 14, 21. Appian,

mille quingenta talenta victis imperavit. Ea pecunia cum acerbe exigeretur, Tarsenses, venditis omnibus publicis templorumque ornamentis, mox etiam ingenua corpora coacti sunt addicere. multique horum servitutis tædio sibi consciverunt mortem. Huic fortunæ Cassius superveniens, misertus est hominum, & reliqua civitati condonavit.

XXVII. Hæc ubi Romæ sunt audita, Tresviri, ne suarum partium homines concidere animis paterentur, Tarsensibus publice collaudatis, *operam daturos ostenderunt, uti cladem eorum suæ liberalitate ocissime sublevarent.* Iidem & Cleopatram laudaverunt, ob submissa Dolabellæ auxilia, permiseruntque, *uti filio Ptolemæo, quem, tanquam ex Cæsare susceptum, ne ipso quidem Cæsare prohibente, Cæsarionem vocare solebat, regis Ægypti appellationem tribueret.* Sub eadem tempora Cassium quoque, irrumpere parantem in Ægyptum, M. Bruti literæ revocarunt, *Triumvirorum apparatus contra se & consilia nuntiantes. Neque vero se parandæ seorsim potentiæ causa, sed ut contra tyrannos exercitum contraherent, Italia relicta longinquas regiones petivisse. Memores igitur propositi, non debere longius evagari ab Italia, sed eo convertere cogitationes, quemadmodum patriæ civibusque suis possint esse præsidio.*

XXVIII. Igitur & Parthos equites, quorum opera erat usus, cum legatis & muneribus remisit ad regem, majora simul auxilia petens, quæ perditis demum rebus affuerunt. Interim equites, a Cassio præmissi in Cappadociam, Ariobarzanem, tanquam insidiatorem imperatoris sui occiderunt, magnaque cum pecunia & cetero regis instrumento ad Cassium reversi sunt. Dum ea geruntur, M. Brutus mortibus tot clarissimorum virorum, sed præcipue D. Bruti & M. Ciceronis, irritatus, ad vindicandam tum propinqui sui, tum amicissimi viri necem, scripsit Q. Hortensio, ut C. Antonium, quem hætenus summa cura defenderat, inter-

§ XXVI. Appian. Dio. § XXVII. Sueton. in Cæs. c. 52. Dio. Appian. Plut. in Brut. c. 40.

feceretur. Sunt, qui *necatum* a C. Clodio Antonium tradant, *timente*, ne per *submissos* a Marco fratre custodia eriperetur. sed iussum Bruti fuisse satis constat, itemque ministerium Hortensii: quando & hoc mortuo iam Bruto M. Antonius exprobravit, & Hortensium velut inferias fratri dedit.

§ XXVIII. Dio, Plut. Liv. Epit.

JOANNIS FREINSHEMII
SUPPLEMENTORUM
LIVIANORUM

LIBER LXXXVII.

IN LOCUM LIB. CXXII LIVIANI.

E P I T O M E

LIBRI CENTESIMI VICESIMI SECUNDI.

M. Brutus adversus Thracas parum prospere rem gessit; omnibusque transmarinis provinciis exercitibusque in potestatem ejus & C. Cassii redactis, coierunt Smyrnæ uterque ad ordinanda belli futuri consilia. M. Messallæ Publicolam fratrem victum communi consilio condonaverunt.

I. **C**IVILES discordiæ bellis externis eo quoque nomine pestilentiores esse deprehenduntur, quod hic hostes & alienigenas timeas, tuorum fide ac benevolentia te confoles; ibi nihil ne quidem ab intimis, nedum quibuslibet amicis, tutum est. L. Gellius Publicola L. F. M. Messallæ frater, qui antiqua familiaritate Bruto erat conjunctissimus, & eodem apud Cassium loco fratrem esse sciebat. M. Bruto infidiatus, & pro cetera viri clementia. ob eadem illa, quæ exasperare poenam debuerant, dimissus

est. Ea quoque lenitas profuisse viro creditur, ut plures ad ejus amicitiam se applicarent.

II. Idcirco & classem haud pœnitendam colligere in Bithynia & apud Cyzicum potuit; & pedestri itinere provincias obiens constituit res civitatum, litibusque regulum operam dedit, ea tum moderatione ac mansuetudine, tum etiam æquitate, ut & inter se omnes, & sibi amicos fidosque efficeret. Tum & Dejotarus accessit partibus, licet longa senectute morosior; qui nuper etiam Cassium auxilia petentem spreverat. Atque erat in hoc haudquaquam leve præsidium, opibus & auctoritate prævalido. Nam & adempta nuper a C. Cæsare, cæde ejus cognita, suo Marte recuperaverat; & Dolabellam, fines suos ingredi volentem, junctis cum Tullio Cimbro copiis proffigarat; & filium habebat, ipsum quoque regem appellatum ab senatu, egregiæ spei atque indolis adolescentem.

III. Enimvero Brutum, rebus in Asia ex voto succedentibus, M. Antonii conatus in Europam revocarunt. cujus licet spes in exercitu seditionem ferendi, interemto fratre Cajo, in irritum reciderant; tamen verendum Bruto erat, ne qui per absentiam suam similes alii motus orirentur. Igitur in reditu per Thraciam, regionem, quam sine liberis decedens Sadales populo Romano reliquerat, recepit: inde in Bessos fecit expeditionem, ut sinui maleficia horum ulcisceretur, & sibi nomen imperatoris pararet, ornamento atque utilitati futurum ad bellum, quod sibi adversus Cæsarem & Antonium post gerendum esse videbat.

IV. Et initia quidem belli adversus feram & pugnacem gentem paulo duriora fuerunt: sed egregia Rhascupolidis opera victorem Brutum, votique compotem fecit. Atque is, ut causam suam latius commendaret, pecuniam signari hinc imagine sua jusserat, inde pileo, libertatis indice, & duobus pugionibus, quibus se atque Cassium as-

§ I. Liv. Epit. Dio. § II. Plut. Dio. Cic. Phil. 2, 37 & 13, 13, & ep. ad Brut. 7. § III. Dio.

feruisse Romanum populum, sublato domino, significaret; tempore quoque rei gestæ sic adscripto EID. MART. Omnes jam trans mare provincias in potestate Brutus atque Cassius habebant; neque tantummodo suppetebat otium communicandis consiliis, sed etiam necessitatem imponebat paratus prope, & mox in Græciam transmissurus hostis.

V. Igitur Cassius e Cilicia, Brutus e Macedonia profecti, Smyrnæ ad ordinanda futuri belli consilia coierunt, iis pedestribus navalibusque copiis, & apparatu pecuniæ, ut minime impares ad decernendum de Romano imperio viderentur. Pari honore & erat, & haberi volebat Cassius; sed detulit ei Brutus, ut crebrius ad eum ventitaret, tanquam ætate majorem, & corpore haud æque validum. Neque discessum a prioribus animis erat, quin & tueri causam suam conarentur, & non nisi concordibus tantam subeundam molem scirent. apparebatque, nihil esse melius, quam ut in Macedoniam cum omnibus copiis proficiscerentur, propulsaturi hostem, aut cessantem in Italia quæsituri, penes quem jam esse legiones circiter quadraginta cognoverant.

VI Sed Cassio placebat, *Rhodos prius Lyciosque in ordinem cogi, validos classibus, adversos animis, & si contra Cæsarem & Antonium res parum procederet, terga invasuros. At nunc, priusquam majoribus rebus disjunctur, facile hos auctoritate, aut vi cogi in ordinem posse.* At Brutus. *opus sibi pecunia esse, dictitabat: nam ad parandam classem injunctum, quod habuisset. nec deerant inter amicos Cassii, qui dandam negarent, cum aliena invidia paratis ambitiose abusuro:* sed vicit æquior sententia, ac, jubente Cassio, ex omni præsentē copia trientem Brutus accepit.

VII. Tum & M. Messallæ egregio juveni, Publicolam fratrem communi consilio condonarunt: qui venia nihilo factus melior, insidias Cassio paraverat. Sed indicium ejus rei Polla detulit, Publicolæ mater, utrique consulere cupiens, & Cas-

§ IV. Liv. Epit. Dio. Pigh. annal. 711. § V. Liv. Epit. Plut. Appian. § VI. Dio. Appian. Plut.

siq̄ salutem paratura, filio veniam. Sic ille iterum absolutus, ne tum quidem retulit benefactoribus gratiam, quin ab his ad Cæsarem & Antonium perfugeret. His ita ordinatis, partiti sunt inter sese, ut Brutus Lycios, Cassius Rhodum oppugnaret. Igitur gnarus, cum populo rei nauticæ peritissimo sibi rem fore, Myndum deducit classē ornatam instructamque, ac ibi remiges exercuit.

VIII. Eo venerunt ab Rhodiis legati, *neque contemni civitatem petentes, quæ semper ulta sit injurias suas; neque fieri aliquid contra fœdera, quibus diserte cautum sit, ne alteruter populus ab altero bello & armis petatur. Quod si forte ob auxilia non missa succenseat, ituros Romam oratores senatus consulendæ gratia, illo auctore graviter & benigne missuros.* Responsum est, verborum præterisse tempora: nunc finiendas armis controversias esse. Fœdus, quod prædicarent Rhodii, prius violatum ab ipsis esse, Dolabellæ partes secutis. sed & eodem fœdere de mittendis auxiliis perscriptum esse. ipsos a Cassio rogatos illudere, senatus obtentu, quem sciant oppressum per tyrannos patriæ, dissipatum atque dispersum per provincias. sed brevi pœnas daturus & illos, & illorum socios Rhodios, ni confestim imperata faciant.

IX. Hæc relata diversimode affecerunt civitatem, inter se contrariis studiis opinionibusque divisam. Prudentiores, & quibus res erat, bellum Romanum haud secus atque certum exitium expavescere: vulgus per se stolidum, & periculorum ante experientiam appetens, Alexandri Mnaseæque concionibus inflari, veteres civitatis laudes resonantium, & quanto majori numero navium petita a Mithridate, a Demetrio regibus, invicta stetisset. Ad hæc conspectu suæ classis erigebantur. nam ex omni copia navium tres & triginta delectas deduxerant. Igitur cum forte creandis magistratibus comitia haberentur, Alexander factus Prytanis, quæ præcipua tum erat dignitas, Mnaseas classi præfectus est. Iterum tamen ad Cassium mitti Archelaum pla-

cuit, quo magistro Cassius olim Græcis literis operam Rhodi dederat.

X. Atque is, pro veteri familiaritate apprehensa Cassii dextra, *Dii vero*, inquit, *meliozem tibi mentem, C. Cassi, quam ut Græcam urbem exscindas, Græcæ nationis amator, aut liberam, assertor libertatis. Sed neque Dorici nominis dignitatem contemseris, oblitus pulcherrimarum artium, quas partim Rhodi, partim etiam Romæ didicisti. Rhodi quidem, contra reges pro legibus, quarum quoque te vindicem præfers, egregia gesta: Romæ, magna erga Romanum nomen civitatis nostræ merita, eximiamque fidem, quam & Antiochi bello vobis, & multis aliis locis temporibusque Rhodii præstitimus. Et hæc quidem summam, ut in rebus notis, & adversus hominem eruditum, de dignitate generis & originis nostræ, de intemerata hunc usque in diem libertate, de meritis, atque perpetuo erga populum Romanum studio ac prolixissima voluntate, dicta sunt.*

XI. Privatim vero tecum plura esse debuerunt amicitia benevolentiaque vincula, C. Cassi: quæ nequaquam sine probro abruperis. Rhodi educatus es, Rhodi institutus, in illa urbe ægrotus remedia valetudini, peregrinus hospitium, rudis magistros & scholam meam reperisti. Non potes harum rerum omnium, quæ mentio totam in vitam solet esse jucundissima bonis, ulla ex parte recordari, quin Rhodi memoria subeat, atque tantorum commodorum hanc tibi largitricem fuisse recogites. Atqui nostram quidem amicitiam nunc quoque tanti esse puto, ut spem mihi magnam præbeat, mea quoque causa benigniorem re Rhodiis fore; neque commissurum, ut hac ætate duarum rerum tristissimarum expectatione conficiar, ne forte aut Rhodii omnes deleamur, aut vincatur Cassius meus. Illud vero omen Dii Deaque omnes prohibeant! & quando me Deorum admonuit hæc mentio, precibus meis me consilium etiam addere, non ægre feres.

XII. Deorum maxime gratiam parandam esse magna & præclara molientibus, semper admonui; nunc vero etiam singulari-

§ IX. Diog. Laert. § X. Appian. Strab. l. 14. § XI. Dio. Appian.

ter, pro libertate Romani nominis tanta captantem horror atque oro, ut ante omnia summam tibi horum habendam esse rationem putes. his auctoribus, nihil non prospere cedit: his adversantibus, parum erit in quantislibet præsidiis spei. Ceterum ante paucos hos annos, cum ex auctoritate Cæsaris fœdus nobiscum renovatum est, jurati dextras accepistis dedistisque. Ea fides, ea fœderum religio summæ hominibus curæ esse debet, & qui apud immortales Deos adipisci gratiam postulant, & qui retinere bonam inter homines famam: ut de utilitate jam taceam, quæ servantes pactorum atque fœderum ultro sequitur. Nam & cum his cupidissime jungunt amicitiam prudentes: & hanc deserere, quantumlibet necessitate preffi, verecundantur. At quorum suspecta aut credita levitas est, eos & ab aliis falli nec admiratur quisquam, nec irascitur. Hæc autem cum etiam inter insensissimos hostes obtinere debeant; quanto magis præstanda sunt amicis, hospitibus, alumniis! Non possum plura præ lacrimis loqui: sed neque verborum magis hoc, quam pietatis, opus est: & si hæc contemnere poteris, supervacua omnis est oratio: neque enim moveare, tametsi plurima & gravissima proferantur.

XIII. Hæc largo cum fletu prolocutus senior, adeo commovit Cassium, ut præ verecundia colorem mutaret. Educta tamen ex Archelai manibus dextra: Si persuadere Rhodiis noluisse, ut abstinerent injuriam a nobis; mihi suadere non debes, ut acceptam ulciscer superfedeam. sin vero hæc agentem audire neglexerunt, pœnas ab his expetam, a quibus contemptus es.

XIV. Ubi vero erant illi Rhodii, gens studiosa libertatis; amicitia tenax, hospites, magistri & educatores mei, cum nuper auxilia petentem rejecerunt? At Dolabella miserunt naves, qui nec educatus ab his, nec eruditus est, & libertatem conabatur opprimere, quam ego & Brutus cum aliis principibus defendimus. Neque vero prodest Rhodiis hic color, quasi misceri nolint civilibus Romanorum armis. essent civilia, si nos quoque faceremus partes, & nostram ad potentiam res trahere conaremur. Nunc ubi aperto bello hinc rempublicam stare, inde tyrannos intelligitis; frustra poscitis a nobis oratisque libertatem,

pro qua nobiscum propugnare cunctamini. Adeone vos tot clari viri, amici plerique hospitesque, a quibus defensi semper, a quibus ornati estis, nihil commovent, indicta causa condemnati, proscripti, exuti bonis, ejecti patria, vita ac luce depulsi? ut succurrere nolitis populo Romano, cujus societatem atque amicitiam jactare non desinitis.

XV. *Sed enim senatus prius vobis exploranda voluntas est! scilicet ejus, quem præclare scitis vi obsessum oppressumque sententiam suam non audere profiteri! Quod si vero discere vobis curæ sit, quid liber & suæ potestatis senatus censeat, senatusconsultum introspicite, quo mihi Brutoque opem ferre socii amicique omnes jubentur. Tu vero, si quid unquam a Rhodiis profectum est in Romanos officii, diligenter meministi: præmia, quæ vobis abundantissime sunt reddita, præteris. Quid autem vobis prodesse possunt benefacta majorum, si dissimiles his esse pergitis? Juverunt illi rem Romanam: at vos deseritis, cum maxime opus bonis fidelibusque sociis habeat respublica. An non, siquidem Dorienses censi magnum est, subvenire pulcherrimo imperio, nunc sub iniquorum civium maleficiis laboranti, vos oportuit: & vel hinc ordiri amicitiam, etiamsi nulla vobis antequam cum nomine Romano fuisset?*

XVI. *Vos autem ita vos geritis, tanquam adhuc a Telchinibus incoletetur insula; ne forte oblitum Rhodiæ historiæ putetis. Sed ista quidem mitto. at quia provocatis ad fœdus, quod auctore Casare, qui & dominationis fuit auctor, factum est; an non eo ipso continetur, Romanum Rhodiumque populos, uti cuiusvis opus esset, invicem auxiliari debere? Quin igitur adestis hoc tempore summo in periculo constitutis? En adsum C. Cassius, Romanus certe, nec civis modo, sed, si qua senatusconsultis fides est, imperator, & ex lege fœderis auxilia postulo. easdem vobis fœderis leges M. Brutus, easdem Sex. Pompejus ingerunt, præfectus a senatu maritimæ rei.*

XVII. *Accedunt senatorum preces, qui ad me, & Brutum, & hunc, quem dixi, Pompejum ex urbe confugerunt. Tot & talibus viris suppetias ire negabitis, qui ex formula fœderis ad auxilium vel unicuique Romano ferendum tenentini? sin vero*

*hos tantummodo, qui nunc Romam urbem obtinent, Romano-
rum loco; nos pro exsulibus & peregrinis habetis: at vos Ro-
mana fœdera objicere nobis definite. Serventur ea, inter quos
scilicet convenerunt. interim Rhodii, nisi sponte imperata facie-
ris, ab his exsulibus atque peregrinis justo pioque bello petemini.*
His ab Archelao Rhodi expositis, Alexander & Mnaseas
cum illa, quam prædiximus, classe Myndum adnavigarunt,
tanquam hac audaciæ ostentatione Romanos territuri: com-
pedesque magno numero monstrarunt eminus, tanquam
captivos plurimos in potestate mox habituri. hinc, quia
portu se Romana tenebat classis, Gnidum petierunt.

XVIII. Postridie, cum pari contentu Rhodii adessent,
L. Statius Murcus contra eduxit naves: certatumque est
acriter, patrias utrique artes gnaviter adhibentibus, quip-
pe Rhodios nemo tum æquabat nauticæ rei peritia: Ro-
mani contra lacertis & robore nitebantur. hos numerus &
magnitudo navium adjuvabat, quæ neque rostrorum icti-
bus cedebant temere, &, ferreis injectis manibus, cito rede-
gerant hostes a discursando ad statariam pugnam. Igitur
duabus Rhodiorum navibus depressis, tribus cum ipso re-
migio captis, ceteræ male mulctatæ Rhodum refugerunt.

XIX. Hanc pugnam ex promontorio spectavit Cas-
sius: neque moratus diutius, quam ad reficiendas naves
opus erat, Loryma petiit, Rhodiorum castellum oppoli-
tum insulæ. Inde pedestres copias onerariis navibus trans-
jecit, ducibus Fannio & Lentulo. Ipse Cassius in naves se
contulit, ut terra marique Rhodus oppugnaretur. Neque
defuit his audacia iterum tentandæ pugnæ, quamquam
semel jam superati, cum multo paucioribus navigiis ad-
versus octoginta rostratas dimicarent. sed tum quoque victi
sunt, duabusque navibus amissis, ad urbem compulsi, cujus
mœnia mox armatis compleverunt, undique propugnantes.
nam & a mari turres plicatiles navibus advectæ eri-
gebantur.

XX. Hoc terrore, quod in civitate fanum erat, colloquia cum Fannio Lentuloque de pace habebant; cum subito conspectus est in oppido Cassius, neque scalis superato muro, neque ulla externa vi adhibita. Reclusas ab amicis ejus & educatoribus portulas, quæ multæ in mœnibus erant, creditur; timentibus, ne vi capta Rhodus omnino dirueretur. Sed ipse, tanquam sine exceptione victor, licet *regem & dominum* appellantibus, *neque regem se, neque dominum esse, sed interfectorem regis atque domini* respondisset; hasta sub tribunali proposita confedit, interdicto severe militibus, *ne quis corporibus aut rebus Rhodiorum injiceret manum*. At ipse *quingenta* nominatim citatos *ex auctoribus belli Rhodiis duci ad supplicium* jussit: quinque & viginti, quos negabant comparere, damnavit exilio: *pecuniam publicam omnem ad se comportari* præcepit, ne facris quidem, & donariis Deum abstinens: orantibusque Rhodiis, *ne cunctis numinum simulacris spoliarentur, Solem a se relinqui*, respondit: intactum enim nihil præter currum ejus Dei siverat.

XXI. Sed ea vox ominosa paulo post est habita, tanquam celeriter luce cariturum præfagientis. sed & edictum proposuit, *uti, quod quisque privatim auri argenteive possideret, intra dictam diem proferret*, morte celantibus denuntiata, indicibus promisso præmio: servis libertatem, liberis decimas constituerat. Multi tamen occultandis rebus suis perfliterunt, plura minari Cassium, quam facturus esset, existimantes. Ceterum ubi ex edicto pœnas mercedemque decerni viderunt, prorogari diem postulantes, ex puteis & foveis, ubi rerum pretiosissima condiderant, tantam opum vim attulerunt, ut octo millia talentorum inde confecta referantur.

XXII. Neque his contentus, quingenta insuper talenta imperavit civitati; præsidioque imposto, L. Varum ibi reliquit. His rebus alacer Cassius, (ausum enim immanis operis

§ XX. Plut. in Brut. c. 44. Euseb. Val. Max. 1, 5. § XXI. Dio. Val. Max. Plut. in Brut. c. 48. Appian.

celerrime confecerat) Asiæ quoque tributum ingens imperavit, decuplum ejus, quod pendere quotannis consuevisset; idque statim exegit. Dum in his occupatus est, valida classis ab Ægypto navigare ad hostes nuntiatur, mittente Cleopatra: quam & amicitia illarum partium, & recens a Cassio metus, ut potius ei negotium alibi facefferet, acerbis stimulis impulerat.

XXIII. Itaque Murcum cum sexaginta navibus, & fortissima legione, atque aliquo numero sagittariorum *occurrere ad Tanarum Peloponnesi promontorium* jussit, ut illius maris transitum opportuna statione custodiret: ei quoque peninsulæ non fatis æquus, quam incursionibus, & abducta, quanta poterat, præda vexaverat. Multo ubique lenior Brutus, sub eadem tempora Lycios *conferre pecuniam & dare milites* jussërat. Sed illi, Naucræte quodam impellente populum, objecerunt arma, tumultosque nonnullos arcendi transitus causa infederunt. In hos, dum cibum capiunt, impetu facto, Brutus per equites suos interfecit ad sexcentos; simulque cum fugientibus irrupit castra.

XXIV. Tum ad castella & oppida circumilato bello, plerisque deditione potitus, prædarios sine pretio dimisit incolumes. At illi, non tam deliniti beneficio, quam infensi ob illata damna, Xanthum se contulerunt hostilibus animis; quod oppidum tota Lycia maximum, summa ope ad resistendum se parabat. suburbiis enim dirutis, ne receptaculum hosti, neve materiem ad opera præberet, fossam circum urbem duxerant pedum in altitudinem quinquaginta, & proportionem latam; cujus e margine in adventantes jacula & sagittas torquebant, tanquam profundo flumine & vadari nescio diremti. At Brutus, quamquam e longinquo petenda erat materia, tam fuit in oppugnatione diligens, ut qui multorum mensium futurus credebatur labor, paucis diebus conficeretur.

§ XXII. Appian. Vellej. 2, 69. § XXIII. Plut. in Brut. c. 44. Dio.
§ XXIV. Plut. Strab. l. 14. Appian.

XXV. Partitus enim copias in diurnam nocturnamque operam, ut, parte dimidia pugnante, reliqui interquiescerent, penetravit ad mœnia portasque, & quia recentes subinde fellis succedebant, oppidanos, quibus haudquam eadem erat copia, ad extremum discrimen adduxit. Repugnabant illi tamen, donec pinnæ turreſque ſteterunt: ſed ubi ſunt ab his deſtituti, una reliqua ſpes atque contentio fuit, ſi quam fugiendi reperire viam poſſent. Amnis præterfluebat urbem, eodem atque illa nomine. ſub hoc quidam urinando conabantur evadere: ſed excepti ſunt reſtibus, ſub aqua in tranſverſum tenſis, quibus appenſa in ſummo tintinnabula, ut quis inciderat, capturam ſignificabant.

XXVI. Poſtremo omnium eruptio placuit. quod ubi Bruto nuntiis, aut rebus iſtis proditum eſt; reduxit a portis milites, ut ſpatium concederet. Id Xanthii negligentiam interpretati, noctu eruperunt cum ignibus, quos injicerent machinis. vehemens inde certamen ortum. Sed Bruti milites, factò per incendium impetu, nudum Xanthiorum agmen (neque enim præter faces & tela quidquam extulerant) diſjecere; multis interemtis, quia metu, ne ſimul irrumperet hoſtis, clauſum oppidum fuerat. Et hos quidem hunc ad modum occluſa porta, reliquos aperta prodidit. Namque ſub meridiem eruperunt iterum, incenſiſque machinis oppidum repetierunt, libero relicto propter priorem caſum aditu.

XXVII. Igitur confertim irrumpentibus Romanis oppidum capiebatur, niſi repente funibus ruptis cataracta decidiffet. Duo millia ferme intraverant. ii cum premerentur a Xanthiis, neque ſubducere ſine funibus gravem portam, neque concidere tectam ferro poſſent, multis amiſſis in ædem Sarpedonis penetrarunt, ejuſque munimento ſe tuebantur. Sed anxius de his Brutus, omnia tentando diverſis aditibus invenit viam. Alii, ſcalis incendio amiſſis

lis, subito fabricabant novas: alii, antennas admoventes mœnibus, per eas subrepebant: nonnulli, uncos restibus ejaculantes in murum, ubi forte quis adhæserat, attollebantur.

XXVIII. Cœnoandenses, vicini Xanthiis & plerumque discordes, notitia locorum, per abruptas rupes enitebantur; Romanis etiam quibusdam sequentibus. sed laboriosus ascensus fuit, multique, fallente vestigio, in præceps lapsi perierunt. Eodem tempore quidam eorum, qui muros transcenderant, portulam quandam aperuerunt, ante quam vallum erat exstructum præacutis sudibus. super eas audacissimus quisque transcendentium, sublevatus a commilitonibus evadebat: donec numero jam multi portam, quæ intus ferro non erat munita, diffringere cœperunt. Accendebantur enim periculo suorum, invadi hos a Lyciis arguente clamore.

XXIX. Igitur cum intus forisque idem plurimi summo conatu agerent, effracta porta dissiluit: ad quod spectaculum ingens sublati clamor, gestæ rei pugnantibus indicium fecit, diremitque certamen. Interim ignis, a machinis ad propinqua mœnia devolutus, pinnas & his conjuncta ædificia comprehendit. Idcirco Brutus, perniciem oppidi timens, *extingui a militibus flammam* jussit. sed hæc ab oppidanis ultro augebatur, picem, sarmenta, quidquid alendo igni reperiebatur, cupide injicientibus. Bruti potius hanc patriam esse putares, cum deleteretur a suis, ab hoc defenderetur.

XXX. Ille & in urbe, & quia propter tumultum incendiumque nihil profici poterat, egressus porta, murosque circumvehens, tendebat ad Xanthios manus, *sibi parcerent, seque & oppidum servarent*. At illi fatali rabie tela incendium exstinguentibus ingerebant. postremo clausis domibus se parentesque & liberos occiderunt: alii, nec firmior tantum ætas, sed parvi pueri atque puellæ, insiliebant in ignem, aut in præceps demittebant corpora: pars,

jugulum præbentes paternis ensibus, *in libertatem asserti* postulabant. Relatum etiam ad Brutum est, *mulierem conspici pendentem ex laqueo, quæ parvulum infantem e collo suo suspendisset, altera manu adhuc teneret facem ardentem inflammandarum adium gratia raptam.*

XXXI. Id videre non sustinuit Brutus; sed illacrimans, *præmium pronuntiare jussit in milites, si quis Xanthium confer-
vasset.* Sed illi, jugulatis suis omnibus, & in rogos conjectis, super incensam lignorum struem se transfodere malebant. Igitur summa Bruti cura vix ad templa quædam servanda profuit: *homines quidem ingenui centum quinquaginta super-
fuisse traduntur, molliores ceteris & amantiore vite.* Sic Xanthii perierunt pro libertate, majores æmulati, quorum parpervicacia antea quoque patriam civium manibus perdid-
derat. Ab Harpago certe oppugnati, regis Cyri præfecto, ne Persicam servitutem paterentur, incendio & ruinis oppidi se tumularunt.

XXXII. *Idemque iterum accidisse* Appianus tradit, *Alex-
andri bello Persico.* Sed Arrianus & Diodorus, quibus credere malis, ille *Xanthios venisse deditione in fidem* scribit; Diodorus, *Lyciis quidem, sed Marmarensibus, nescio quibus,
eandem ferociam exitumque fuisse.* Xantho capta, Brutus ad Patara descendit, quod oppidum videri navale Xanthio-
rum poterat. Sed vim admoveere cunctabatur, eandem in
his vecordiam metuens, quam expertus in Xanthiis esset.

XXXIII. Idcirco prius captivos in conspectum eorum adduxit, hortaturos, *ut, sua clade admoniti, saniora consilia
capefferent:* quin & nonnullos necessariis suis dono dedit. Cum nihil responderetur, concessa ad deliberandum reli-
qua parte diei, abduxit copias: postridie rursus affuit, &
quam proxime muros constituta catasta, captivos in con-
spectu oppidanorum cœpit vendere. & ne sic quidem motis Patarensibus, ceteros omnes sine pretio dimisit. Erant
in eo numero feminæ quædam Patarensium: quæ ubi viris

atque propinquis suis lenitatem atque moderationem Bruti diligenter exposuerunt, eo res adducta est, ut, qui modo extrema maluerant, aperirent portas, seque & sua omnia in fidem potestatemque Bruti contraderent.

XXXIV. Atque ille neminis aut supplicium, aut fugam iussit: sed recepta, quæ in publico erat, pecunia, edictum simile Cassiano proposuit, *de conferendo a privatis auro argentoque*. Forte quidam, a servo proditus aurum abdidisse, ad Brutum ducebatur. Eum ut eriperet mater, cum clamore sequebatur, *innocenti negotium exhiberi; se criminis ejus ream esse*. Tum conversus ad eam servus, quamquam interrogatus non esset, coarguere mendacium cœpit, & *aurum a domino celatum*, asseverare. Hæc ubi renuntiata Bruto sunt, *juvenis patientia, matronæ pietate collaudata, abire cum auro suo incolumes; servum improbum in crucem tolli*, iussit.

XXXV. Inter hæc missus cum parte classis Lentulus Andriaca, quod navale Myrensiū est, rupta, quæ portum clauderat, catena, cepit; Myrensiū prætorē simul deprehenso. Et hunc dimitti Brutus iussit: eoque pacto Myra quoque recepit in deditionem; ubi similiter exacta pecunia, Lentulus ad imperatorem rediit. At ille, recepta omni Lycia, communique Lyciorum non amplius centum quinquaginta talentis imperatis, *classē eorum Abydi præstolari* iussit, quo & ipse pedestres copias erat adducturus, ut inde Sestum transmitteret. Prius tamen deflectit in Joniam, instituti sui tenax, & ubique justitiæ atque moderationis edens præclara specimina.

XXXVI. Sed nihil fuit hominibus supplicio Theodoti gratius, quem, propter Pompejum magnum hoc auctore interfectum, communiter omnes erant perosi. Hunc igitur, dum ceteri puniuntur a Cæsare, fuga ereptum ex Ægypto, & per Asiam vagabundum, *corripī Brutus, excruciatumque necari*, iussit. Inter hæc & Cassius, Rhodo subacta,

§ XXXIII. Dio. Appian. Plut. § XXXIV. Appian. § XXXV. Dio. Appian. Plut.

T. Liv. Vol. XI.

R

in continentem redierat. Hunc arcessivit Brutus Sardes, venientique cum amicis occurrit. Magna ejus diei species fuit, cum tanti exercitus starent in armis, & propter res bene gestas utrumque pariter imperatorem concordibus vocibus salutarent.

XXXVII. Sed ipsi statim a via colloquendi causa diverterunt in conclave quoddam, semotis arbitris. Nam ut inter viros tanta potentia subnixos, multisque ducibus & amicis stipatos, suspiciones ortæ erant. His ultro citroque proferendis in contestationes & objurgationes ibatur; fletumque audire erat, & vehementiores interim voces, ut magno in metu pro foribus amici utriusque essent, quibus, *ne injussi ingrederentur*, acriter interdictum erat. Sed ad extremum M. Favonius, M. Catonis ineptus imitator, quamquam prohibentibus ministris irrumpens, recitatis Homeri versibus, quibus Nestor, *parcere sibi natu minores*, jubet, Cassio risum, Bruto iram movit;isque *exesse* jussit *inscitum canem*, & *adulterinum canem*, Græcis verbis hunc in in sensum conviciatus.

XXXVIII. Tamen ille finis altercationis imperatoribus fuit: & ad cœnam Cassii Brutus amicique ejus comparuerunt. Tum & Favonius affuit, & cum supremum in lectum rejiceretur a Bruto, *neutiquam invitatum* testante, magna contentione corporis contra repellentes usus, in medio se reposuit. Postridie virum prætorium L. Pellam, postulantibus repetundarum Sardianis, damnavit Brutus publice: momorditque ea res Cassium, quia non ita pridem ipse duos ex amicorum cohorte paris criminis compertos, privatim admonuisse contentus, palam absolverat.

XXXIX. Objecit igitur hoc Bruto, atque *amicis utendum* monuit *indulgentius*, ni *deseri velint*: contra Brutus *Idus Martias* testabatur, *neque ideo interentum Cæsarem*, quod ipse *per se laderet singulos*, sed *quia hoc agentium robur præsidiumque esset*. Quod si ita sit agendum, *tolerari Cæsarem præstitisse*. Tunc enim, inquit, *una nobis hæreere poterat ignavia*

§ XXXVI. Plut. in Pomp. & Brut. Dio. § XXXVII. Arist. polit. 3, 11. Dio. Plut.

nota: nunc si eadem committamus, cum tot laboribus ac periculis injuriæ crimen sustinebimus. Hinc apparet animus Bruti, & quid in nece Cæsaris spectaverit. Alia Cassio mens erat, qui acer & belli peritus, sed asper ira, potentiam magis & metum, quam æquam omnibus libertatem quærebat. Idem inter familiares solutus erat risu, & dicax.

XL. *Contra Brutum vulgo carum, amicis dilectum, optimo cuique admirationi, ne hostibus quidem invisum fuisse, tradunt: quia mire lenis, magnanimus, iræ, voluptati, avaritiæ inexpugnabilis, verum atque honestum indeclinabili constantia sequebatur. Igitur etiam ex Antonio multos audivisse ferunt, eum dicere consuevisse, solum Brutum virtutis & honesti specie motum ad inferendam Cæsari necem; ceteris omnibus aliæ proposita fuisse. Sed neque vulgo dubitabatur, unum hunc bono animo descendisse ad civilia arma. Nam neque Pompejo victore mansuram fuisse modestiam, quin ille consulis, aut dilectoris, aut cujus alius magistratus nomine, perpetuam dominationem retineret: & hunc ipsum Cassium, nihilo Carbonibus & Mariis & Cinnis meliorem, sæpe ab honesto ad utilitatem flecti, neque communem salutem magis, quam privatæ potentiæ rationes respicere.*

XLI. *At Brutum animo quam opibus nifum fuisse, vel ipsius epistolæ doceant, vicino jam discrimine compositæ. Nam ad Atticum scribit, nunc equidem esse res suas in pulcherrimo statu; nam aut victoria libertatem populo Romano comparaturum, aut morte sua confirmaturum sibi. & cetera quidem in incerto; unum haud dubiæ veritatis esse, aut victurum se liberum, aut moriturum. M. Antonium autem meritis vetriciæ pœnas pendere, qui, cum censeretur cum Catonibus, Brutisque & Cassiis potuisset, Octaviani vilis accessio esse maluisset: quem & ab se præsens maneret periculum, & si hoc vitasset, aliud exspectaret ab ipso Octaviano gravius. Et in his quidem Brutus atque Cassius erant.*

XLII. At Statius Murcus, circa Peloponnesum excubans, cum *Ægyptiam classem ad Africæ litora perisse naufragio* audisset, ejusque cladis notas ad Laconiam usque fluctus pertulissent; ne cum tanta classe nihil ageret, trajecit Jonium pelagus, & insulam portui Brundisino oppositam, Lælii nuper & Libonis exemplo cepit. Hæc enim statio valde erat opportuna ad prohibendum, ne qui ex Italia milites aut commeatus in Græciam trajicerentur. Sed jam exercitus Triumvirorum, octo legiones, cum legatis C. Norbano ac Decidio Saxa, transmissis Adriatico in Macedoniam præverterat; Tribusviris hos præmittentibus, dum Cassium & Brutum Lycio Rhodienisque bello in longum tempus se putant implicuisse.

XLIII. Sed comperto rerum istarum exitu, Rhodiis Lyciisque collaudatis publico decreto, *promissisque ad eorum reparandam fortunam pecuniis*, & relicto ad præsidium urbis Lepido, Cæsar & Antonius pecunias legionesque dividerunt, (quia jam nihil Antonio satis videbatur, nec in pari jure portionem æquam obtinere Cæsarem patiebatur) statimque profecti sunt paludati. Ceterum Antonius, qui Brundisium ierat, cum inde transmittere conaretur, a Murco impeditus & exclusus, cum rostratis, quas habebat oppido paucas, nihil ad summam profecit; quamquam catapultis & machinis, atque etiam turribus naves oneraret. Id unum egit, ut secundo vento partem copiarum subinde imponeret onerariis navibus, quæ plerumque perveniebant, priusquam a Murco opprimerentur. Postea, quia parum ista proderant ad summam, C. Cæsarem, qui circa Siciliam cum Sex. Pompejo navalibus viribus dimicabat, ad ferendam in commune opem excitavit. Sed hujus quoque belli origo, Sextique fortuna, quæ a ceteris rebus separari utilius fuit, deinceps exponenda est.

§ XLII. Appian. Dio. § XLIII. Flor. 4, 7. Plut. in Anton. c. 27. Plin. 35, 1. Dio. Appian.

JOANNIS FREINSHEMII SUPPLEMENTORUM LIVIANORUM

LIBER LXXXVIII.

IN LOCUM LIB. CXXIII LIVIANI.

E P I T O M E

LIBRI CENTESIMI VICESIMI TERTII.

Sex. Pompejus, Magni filius, lectis ex Epiro proscriptis ac fugitivis, cum exercitu diu, sine ulla loci cujusquam possessione, prædatus in mari, Messanam oppidum in Sicilia primum, deinde totam provinciam occupavit: occisoque A. Pompejo Bithynico prætore, Q. Salvidienum legatum Cæsaris navali prælio vicit. Cæsar & Antonius cum exercitibus in Græciam trajecerunt, bellum contra Brutum & Cassium gesturi. Q. Cornificius in Africa T. Sestium, Cassianarum parvum ducem, prælio vicit.

I. **S**EX. Pompejus, cum ei morte Cæsaris, & secutis eam motibus, spes in patriam redeundi vix ostensa prius, quam erepta esset, imperium maris amplexus, cujus ei concessus ab senatu titulus fuerat, versus Italiam navigavit. Sed audito, se quoque inter percussores superioris Cæsaris damnatum esse, abstinuit continenti, & sine ma-

lesicio circum insulas oberrans, ut in patriam revocaretur expectabat; quod se facinoris ejus, cujus ceteri convicti dicebantur, innocentem sciebat ab omnibus haberi. Ut vero cum ceteris suum quoque nomen feralibus tabulis insertum didicit, ad bellum se totis viribus comparans, instruxit naves: neque proscriptos modo, qui in Epirum evaserant, sed etiam fugitivos recipiendo, & armando ergastula, quin & cum piratis inita societate, qui circa Cumas & Gallinariam silvam prædabantur, coegit exercitum. diuque sine certa cujusquam loci possessione vagatus in mari, cum felici rapina per Italiæ portus haud spernendam vim militum & pecuniæ confecisset, in Siciliam cursum direxit, Mylisque & Tyndaride citra pulverem captis, Messanam, prævalidam urbem, tentare ausus est.

II. Erat tunc A. Pompejus Bithynicus Messanæ, Siciliæ prætor. Ab hoc repulsus initio Sextus, non ideo destitit, quin vastatione agrorum, intercipiendisque com meatibus Mamertinos vexaret. Sed & vicinos, open ferre conantes, exceptos per insidias, aut simili clade mulctatos, deterrebat. Postremo cum jam etiam quæstorem Bithynici cum pecunia, quam deportabat, in potestatem redegisset; per communes amicos, Hirtium & Fannium, qui recens proscripti in Siciliam profugerant, inita est inter duces pactio, ut æquato imperio Siciliam obtinerent. Sic receptus Messanæ, imperatoque, *ut pecunias & arma proferrent*, Syracusas petiit: acceptoque ex Africa subsidio, quod Q. Cornificius miserat, & illam urbem, & postea plures subegit. Unde res frumentaria perangusta Romæ, multique mortales absumpti frugum penuria, coegerunt Cæsarem, qui hætenus majorum rerum cura Sextum augeri tulerat, ut & classi instruendæ adjiceret animum, & Q. Salvidienum Rufum cum ingentibus copiis Rhegium præmitteret.

III. Namque Pompejus, in dies augenda famam atque

§. I. Dio. Oref. 6, 18. Liv. Epit. Vellej. 2, 73. Flor. 4, 8. Strab. l. 7. Appian. § II. Liv. Epit. Dio. Appian. Solin. c. 111. Plin. 7, 45.

copias, cum præter ceteros perplurimi ad eum ex civitatibus, quæ militum præmiis destinabantur, confluerent, jam etiam Italiæ tentare oram audebat. Sed adventu Juliani exercitus in Siciliam se recepit: & Salvidienus, cum navibus destitueretur, navigia ex corio fabricare instituit, qualibus in Oceano utebantur, levibus lignis conferta, quæ foris pelle bubula cruda in clypei formam inducebantur. Sed irrisus, & huic invento diffidens, Rhegii se tenuit, donec eodem Cæsar venisset. Ab hoc acceptis navibus, trajectanti Pompejus juxta Scyllam occurrit, confertoque navali prælio, in portum freto proximum (Balaro nomen fuit) retrusit; audacia militum (exercitatos enim Afros secum, Hispanosque, & multos egregios ex Italia viros habebat) & peritia remigum superior, quamquam numero & magnitudine navium vincebatur.

IV. Neque tamen pauciores ipse naves amiserat. sed Cæsar, qui spectatorem egerat prælii, tam duro principio minime lætus, damnavit consilium, vi transportandi copias, & aliquoties trajicere furtim conatus est; robore legionum sperans superiorem fore, modo penetrare in insulam licuisset. Cum ista quoque frustra tentata spes esset, dispositis a Pompejo firmissis ubique præsidiis, & ad bellum transmarinum trepidis Antonii literis vocaretur; aliis Italicarum Sicularumque rerum demandata cura Brundisium navigavit, prius Rheginis data fide, certo curaturum, uti e numero urbium eximerentur, quæ in victoriæ præmiis promissæ militibus fuerant, quod enim erant peropportuno in Siciliam situ, & propugnaculum Italiæ propter potentiam habebantur, ne hoc terrore ad Pompeji amicitiam cogerentur, haud injuria metuebat. eadem igitur libertate, similibus de causis erga Vibonenses usus est.

V. At Pompejus, totius Siciliæ potitus, A. Bithynicum; fructo crimine prodicionis, interemit. elatusque felicitate sua pugnam navalem prope Rhegium exhibuit, ut in con-

specū hostium esset : captivos enim inter se concurrere coegerat, alios ligneis, alios pelliceis navigiis, ad deridendum Salvidieni commentum. Aucto deinde navium numero, cum mare vicinum haud dubie haberet in potestate, majores etiam spiritus sumsit, *Neptuni se filium* ferens, quod & ipse valeret classibus, & progenitus esset eo, qui olim totius maris imperium tenuisset. Interim Cæsar, classe Brundisium advectus, cum Antonio agitabat, quemadmodum transportarent copias, ne a Murco exciperentur, in vicina insula cum navibus centum ad hoc ipsum excubante.

VI. Tandem Cæsar, ornatis instructisque tanquam ad prælium navibus, petere insulam cœpit. At Murcus, ne dimicare locis angustis cogeretur, ubi, hinc Cæsare, inde Antonio circumeuntibus, includi posset; dimissa priori statione, in apertum mare evectus est. interea Cæsar occupavit insulam; & quia nullus in propinquo portus erat, quem tenere Murcus posset, in Thesprotidem coegit transmittere. At ille sic quoque observabat onerarias, quibus milites in Macedoniam trajiciebantur, quamvis deducerentur a Cæsaris triremibus. Sed adeo favens illis ventus fuit, ut præsidio nihil egere viderentur. Ceterum neque postea, cum & vacuæ reverterentur Brundisium, & iterum repletæ alias copias transveherent, deprehendere eas in cursu, licet expertus omnia, potuit: donec universus exercitus cum Cæsare & Antonio in Græciam transgrederetur. Murcus tamen, licet iratam sibi fortunam putaret, in ea statione persistit, sperans fore, ut saltem comineatus & supplementa hostium interciperet.

VII. Hæc agenti missu Cassii Cn. Domitius Ahenobarbus, cum quinquaginta navibus unaque legione & sagittariis supervenit: magnopere enim referre Italiæ comineatus intercludi, quod hostibus aliundè arctam frumentationem fore existimabant. Dum hoc modo circa prohi-

§ V. Dio. Liv. Epit. Appian. Polyæn. Strat. 8, 24. § VI. Appian. Polyæn. Vellej. 2, 70. Liv. Epit.

bendum expediendumque trajectum ab his defudatur; Norbanus & Saxa cum suis legionibus, omni Macedonia versus Thraciam, spatio mille quingentorum stadiorum, ad Pangæum usque montem emenso, trans Philippos posuerunt castra, in Turpilorum & Sapæorum angustiis, quod unum tritum est iter in Europam ex Asia transeuntibus. Symbolum is locus vocabatur, quod ibi montes duo magni, arcto utrinque relicto transitu, committuntur. Interius in campo montibus circumdato Philippi jacent: ad mare Neapolis obversa Thasø insulæ, nunc quoque nomen antiquum retinenti, quæ perperam apud Ptolemæum *Thalassia* scribitur.

VIII. Hic primus oppositus est obex Cassio & Bruto, Sestum Abydeno freto (*Dardanellos* hodie vocant) transjectis. Quo tempore memorant horribile visum objectum Bruto fuisse. Forte vir somni parcissimus, & præsentia volvens animo, multam in noctem lucubrabat, cum fores crepuere. Respexit ille, (nam sub tertiam vigiliam a centurionibus & tribunis adiri consueverat) cum assistere sibi spectrum ingenti & horribili specie vidit. sustinuitque rogare, *quis esset, aut quæ causa venisset?* Responsum est, *malum ejus genium esse, videndum iterum Philippis.* cui ille imperterritus, *videbo*, inquit.

IX. At Cassius, Epicuræ sententiæ sectator, cui prima luce profectus ad eum Brutus rem exposuerat, *curis atque cogitationibus* id totum imputavit, *quibus agitated animus ejusmodi sibi miracula ipse vehementi imaginatione figuraret.* Igitur hac abjecta & seposita sollicitudine, de ratione itineris, quod præ manu erat, agitari cœptum. Duo his temporibus Thracum Sapæorum erant reguli, Rhascus & Rhascupolis fratres, qui callido consilio, ut alter ex eventu salutem alteri a victore impetraret, conjunctis animis, vires diviserant, cum ternis equitum millibus hic

§ VII. Dio. Appian. Plat. in Brut. c. 54. § VIII. Orthellii thes. Geogr. Plat. in Brut. c. 52. Appian. Ælian. hist. animal. 2, 46. Flor. 4, 7.

ad Brutum, ille ad Antonium applicatus. Cum igitur his notissima regio esset, in qua castra metati Juliani fuerant, interrogatus a Cassio Rhascupolis, *brevissimam ait publicamque viam per Ænum & Maroneam ad Sapaorum fauces ducere: sed has, ab hostibus ante captas, transiri nulla vi nulloque ingenio posse. Quod si quis circumducere tentet, triplo longius iter, multisque difficultatibus impeditum fore.*

X. At imperatores, comineatuum potius causa venisse Julianos in Thraciam rati, quam prohibendi accessus consilio, propiorem viam delegerunt, & præter Lysimachiam, ad Melanem sinum progressi sunt. Ibi delectu acto, repperunt legiones semiplenas undeviginti, quarum octo Bruti erant, reliquæ Cassii, cum duabus legionibus, quæ supplementi vice recens accesserant, gravioris armaturæ millia circiter octoginta. Equitum Gallorum Lusitanorumque millia quatuor Brutus habebat, cum duobus millibus e Thracia & Illyrico atque e Theffalia collectis. Apud Cassium Gallorum Hispanorumque duo millia erant; præterea quatuor Arabum, Medorumque, & Parthorum ex equis mittentium sagittas.

XI. Ad hæc socii reges & Galatici tetrarchæ, magnam vim peditum, & millia equitum quinque conjunxerant: quibus postremo accessit Rhascupolidis equitatus, tria millia. His viribus supremo decertarunt prælio, cum ceteras copias ad alios usus reliquissent. Lustrato hoc exercitu, donativa, quibus ex promisso debebantur, studiose præsentata sunt. curatum enim fuerat, ne deesset pecunia, quia robur copiarum ex veteranis erat, qui sub Cæsare fecerant stipendia; &, ne conspecto, qui idem nomen ferret, juvene, iterum amare partes istas mallent, timebatur. Ergo neque intemptivum credebatur, alloquio firmare animos; effectoque tribunali, ubi duo imperatores cum solis senatoribus assisterent, vocata est concio: progressusque e medio ceterorum C. Cassius, cujus ætati Brutus concedebat, in hanc ferme sententiam verba fecit.

XII. *Nihil amplius a Diis immortalibus petere poteramus,*

quam quod abunde nobis præstiterunt, commilitones, fidem inter nos, & optimæ spei communionem. Nam ut confidere invicem debeamus, societas periculorum cogit; ut velimus, exsoluta diligenter promissa efficient: quando vos operam, quam eratis polliciti, nos præmia præstitimus, quæ fides & in posterum omni nos cura invicem liberabit. Spes autem utrorumque felicem belli eventum sibi tam ex virtute militum, quam ducum, vindicat: quos tales & tantos viros, senatorii omnes ordinis, incum in hoc suggestu stantes, eademque vobis omnia meis verbis afferentes videtis. De apparatu vero loqui supervacaneum puto. quis enim vestrum est nescius, frumenti, armorum, pecuniæ quanta parata sit copia, quanta vero navium, quanta auxiliorum ex tot nationibus atque regnis? Ecquibus enim verbis excitari poterunt animi, quos neque apparatus, neque spei communis magnitudo inflammaverit ad alacritatem & concordia studium?

XIII. Quibus rebus si Deorum accesserit favor, quos equidem bonæ causæ merito adesse credimus, quid est, quod timeri a quoquam debeat? Nam ab hostibus objecta quomodo se habeant, novistis ipsi; eoque promtorem nobis obtulistis operam, navastisque. sed tamen referre videtur, nunc etiam vobis explicari, quam adversus injusta arma, & iniqua inimicorum odia dimicemus. Cæsarem a nobis occisum ajunt; neque negabimus factum, quo jure merito & possumus, & debemus gloriari. Nec enim simultates cum eo gessimus, neque nobis ejus vita nocebat, qui militiæ domique honoratum apud eum locum tenuimus: sed ille gravis libertati, gravis reipublicæ incubabat; per quem factum erat, ut jam leges omnes conculcarentur, neque senatui quidquam, neque populo juris in civitate relinqueretur.

XIV. Patriæ igitur ultioni commodavimus manus, non ignari, sic a majoribus nobis traditam esse libertatem, ut retinentibus hoc proprium & perpetuum bonum esset; prodentes & nostra stultitiæ, & conceptæ jurejurando diræ punirent. Hæc igitur mala, has imprecationes, nostro periculo, publico commodo a cer- vicibus urbis depulimus, regnare Romæ ne amicum quidem, & in nos liberalem virum passi, postquam ille patriæ, a qua tantæ

acceperat, caritatem exuere non est veritus. Fortassis autem vestra quoque mens aliquando his in rebus caligavit, fulgore præstricta bellicorum operum, quæ vir ille, cum sibi præstaret, patriæ imputabat. at nunc certe fieri non potest, quin veritas se vobis patefaciat ex firmissimis argumentis, quæ vel ab his rebus, in quibus vobis & certa notitia, & plurimum juris esse oportet, suppeditantur.

XV. Vos in bello non aliis paretis ducibus, quam quos aliquando dignos eo loco judicastis. nec enim salva republica iter ad imperia nisi per honores fuit, qui vestris suffragiis conferebantur. Vos consules creabatis, vos prætores: ceterorum quoque comitia magistratuum in vestra manu erant. Idem & judicia legum agebatis, ut nostri ordinis viri magis colere populum cogerentur, in cujus potestate præmia pœnasque recte, aut secus factorum esse, sciebant. Et donec ea ratio senatui populoque constitit, ut nobiles virtute ad honores niterentur, vos optimo cuique debita præmia lubenter tribueretis; non modo floruit gloria & opibus, sed etiam crevit respublica.

XVI. Intercessit deinde viri unius temeritas, in se trahentis omnia, vestrumque jus usurpantis, ut nemini jam magistratus, nisi ex voluntate atque etiam lubricine Cæsaris darentur. Igitur neque virtuti cujusquam reddere mercedem, sicut antea, potuistis; neque, si quis honorem ullum abstulit, vobis eo nomine, sed Cæsari debuit gratiam. Ne tribunos quidem, proprium plebis magistratum, aut creare potuistis ipsi, aut defendere: quos ideo, quia Romanis intolerabile nomen regis usurpari vetabant, per summam contumeliam spoliari sacrosanctæ potestatis insignibus vidistis. Nec ferre hæc senatus, vestram pariter suamque vicem gemens, nec emendare, nisi sublato tyranno, poterat. Non enim erat legibus locus contra armatum, totque habentem in manu, quas abduxerat a republica, legiones. Occisus igitur est paucorum gladiis, omnium voluntate, consensu, applausu: res enim ea erat, quæ nemini bono non probaretur. Inde statim & de præmiis tyrannicidarum agi cæptum: adeo de impunitate non ambigebatur.

XVII. Sed præmiorum quoque omitti mentionem placuit con-

*cordiæ causa, mortuoque remitti ignominiam, prætorum obli-
vione sancita, diserteque adjuncto, ne de nece Cæsaris quæratur.
Sed & postea, cum Antonii seditiosis concionibus exasperata con-
tra nos pars plebis videretur, amplissimas nobis provincias sena-
tus cum imperio, tanquam bonis viris, & amantibus patriæ,
non certe tanquam parricidis & latronibus, quæ nunc vocabula
imponuntur, dedit. Eademque deinceps senatui sententia, donec
libertas atque incolumitas, mansit. Nam quæ sit ejus hodie for-
tuna, quis sine lacrimis commemoret? Ut cuique plurimum vir-
tutis atque integritatis inest, ita cupidissime proscribuntur, spo-
liantur honoribus, patrimonio, vita. occiduntur in domibus, in
vicis, in templis, in foro, in curia; & quo nihil potest esse
tristius, e latebris cruuntur, a libertis, a liberis, ab uxoribus
prodiiti.*

XVIII. *Tanta nimirum vis scelerum edictis horum Trium-
virorum inest, ut his non modo status civitatis, sed etiam mo-
res publici, & fas gentium, & naturæ jura convellantur. Ur-
bem Romam a Gallis esse captam, vetus memoria prodidit, fe-
ra gente & aspera, quis neget? sed tam crudele perpetratum ab
his nihil est, quod cum præsentibus collatum, non possit mera
misericordia & mansuetudo videri. Tarquinium ita odimus, ut
inde regem appellari maledictum habeatur longe quidem acerbis-
simum. Sed quid tale designavit Tarquinius, quem ne ob suum
quidem, sed filii delictum, expulerunt majores nostri, simul in
perpetuum sublata regum potestate & nomine? Hi igitur tres,
non Tarquini, sed omnia tristia nomina sceleribus & crudeli-
tate transgressi, nos impios vocant, etiam in eo facinore, quod
unum nobis objiciunt, improbe mendaces.*

XIX. *Propter Cæsaris eadem proscriptos ferunt: hoc si ve-
rum est, cur igitur facti ejus exsortes, consilii ignaros, etiam,
cum hæc omnia gererentur, absentes aliquos proscripserunt? Ne-
que vero hoc obscurum est, & coram adesse quosdam cernitis,
quibus Cæsarianæ necis crimen impingi nullo pacto potuit; sed
illos manifesto virtus sua, aut nobilitas, aut etiam divitiæ pro-
scripserunt. Quid vero Sex. Pompejus meruit, quod proscripius*

est? an & ille interfecit Cæsarem, qui toto illo tempore, quo non patratum modo, sed etiam susceptum & cogitatum est nobilissimum facinus, in Hispania fuit? Scilicet tollendi erant, non qui occiderant Cæsarem modo, sed qui eo animo, his majoribus essent, ut timendi Cæsaris dominationem cupientibus viderentur.

XX. Quid vero mulieres, quarum proscripta bona sunt, an & illæ occiderunt Cæsarem? quid autem populus, qui ad proficiendum patrimonii vires, & pendendum, quidquid inde Tribusviris collubitum est, adigitur? Hæc enim nunc populi libertas est Romæ: nec illo tamen etiam, tam atroci & impio vasaframento, cogi pecunia potest, quæ militum donativo sufficiat. In quo ipso magna & conspicua vis divini numinis inest, ut, qui omnia improbissime crudelissimeque fecerunt pecuniæ causa, cgeant; nos, quibus omnibus in rebus iustitia & liberalitas proposuæ fuerunt, abundemus. Nam & promissa vobis exsolvimus, commilitones, & unde promittamus amplius, in manu nostra est: sed & eo expenso, jam sequentia in tempora provisum. Ceterum ut ex hoc favore Deorum æqua vobis numina potestis interpretari, ita ex optimi cujusque judicio perspicitis causæ nostræ aequitatem.

XXI. Quæ enim alia re hi ad nos, tanquam sacram ancoram, confugerunt viri clarissimi, perfuncti amplissimis honoribus, quos in magistratibus, in imperiis, toties vidistis? quæ quia adversus paucorum vim & improbitatem nullam in oppressa republicæ præsidium, at spem resurgendi & illi & sibi nostris in armis, animadverterunt. quos ut eriperemus, non sumus cunctati ampliora promittere servaturis præmia, quam homines sceleratissimi percussoribus pronuntiaverant. Illi igitur optimi atque præstantissimi viri clarissime perspexerunt, nos Cæsaris quidem propter affectatam dominationem interfectores, ceteram aliis, qui in se trahere cupiebant ejus potestatem, parere paratos, neque nobis ipsis, sed populo, secundum morem majerum & jura civitatis, imperium asserentes, proscriptione belloque peti: atque hinc quidem bonos viros civesque, tyranni interfectores, libertatis vindices; ex adversa vero parte satellites heredesque regios, legum morumque eversores, patriæ parricidas consilire.

XXII. Unde nobis merito magnæ atque certæ spes esse debent, Deorum hominumque consensu pro iustiore causâ pugnantibus. Neque vero moveamur, si forte sub C. Casare stipendiâ aliquando fecimus. quatenus enim iustum id sacramentum fuit, patriæ militavimus: reliqui temporis memoria dolorem potius atque iram accendere nostris in animis debet, quod cuiquam servivimus: eoque nobis nunc agendum est fortius, ut tristissimorum temporum non modo infelicitatem, quæ ab his reducitur, sed etiam metum avertamus, tollamus exemplum, recordationem quoque, si fieri possit, aboleamus. Et respicite, quanto sit fors vestra optabilior. sub Bruto quidem & Cassio imperatoribus, sed Romani populi exercitus estis: nec pro dominatione nostra, sed pro maiestate imperii, pro salute urbis & Italiæ, pro legibus, pro libertate vestra depugnatis.

XXIII. Nobis equidem, si per inimicos liceret, omnis mora longæ esset, donec, non dicam, poneremus arma, sed abjiceremus. sed quando neque volunt isti, neque jam præ furore, sceleribus, impietate, suo arbitrio, & velut mente emori possunt; quod unum relinquitur, ad recuperandam patriam, tristissimaque servitute liberandam eamus. Eamus, universa concio resonuit, paratis omnibus statim sequi, quo ducerentur. qua alacritate lætus imperator, iterum indici jussu silentio, Dii, inquit, iustorum piorumque bellorum præsides, pro hac fide studiisque vestris gratiam vobis referant, commilitones: quod autem humana cura præparari potuit, ut rebus omnibus instructiores essemus hostibus, hinc cognoscite.

XXIV. Cum multis locis legiones habeamus dispositas, parem tamen, ac hostes habeant, numerum adducimus: equitatu & classè longe vincimus, atque regum ac nationum ad Medos usque & Parthos auxiliis. Præterea tantum e fronte habemus hostem: illis terga quoque intuta sunt, Sexto obtinente Siciliam, Murco ac Domitio Adriaticum claudentibus mare. Quid jam de pecuniis, quas bellorum appellari nervos audistis, loquar? Quas illi quidem semper quarunt sceleribus, semper effundunt flagitiis: & in media rapina egeni, neque proscriptione locupletissimi cujusque, neque subhastationibus, neque tributis,

aut ullo denique crudelis avaritiæ ingenio replentur. At nos diu ante honestis probisque rationibus providimus, ut & nunc suppetant omnia largiter, & inposterum minime sint defutura. Commeatus insuper nullo negotio ex provinciis & insulis, quotquot Thraciam & Euphratem interjacent, navibus subvehetur. illis ex Macedonia non fertilissima frugum petendi erunt, & e Thessaliæ feracibus quidem, sed exiguis arvis: præterea terrestri itinere erunt supportandi, quam scitis esse rem longe maximi laboris & moræ.

XXV. *Nam si quid ex Italia, aut Africa volent expectare, Pompejus & cum Ahenobarbo Marcus vetabunt. Inde fiet, ut illi necessariorum rerum inopia facere interdum, quod nolint, cogantur; nobis ex comodo nostro aut maturare, aut trahere bellum in promptu sit. Ite igitur alacres, ite spe bona pleni: nam præter ea, quæ jam accepistis, & olim victoriæ causa promissa cum fide exsolvemus, &, quo minus vos pæniteat optimæ voluntatis, præsentibus in militem denarios centum quinquaginta, in centuriones quintuplum, & in tribunos proportionem dividemus. Cum ad hæc multis imperatorum laudibus & testificatione studiorum perstreperent ordines, statim positæ mensæ sunt, donativumque distributum, & fortissimo cuique prætextu quæsito superaddita munera; hoc servato ordine, ut, simul accepissent aliqui, Doriscum prætermitterentur, quem ad locum postremo imperatores ipsi cum modico comitatu se contulerunt.*

XXVI. *In hoc itinere rem accidisse memorabilem ferunt, magnæque omnium alacritate celebratam. Cum primarum legionum signa efferrentur castris, duæ aquilæ ex alto demissæ, totidem argenteas aquilas infederunt, protegentes alas, & volatu sequentes agmen. permanferuntque multos dies, jussu imperatorum publice altæ. Biduū deinde itinere sinu Melane circumito, Ænum, atque inde Doriscum pervenerunt, locum a Xerxe, qui copias ibi suas agminatim recensuit, nobilem: inde secundum litus ad Serrheum usque promontorium progressi, deflexerunt:*

in mediterranea, obiter domitis, qui forte priore Bruti expeditione intacti evaserant.

XXVII. Neque vero quisquam abnuebat parere potentibus & lenissimis viris, cum etiam Cassius naturam suam ita coerceret, ut vel Bruti clementiam vincere videretur. Inter hæc oram legere Tullius Cimber cum classe, quæ legionem unam atque sagittarios vehebat, jussus, appellebat frequenter, & castris idonea loca designabat, tanquam cum Cassio & Bruto moles belli tota sequeretur. Nec prohiberi a Julianis poterat. quippe magna pars litoris, quamquam fertili humo prædita, propter præternavigantium injurias, jam ab antiquissimis temporibus deserta fuerat. deinde Chalcidensium frequentata coloniis, cum agricultura & commerciis plurimum efflourisset; excisa per Philippum Olyntho, ita redierat ad pristinam vastitatem, ut vix fanorum adhuc vestigia conspicerentur. Igitur Norbanus, qui Sapæorum fauces infederat, jam ad mare Thracium pervenisse hostem videns, Saxam a Turpilis excitavit propere, ut junctis viribus hostium conatui resisterent.

XXVIII. Ita Brutus, felici stratagemate usus, relictas discessu Saxæ angustias intravit. Sed nihilominus occlusum erat iter, Julianis ducibus Sapæorum montes tanto acrius custodientibus, quanto spes extremæ majori cura retinentur. Jamque subibat Cassianos pœnitentia, quod non a principio longiorem viam delegissent; neque multum aberat, quin relegerent vestigia sua, quamquam sua & anni tempora tantam moram non paterentur. Sed iterum peritus locorum Rhascupolis remedium rebus desperatis attulit, *montana Sapæorum triduo circumiri posse docens, inviis quidem ob asperitatem & aquarum inopiam locis, sed superabilibus, dummodo portare aquam & viam munire non pigeat. laboris enim alicujus tantummodo, periculi quidem nullius negotium fore. superventurosque necopinantibus, quan-*

§ XXVI. Plut. in Brut. c. 54. Appian. Vellej. 2, 69. § XXVII. Appian. Plut.

T. Liv, Vol. XI,

S

do propter densitatem arborum evadere possint vix avibus conspiciendi. quarto die perventuros ad fluvium, Arpeffum nomine, qui in Hebrum incidit: inde unius diei iter restare Philippos.

XXIX. Placuit hæc sententia, non modo longioris moræ tædio, sed etiam spe grandis utilitatis, si tantas hostium copias occupare improvisi potuissent. Rhascupolidi L. Bibulus adjungitur, Bruti privignus, qui rerum harum commentarium edidit: datisque munitoribus, & præsidio armatorum, præmittuntur. Et tribus quidem continuis diebus, quamquam maximum inter laborem, strenue pergebatur, accensa militum alacritate, quod præmissi quidam, *se fluvium ex præalta specula vidisse*, renuntiabant. Sed quarto die, cum & aqua deficeret, & fluvius necdum appareret, prodicionem rati, Rhascupolidem obequitantem hortantemque conviciis & faxis petere cœperunt, sortem suam mœstis vocibus miserantes.

XXX. At Bibulo rogante, *durarent potius, & bonis cum ominibus quod superesset laboris peragerent*, receperunt animos & circa vesperam diei primum agmen ad amnem pervenit, statimque præ gaudio sustulit clamorem, qui exceptus a proximis transditusque, universas, quæ aderant, copias momento percucurrit. Brutus etiam atque Cassius, re cognita, per munitam ante viam cito agmine incesse-runt. nec tamen opprimere Julianos datum: quos eodem periculo, quo Thracis unius astu irretiti erant, alterius solertia explicavit. Rhascus frater Rhascupolidis, ex insolito clamore, id quod erat, suspicatus, exploratum iit. miratusque saltum, vix feris pervium, signa militaria perrupisse, rem omnem Norbano indicavit. ille, cum nihil factum esset propius, quam ut opprimeretur, per silentium noctis se recipere Amphipoliâ instituit. Brutus Cassiusque Philippos profecti sunt: eodemque & Cimber Tullius, & omnes aliæ copiæ, quas ab exercitu variæ occupationes abstraxerant, convenerunt. Et quo melius noscatur locus, ubi Romana libertas ad extremum elisa est, Philippos ve-

tus ætas *Datum* appellavit, felix agro, felix auri metallis oppidum, & ea propter proverbio celebratum. idem a multitudine fontium *Crenides* vocabatur; cum a Philippo, Amyntæ filio, frequentatum habitatoribus, ab hoc tanquam novo conditore recens nomen accepit.

XXXI. Siti sunt in colle Philippi, totumque id spatium, quod in summo panditur, occupant, præruptis circa atque inaccessis omnibus. A septentrione saltus adjacent, per quos Cassianos Rhascupolis duxit: a meridie palus, deinde mare præcingit. Versus orientem Sapæorum Turpilorumque angustię claudunt: at occidentale latus patentes campos prospicit, qui ad Murcinum Drabiscumque, & fluvium Strymona, per quatuor & quadraginta millia passuum declivi planitie funduntur, amœnitate & fertilitate tam insignes, ut fecerint fabulis locum. Nam & huic regioni raptus adscribitur Proserpinæ, trahiturque in argumentum Zygaëtes amnis, inde scilicet adeptus nomen, quod in trajectu ejus jugo disrupto fractus raptoris currus fuerit. Hi sunt Philippi, ubi M. Brutus atque C. Cassius victi sunt, longissimo diremti intervallo a Philippis Thessaliæ, quos cum his Thracicis scriptores quidam mira securitate confuderunt. Prope eosdem Philippos alius quoque tumulus est; a Libero patre appellatus, in quo sunt aurariæ fodinæ: *Afyla* vocantur. Sed ad passuum ferme duo millia ducentos a Philippis procedenti, duo alii colles occurrunt, invicem mille passibus discreti, ubi castra diversi posuerunt, Cassius in meridiem, Brutus in septentriones spectantem tumulum vallo occupantes.

XXXII. Nec ultra cedentem cum Julianis Norbanum infecuti, Antonium locis opportunissimis opperiri constituerunt. Namque Cæsare valetudinis causa Dyrrhachii relicto, mira celeritate advolare Antonius dicebatur: nec optari situs commodior Cassianis poterat. sive enim prælio cuperent congredi, patentes campi suberant: sive castris

§ XXX. Plut. in Brut. c. 54. Dio. Strabonis excerpt. l. 7. Diodor. 16, 8. § XXXI. Appian. Lips. ad Vellej. Dio.

se tenere, locis munitionibusque defendebantur. Colles ipsi difficiles ascensu erant: & ab altero latere paludibus, ab altero imperviis inaccessisque faucibus cingebantur. Medium inter utroque spatium necessario transeundum erat Asiam ex Europa petentibus: quod propter exiguitatem claudi velut porta quadam poterat. Nec omiserunt Cassiani, sed transversum murum fossamque ducentes a vallo ad vallum, relictis in medio portis, ita conjunxerant castra, ut communibus munimentis defensa pro iisdem essent; & tamen ad continendos facilius in officio milites, modico spatio disjungerentur. Suberat amnis Ganga sive Gangites, qui in Strymonem influit; & a tergo mare, magnam ad omnia utilitatem conferens. Nam & Thasus eis erat pro horreo, ad undecim millia passuum distans insula, & octavum intra milliare Neapolis securam stationem navibus exhibebat.

XXXIII. Antonius interea, festinanter ducto exercitu, ne Amphipolis sibi præriperetur, ut hanc a Norbano retentam atque etiam communitam vidit, magnopere gavius impedimenta ibi deposuit, Pinario cum una legione relicto ad custodiam. Ipse magna audacia progressus, prius ferme, quam adesse crederetur, castra planis locis posuit, uno tantum milliari discretus. Tum vero apparuit, quanto potiora omnia & commodiora Cassianis essent. castra habebant superioribus locis, Antonius in plano: ex montibus suppetebant illis ligna, huic petenda ex palustribus locis erant: illis fluvius præbebat aquationem, hic puteos curabat effodiendos: illis a propinqua Thaso subvehebatur commeatus, huic arcessendus erat Amphipoli. Ceterum nihil erat in præsentia melius, cum opportuna loca hostes præcepissent, colles alii nulli superessent, reliqua planities depressior exundante nonnunquam fluvio stagnaret. Audaciam tamen interpretati Brutus atque Cassius, quod potius necessitas fuerat, castella plurima excitarunt, vallo-

§ XXXII. Dio. Plut. in Brut. c. 54. Appian. Joseph. antiq. Jud. 24, 22. Dio.

que & fossa & muris circumdederunt. Cassius etiam eo spatio, quod a castris ad lacum pertinebat, propter angustias neglectum prius, murum opposuit, ut jam latera tantum, quæ a meridie lacu, & lacum excipiente mari, ad occasum asperis rupibus tegebantur, muro carerent; media loca quaquaversum diligentissime permunita conspicerentur.

XXXIV. Interea parvis certaminibus, equitum præcipue, vires invicem experiebantur. Sed ubi Antonius, frumentatoribus hostium infidiatus, offendit; Cassiani ferociores evaserunt. Sed suis partibus continuo animum reddidit, decimo post Antonium die advectus Cæsar. quippe veritus utrumque casum, ne aut vinceretur, se absente, Antonius, aut vinceret; quamquam adhuc parum firma valitudine, festinaverat. Deductus igitur in aciem exercitus est, animatus præsentia circumvehentis lectica ordines, hortantisque. Contra Brutus & ipse instruxit suos; sed degredi in æquum noluit, prælium vitare cupiens, quod sperabat, inopia debellari hostes posse. nam neque frumentum ex Ægypto coemi poterat, quæ tum ipsa laborabat fame; neque ex Hispania, aut Africa subvehi Pompejus, nec ex Italia Murcus cum Ahenobarbo sinebant: solæ restabant Macedonia & Thessalia, non in longum suffecturæ tantis exercitibus. Itaque Juliani quoque reduxerunt copias; & quia diversis castris divelli intutum tam vicino hoste judicabant, tres exercitus in unis simul habuerunt. Sub idem tempus in Africa quoque civili bello Romana arma concurrerunt.

XXXV. T. Sestius, Numidiam obtinens, *decedere Q. Cornificium vetere provincia* jusserat, *ex divisione Triumvirorum omnem Africam Cæsari deberi* dictitans. contra *senatus auctoritatem* Cornificius obtendere: & erat exercitu instructior. Injuria tamen a Sestio cœpit: qui, cunctatione adversariorum excitatus, Adrumetum & alias nonnullas urbes subita

§ XXXIII. Plut. Appian. § XXXIV. Dio. Plut. Appian. Liv. Epit. Cic. familiar. 11, 14.

irruptione occupavit. Idem infomnio prodigioque factus erat animosior. nam per quietem erat imaginatus audire taurum humana voce indicantem, corpus suum in oppido Tuca defossū esse : inde caput avulsū si pertica circumferat Sestius, victoriæ compotem fore. estque reperi-
tum loco significato cadaver. Sed & bovem locutam tradunt, insilire jubentem proposito. Ceterum his præfagiis & successu rerum fidentem, Ventidius Cornificii quæstor inopinato adortus fudit, magnaque parte exercitus amissa, recipere se in Numidiam coegit.

§ XXXV. Appian. Dio.

JOANNIS FREINSHEMII SUPPLEMENTORUM LIVIANORUM

LIBER LXXXIX.

IN LOCUM LIB. CXXIV LIVIANI.

EPITOME

LIBRI CENTESIMI VICESIMI QUARTI.

C. Cæsar & Antonius apud Philippos vario eventu adversus Brutum & Cassium pugnaverunt, ita ut dextra utriusque cornu vincerent, & castra quoque utrinque ab iis, qui vicerant, expugnarentur. Sed inaequalem fortunam partium mors Cassii fecit: qui, cum in eo cornu fuisset, quod pulsus erat, totum exercitum fuscus ratus, mortem sibi conscivit. Altero deinde prælio victus M. Brutus & ipse vitam finivit, exorato Stratone fugæ comite, ut sibi gladium adigeret. Romanorum principum circiter quadraginta idem fecerunt: inter quos Q. Hortensius occisus est.

I. **D**UM hæc in Africa minores inter duces ultro citroque fiunt, ad Philippos, ubi de summa rerum certabatur, paulatim ad universi prælii aleam accessum est. Neque enim desinebant Cæsar & Antonius provocare hostem, fidentes viribus, & non de commeatu tantum solliciti, sed etiam, ne per absentiam suam Pompejus, Italia recepta,

in Macedoniam transfret. Contra Cassius ac Brutus, utriusque in partibus cives stare cogitando, parcere his pro instituti sui humanitate cupiebant, & sine sanguine victoriam consequi. nec enim exercitui suo diffidebant, qui minor quidem erat hostili, sed egregie perarmatus, auroque & argento plurimo nitens. Quippe Brutus & ipse amator, & ducibus suis auctor frugalitatis in ceteris rebus, hac elegantia & pretio militum acui animos rebatur, ut non tanquam arma, sed etiam opes suas, diligentius tuerentur. Et sane non deerat his copiis alacritas: sed & ideo, quia plerique ex provinciis lecti milites erant, pugnare cupiebant, quo citius domos remitterentur; & hostes adeo contemnere cœperant, ut sufflaminari impetus eorum ultra nequiret. Quippe tum timiditatem, tum etiam inopiam Julianorum clarissimis indiciis deprehendisse videbantur; quod illi copias intra vallum lustraverant, & militibus ad sacrificium paululum frumenti, cum denariis quinis dividerant.

II. At Cassius & Brutus, ut fordes hostium traducerent, lustratione exercitus in patentibus campis instituta, victimarum uberem copiam per manipulos, & denarios viritim quinquaginta distribuerant. *Eo tempore saxum omen oblatum Cassio ferunt.* nam inter lustrandum lictor perverfis fascibus lauream imposuit. Alia quoque circum illa tempora sunt annotata multa prodigia. Puer in pompa Victoriæ cultu adornatus, ferculo decidit. Ferales aves & cadaveribus vesci solitæ, supra castra gregatim, ut alii volunt, *cum horrendo stridore*, ut Appianus, *tristi silentio* confederunt; cum inter Julianos nullæ conspicerentur. Examina vero apum continue sunt deprehensa in Cassii castris: idque adeo dirum ostentum habitum, ut haruspiciis monitu, vallo interius ducto locus intercluderetur. & pridie, quam pugnatum est, duæ, quæ hætenus exercitum comitatæ fuerant, aquilæ avolaverunt: sequentique nocte spectrum idem se obtulit Bruto, quod trajiciens ex Asia

viderat. Sed & Romæ sub idem tempus apparuerunt multa, ut creditum est, præfagia futurorum. Sol aliquando minima magnitudine, nonnunquam maxima se ostendit. quin & noctu sic effulsit, ut tanquam die orto ad opus surgeretur.

III. Monstrum biforme, cujus anteriores partes equum, posteriores mulum referrent, mula peperit. de cœlo pleraque tacta sunt, & inter hæc ara Jovis Victoris. faces in cœlo visæ: auditus clangor tubarum, & strepitus armorum, & clamor exercituum, ex Cæsaris & Antonii hortis. canem æditui mortuam canis ad Cereris templum traxit, effossaque pedibus humo, tanquam in sepulcro condidit. infans cum denis in utraque manu digitis natus est. In Mutinensi agro Victoriæ Marianæ signum meridiem spectans, sua sponte conversum in septentrionem, hora quarta. Currus Minervæ, cum post decursionem equitum in Capitolium reduceretur, confRACTUS est. Cum hæc victimis expiarentur, soles tres circiter hora tertia diei visi, mox in unum orbem contracti. Latinis cum & tempore alieno, & a præfecto urbis, cujus ad curam ea res minime pertinebat, in Albano monte sacrificaretur, ex humero ac pollice Jovis dextro cruor manavit. Fluvii quidam in agro Romano defecerunt: alii fluxerunt in contrarium. Ædiles plebis ludis Cereris, quos equestribus celebrari cursibus oportebat, gladiatores exhibuerunt.

IV. Hæc ab hominibus habita sunt evertendi status popularis indicia: quæ referri, quam prætermitti tradita, fatius puto. ne enim ad vanam superstitionem animos illiciant, non silentio, sed commemoratione potius obtineas, modo; quid eis de rebus teneri rectius sit, ostenderis. Nec enim tacendo, ut alii quoque obmutescant, effeceris: & præstat hæc ab his narrari, qui talibus non plus justo tribuere didicerunt. Nam & sic narrata cum remedio, innoxia intrant animos, & sæpius lecta, si forte iterum inci-

§ II. Jul. Obseq. Plut. Flor. 4, 7. Appian. Plin. 2, 31. § III. Jul. Obseq. Dio.

derint, ipsa consuetudine levius timentur. Sed in Cæsaris castris auspicia extaque læta erant, *ipsique per quietem Cæsar pater prædixisse prosperam pugnam* fertur, admonito, *ut aliquam rem assumeret ex iis, quas dictator ipse gestavisset*. Igitur annulum ejus induit statim, eoque postea quoque frequenter est usus. Sed & medicus ejus Artorius imaginatus est, a Minerva sibi præcipi, *ut Cæsarem, licet invalidum adhuc, educeret castris, & in acie collocaret*; eaque res non spreta ab adolescente, salubriter ei cessit, ut postea memorabimus. Interea Cassius, terrore prodigiorum nonnihil dejectos militum animos cernens, magis magisque ducendi belli auctor exsistebat.

V. Contra qui apud Brutum erant, levibus equitum præliis, quæ prospere cesserant, elati, *nisi cito de summa rerum dimicaretur, alium alio abituros* minitabantur. Pars enim horum multo minima Itali erant: ceteri domos quisque suas, quas in pacatis adhuc provinciis reliquerant, respiciebant. Erat & ipse Brutus ad periclitandam fortunam propensior, quo maturrime vel restitueret rempublicam, vel orbem terrarum molestiis atque bellis levaret. Accesserunt transfugia nonnullorum ad hostes, & hinc etiam de aliis suspiciones & crimina: quibus in consilio multi amicorum, Cassii damnata cunctatione, Bruti consilium prætulerunt. At unus ex cohorte Bruti Attilius *hiemem expectandam* censebat: causamque rogatus, *si nihil*, inquit, *aliud, tanto vivam diutius*. Ea vox mirifice displicuit Cassio ceterisque: decursumque eo est, ut posterum in diem pugna ediceretur. Eam alacri Brutus animo, multa super cœna pro sapiente differens, exspectabat: Cassius solito tristior, comprehensa Messallæ dextra, *Te*, inquit, *Messalla, testor, magni Pompeji fato me urgeri, ut de salute patriæ uno prælio decernam. Est tamen in fortuna nonnihil spei, quæ interdum male consultâ corrigit*. simul invitavit

§ IV. Flor. 4, 7. Marcellin. 21, 28. Dio. Plin. 7, 45. Oros. 6, 18. Plut. in Brut. c. 60, & Anton. c. 27. Sueton. in Aug. c. 41. Casaub. in Sueton. Cæs. c. 4.

Messallam *ad cœnam sequentis diei*, quem celebraturus erat natalem.

VI. Dum his in castris hæc geruntur, Antonius omnia volvens animo, ut ad prælium eliceret hostes, infanum opus moliri cœpit, munita per paludes via, subvectionem a Thaso commeatum impediendi. Igitur structa, uti sæpe consueverat, acie, clam inde subductis cohortibus, dies noctesque summo silentio urgebat inceptum. arundine detracta jaciebatur agger, &, ne dilaberetur in lubrica voragine humus, utrinque includebatur macerie: ubi profundior erat palus, vallum injiciebatur, & pontes sternebantur. neque conspici ab hoste munientes poterant, quippe relictis ab omni parte circa viam arundinetis protegabantur. decem diebus hoc perfectum opus est: inde per noctem expeditas cohortes transcurrere, &, occupatis ulterioribus locis, excitari crebra castella jussit.

VII. Secutus est dies, in quem pugnare Cassius atque Brutus constituerant. Idcirco prima luce puniceo sagulo proposito admoniti sunt milites, & medio inter utraque castra spatio congressi imperatores supremum salutarunt invicem, communiterque decreto, *vincendum esse, aut si prælium his pepercisset, sponte exuendam vitam*, ad sua munia diversi perrexerunt. At Cassius, viso Antonii conatu, audaciam hostium & vafritiem stupens, abscindere cohortes hostium a majoribus castris instituit, tranversim per paludes aggerem ducendo, ut, intercisa via Antoniana, nec se recipere cohortes, nec accipere auxilia a suis possent. His animadversis, sub meridiem Antonius eduxit aciem, & ad interrompendum Cassii opus, præter castra Bruti, subire suos obliquo cursu jussit.

VIII. At Bruti milites, *id vero indignum esse*, conclamant, *si præter ora sua tam contemnim transcurreret hostis*: non expectato imperio, tantum ad unius tribuni vocem prorumpitur. cæduntur Antonianorum multi: victores impetus ad

alteram aciem, quam Cæsar opposuerat, perfert. Sinistrum id hostium cornu erat: id quoque circumiit cum legione sua Messalla, sequentibus, quæ juxta erant collocatæ: paucisque ejus & extremis ordinibus disjectis, in castra Cæsar penetratur. magna ibi cædes facta eorum, qui deprehenſi in castris erant. inter ceteros duo millia occisa Spartanorum, qui recens domo advenerant. Ipse Cæsar Artorii rogatu paulo ante castris elatus, evitavit certam perniciem, licet summo discrimine ac molestia. nam & vacua lectica ejus pilis atque jaculis transfossa est; & ipse triduo in palude ægrotus, &, ut Agrippa Mæcenasque faſtentur, aqua subter cutem fuſa turgidus latuit, donec ad Antonii cornu fuga perveniret. Interim & Brutus cum ceteris copiis perruperat Cæsaris aciem, stratisque tribus legionibus, & totidem aquilis captis, cum fugientibus in castra hostium inciderat.

IX. Mira eo die facies rerum fuit, cum fortuna magis omnia, quam aut virtute, aut consilio regerentur. Itaque nec scriptoribus fatis inter se convenit; neque explicari propemodum res tota potest, nisi quod hinc Cæsaris exercitus, inde Cassii cæsus fugatusque est: interfectis Cassianorum octo millibus, connumeratis & servis armatis, quos Brigas vocabat Brutus; & Cæsarianorum millibus sedecim. castra quoque utrinque capta sunt; cum neque Cæsar, quod certum est, neque, ut a multis est creditum, Antonius pugnae affuissent. Sed Antoniani, disjecto Cassii opere, cæsoque, quod aderat, præsidio, submissas etiam auxilio copias statim pepulerunt, equitibus contento cursu ad mare fugientibus. nec pedites retineri potuerunt, quamquam omnia faciente Cassio, qui & ereptum fugienti signifero signum ante pedes humi defixerat. Interim ad castra ipsa contenderunt hostes, quotquot objectum a Cassianis opus perruperant: eaque res animadversa, ceterorum adhuc extra castra pugnantium pavorem sugamque auxit.

§ VIII. Plut. Appian. Vellej. 3, 70. Plin. 7, 45. Sueton. in Aug. c. 13.

Ita Cassius, vix prætoriam cohortem retenta, se recepit in collem Philipportum, unde prospectus in circumjecta patebat.

X. Sed magnitudo pulveris, & nox jam vicina nihil nisi capta ab hostibus castra sinebat cerni, & advolantem equitum globum. Igitur cum nihil animo, præter sui casus imaginem, concipere posset, Bruto quoque victo adesse hostes putans, Titinnium evocatum misit cognoscendæ certius rei causa. hunc læto clamore exceperunt equites, (nam a Bruto veniebant) circumvectique & complexi hominem, perniciosi erroris occasionem Cassio præbuerunt. Atque ille, *ergo*, inquit, *producenda hastenus vita fuit, ut amicum etiam captum videremus!* secessitque in tentorium quoddam vacuum cum liberto Pindaro, quem jam Parthicis temporibus extremæ necessitati ministrum destinaverat, obvolutumque lacerna caput præcidendum præbuit.

XI. Pindarus postea comparuit nusquam: unde multis suspicio suborta est, vana, ut puto, & inutilis, injussu Cassii patratam cædem esse. Vix deciderat Cassio caput, cum Titinnius affuit coronatus & nuntius victoriæ, sed conspecto cadavere imperatoris, *sequar*, inquit, *eum, quem mea occidit tarditas.* atque ita stricto gladio incubuit. Cassio ad hunc modum emortualem adepto diem, quem natalem habuerat, Brutus supervenit; multoque cum fletu *Romanorum ultimum* appellans, tradidit amicis, clam militibus Thasi sepeliendum, ne luctu mollescerent animi. Mox reliquias exercitus Cassiani collegit, pronuntiato in capita octo millium nummorum donativo. ea res laudem ipsi magnam attulit, celebresque militum acclamationes, *solum de quatuor imperatoribus invictum victoremque* prædicantium. At hostium erexit animos Demetrii cujusdam adventus, qui cum gladio paludamentoque Cassii, recens cæso detractis, transfugerat. Igitur & hi postridie mane eduxerunt aciem; & Brutus contra instruxit suos. neutris ferium pugnandi propositum aderat, sed primi hostes reces-

§ IX. Flor. 4, 7. Appian. Plut. Dio. § X. Flor. Appian. Plut. Vellej. Dio.

ferunt. igitur & Brutus abstinuit pugna, contentus adversarios obtrivisse dicto, *ergone, qui nos tanquam fessos ad pugnam provocant, conferere manus timent?* Nihil inde prætermissum a Bruto curæ, quo detrimentum hosti daretur. nam & nocturnam oppugnationem castrorum ausus est, & magnam eorum partem, immisso, qui juxta labebatur, fluvio, inundatione delevit.

XII. Sita enim humili loco erant, & continui post prælium imbres, cæno & aqua continuo propter frigus congelante, tentoria repleverant. Ad hæc comineatum & pecuniæ premebantur inopia: neque militi pro rebus amissis dare quidquam præter verba poterant; & instans hiems majorem inferebat molestiæ metum; contra spem prope modum omnem auferebant delectæ a Statio copiæ, quas transire Brundisio Triumviri jusserant. Eodem enim die, quo in campis Philippicis est depugnatum, classes etiam partium in Adriatico mari concurrerunt. Duas legiones, quarum altera Martia fuit, & prætoriam cohortem, ad duo armatorum millia, cum quatuor equitum alis, & alia insuper delecta multitudine, Domitius Calvinus onerariis navibus in Græciam transportabat, triremibus prosequentibus paucis; cum se Statius Marcus, & Domitius Ahenobarbus cum centum triginta longis navibus objecerunt. Magna ibi cædes triumviralium copiarum facta. nam præter onerarias haud ita multas, quas longius ceteris provectas impleta vento vela eripuerant, ceteræ omnes, repente cessante fluctu, impune circumveniebantur. neque defendi a triremibus poterant, longe imparibus hosti propter paucitatem.

XIII. Unum succurrebat periclitantibus remedium, contis atque funibus jugendi naves, ne circumiri ab hostibus possent: sed emissâ ab his ignita jacula, dissolvere vincula cogebant, & propter metum incendii, sparsim fugere, eaque ratione rursus se præbere rostratis feriendas. *In ea desperatione veteranos, ajunt, præ nimio dolore, quod vir-*

tute potiores inulti peribant, sibi partim, antequam excitatum incendium esset, conscivisse necem; partim insilientes in hostilia navigia, multa fecisse, qualia necessitas extrema cogit, multa passos esse. Erat immane spectaculum, videre inter marinos fluctus emicantem e navibus flammam, & femiustulatis inhærentes carinis alios incendio corripì, alios, hac peste vix evitata, jactari sine armanientis, sine commeatu, donec fame sitique conficerentur. Servati tamen sic etiam sunt aliqui, tabulis aut antennis adhærentes, & ad scopulos & importuosa litora fluctibus elati. erant, qui & quintum in diem tolerata fame, atque interim velis & funibus adefis, & lingenda pice sitim utcunque fallentes, evaderent. Longe tamen plures, cum resistere nequirent tot malis, deditio-nem fecerunt: in quibus triremes fuere septemdecim, quarum omnium milites ad sacramentum Statii se transfulerunt.

XIV. Calvinus, cum olim perisse crederetur, cum nave sua die quinta Brundisium reversus est. Hujus prœlii nuntiis ad Cæsarem & Antonium perlatis, in magno timore versabantur. Alieno loco habebant castra, neque petere alium tuto, neque regredi in Italiam poterant: nihil præterquam in armis supererat spei; festinabantque eo decurrere, priusquam mari acceptum incommodum sui pariter hostesque cognoscent. Sed ubi, frustra producta acie, prœlium sæpe quæsierant, Brutusque suis se locis tenens, arctiora eis quotidie omnia efficiebat; collem ita conjunctum Cassii castris, ut tela inde adjici possent, noctu quatuor legionibus occuparunt, muniveruntque. inde ad passus sexcentos aliis castris collocarunt legiones decem, & ulterius quingentorum passuum intervallo iterum duas: ut ita paulatim ad mare penetrarent, & sive in litore, sive per paludem, quomodocunque effecta via, commeatus intercluderent Bruti. Brutus adversus hæc tum alia moliebatur, tum castella idoneis locis frequentia opponebat. sed non erat ultra tolerabilis apud hostem fames: cujus impatiens auxilium Germanorum manus ad Brutum perfergit.

XV. Idcirco legio una in Achajam missa est, festinanter ad exercitum delatura, quidquid corripere posset; ceteras continuo paratas ad prælium habuerunt, quocunque tandem modo Brutum ad conferendum manus attracturi. Sed nihil melius cessit libellis, quos clam in castra Bruti jaculabantur, *transire ad se jubentes exercitum, amplissimis propositis præmiis; aut si quid haberent virium, signis collatis decernere*. Nam his artibus sollicitati Dejotari dux Amyntas, & Thraciæ regulus Rhascupolis, ad hostes transierunt: alii, *Rhascupolin abiisse domum*, tradiderunt. At Brutus, hoc casu æger, plurimumque suspectans perfidiam, ad hæc militum tribunorumque frequentibus querelis ad pugnandum incitatus, prælium committere statuit, haud dubie ducturus bellum, si de maritimo prælio citius innotuisset. Erat enim rebus omnibus ad hanc rationem paratissimus: castra tuta, locupletia, salubria habebat: maria habebat in potestate, habebat provincias uberrimas, unde com meatuum, unde pecuniarum inexhausta copia suppeditaret. Sed fato quodam in vigesimum usque diem de navali prælio audierat nihil, & Clodii cujusdam indicium contemnebat, qui, capto jam pugnandi consilio, pridie quam concurrerent acies, ad eum cum hoc nuntio transfugerat.

XVI. Cetera quoque ita conspirabant ad perniciem viri, ut nec evitare posset, nec saltem innocens mori. maxime ferocia militumangebatur, quorum pars multo maxima sub Cæsare dictatore meruerat, reditura ad partes, nisi multa his, quæ nolle Brutus, concederentur. Nam Antonius & Cæsar totam propemodum Italiam prædæ suis legionibus dabant. Igitur & ipse duas urbes claras promissit *diripiendas daturum, Thessalonicam & Lacedæmonem*, ob missa hostibus auxilia infestior. Aliud etiam crudele factum addidit, captivos interficiendo, servos dumtaxat, qui priore prælio capti erant, ne turbas darent in castris: custodiri enim nequibant propter multitudinem. Liberorum

aliquam multos dimisit ultro, *civibus apud cives constare jus æquum dictitans, hosque potius, cum in castris hostium essent, captivitatis atque servitutis turpitudinem sustinuisse.* Ne plures palam ablegaret, ducum atque militum efficiebat tristitia, qui *hac impunitate animos hostium, & suum periculum augeri querebantur.*

XVII. Occisi quin etiam sunt aliqui P. Cascæ impulsu, qui, *parentari Cassio supplicii hostium postulans, editam forte inter alias cogitationes a Bruto vocem, quid igitur se rogarent, neque facerent ipsi, quod videretur?* pro jussu imperatoris acceperat; tanto pronius, quod, *in diversis castris suorum etiam plerosque interfici, audiverat.* Ferunt, *ea quoque nocte, quæ prælium antecessit, spectrum, quod transjiciens ex Asia viderat, obversatum ei esse, sed nulla voce edita.* Sub prælii tempus imperator ipse subtristis, parum sibi placere, quæ fierent, voce testatus, *Nos, inquit, similiter atque Pompejus Magnus gerimus bellum, parentes magis, quam imperantes:* quod & Cassium paulo ante dixisse retulimus.

XVIII. Inter hæc militibus, dum ad pugnam educuntur, Æthiops in porta occurrit; estque illico, propter tristitiam ominis, ab iratis occisus. Ad hæc examen apum in prima aquila sedit; & e brachio centurionis, quamquam sæpe extergeretur, pertinaciter sudavit liquor, unguentum, quale fit e rosis, spirans. Jam nona ferme diei hora erat, cum inter adversas acies aquilæ duæ comparuerunt, pugnantes invicem, summoque omnium silentio spectatæ, donec victa, quæ a Bruti castris processerat, fugit. Tum vero hostes, ingenti sublato clamore, irruperunt. Bruto consilium pugnae magis magisque displicebat, quod neque videret in exercitu, quam optabat, alacritatem, & vir quidam fortis, Camulatus nomine, præter ipsum Brutum transvectus, ad hostes se applicasset. Sed non erat amplius deliberationi locus, idcirco paucis cohortatus suos, monitoque, *ne*

§ XVI. Appian. Plut., Dio. § XVII. Dio, Appian. Plut. Jul. Obseq.

T. Liv. Vol. XI.

T

longius a munimentis discederetur, quo & receptus faciliior & propinquo loco, & validior in hostes impetus ex superiore foret, praelium conferuit. Multa utrinque cæde pugnatum constat: obstinatis utrinque animis, cum alteros fames & necessitas accenderet, alteros pudor, ne & sumsisse temere praelium, & ignaviter sustinuisse viderentur.

XIX. Brutus cum his, quos secum habebat, sinistrum hostium cornu impulit. &, gnaviter adjuvantibus equitibus, fecisset operæ pretium, ni reliquorum fuga desertus foret. Nam qui in lævo ejus latere adstiterant, post acrem pugnam, relinquere ordines, deserere signa, postremo confessa jam fuga spargi cœperunt. Et victoria prior Bruti cladis hujus fere causa atque initium existit. Quippe quos tum ille vicerat hostes, plerique occubuerant: at Cassiani victi iidem servatique, tum quoque retinebant pristinum pavorem, eoque reliquam etiam aciem sui timoris consternationisque complebant. Ibi multi insignes viri strenue pugnando mortem mereri, quam superesse deploratæ reipublicæ, maluerunt. inter quos & Uticensis filius Cato, post egregiam pugnam, crebroque repetitos confictus, demta galea patris nomen ciens, voce simul manuque provocavit fatum.

XX. Neque dissimilis fuit exitus L. Cassii, qui fratre imperatoris erat genitus. eademque fortuna præfectum fabrum Flavium, apprime gratum Bruto, abstulit. Marcus etiam Lucullus, eminentissimi civis filius, Antonii jussu interemptus, T. Volumnio supplicii causam præbuit. Nani is in magna fugiendi licentia complexus amici cadaver, nimia & pertinaci lamentatione milites excivit, ut ab his ad Antonium protraheretur. ubi se professus *auctorem Lucullo sumendæ militiæ, & juxta amicum occumbere* optans, eo deductus, dextram Luculli osculatus est; & capite, quod abscissum jacebat, ad pectus appresso, cervicem percussori præbuit. Alii rebus perditis sua aut familiarium manu quæfiverunt necem. quorum Labeo, vir egregius, legatus Bru-

ti, pater ejus Labeonis, qui mox insigni peritia juris supra modum inclaruit, fossa in tentorio ad modum sui corporis effecta, datisque ad uxorem & liberos mandatis, fidissimum fervorem circumegit libertatis causa, gladioque dato jugulum præbuit.

XXI. Eodem modo & Quinctilius Varus periit, occisus a liberto, cum se insignibus honorum velasset. etiam Drusus sua sibi manu conscivit necem, Liviam relinquens filiam, & nepotem ex ea Tiberium, privignum futurum Cæsaris & successorem. ita res humanas fatum agit rotatque. At victores, imperatorum monitu, nec occidere fufos, nec capere curantes, hoc tantum egerunt, ut diversa in loca se recipientes clauderent, ne iterum conjungerentur. Castris prohibendi præcipua cura fuit, occupatamque cum periculo portam occluserunt incidentibus. Idcirco fuga inde ad mare versa montesque. Ibi Cæsar ad castra hostium constitit, ut erupturos exciperet, Antonio ad reliqua belli profliganda properante. Sed huic potissima cura fuit, ne duces elaberentur, denuo pugnaturi. Igitur his excipiendis quaquaversum dimisit equites: inter quos Rhasci præcipua fuit opera, qui cum Thracibus suis, regionum gnaris, montium sinus latebrasque omnes perscrutabatur, hac & cetera diligentia fideque sua Rhascupolidis fratris salutem promeritus.

XXII. Sed alia manus ita persequabatur Brutum, ut nulla alia præda objecta diverti pateretur. Id ubi animadversum Lucilio Lucino est, Bruti servandi causa sponte incescit tardius, ut a barbaris exciperetur: tum *adducit ad Antonium* magnopere contendens, eo quoque fefellit, ut Brutus esse putaretur, & implacabilem inimicum vitare Cæsarem velle. Hoc nuntium ancipitem animi Antonium habuit, quemadmodum tantæ dignationis famæque virum in hac fortuna reciperet. sed propius facto Lucilius, *Dii vero prohibeant*, inquit, *ut capi Brutus queat! neque*

§ XX. Appian. Plut. Vellej. 2, 71. Val. Max. 4, 7. Dio. § XXI. Vellej. Sueton. in Tib. c. 5. Dio, Appian.

etiam fortunæ in virtutem licebit quidlibet. ceterum ego, his deceptis, en adsum, passurus, quod tibi videbitur. Cum ad hæc obstupuissent equites, conversus ad hos Antonius, *Nor est*, inquit, *ut ægre feratis hanc fraudem: nihilo minoris hanc prædam æstimo, pluris immo, quanto præstat amici, quam hostis factum esse compotem.* Et Lucilium quidem suorum cuidam curandum tradidit: eoque vicissim fido deinde atque benevolo ad omnia usus est.

XXIII. Interea Brutus cum manu haud spernenda in tumultum se receperat, beneficio noctis in castra vel ad mare evasurus. Eo tempore suspicientem in cælum sudum ac stellis fulgens, exclamasse tradunt Euripidis versu, *ut ne Jupiter effugere pateretur inultum horum malorum auctorem.* designasse Antonium creditur, qui tum in armis pernox, ex cadaveribus & spoliis vallo effecto, locum circumdederat: & Cæsar, castris ad mediam usque noctem servatis, morbi causa discedens Norbanum eidem custodiæ præfecerat. Penetravit tamen eo per medias stationes, cujus & in Catonis morte fecimus mentionem, Statilius, sublataque, ut convenerat, face, salva hæc esse Bruto significavit. sed ubi nec ille rediit, dum hoc conatur, interfectus; de morte sumenda Brutus agitans, ejus rei ministerium a servo suo, deinde ab armigero, post hoc & a P. Volumnio, qui rerum harum edidit historiam, petiit. Sed his aliisque submonentibus, *prius tentandos præsentium animos esse*; ipse quidem agere cum his noluit, tribunis legatisque, jam errorem suum cum pudore agnoscentibus, negotium dedit.

XXIV. At milites, paulo ante tam & in sumenda pugna, & in pugnanda feroces, tum ad extremam vilitatem relapsi, hæc responderunt: *Quanta fide quantaque virtute secuti partes imperatorum fuerimus, ut nihil aliud, hæc sane vulnera nostra, hæc inopia, atque ipse hic infelix & feralis locus, in quem coacti conclusique sumus, ostendant. Nos tamen,*

§ XXII. Plut. Appian. § XXIII. Vellej. 2, 70. Joseph. antiq. Jud. 14, 22. Appian. Plut.

ad extremum persistere in proposito certos, neque maxima spes ab hoste præmiorum, neque incommoda atque discrimina durissima belli, avertere hætenus atque dimovere incepto potuerunt. Nunc vero, tentatis omnibus, quænam superesse ratio belli, quod consilium potest? Armisne & acie cum duobus imperatoribus, totidemque felicibus & firmis exercitiis, pauci, fessi, victi congregiemur? an vero fuga dilibemur, cincti undique ab hostibus atque circumvallati? Nec fallere intentos, nec arcere validiores possumus: & si quis forte Deus nos ex his locis educeret; quo postmodum intenderemus iter?

XXV. *Castra, si nondum capta sunt, obsidentur certe. Viam ad mare, locis & anni tempore non facilem, hostis occupavit. Inter has angustias sperare ex armis salutem, insania est; experiri, furor. nec enim ferreos animos, aut ex ære membra gerimus, ut tanta tamque gravia superare tolerando possint. Quod exigi a viris, sed hominibus, potuit, cumulate præstitimus & alacriter. Semel non optime accepti, & postulavimus iterum pugnam, & eam exhibuimus operam, quam modo laudabatis. legionum quatuor signa magis, quam milites, sumus: vix dimidia pars armatorum superest; & qui hætenus effugere factum, vulneribus & labore domiti, & commilitonum interitu, neque corpora eadem ad novum laborem afferre, neque animos potuerunt. Num parum adhuc Romani sanguinis per hos annos fufum est? cur hæ adhuc reliquiæ poscuntur? cur nullo operæ pretio publicæ cladis temeraria accessio fimus?*

XXVI. *Etiam magnus ille Pompejus fortunæ cessit, neque servari vetuit, quos post fidelem, sed infelicem operam majore fuzgitio suo, quam usu, videbat perituros. Avunculus quidem imperatoris Cato, postquam frustra dimicari contra fatalem potentiam sensit, adeo non objecit periculo suos, ut potius ipse moreretur, quam propter se mori quemquam, licet rogantium offerentiumque sineret. Sæpe nostri exercitus calamitate subacti hostibus externis se dediderunt. Hic nullo Romani nominis pudore civibus nos tradimus, servandi cupidis, & æquam vivendi sortem secum daturis. Hanc conditionem tam & optabilem, & necessariam, sanus aliquis asperneret? Certe imperator, pro sua*

virtute atque sapientia, sibi consilium capiet: nos meminisse patriæ, meminisse liberorum atque conjugum patietur.

XXVII. Cum hæc ad Brutum essent relata, quidam adstantium, *fugiendum igitur esse, exclamavit; cum ille renidens, Sane, inquit, fugiendum est: non pedibus tamen, sed manu. porrectaque singulis dextra, quantum ad me attinet, nihil est, quod fortunam accusare debeam: quæ super alia multa, hoc etiam, quod ingenti mihi voluptati est, præstitit, ut amicorum me sefellerit nemo, fidi omnes bonique persisterint ad extremum. Patriæ tamen videtur esse iniquior, cui præfracte adversa, neque tenere vetustam libertatem, neque frui recuperata concessit. His equidem non invidéo, misereor magis, qui tantum pertulerunt perpetraruntque malorum, ut patriam servitio premerent: nec vero is, qui causa eorum præcipua fuit, latebit ultores Deos. At ego Viriutem, licet a fortuna destituta nomen potius, quam res, esse dicatur, haud ullo præmio colui: beator omnino his, a quibus victus existimor, non præteritorum modo recordatione, sed etiam præsentium sensu. sic enim ex vita discedo, ut mecum conscientiam feram, sumam relinquam boni viri civisque, res neque armis obtineri natas, nec ullo are parabiles victoribus. qui sane, quacunque in posterum fortuna egerint, suo ipsorum judicio, omniumque hominum sententiis, oppressores liberatis, interfectores meliorum, hostes juris & æqui, legum eversores, & tyranni, & publici parricidæ habebuntur.*

XXVIII. Et ego quidem hætenus expertus, quæ debui, postremo etiam tentata reliqui militis voluntate, postquam intuitum me patriæ esse video, mihi consulam. Nec enim in horum incidere manus memoria veteris Bruti, & avunculus Cato, & interfector Casar sirint. ne Cassio quidem data fides fallenda est. Unum deprecor, amici, ne quis vestrum, scio enim quosdam id agere, vitam sibi necum ponendam putet. Erit, ubi hoc, si necessum fuerit, minore cum reprehensione faciatis. Vestra adhuc opera fortassis utilis esse patriæ poterit: neque vobis bene moriendi, si bene vixeritis, occasionem invidēbit Deus. Cato filium

§ XXVI. Plut. in Brut. c. 75. § XXVII. Appian. Flor. 4, 1. Dio. Plut.

suum & me sibi coegit superesse: jam & illi fatum insigne obvenit, & mihi paratum est. Catonum & Bruti exitum appetere nemo debet, nisi quem similes adegerint ad vitam exuendam causæ. Mihi non est iniegrum in horum me hominum potestatem dedere, qui neque servatum velint; neque parcere, si cupiant, possint. libertatem & leges præferentem omnibus, interfectorem regis, professum dominationis hostem, nemo tolerare tyrannus debet. At vos vita, liberi, conjuges, & qualiscunque tandem erit patria, manent: & sine metu, sine verecundia, sequi potestis fata reipublicæ; quæ tolerabiliore tamen conditione interim aget, si vobis erit aliquis apud victores amicitiae gradus; & si mitiora forte decreverunt Dii, habebit, per quos resurgat.

XXIX. His dictis, cum duobus aut tribus longius aliquanto progressus, Stratonem Ægeatem, quem ex studiis eloquentiæ familiarem habebat, rogavit, *ut sibi gladium adigeret*; atque illo cunctante, idem a fervo petiit. Tum Strato, *si quidem decretum est*, inquit, *non committam, ut servi potius, quam amici, ministerio utaris.* & cum dicto latus præbentis, atque ultro ictui occurrentis, hausit. Sic præstantissimæ indolis juvenis, uniusque tantum facinoris, de quo tamen & tum & postea mirifice sententiis variatum est, infamia aspersus, ætatis annum septimum atque tricesimum agens interiit. Mortuo Bruto, reliquæ exercitus, quatuordecim ferme millia, se dediderunt victoribus; acceptaque venia, inter hos divisa sunt.

XXX. Mox & castella, quæ passim Brutus exstruxerat, a præsidariis tradita, simul cum majoribus castris, diripienda militi suo imperatores dederunt. Inter hæc Antonius, Bruti viso cadavere, hunc quidem increpavit leniter, *quod fratrem Antonii Cajum occidi jussisset*; ceterum Q. Hortensio factum imputans, *illum supra monumentum fratris interfici præcepit*; Bruto paludamentum suum purpureum iniecit, quod ingentis erat pretii, ut in eo sepeliretur. au-

§ XXVIII. Appian. Flor. Plut. § XXIX. Plut. Appian. Liv. Epit. Flor. Vellej. Dio.

ditoque mox, furreptum esse, *requiri furem, supplicioque affici* jussit: crematique corporis reliquias ad Serviliam (mater hæc erat Bruti) remisit. Sed non eadem Cæsaris moderatio fuit. Is avulsam Bruti caput Romam misit, ut statuæ avunculi subjiceretur. sed inter transmittendum a Dyrhachio, propter exortam tempestatem, in mare abjectum est. Ejusdem adolescentis sævitia multi, nec sine contumelia verborum, interierunt; cum cuidam, suppliciter petenti sepulturam, *jam illam in volucrum atque ferarum fore potestate*, responderet; & patrem ac filium *fortiri vel dimicare* juberet, *utri vita concederetur*: neque spectaculo subtraxit oculos, cum patre, qui se obtulerat, occiso, filius etiam voluntaria morte periret.

XXXI. Ab hac causa ceteri captivorum, cum catenati producerentur, Antonio *Imperatore* salutato, Cæsarem conviciis prosciderunt; præcipue M. Favonio libertatem loquendi, quam tota vita exercuerat, in extremis retinente. Attamen Q. Horatio poetæ, Brutianarum partium tribuno, veniam impetravit Mæcenæ, fidus ab adolescentia Cæsari, & Mutinensi quoque bello utilis comes, magnarumque dehinc rerum ministeriis adhiberi solitus. Ceteri proscriptorum cum aliis nobilibus, qui Thasum evaserant, partim ad Sex. Pompejum navigarunt, solum jam reliquum partibus ducem: nec deerant, qui Messallæ, fulgentissimo juveni, proximaque Bruto & Cassio auctoritate, imperium traderent; *copias superesse non spernendas, ad hæc classem & pecunias, & amplam in sociis spem*, dictitantes.

XXXII. Sed ille *fortunæ cedendum esse* docuit, mittenda ad victores legationis auctor. nec Bibulo dissentiente, cui & ipsi tradita par cum Messalla potestas erat, Antonius accitus (huic enim plus tum credebatur) pecunias, arma, commeatum, atque milites, quarum rerum omnium ibi permagna erat copia, in potestatem accepit. Hoc even-

§ XXX. Plut. in Anton. & Brut. Liv. Epit. Sueton. in Aug. c. 13. Dio. § XXXI. Plut. in Brut. c. 51. Sueton. in vit. Horat. Dio. Appian. Vellej. Eutrop. 4, 6.

ea rerum cognito, Porcia Bruti conjux, cujus de fortitudine supra exposuimus, sibi necem conscivit, prunis devoratis ardentibus; cum intenta familiarium custodia, ferrum & alia voluntariæ mortis solita instrumenta subduxisset.

§ XXXII. Plut. in Brut. c. 51. Ælian. hist. var. Val. Max. 4, 8.

JOANNIS FREINSHEMII
SUPPLEMENTORUM
LIVIANORUM

LIBER XC.

IN LOCUM LIB. CXXV LIVIANI.

E P I T O M E

LIBRI CENTESIMI VICESIMI QUINTI.

C. Cæsar, relicto Antonio, transmarinæ provinciæ ex parte imperium ei cessit: reversus in Italiam, veteranis agros divisit. Seditiones exercitus sui, quas corrupti a Fulvia, M. Antonii uxore, milites adversus imperatorem suum concitaverant, cum gravi periculo inhibuit. L. Antonius consul, M. Antonii frater, eadem Fulvia consiliante, bellum Cæsari intulit: receptis in partes suas populis, quorum agri veteranis assignati erant, & M. Lepido, qui custodia urbis cum exercitu præerat, fuso, hostiliter in urbem irrupit.

SUBLATIS Bruti Cassique partibus, statim apparuit, quam imbecillum sit inter homines, quod firmissimum esse debuerat, vinculum, fides & pactorum religio, quoties adspirans fortuna spe majoris potentiæ cupidos & præferoces animos inflavit. Cæsar enim & Antonius victoria læti, sacrificio facto, militibusque collaudatis, continuo

Lepidum excludere societate imperii studuerunt, nova provinciarum instituta divisione, *uti de Lepidi parte, qui Pompejo favisse dicebatur, Hispania & Numidia Cæsari, Antonio Gallia atque Africa adjicerentur, siquidem pati Lepidus posset: sin vero generosius indignaretur, aut innocens esset criminis, Africam ei concessuri erant.* De aliis nihil dum decretum, Sardiniam & Siciliam obtinente Sex. Pompejo, ceteris provinciis nondum pacatis, & Italia utrinque excepta, quam communem habere patriam, &, quæ facerent, pro illius salute facere, dictitabant.

II. His ita ordinatis, placuit, *Antonium Orienti componendo transmarinisque provinciis impendere curas, operamque dare, ut promissa militibus pecunia* (vicena millia nummum viritim) *cogeretur: Cæsarem, propter valetudinem ineptum ad ulteriora, cum his, qui stipendia impleta haberent, quibus data statim erat missio, in Italiam proficisci, Lepidi coercendi causa, Sextique, & dividere veteranis agros sedesque promissas ob victoriam.* Erant veteranorum octo ferme millia, qui militiam missioni præferebant. Igitur & hos inter se dividerunt; &, cum superessent cum dedititiis legiones undecim, & equitum quatuordecim millia; sex legiones, decem equitum millia Antonio data: Cæsari concessum, uti duas reciperet Antonianas legiones, quæ cum Fusio Caleno in Italia subsisterant. Hæc relata in tabulas & consignata alter accepit ab altero, ut, qui forte pacto non stetisset, tanquam ex syngrapha convinceretur. Tum Cæsar versus Jonium mare profectus est, Antonius in Asiam.

III. Sed Cæsarem terrestri maritimoque itinere tanta vis morbi adorta est, præcipue circa Brundisium, ut extinctus Romæ diceretur. multos tamen incerta rerum, & calamitatum metus, quas experti unquam fuerant, timere omnia coegerunt: *simulationem* suspectabant, *consultoque rumore spargi, ut affectus hominum elicerentur.* adeoque hic invaluit metus, ut extrema nonnulli expectarent: Cæsar-

que ex itinere dare literas ad senatum cogeretur, ne forte qui motus in urbe, præsertim Lepido præsentē, existerent: *supplicio de parricidis sumto, verum esse Diis immortalibus honorem haberi, pacisque feri & expectari bona; suam in hæc operam enise pollicitus.*

IV. Eodem anno L. Plancus L. F. consul, imperator iterum, de manubiis Saturno templum ædificavit. Censores etiam L. Antonium, P. Sulpicium, fecisse lustrum reperiō; forte tantum ad bona civium in tabulas referenda creati, quorum decimas Triumviri sic exigebant, ut vix decimam cuique facultatum partem relinquerent. Tum & P. Vatinius P. F. proconsul de Illyrico triumphavit. in L. Antonio, cum & ille triumphum postularēt ex Alpibus; dubitatum est, quamdiu Fulviam adversam habuit; quæ focrus Cæsaris, uxor Antonii, per horum absentiam, Lepidi contemta ignavia, plurimum in republica pollebat.

V. Neque sane aut auspicia habuerat Lucius, aut quidquam triumpho dignum gesserat: ceterum Fulvia placata, neque huic repugnare quoquam auso, Kal. Januariis se & P. Servilio Vatiā Isaurico iterum consulibus, triumphavit, ausus se conferre Mario, quin & antepōnere, *quod Marius invitus, ipse sponte depositio triumphali habitu, senatum convocasset: Mario si forte una data corona esset, sibi & aliæ multæ, & a populo tributim, quod ante se factum esset nemini.* Sed hæc apud prudentes ignominie potius loco, quam honesta ducebantur; quod hæc non Lucio dari, sed Fulviæ, nesciret nemo, aut certe comparata nummis esse, quos ille certis hominibus clanculum dividerat. Sed Lucium adjungebat sibi Fulvia, Cæsarem oppugnare moliens, *quem jam tum apud Brundisium, contumeliis & insidiis petisse dicebatur.*

VI. Idcirco ille, remittente paulisper morbo, Romam regressus, simulac, quæ decreta victoriæ causa fuerant, curata sunt, ad rempublicam capeffendam toto animo se

§ III. Dio. Appian. § IV. Marmor. ap. Pigh. in annal. Sueton. in Aug. c. 29. Zonar. Fragg. Capitol.

contulit. Et Lepidus quidem, infita tarditate, præsentiaque Cæsaris cohibitus, quiescebat: Antonius & Fulvia dederunt acceperuntque causas discordiæ, quod, Marci literis exhibitis, cum a Caleno dare legiones deberent, promissum differebant; & vicissim a Cæsare potestate, quam in dividendis agris Antoniano militi usurpatum ibant, prohibebantur.

VII. Erupitque eo discordia, ut focus insolentiam pertæsus Cæsar, nuntium filiæ ejus remitteret, *intactam adhuc esse* jurejurando confirmans: quamquam plerique *falsum hoc, neque subito cogitatum de divortio, sed inter primam sponsaliorum mentionem hæc decrevisse secum adolescentem* dubitarent. Ceterum hoc repudio irritati utrinque sunt animi, ut nihil postea, nisi lædere invicem & odisse, possent. Sed & alioqui plena tumultu per Italiam & in urbe erant omnia. veterani *deduci testæ in oppida pinguesque agros* postulabant, eratque facta his promissio, pulcherrimis ad hanc divisionem destinatis civitatibus. At ille *aut per universam Italiam distribui* petebant colonos, *aut saltem fortibus rem committi, ne ipsæ ad injuriam essent eximiæ, sed æquo cum ceteris Italis jure uterentur.* pretium etiam ex arario repræsentari poscebant possessoribus.

VIII. Hæc cum viri juvenesque, sed & matronæ, cum parvis liberis in urbem advectæ, flebili voce passim testarentur, *quid igitur peccassent* rogitantes, *cur homines Italiluribus ac focus, tanquam bello victi, pellerentur?* accensa dolore plebes valde movebatur, præsertim cum appareret, hoc agi, ut his velut compedibus constricta respublica, nunquam deinceps posset ad libertatem recuperandam consurgere. Cæsar ad hæc nullam reddere rationem, præterquam *necessitatis*, poterat: *adeo se parcos in promittendo fuisse, ut ne sic quidem satisfieri veteranis posset.* neque falso hæc commemorabat, in eas coactus angustias, ut neque militum, neque Italorum gratiam teneret.

§ VI. Oros. 6, 18. Appian. Dio. § VII. Sueton. in Aug. c. 72. Dio. Appian. § VIII. Sueton. in Aug. c. 13.

IX. Infolens enim & præferox multitudo, cum se minime pro spe meritorum tractari putaret, non contenta acceptis agris, transcendebat limites, vicinorumque fundos invadebat: noto Virgilii, vatum maximi, periculo, quod tamen majori ejus fortunæ viam fecit, ut in amicitia Cæsaris per Mæcenatem collocaretur. Nec vi contra tendere Cæsari licebat. frustra enim disciplinam ab his requiras, quos licentiæ injuriæque assuefeceris: neque pecunia fatis placabantur, quam ex templis Cæsar fumebat mutuum, quin, quanto plura accipiebant, tanto plura desiderarent. In hoc eum statu rerum L. Antonius cum Fulvia, & Manio, qui res absentis Marci procurabat, adoriri statuerat; *in communi munere parem utriusque imperatoris gratiam esse debere* diclitantes. Expectandum igitur, donec & Antonius advenisset.

X. Sed id quidem fieri propter festinationem militum nullo pacto poterat. tum eo descenderunt, *ut igitur Cæsar suos milites, ipsi Antonianos deducerent.* & pacta cum Antonio obtendente Cæsare, Fulviam cum parvis liberis supplicare veteranis jusserunt, invidiose querendo, *fraudari patrem horum, imperatorem suum, debita gloria, simul occasione referendæ suis militibus gratiæ.* Lucius etiam, ut fidem faceret, omnia se fratris causa moliri, *Petatis* cognomen tum assumpsit; quod hodieque in nummis ejus visitur. Erat tum permagna Marci auctoritas, & propter valetudinem Cæsaris, victoria Philippensis uni adscribebatur: quo studiosius docere Cæsar, *convenire sibi cum Marco; Fulviam & Lucium contra sententiam mariti & fratris, propriæ potentiæ cupiditate res novas quærere.* postremo tamen, quamquam contra pacta sibi hanc injuriam fieri sciebat, cessit, Antonianosque ab his deduci in colonias sivit.

XI. At hi, ne beneficiis in suos vincere Cæsar videretur, plus etiam indulserunt militibus. Sed omnium querelæ in Cæsarem incumbabant: Antonium fama clementiæ

§ IX. Dio. Virg. Eclog. 1, & ibi Servius. Appian. § X. Dio. Appian. Vellej. 2, 74. Plut. in Anton.

tuebatur, & quod inter præsentia mala semper tolerabilius existimatur, quidquid abest. Neque vero parum intelligebat Cæsar, quid fieret; aut divisiones agrorum, quamquam faceret ipse, probabat. nec differre præmia milites patiebantur, nullo magis tempore necessarii, propter Sextum & Cassianos duces, qui, mari præcluso, famem urbi & Italiæ minabantur. His ad animum revocatis, mutare sententiam Fulvia & L. Antonius cœperunt, & omnis coloniis, adversæ parti se tradere. nam & eorum, qui pellebantur agris, majorem esse numerum sciebant, & ex iusto dolore judicabant, acriorem impetum fore.

XII. Hoc præsidio animati Itali, cum eadem sentire M. Antonium existimarent, spernere Cæsaris imperium cœperunt: & adversus veteranos sua bona vi tueri. Calidum erat Fulviæ consilium; nec effugere Cæsar poterat, quin invidia ex æquo omnium oneraretur. Nam & illius veteranis persuadebat Antonius, *nihil opus esse dividendis agris: ex hostium judicatorum facultatibus præmia persolvi militibus posse*: simul, quantum æris inde redactum esset, quantum adhuc redigi posset, augentes omnia, verisque miscentes falsa, computabant. *Quod si ne hæc quidem sufficerent, ingentem ostendebant cumulum ex Asiaticæ prædæ.* His artibus Cæsar a possessoribus & veteranis, tanquam utrisque *periculorum & laborum auctor* vituperabatur; Antoniani in oculis ac pretio erant, qui neque spoliabant alteros, & alteris cumulatim præmia præstituri videbantur.

XIII. Dubia fiebant adolescenti tempora, tot in unum concurrentibus difficultatibus, ut cujuslibet veterani imperatoris adultam jam & auctoritatem & prudentiam oppressuræ viderentur. Mare Siculum Pompejus obtinebat: Cn. Domitius Ahenobarbus, semetipso contentus auctore, cum ad Pompejum se Murcus applicaret, ut paulo post referemus, classem olim commissam augebat, Joniani obtinens: Italiam infrequentia cultorum propter continua bella, & recens hæc agrorum divisio ad sterilitatem rede-

gerat. Inde fames invasit urbem, & una cum ceteris incommodis afflixit fane graviter. Nam furtis rapinisque expositæ erant tenuiorum domus, & sub invidia militum, a quibusvis perditis hominibus impune maleficia patrabantur. Accedebat, quod perpetua intercedebat veteranis cum possessoribus pugna: neque humiliores tantum offendebantur; ad senatores etiam injuriæ pervenerunt.

XIV. His enim, sua salva retinere cupientibus, durius respondebat Cæsar, *unde igitur satisfiet veteranis?* at hoc periniquum illis videbatur, de suis possessionibus præmia militibus dari, cum neque delectuum, neque promissorum auctores Patres fuissent. Idcirco, ut in re ancipiti, cum in universum statui nihil posset, subinde huc illuc inclinandum Cæsari fuit: eoque facto plus odii utrinque illi, quam gratiæ partum. quoties enim senatori favebat, quod præter æquum huic tribueret nihil, jus potius debitum reddere, quam tribuere beneficium, videbatur: at miles *sua sibi tolli* interpretabatur, si promissa tardius aut angustius expectatione sua præstarentur. quod si militis adjuvabat aviditatem, neque hic debere putabat gratiam, promissum auferens; & senator *se spoliari* ne tacitus quidem dolebat. Plane videbat Cæsar, hanc esse conditionem imperandi, ut armis opprimi quidem excindique quidvis posset; benevolentiam non nisi beneficiis comparari.

XV. Ergo licet invitus eo deflexit, ut senatorum agris omnino abstineret, prætereaque dotalibus mulierum, & ad levandam pauperum inopiam relinqueret etiam, quotquot minores erant eo modo, qui promissus viritim militi fuerat. Hoc consilium eos certe induxit, quibus proderat, ut honestius de Cæsare sentirent: sed veteranos exacerbavit immensum, ea cupiditate homines, ut sibi ademtum crederent, quidquid cuiquam relinqueretur. Inde graves sæpe motus, & in ipsum intentatæ periculorum minæ. Certe, cum in theatro militem forte sedentem in quatuordecim

excitari jussisset, exeuntem circumstetit turba, commilitonem ab eo repetens, quem *excruciatum perisse* malevoli sparserant. Et ægre leniti, cum ille incolumis comparuisset, *e carcere productum* contendebant: & irascebantur neganti, *proditorem* appellitantes, & *in gratiam Cæsaris falsa referentem*. eo jam ira processerat, ut verum id factum esse, quam sibi deesse causam occidendi imperatoris, mallent.

XVI. Neque modestior in campo, quam in theatro, miles, cum ad divitionem agrorum opperiri jussum tardius Cæsar accederet, tumultuari cœpit: monentemque Nonium quendam centurionem, *valetudini potius imperatoris hanc esse moram adscribendam, quam contemtui militum*, pro adulatore, & *manipulo Cæsaris* proscindere conviciis, mox, aucta inter jurgium ira, petere saxi cœperunt. neque aut innocentia sua homini, aut fuga præsidio fuit, cum se in amnem coniecisset, quin extractus ab aquis necatusque, loco, ubi transeundum erat venienti Cæsari, abjiceretur. Igitur illum amici monere, testari, *ne se offerat scævientibus*. at eo res erat perducta, ut constantia retinendum jus esset, aut plura deinceps atque atrociora timenda, ubi licentia militaris imperatoris dubitatione alta plus virium acquisisset. Prudens fuisse consilium eventus etiam docuit. quippe conspectu ejus ad reverentiam moti, facinoris invidiam transtulerunt in paucos.

XVII. Ille, leniter increpans *hominum ferociam, qui ne sibi quidem ipsi possent parcere*, divisit agros, & præmia non meritis modo, sed etiam quibusdam aliis dedit. Indulsi etiam, *ut in bello interfectorum patribus aut liberis, qui debiti illis fuerant, agri tribuerentur*. Ergo vulgus militum, ut est ad omnes affectus natura sua mobile, juvenis animum liberalitatemque admirans, *conquiri jussit ad supplicium, qui Nonium occidissent*. At Cæsar, tempore bene usus, *se quidem non ignorare*, dixit, *auctores facinoris, sed pœnitentia contentum pœnam remittere*. Tum vero conclamatum est ab

§ XV. Liv. Epit. Appian. Sueton. in Aug. c. 14. Dio. § XVI. Appian. Dio.

T. Liv. Vol. XI.

V

omnibus, laudesque & grates certatim insonuerunt. Sed neque hic malorum finis, turbato simul concordiae vinculo. nec enim pax & quies consistere cum injustitia potest. Igitur quibus causis favere miles Cæsari, iisdem plebs irasci coepit: passimque in urbe & per Italiam pugnae caedesque factae: militem superiore armorum praesidio & peritia; plebem defendente numero, & aedificiis, unde spargebat missilia. Sed his faces subdente veterano, plura passim incendia exstiterant.

XVIII. His malis compulsus adolescens, & quod missi in Hispaniam milites, Placentiae pecuniis per vim extortis, transitu Alpium a Caleno & Ventidio prohibebantur, condiciones offerebat Antonio & Fulviae, & rem per se frustra saepe tentatam, veteranis commiserat. Sed quanto intentius pax a Cæsare quaerebatur, tanto magis bellum placebat Antonianis. L. Manius, Cæsarem perosus, Fulviam in bellum muliebri æmulatione stimulabat, *Antonium*, dictitans, *nisi turbatis rebus in Italiam retrahatur, totum Cleopatrae fore*: jam enim de his amoribus inaudiri coeperat. Ideo Fulvia, cuncta potius ruere cupiens, quam hunc dolorem perferre, L. Antonii vanum alias & malignum ingenium, parque vitii fratris, virtutum ejus expers, potenter impulit, ut eorum, quibus adempti erant agri, causa palam suscipienda, sic allicerent voluntates, ut magnus mox ex eo numero exercitus cogeretur.

XIX. Sed interim reliquas colonias deducentem Cæsarem, Antonius cum fratris liberis sequi statuit, ne solus apud armatos conspectus ille, vim omnem in se traheret: sed mox cum iisdem, dubium vero, an simulato metu, profugus, Antonianorum obiit colonias, praesidium quaerens. *Sibi enim & pueris necem paratam a Cæsare fuisse* criminabatur *per equitatum ejus: quem Caesar adversus Pompejanorum incursiones in Bruttios missum* excusabat. probavitque causam ducibus Antonianorum, & his conditionibus sublata est

§ XVII. Dio. Appian. § XVIII. Plut. in Anton. c. 40. Flor. 4. 5. Vellej. 1, 74. Liv. Epit. Appian.

contentio Teani : *Ut liceat per Triumviros, more patrio consulis administrare rempublicam : agri ne cui, præterquam his, qui bello Philippensi navassent operam, dividerentur : pecunia redacta redigendaque ex bonis hostium, ex æquo ; veterani quoque Antoniani per Italiam æquis portionibus distribuerentur in colonias : neutris delectuum in Italia agendum jus esset : duæ legiones Antonianæ Cæsari contra Sex. Pompejum militarent : Cæsaris militibus transitus Alpium pateret ; nec iidem ab Asinio Pollione Hispaniis excluderentur : Lucius horum patrum fiducia dimitteret custodiam, remque publicam sine metu & suspicione capefferet.*

XX. Ex tot legibus duæ tantum postremæ ratæ fuerunt : Salvidienus cum exercitu Cæsaris Alpes, invitis custodibus, perrupit. Cetera cum differrentur, Lucius & Fulvia Præneste secesserunt : ille, *Cæsarem timere dicens, triumvirali satellitio armatum, cum inermis ipse esset ; hæc, Lepidum liberis suis insidiantem* : hujus enim nomen tum prætexere, quam Cæsaris, maluerat. Angebatur his rebus Cæsar haud mediocriter, negotium habens cum hominibus, quos nec opprimere armis, nec placare per amicos posset. Idcirco gratanter accepit, utriusque exercitus primores conjurasse, *daturos operam, uti lis imperatorum ex æquo & bono dirimeretur ; coacturosque eum, qui stare judicio detrectasset* : & ex iis ipsis legatos ad Lucium de pace misit, futurum sperans, quod accidit, ut insolentiam eorum odisset, sperneret vilitatem. Per hæc ad veteranos redintegrata gratia, senatum etiam populumque Romanum adversum Lucio reddidit, *per eum stare putans, quo minus pax & securitas cunctis redderetur*. Igitur concursus senatorum aliorumque factus ex urbe est, Lucium Fulviamque orantium, *desinerent aliquando irarum & contentionis, patriamque, tot malis afflictam, refoveri concordia paterentur*.

XXI. Et videbatur Lucius tum iis, quæ dicerentur, tum auctoritate dicentium commoveri ; Manii asperius re-

sponsum fuit: *Longe disparem duorum imperatorum, ut animum, ita conditionem esse. Antonium nihil aliud nisi ab externis gentibus regibusque pecuniam ad communes usus cogere: Cæsarem exercitus & opportuna Italiæ sibi mancipare beneficiis. Sed & Galliam, quæ data prius Antonio fuerit, in fraudem ejus liberari; & pro civitatibus octodecim universam fere Italiam in colonias veteranorum concedere. neque tantum duodeviginti legionibus, quæ bello interfuissent, sed aliis præterea sex, dividi agros: pecuniam auferri e fanis, Pompejani belli prætextu, quod tamen in tanta urbis fame nondum apparetur; revera militibus dari, ut adversus Antonium emanent. ab eodem animo bona proscriptionum ita vendi, ut donari potius appareat. Denique talia multa fieri, quæ, si serio cupiat pacem Cæsar, defendenda sint ei prius, nihilque deinceps agendum, nisi de M. Antonii sententia.*

XXII. Cogebatur in ordinem Cæsar, ut nihil deinceps agere pro potestate posset. Igitur ille, *pacta cum Marco testatus, quæ utrique summum imperium, neque rationibus reddendis obnoxium, in parte sibi assignata dabant, alterumque rata habere alterius acta jubebant, iterum ad veteranos se applicuit: bellumque adversum se instrui testatus, ipse quoque se parare cœpit. Ea res audita, duas legiones Antonianas, quæ apud Anconam stativa habebant, ad Siculum bellum ducendæ, commovit, ut pro pari in utrumque imperatorem affectu, legatos mitterent Romam, rogatum utrasque partes, pacem mutuo colerent. Responsum est a Cæsare antiquum illud: *sibi pacem esse cum Marco; sed a Lucio se impugnari. Igitur hi, re cum ceteris veteranis in Capitolio communicata, (magna enim eorum multitudo Romam, quasi cum senatu ac populo de præsentibus consilium initura, venerat) pacta Cæsaris & Antonii afferri recitarique jusserunt. probatisque his, uter eorum pactis non stetisse diceretur, ea de re suscepturos arbitrium professi, decreta sua retulerunt in tabulas, asservarique jusserunt a Vestalibus.**

XXIII. Inde ex omnibus delectos ad Lucium miserunt, postulatum, *uti iudicio militum controversas disceptandas traderet; aut, si nollet, quid ipsi possent experiretur.* Lucio non recusante, illi Fulviæque dixerunt *diem, ad quem adessent, uti & Cæsarem comparere* jusserant, Gabiis ferme medio inter Romam & Præneste spatio. Prior præsto fuit Cæsar, equitibusque emissis, ne quæ forte collocatæ insidiæ forent, exploravit. Hi cum incidissent in Antonianos, manu conserata quosdam occiderunt. Retrocessit ergo Lucius, *periculum*, ut aiebat, *metuens*: neque postea voluit accedere, cum tribuni præfectique exercituum, *deducturos se illum*, profiterentur. Vehementer ea contumacia Cæsari profuit, & cum *irridere iudicium Lucius & Fulvia* dicerentur, *senatum caligatum* appellantes, adeo accensi sunt ira veterani, ut, Cæsaris causam amplexi, ab illis ortam injuriam, ibique consistere arbitrarentur.

XXIV. Pluribus deinde consultationibus cum Cæsare initis, bellum instruere cœperunt serio, pecunia undique etiam ex ornamentis templorum conflata, non per Italianæ modo, sed etiam per Galliam, quam *Togatæ* nomine, & Alpius divisam, Italiæ nuper contribuerant, ne, seorsim habitæ, daret ansam potentibus, per speciem ejus obtinendæ provinciæ, legiones intra Italiam habendi. Neque segnius ab altera parte arma simul atque convicia infunderunt, amarulentis utrinque dictis se invicem petentium ducum. L. Antonius, cum adipisceretur consulatum, sex legiones habuerat. hæ tum quoque secutæ sunt eum, cum aliis Marci fratris undecim, quarum curam Calenus agebat. Cæsaris quatuor legiones erant Capuæ, cum prætoris cohortibus: sex adducebat ex Hispania Salvidienus. Lucio pecuniæ suppetebant ex pacatis Marci provinciis: Cæsar, uti diximus, e fanis sumebat mutuam, & Capitolio præcipue, deinde ex celebrioribus delubris, Antiano, Lanuvino, Nemorensi, Tiburtino.

XXV. Inter hos Italiæ motus, ne vicina quidem satis quieta erant. Pompejus, aucta quotidie potentia, cum & proscripti, & veteres agris ejecti coloni frequenter ad eum proficiscerentur, haud injuria timebatur: præsertim, postquam Staius Murcus, cum omni sua classe ad illum se conferens, duas legiones cum sagittariis quingentis, pecuniasque multas, & naves octoginta adduxerat; aliasque insuper revocabat e Cephalenia. Neque desunt, qui *tum opportunum tempus invadendæ Italiæ prætermissum ei putent, oppressæ fame, & ab ipso expectantis remedium, dum Perusina contentione diversarum partium duces d'strahuntur.* Sed & Ahenobarbus, sitos ad Jonium mare Triumviris obedientium agros vastare solitus, Brundisinis intra muros compulsis, triremes Cæsaris cremarat, aut abduxerat.

XXVI. Igitur adversus hunc una legio mittenda Cæsari fuit, alieno sane tempore: cum interim initium belli factum esset, pluribusque locis varia fortuna concursum. Sic autem comparatæ partes erant, ut, quibus placebant novæ coloniæ, Cæsarem sequerentur; populi, quorum agri in discrimen venerant, se conjungerent Antonio. Cum in eo res essent, vocato senatu Cæsar, atque etiam equitibus Romanis adhibitis, *Quantum, inquit, temerariæ fiduciæ Lucio ceterisque accesserit ex lenitate mea, non sum nescius; quod amor patriæ ac quietis erat, imbecillitatem & metum interpretantibus. Ego vero & exercitum validum habeo, succinctus tum veteranis, quorum præmia intempestive intervertuntur, tum meis legionibus: cetera quoque firma sunt omnia, neque dudum absuit quidquam, quod ad bellum gerendum pertineret, præter voluntatem. Nec enim me delectat, si qua supersedere liceat, civilia bella gerere, & rel. quo Romano sanguine ad mutuam perniciem abuti: præsertim ejusmodi bella, quæ non ex Macedonia aut Thraciæ audiantur, sed quorum sedes futura sit Italia, multis afficienda miseris, etiamsi numerus cadentium in rationem non veniat.*

XXVII. *Hæc, hæc sunt, quæ me pridem insolentiam pessimorum hominum opprimere gestientem continent ac retardant. Quod enim ad Marcum attinet, nunc etiam vos testor, nec de illo me queri, nec commississe, cur ille de me queratur. Et hæc quidem a vobis Lucium, qui cum eo sunt, edoceri, publicæ vestræque rei vehementer interest. Quod si frustra susceptus hic labor erit, & insanire hic Lucius perget, tum vero ostendam homini, aliquando mihi propositum, nunquam vires ad defendendam dignitatem meam, propulsandasque injurias defuisse. Atque horum omnium vos mihi testes, & apud vosmetipsos, & apud Marcum eritis. At illi rursus Præneste proficiscuntur, pacem quærentes irritam. Quippe Lucius, serum id esse, respondit, postquam ventum ad manus sit: fraudemque hanc esse Cæsaris, alia præferentis verbo, cum rebus ipsis Marcum impugnet, legione etiam Brundisium missa, ad arcendum eum aditu Italiæ.*

XXVIII. Manius etiam literas ostendebat Marci, incertum an fictas, quibus dignitatem suam defendi jubebat vel armis. senatusque legatis, quis ergo dignitatem ejus læderet, quærentibus, offerentibusque judices, alia quædam Manius objecit: donec infecta re reditum. ne renuntiata quidem Cæsari, pudore, ut creditur, irriti incepti, legatio est. Idcirco Cæsar, Lepido cum duabus legionibus ad tutelam urbis relicto, contendit Albam, ubi duæ legiones Lucii, tribunis expulsis, tumultuabantur. Sed ubi, se præventum a Lucio, militesque donis atque promissis placatos accepit; in Sabinos profectus, præsidium, quod apud Nursiam Antoniani collocaverant, dejecit loco; ne oppido potiretur, Tifeni Galli virtute depulsus, & fama venientis cum exercitu C. Furnii. Ad hunc excipiendum profectus in Umbriam, postremumque aggressus agmen, FURNIUM in tumulum quendam, atque inde noctu Sentiana profugere coegit: nec statim infecutus, insidiarum metu, postquam illuxit, adductis copiis, & oppidum, & castra Furnii oppido conjuncta obsedit. Inter hæc Lucius, re cum nobilibus composita, quorum magna multitudo ad

partes ejus se transtulerat, tribus agminibus milites noctu Romam præmittit: ipse cum robore copiarum, gladiatoribusque & equitatu subsequitur.

XXIX. Excivit is terror Lepidum, ut cum exercitu obviam iret. Sed ubi fusus est equitatus, qui præcurrerat, Lepidus cum legionibus intra mœnia se recepit. Antonio Nonius, ad custodiam portæ relictus, aditum dedit; seque, & suos, quos secum habebat, milites, ei tradidit. Lepidus fuga evasit ad Cæsarem. neque præterea quisquam resistebat, etiam P. Servilio, qui consulis gerebat nomen, segniores ad pericula. Idcirco Lucius, ad concionem vocato populo, sic differuit, ut *Cæsarem atque Lepidum mox pœnas diceret duros scelerum; fratrem vero suum, triumviratu abjurato, se pro consule gerentem, tyrannicam potestatem civili, & extraordinariam translatitia commutaturum.* Ad hæc lætis adstrepebat omnibus plebes; *Imperatoremque appellatum ad reliqua componenda ire jusserunt.* Erat tum Antonius militari habitu, quomodo ante illum populi concionem habuerat nemo.

XXX. Sed & *senatusconsulto mandari sibi bellum jusserat; egressusque Roma, quacunque incederët, novas colligebat vires ex populis, qui favebant Antonio, & opportuna oppida passim communiebat.* Sed hæc agenti non modicus obex objectus est a M. Barbatio, quem quæstorem suum M. Antonius, propter, nescio quam, offensam, dimiserat. Id cum vulgus ignoraret, plerique hunc percontabantur, *ecquo animo Antonius turbas Italicas acciperet?* Ille respondebat, *mirifice hunc irasci, contra potentia socium & communes utriusque rationes arma moventibus.* Inde permulti, deserto Lucio, cujus acta displicere fratri existimabant, ad Cæsarem se contulerunt. Lucius in Galliam erat iturus, ut properantem ad Cæsaris castra Q. Salvidienum Rufum interciperet. Eundem Asinius Pollio & P. Venti-

dus, Antoniani duces, cum suo quisque exercitu, sequebantur.

XXXI. Idcirco M. Agrippa, Salvidieno timens, ipse quoque promovit copias, ut ab Salvidieno in se retraheret Lucium; & vicissim, si ab hoc ipse urgeretur, a tergo Lucii Salvidienum haberet adiutorem. Res bene cessit: omissoque priore consilio, Lucius, cum utrinque se peti animadverteret, alio declinavit, cum Afinio & Ventidio conjuncturus copias: deinde sic quoque metuens ab hostibus, inter angustias hærentem invasurus, Perusiæ substitit, in urbe munita Ventidium atque Pollionem expectaturus. Hic eum legati Cæsaris Agrippa & Salvidienus obsederunt. At Cæsar, simul Antonium Romæ esse cognoverat, ad urbem festinavit, &, illo dudum egresso, citra certamen receptus, protinus ad insequendum exiit: nec adeptus hominem, qui jam Perusiæ mœnibus se clauserat, rediit Romam, ut eam accuratiore in posterum custodia firmaret.

XXXII. Discessus Cæsaris præter opinionem Sentiatis exitio fuit; cum eo sublatum esse periculum credidissent. Sed Furnius, abeuntem ab obsidione Cæsarem insecutus, interim advenienti Salvidieno spatium oppidi capiendi diripiendique dedit. ne ædificiis quidem pepercit ira, injectoque igne Sentia concremata est. Nursinos tempestiva deditio præsentibus exemit malis: sed tumultus postea publice exstructus his, qui cum Cæsare pugnantes oppetierant, adjecto titulo, *pro libertate occubuisse*, sic exacerbavit adolescentem, ut grandi pecunia mulctatos, quia pendere eam nequibant, urbe agroque omni exigeret. His ita actis, cum Antonium duo jam exercitus obsiderent, cum tertio Cæsar accessit: propereque dimissis quaquaversum nuntiis, ne forte fax belli Lucius elaberetur, plures accitæ copiæ, aliæ Ventidio & Pollioni oppositæ. hique facile cohibiti, quod neque magnopere bellum id probabant, nec a M. Antonio putabant probari, super hæc

orta ex æqualitate ducum æmulatio, quemadmodum solet, communi causæ attulit moram.

XXXIII. Sed nec Antonius sese neque Fulvia deferebant, virilis spiritus mulier, & adeo non timida versari inter armatos, ut & ipsa, gladio cincta, signum dare militibus, habere conciones consueverit. Sed hæc Præneste arcem belli fecerat, multis ad se pertractis ex senatu & equestri ordine; & cum his frequenter consultabat de præsentibus. At Lucius, priusquam circumvallaretur, emissio Manio, qui festinare Ventidium & Pollionem cogeret; & equitatu suo (quatuor erant millia, Tisieno præfecto) qui Cæsaris amicos vexando, ab obsidione eum retraheret; crebris excursionibus opera hostium oppugnabat. & cum Cæsar oppidum propter colles, quibus erat impositum, vallo septem millium amplexeretur, & ad prohibendum, ne quid importari posset, ad Tiberim usque longa brachia deduxisset: ipse vicissim in radice collis vallum fossamque obmoliebatur.

XXXIV. Inter hæc & Fulvia continuis ad Ventidium & Pollionem, sed & Atejum, & Calenum literis urgebat, *ferrent opem obsessis; neque fratri causæque imperatoris sui deessent.* Sed & noviter paratum exercitum, duce Munatio Planco, misit; a quo legio Cæsaris, quæ forte Romam petebat, intercepta atque concisa est. Cæsar, ut hunc & reliquos, qui moveri cœperant, distringeret, relicta ad obsidionem Perusiæ parte copiarum, cum Agrippa his obviam profectus, effecit, ut, priusquam conjungerentur, itinere abrupto, Plancus Spoletium se reciperet, Ventidius & Pollio Ravennam alter peteret, alter Ariminum. Idcirco Cæsar, oppositis, qui hos morarentur, Perusiam reversus, munitiones absolvit, fossis altitudine atque latitudine triginta pedum, turribusque ligneis mille quingentis, non minus diligenter adversus soluturos obsidionem, quam adversus obsessos, instituit.

§ XXXII. Sueton. in Aug. c. 12. Dio. Appian. § XXXIII. Flor. 4, 5. Vellej. 2, 74. Appian. Dio.

XXXV. Dum ista diversis locis aguntur, crebræ Antonianorum eruptiones factæ, multo utrinque sanguine, dum miles Cæsaris missilibus potior, gladiatorum audacia cominus trucidatur. Semel etiam propinquum discrimen imperator adiit, dum circa muros sacrificat, repentina gladiatorum eruptione pæne oppressus. Sed ea res fiduciam magis, quam metum, peperit, ex haruspicum responso. *Quod enim infelicia exta rapta ab obsessis fuerant, cuncta, quæ sacrificanti tristia denuntiata essent, in eos recasura dicebantur, qui exta haberent.* Jam etiam fames in oppido esse cœperat, adversus inexpectatam obsidionem minime provisus copiis. eo acrius ipsa, quæ Kal. Januarias antecessit, nocte tentata eruptio est, & ad portas operum vis facta, ut, his perruptis, auxilia, quæ multis locis se ostendebant, intrmitterentur. Sed accurrente legione, quam in proximo statuerat Cæsar, ipsoque cum Prænestinis cohortibus, post vehemens certamen Antoniani retrocesserunt.

XXXVI. Per eosdem dies etiam Romam affligente fame, cum in usum belli frumentum comparceretur, plebs jejuna, vi effractis domibus, quod erat inventum diripuit. Eodem anno magnum, uti diximus, incrementum Sex. Pompeji potentia hoc maxime modo cepit. Cassius Parmensis tribunus militum, ad colligendas pecunias in Asia cum exercitu & classe relictus, audita morte Cassii, de Bruto non desperans, triginta Rhodiorum triremes delegerat, quas erat impleturus; exustis reliquis præter sacram omnibus, ne res renovare Rhodii possent. Cum his igitur, & quas antea habuerat, evectus, non tamen occurrere ante finem Bruti potuit. Interea & Clodius, qui missus a Bruto Rhodum cum navibus tredecim fuerat, cum rebellantem insulam invenisset, educto inde Romano præsidio, quod erat trium millium armatorum, ad Cassium se contulit.

XXXVII. Eodem & P. Turulius venit cum multis na-

vibus, & magna vi pecuniarum, quas a Rhodiis, dum adhuc erant dicto audientes, exegerat. Hoc exemplum secuti, quotquot earundem partium tota Asia oberrabant, in unum convenerunt: & legionariorum, quanto poterant, numero imposito in naves, ex mancipiis aut nexis remiges parabant, itemque ex insulis, quas prætervehebantur. Sed & a Thaso nobiles aliquot cum M. Cicerone M. F. profecti sunt ad eos; brevique collecta est non contemnenda classis, & neque ducum nominibus, neque militum aut genere, aut copia pœnitendus exercitus: præsertim cum etiam ex Creta Lepidus cum alia manu accessisset. Tum vero consensu ad Murcum & Ahenobarbum, Jonium cum validis classibus obtinentes, navigari placuit. Ibi consilio habito, quemadmodum deinceps sustinendæ partes essent, diversæ sententiæ fuerunt, nisi quod constabat, Triumvirorum aspernamdam amicitiam esse.

XXXVIII. Statius Murcus, defleto *Cassii Brutique casu*, *spem tamen adhuc superesse* dicebat in reliquis viribus, *modo caput natiæ idoneum forent*. Consilium enim, inquit, atque imperium pluris quam arma sunt, quam pecunia, & militum manus. Horum vis quantalibet, nisi sapientia & auctoritate ducis contineatur, dissolvetur facile, aut in se ruet. neque plurium aqua potestate res geri commode potest: in bello rapiendæ sunt occasiones. quæ sæpe non inter dissidentes modo, sed etiam inter concordēs, dum communicandis consiliis tempus abit, amittuntur. Sed neque mihi summam rerum deposco, neque cuiquam vestrum aut poscendi aut dandi auctor ero: Sex. Pompejum intueor, quem miro consilio rebus incertis unicum præsidium in propinquo fortuna collocavit.

XXXIX. Nec enim alium ei præferre, etiamsi copia plurimum esset, debemus, pro legibus dimicantes & libertate, quemadmodum semper tulimus præ nobis. Hic autem solus jam toto imperio legitimam potestatem obtinet, maris præfectura olim accepta ab senatu, priusquam ille scelere ac crudelitate triumphali opprimeretur. Nec igitur dubitandum est, quin, amotis Cassio & Bruto, populi Romani imperatoribus, huic reliquæ res

spesque nostræ committantur : præsertim cum non aliud jus suadeat, aliud cogat necessitas ; sed & illud & hæc ex æquo Pompejum nobis commendent, & Siciliam. Quis enim hominum, aut quæ provinciarum aptior esse præsentî necessitati, aut opportunior potest ? magni Pompeji filius, amans patriæ juvenis, in malis & tolerandis & superandis exercitus, animo, felicitate, auctoritate patri, sed nondum vertentem fortunam experto, simillimus, proximam & quasi suburbanam provinciam tenet ; quæ nihil esse potest, tam ad excipiendos, qui vim hostium fugiunt, quam ad infestandos, qui alunt, commodius.

XL. *Nec obscura sunt aut ambigua, quæ dicimus : plurimorum incolumitate, & ex acerbissimis discriminibus repente velut divinitus oblata salute, satis superque confirmantur. Quot ad eum proscriptione recenti, quot postea confugerunt ? hodie quoque ad eum confluere non desinunt, quicumque aut meliorem optant reipublicæ statum, aut tantummodo militiæ lucrique cupidî, tamen justiore sub duce mereri malunt. Sed & prudentia rerumque usu tantum valet, ut modicis ab initiis progressus ad hanc potentiam sit, quæ Triumvirorum apertum hostem & profitetur, & defendit : atque hunc Cæsarem ejusque legatos nihil non conantes fortiter a Sicilia repulisse non contentus, in ipsa quoque Italia multis affecit incommodis. Cum hoc si jungamus has vires, equæ esse dubitatio poterit, quin tanta accessione auctus, non modo se nosque tueri, sed etiam ab injusta Triumvirorum dominatione vindicatam recuperare rempublicam possit ?*

XLI. *Contra hæc Domitius Ahenobarbus, nobilis & sibi fidens juvenis, hunc in modum disseruit : Diis immortalibus habeo agoque gratias, qui nondum ita nos deseruerunt, ut vel animi, vel consilii egeremus. Tanta clade percussi, tamen non nisi de bello deliberamus. una modo consultatio est, quo duce propositum teneamus. Atque utinam fata nostris imperatoribus pepercissent ! utrivis eorum potui dicto esse audiens, & in ejus virtute atque providentia acquiescere. Sed, his sublati, novi atque inexpti ducis subire imperium, neque facile est generosis*

mentibus, neque eo properandum est, antequam necessitate cogamur, quæ non relinquit consilio locum. Enimvero in eo adhuc res sunt, ut habere socium amicumque Pompejum, quam imperatorem malis. nec vero ad unius imperium omnino confugi opus est.

XLII. Duos paulo ante habuimus imperatores, quibus multum confidebamus; & si victos forte regeras, etiam a duobus victi sunt. Quid vetat te quoque, Murce, commissam tibi classem retinere, & qua paulo ante concordia, mecum & cum ceteris consilia tractare graviorum conatuum? Cur enim Sexto tantum deferimus, ut, cui pares haberi possumus, ejus potestati ultro nos subjiciamus? cum sint inter nos multi, qui neque nobilitate concedant ei, neque annis, aut experientia? Jam vero mores adolescentis ii sunt, quos etiam, qui vituperare nolit, omnes promiscue minime laudet probetque. Calamitas paternaprehendit ingenii haud mali hominem, priusquam formari ad cultum magnæ fortunæ ingenuis studiis posset. Unde & ferocior justo esse dicitur, & fidei negligentior. Certe Pompeji Bithynici fatum docere nos debuisset, ut essemus minus in credendo faciles. Interfectum eum Sexti jussu constat: quam justis causis adductus eum interfecerit, discere nondum potui. Verum est, multos ad eum profugisse viros illustres: cujus igitur opera ita utitur, ut non amplius tribuat libertis servisque suis?

XLIII. Jam & ob res non amplissimas sumere nimios spiritus, seque incredibiliter efferre dicitur. Igitur prospera vobis dominum imponent, adversa ferenda ex æquo erunt. Tu vero, L. Stati, vosque ceteri, quibus eadem mens est, quam in conditionem vos rempublicam demittatis, videritis: ego, donec mihi consulere potero, nec Pompeji, nec cujusquam alterius potestati dedere me constitui. Cassio Brutoque, propinqua cognatione junctis, quibus imperium decreverat senatus, haud invidus parui: Sexto amico potius, quam imperatore utar. Nec ideo minus rem communem bene curabimus, cum nostra concordia, duobus potentissimis vinculis, amore libertatis, & metu dominorum adstricta, neque lentescere per negligentiam alterius, neque patere suspicionibus possit. Finis consultationis iste fuit, ut

in sua sententia perstantibus utrifque, Murcus, & qui cum eo sentiebant, Pompejum peterent; Domitius cum ceteris pristinam ad Jonium mare stationem retineret. Atque hic & auxit postea classem suam, & longinquiores etiam provincias, oblatis forte occasionibus, adiit.

§ XLIII. Sueton. in Neron. c. 3. Appian.

JOANNIS FREINSHEMII
SUPPLEMENTORUM
LIVIANORUM

LIBER XCI.

IN LOCUM LIB. CXXVI LIVIANI.

E P I T O M E

LIBRI CENTESIMI VICESIMI SEXTI.

C. Caesar, cum esset annorum viginti trium, obsessum in oppido Perusia L. Antonium, conatumque aliquoties erumpere, & repulsum, fame coegit in deditionem venire; ipsique & omnibus militibus ejus ignovit. Perusiam diruit. Redactisque in potestatem suam omnibus diversæ partis exercitibus, bellum citra ullum sanguinem confecit.

I. **I**NTEREA M. Antonius, qui post victoriam in Thracia substiterat, ad cogendas undique pecunias, in Græciam cum valido exercitu venit. neque gravis aut odiosus principio civitatibus fuit, ab acerbitate omni temperans, ludisque eorum, & eruditorum colloquiis, & cærimoniis Deorum deditus. Idcirco vulgo *Græcorum studiosus*, sed inprimis *amator Atheniensium* vocari gaudebat, multis in eam civitatem collatis beneficiis. Nam deinde & Æginam, & Ceam, & Sciathum, & Peparethum, aliasque insulas reddidit: & Megarenses Atheniensium derisit æmulos. Rogat-

tus enim ab his, *ui curiam suam spectaret*, ubi spectavit, quærentibus, *qualisnam ea videretur?* *Angusta*, inquit, & *ruinosa*. Ergo & Athenienses solita vanitate retulerunt ei gratiam, initiando mysteriis suis, honorando statuis, cum injuria veterum regum, a quibus majores eorum insigniter adjuti cultique fuerant. nam & Attali Eumenisque colossos Antonii nomine inscripserunt.

II. Dimensus deinde Pythii fanum, de cujus instauratione ad senatum perscripserant, Lucioque Cenforino Græciæ præposito, in Asiam transit, jam cessante periculo remissior, & ad prioris vitæ molliem revolutus. Igitur Græci Asiatici, moribus his amicis genus, Ephesum venientem curatissima pompa exceperunt. Quippe viri puerique Satyrorum ac Panum habitu, feminæ Bacchas simulant, deduxerunt eum, urbe tota personante tibiis & fistulis, passimque thyrsis atque hedera obtutui se ingerentibus. Sic incedens ille *Liber Pater* salutabatur, *benigni* atque *blandi* addito cognomento. Prima cura fuit reddendi Dianæ sacrificii: quo magnifice peracto, supplices Deæ, qui ad id asylum e victis partibus confugerant, dimisit incolumes, duobus exceptis, quorum alter cædis Cæsariæ fuerat conscius, alter Dolabellam Cassio prodiderat; vetusque spatium asyli duplicavit, partemque urbis adjecit.

III. Inde vocatis in consilium legatis, qui ex Asia Ephesum concurrerant, *decem annorum tributa*, quot *Cassio ac Bruto intra biennium dederant*, *annua die pendenda* imperavit. mox deprecantibus, allegantibusque *necessitatem, qua coacti dedissent potentioribus omnia*, hætenus remisit, ut *novem annorum tributa annua bima die penderent*. Regibus etiam & civitatibus liberis, ut quisque abundare videbatur, imperata est pecunia. Huic exigendæ præfecit, quos voluit, ut interdum non tam acerbum videretur pendere omnino tributa, quam his hominibus pendere. Nam & citharædum quendam Alexanorem Magnetem quatuor ur-

§ I. Vellej. 2, 74. Plut. in Aug. c. 39. Appian. § II. Appian;

T. Livii Vol. XI.

X

bium exigendo tributo præposuit, militibus ad hunc usum datis. Plurimum enim huic generi hominum indulgebat: & quidquid deliciarum ullo machinamento corrumpendis moribus natum videri poterat, affectu maximo complectebatur.

IV. Ergo & Xuthus choraules, & histrio Metrodorus ejus amicitia nobilitati sunt; & coquus ob unam cœnam scite paratam bona civis cujusdam Magnetis accepit. Laudabiliorem multo liberalitatem mox obeundis provinciis exercuit, L. Cassium imperatoris fratrem, & alios earundem partium, exemplo clementiæ, quod Ephesi ediderat, veniam petere ausos absolvens, & civitatum, quæ afflictæ fuerant ab adversariis, calamitatem sublevans. Nam & *Lycios immunes esse, Xanthumque instaurare* jussit: & Rhodiis Andrum dedit, Tenumque cum Naxo & Myndo, quas tamen paulo post iterum ademit, quasi *durius imperantibus*.

V. Transiens deinde per Phrygiam Mysiamque, & tributis ubique gravibus impositis, in Bithyniam venit, provinciaque ab Apulejo, quem Brutus præfecerat, accepta, ipsum exemit culpæ, reditumque concessit. Hyrcano Judæorum principi, suo & gentis nomine coronam auream mittenti, orantique, *ut a Cassio capti servitute eximerentur*, clementer respondit, datis etiam ad Tyrios Sidoniosque, & Antiochenos, & Aradios literis, *ut ablata Judæis corpora, bona, loca restituerentur*. Inde Gallogræcos & Cappadocas adiit, Planco demandata Asiæ cura, pecunias ubique cogens. in Cappadocia & causam cognovit Ariarathis & Archelai Sifennæ, de regno contententium; & plus apud eum Archelaus valuit, Glaphyræ matris adjutus gratia, quam formosam & parum pudicam Antonius adamabat. Hinc in Ciliciam transgressus, missio ad Cleopatram Dellio, *ad esse reginam* tanquam ad causam dicendam jussit: favisse enim Cassio insimulabatur.

VI. At illa, moribus Antonii ex fama & Dellii exposi-

§ III. Strab. l. 14. Appian. Arist. polit. 2, 9 & 5, 11. § IV. Plut. Appian. § V. Joseph. antiq. Jud. 14, 22. Dio. Appian, Plut.

tione cognitis, qui mulieri forma & ingenio excellenti nihil ab isto timendum asseverabat, non tam ad purgandum obiecta, quam subjiciendum sibi imperatorem se comparabat. Tandem, nec nisi plurimis illius & amicorum literis accita, Tarsum navigavit, ubi tum agens Antonius, liberam immuremque civitatem declarabat, edicto quoque proposito, uti Tarsenses cives, ubicunque servirent, dimitterentur. Tum quoque pro tribunali sedebat, cum adverso Cydno subvehi Cleopatram nuntiatum est, tantusque hominum ad spectandam eam concursus fuit, ut, dilapsa forensi turba, solus cum suis Antonius relinqueretur.

VII. Neque enim vulgaris erat species. Inaurato navigio, velis purpureis expansis, vehebatur: argentei remi ad tibiaram cantum movebantur, fistulis etiam & citharis molle interstrepentibus. Illa sub tentorio, quod intextum auro erat, recubans, ornatu cultuque Venerem repræsentabat, adstantibus utrinque pueris, ventulumque facientibus Cupidinum habitu. Sed & ancillæ præstanti forma, quemadmodum Gratiae & Nereides pinguntur, amictæ, propter gubernaculum aut rudentes stabant. Quacunque inveheretur, ripæ suffituum odorumque fragrantia complebantur. Igitur velut fascinatiis præ delectatione animis, Venerem ad Bacchum pro salute totius Asiæ commissatum venire jactitabant. Invitata ad cœnam ab Antonio, ipsum potius ad se jussit accedere: & paruit ille, ut comem se atque humanum ostenderet. Erant apparatus omnia regio fastu: vasa auro gemmisque radiantia, nobilium artificum opera, purpureis aulæis, auro antexto, obducti parietes, triclinia duodecim cum lectis.

VIII. His excepit Antonium & amicos, quotquot ei placuerat adducere. Sed Antonius nihil tam admiratus esse, quam hominum frequentiam & dispositionem luminum dicitur, varias figuras magno artificio repræsentantium. Laudanti reginæ magnificentiam, illa subridens, Hæc, inquit, omnia tibi dono, imperator, ut cras iterum tecum cænes. Tum vero sic instru-

xit convivium, ut hesternæ præ his parva & vulgaria viderentur. iterumque illi cetera omnia dedit, amicis autem ejus atque ducibus, lectos, in quibus accubuerant, cum poculis aureis, quibus ministratum cuique fuerat. discedentibus deinde pro dignitate cujusque partim lecticas cum lecticariis dedit dono, plerisque equos cum argenteis phaleris, pueros autem Æthiopas ad prælucendum omnibus. Tum vicissim excepit eam Antonius, superare nifus splendorem & elegantiam reginæ; sed utroque inferior, primus in cœnæ suæ fordes & rusticitatem dicteria jecit.

IX. Quarto die, vicissim apud eam cœnante Antonio, solum consternendum rosis ad altitudinem cubiti curavit; qui harum copiam suppeditassent, non jam nummis, sed talentis remunerans. Igitur metu omni deposito, cum ob *destitutas Cæsaris partes* accusaretur, non magis excusavit sese, quam imputavit ultro, *quatuor legiones cum Allieno missas initio belli, classemque paratam, sed tempestatibus, & celeri Dolabellæ casu prohibitam egredi. Neque tamen semel iterumque cum atrocibus minis flagitanti Cassio misisse auxilia: quin cum instructissima classe ipsam ad mare Jonium accessisse, non diligentia Murci deterritam; sed tempestatibus & classem dissipatam, & se in morbum conjectam, & interea Philippenſi acie decretum esse.* Nec falso ista jactabantur, sed plus apud Iascivum hominis animum forma & veneres Cleopatrx, quam causa valuerunt.

X. Igitur ex rea statim amica, statim domina facta, non modo regnum Ægypti retinuit, sed in Antonio subegit Orientem. Erat enim non modo pulchritudine, sed magis etiam lepore quodam & elegantia singulari prædita: quam, quidquid ageret, aut loqueretur, decerent omnia. Supererat mira ingenii vis & alacritas, etiam prioribus amoribus excitata & erudita, qua puellaribus adhuc annis, Cn. Pompejum adolescentem, quando clallis educendæ causa profectus in Ægyptum fuit, & mox Cæsarem man-

cipaverat. Accedebat & suavitas sermonum & eruditio, multarumque cognitio linguarum: raris enim populis responsa per interpretes dabat: cum Æthiopibus, Troglodytis, Hebræis, Arabibus, Syris, Medis, Persis, aliisque multis gentibus, ipsa loqui poterat; cum ante ipsam reges Ægyptiam quoque linguam discere non sustinuisent, nonnulli ne Macedonicam quidem callerent. His artibus brevis in potestate Antonium habuit, ut non his modo illiis, sed etiam beneficiis captus domitisque crederetur.

XI. Nihil enim tam aut largitu detrimentosum, aut factu turpe erat, quod illa petens non impetraret. Paulo ante fratrem virumque suum, ætatis XV annum agentem veneno sustulerat. Soror Arsinoe religione vitam tutabatur, Dianæ facta supplex, sive Ephesia illa, sive Leucophryne Milesiorum fuit. Hanc igitur jussu Cleopatæ, percussoribus immixtis, Antonius sustulit. Nec alia loca, quæ tunc sanctissima habebantur, reveritus, Tyrios e templo Herculis extractum Serapionem Cleopatæ coegit tradere, contra cujus voluntatem ille Cassio auxilium adduxerat: Aradios adolescentem quendam, *qui se Ptolemaum esse ferebat, majorem Cleopatæ fratrem, qui victus a Cæsare disparuerat.* Sed & Megabyzum Ephesiæ Dianæ ad supplicium deposcebat, *quod Arsinoen, tanquam reginam, hospitio excepisset:* sed Ephesii, Cleopatæ supplicantes, ab ipsa salutem sacerdoti suo impetrarunt.

XII. Inter hæc continuato per Cavam Syriam, Palæstinam, Ituræos, aliosque Syrorum populos icinere, tyrannos passim e civitatibus sustulit: libertatem cum immunitate tribuit Laodicens: variasque civitatum & regulorum lites composuit. Unde Judæis etiam principibus, Phaelis & Herodis æmulis, facta spes, subverti fratres illos posse: quamquam nuper frustra eos accusassent, quo tempore veniens ex Europa Antonius, Herodis obsequiis & pecunia sic delinitus est, ut, nec auditis delatoribus, rem

§ X. Plut. Ioseph. antiq. Jud. 15, 4. § XI. Dio. Appian. Ioseph.

integram in suum adventum rejiceret. Venerunt igitur centum ex primoribus Antiochiam; nec aliud effecerunt, quam ut ambo fratres tetrarchæ constituerentur, eisque sub Hyrcani nomine, cujus jam factus affinis erat Herodes, summa rerum Judaicarum permitteretur. Id cum ægerime ferrent accusatores, ex eorum numero quindecim vinxit; ne occideret, Herodis precibus tribuens.

XIII. Nec ideo Judæi quieverunt, quin alii mille Tyrum proficiscerentur, quo venisse Antonium audierant. At ille præfecto præsidii negotium dederat, ut importunos & molestos homines ulcisceretur. grandem enim a fratribus summam acceperat, & erat in hos olim bene affectus, propter hospitium, quod ei cum patre eorum fuerat. Igitur Herodes, gnarus rei, cum ante urbem diversaretur, prodiit accusatoribus suis obviam, monuitque, *sibi parcerent: si enim progredierentur, malum habituros*. At illi, contempto Herode, cum ad urbem procederent, obvios habuerunt armatos, a quibus interfecti sunt nonnulli, fauciati complures: reliqui coniecti in fugam, mæsti abierunt domos. Mox Antonius eos etiam, quos habebat in vinculis, occidit; propterea quod, *a plebe Hierosolymitana Herodem conviciis exceptum esse*, cognoverat. Interea digressa in Ægyptum Cleopatra, M. Antonius, resumta paulisper imperatoris persona, propter Parthos, qui nunquam satis quieti, tum validius se commovere dicebantur, equites Palmyram misit, oppidi diripiendi gratia, quod *sentire cum Parthis* insimulabatur.

XIV. Sed Palmyreni, corporibus, rerumque suarum pretiosioribus trans Euphratem trajectis, equitibus vacua ædificia reliquerunt: dispositis pro ipsa sagittariis, quo genere plurimum valent, intercluso transitu. Hic conatus Antonii, & tyrannorum, quos ubique civitatibus Romanus expulerat, ad Parthos fuga, simulque gravissima populis imposita tributa, magnum attulisse momentum putantur, ut

§ XII. Joseph. antiq. Jud. 14, 22 & 23. § XIII. Appian. Dio. Plut. in Anton. c. 36.

citius, quam timeretur, Parthicum bellum erumperet. Sed Antonius neque Fulviæ labores in Italia, neque provinciarum necessitates & pericula moratus, copiis in hiberna distributis, & Saxa Syriæ imposito, in Ægyptum profectus, totum se Cleopatraræ & voluptatum turpitudini tradidit.

XV. Consulum deinde nomen (vis enim penes Triumviros erat) Cn. Domitius M. F. Calvinus iterum, C. Asinius Pollio gesserunt: hic adversus Cæsari, belloque Perusino immixtus; sed pacta cum M. Antonio nondum audebat Cæsar violare. neque referre putabat, penes quem appellatio consulis esset, cum ipse tanto jam tempore consulem in obsidione habuisset. Jam asperior quotidie famæ, obsessos Perusiæ experiri omnia remedia coegerat. Idcirco sociorum auxilia ultimis precibus obtestationibusque sollicitantes, perfecerunt, uti tres duces, qui reperebant interea conjungendi copias viam, repulsis, qui prohibebant, Cæsarianis, Perusiam contenderent. Sed Cæsar *Agrippam & Salvidienum his occurrere cum validiore exercitu* jussit: quibuscum manus conferere non ausi, ne ab his & prioribus hostibus circumvenirentur, Fulginium occuparunt, passuum septem millia quingentos distans a Perusia castellum.

XVI. Ibi circumfessi ab Agrippa; de rebus suis, coacto concilio, deliberarunt. Pollio consul, assentiente Ventidio, *perrumpendum* censebat: postremo Plancus obtinuit, *cautiora* suadens, *ne inter Agrippam & Cæsarem intercepti utrinque caderentur*. Lucius, quique cum eo Perusiæ obsidebantur, cum ignium indicio adesse socios intellexissent, cessantibus ignibus, a maxima spe ad ultimam desperationem revoluti, (victos enim fuisse suos, existimabant) prima vigilia eruperunt: tentatisque locis omnibus, undique repulsi, diluculo se receperunt. Inde subducta ratione corporum & alimentorum, Lucius dimensum præberi servis vetuit: neque transfugere passus est, acribus ubique cus-

stodiis positis. Idcirco miseri, per urbem & ante muros herbam vellentes, aut frondem, agminatim moriebantur. & altissimis specubus injiciebantur cadavera, ne relicta & putrefacta morbos gignerent, cremata rogorum multitudi-
ne necessitatem obsessorum proderent hostibus.

XVII. Sed in hoc statu sisti non poterat diu. rursum-
que rogantibus militibus, ut pugnando potius caderent, annuit Lucius, monens, *aut abstinendum certamine, aut nisi victoribus non revertendum.* Acclamarunt omnes cupide, &, ne nox ignaviam aliquorum tegetet, *educi clara luce* postularunt. Igitur omnibus ut ad ultimum conatum summa cura præparatis, cum instrumentis & scalis variæ formæ instructi ante lucem egrediuntur. Aderant & machinæ complendis fossis aptæ, turres plicatiles, unde pontes extrudi in muros solent, & telorum omnis generis magna copia, saxa itidem & crates, quæ palis, circum opera erectis, injicerentur. Hæc cum magno militum nisu ad-
moverentur, fossa completa, superatoque vallo, ad murum transgressi, suffodere hunc, alii scalis atque turribus admotis transcendere nitebantur: & cum diversis locis hæc fierent, propugnantesque clamoribus incertis distraherentur, pontes alicubi in murum injecti sunt, paucisque occisis, reliqua multitudo sequebatur.

XVIII. Erat plane res obsidentibus in discrimine & metu: sed quia raros admoliri pontes obsessi potuerant, facile occursum est, strenuissimo quoque ad defendenda loca opposito, quæ plurimum urgebantur. Igitur Antoniani defatigati a recentibus, cum etiam latera haberent ictibus exposita, rejecti sunt, scalæque & turres eorum contractæ. Ne tum quidem abstinuerunt pugna, quamquam ex superiore loco impune vulnerarentur, donec Lucius miserus nimium & inutilem laborem, signum receptui dedit. Sed ne sic quidem eos deseruit animorum obstinatio, quin, plausu hostium exsultantium irritati, resumerent scalas, &, quamquam irritò incepto, in mortem potius, quam prælium ruerent. Et exorandi fuerunt imperatori, ut *servare potius vitam, quam prodigere nequidquam vellent.*

XIX. Ultimus hic obsessorum conatus fuit: & Cæsar, ne quid tale posthac auderent, sic exercuit suos, ut, signo dato, cum armis profilirent in muros. id quoque spectaculum desperationis implevit Antonianos, &, quia mœrore lentescibat disciplina, remissius mœnia custodiebantur; pluresque transfugiebant ad Cæsarem non gregarii modo, sed & tribuni præfectique. Atque hos postquam *clementer acceptos a Cæsare* vulgatum est, omnesque reliqui spem parem conceperunt; Lucius, timens, ne, si pervicacior esse vellet, hosti dederetur, legatos de pace misit. Cæsar, ex duobus generibus constare Lucii copias sciens, ut diffociaret animos, *veteranis se veniam dare*, dixit, *in gratiam Antonii: reliquos suam in potestatem dedi velle*. Hæc in commune tribus legatis: mox uni seorsim C. Furnio, *ceteris quoque parcere velle* ostendit, *solis exceptis, qui proprias secum inimicitias exercerent*.

XX. At hi, suspectum habentes cum Furnio arcanum sermonem, hunc quidem exceperunt conviciis: a Lucio postularunt, *ut aut paribus conditionibus pacis amplecteretur omnes, qui pari studio bellassent pro patria; aut arma universi ad extremum usque spiritum retinerent*. Lucius, reveritus pari secum dignitate viros, laudavit eorum sententiam, &, *quando neminem haberet aptiorem, se dixit ad Cæsarem ire*. profectusque est statim sine feciali; cursu præcedentibus, qui rem Cæsari significarent. Atque ille ad hoc nuntium properabat occurrere venienti. jamque in conspectu erant cum amicis & imperatoriis sagulis; cum, dimissis omnibus, Lucius duos tantum lictores secum habens processit, hoc ipso demonstrans animi sui propositum: intellexitque Cæsar, &, Lucium imitatus, ostendere signum mox coalituræ benevolentiae voluit; &, festinante Lucio, ut intra vallum colloquerentur, egressus est Cæsar, ut sic quoque liberum esset Lucio, quid capere consilii vellet.

XXI. Tum, ut est relatum in commentarios, Lucius prior ita coepit: *Si quidem cum externo mihi certamen fuisset, & vinci turpe putarem, Cæsar, & turpius victum confiteri;*

eamque ignominiam exirem eadem via, quæ multis egregiis viris, virtutem a fortuna oppressam asserentibus, placuit. Nunc quia cum cive aequalis dignitatis contentio fuit, expertus, quæ potui, pro patria, tali viro lubens cedo. Nec tamen hæc dista sic accipias, quasi victori, in spem humanioris clementiæ, ad blandiar. non issem huc sine feciali, si pro me essem sollicitus: aliis pacem postulo, quam utique concessurus es, ubi nec iniquam petitionem meam, neque rationibus tuis alienam cognoveris. Nam ut certius omnia dispicias, separari causas oportet, ut in me effundas iram, quem horum omnium auctorem intelliges; his ignoscas, qui decepti falsique, alia, quam penitus sentiebam, præferentem, in fratris Marci gratiam secuti sunt.

XXII. Quod si forte quædam liberius dixerò, licentiæ ferociæque imputare noli. non conveniunt ea temporibus meis. ea tantum dicam ex animi mei sententia, quæ dissimulari nequebunt. Ego bellum tibi feci, Cæsar, non ut oppresso succederem in principatu, sed ut restituerem rempublicam senatui, cujus sub hac triumvirali potestate jus atque decus omne accisum atque sublatum est injuria. hoc enim ipsi quoque & sensistis olim, & prætulistis, legitimum hunc magistratum non esse facti, necessarium appellantes, donec Cassii Bruti que irreconciliabilis factio tolleretur. Ideo neque perpetuum esse, sed quinquennalem voluistis. Ergo itaque oppressis partium ducibus, reliquiarum, si tamen ullæ sunt reliquæ, non contra rempublicam, sed pro sua incolumitate manentibus armis, sed cessuris, simul atque timere sibi a vobis deferint; tempus esse judicavi, ut, cessantibus aliquando extraordinariis imperiis, patrius mos civitati, legibusque & magistratibus potestas sua redderetur.

XXIII. Neque vero majorem esse ducendum fratris, quam reipublicæ, rationem existimavi; fore persuasus, ut ei quoque, cum venisset, tam justa & gloriosa probarentur. & quia mihi magistratus nomen profuturum ad efficienda cæpta credebam, dimittere hanc opportunitatem nolui. Quod si tibi res ea cordi fuisset, penes te esset tanti operis capri perfectique gloria. quia vero tibi persuaderi nequitum est; ego, urbe per vim occupata, hoc affectavi decus, instinctus, ut opinor, gene-

rosa cogitatione, nihil esse, quod pro republica moliri vel cum discrimine non oporteat & Antonium & consulem, & progeniem ejus Herculis, qui unus omnium laboriosissime contra injustas dominationes dimicavit. Hæc & vera belli hujus causa, si quid mihi credis, & sola est. Nihil hic me frater, nihil aut Manius movit, aut Fulvia: ne divisio quidem agrorum, & pulsæ possessionibus suis innocentes. nam & me auctore, coloniæ fraternali militis deductæ sunt.

XXIV. Tu videri causam eam armorum voluisti, ut veteranos tibi conjungeres, quorum præmia per me vocari in discrimen arguebas. Hoc tibi vastramentum utile ad victoriam fuit; dum e re tua erat, ut milites tui me tanquam hostem insensissimum odissent. At nunc, parta victoria, non est, ut in me hostili sis animo, nisi & patriam oderis: nam pro hujus libertate facta fuisse a me omnia reperies. Atque hæc ille ego dico, qui non nesciam, in tua nunc potestate me esse: unde, quid de te judicaverim, apparet, quidque nunc judicem, solus ad te veniens. Sed de me ipso hætenus. quod autem amicos, atque adeo totum exercitum attinet, nisi consilium a me profectum pro suspecto respuis, magnopere tibi sim auctor, ne hac causa cuiquam nimium irascaris. etiam tuos offenderis, si adeo implacabilia doceas esse debere civium odia, ut ignoscere victis non oporteat: periculosum est homini, cum sit instabili fortunæ obnoxius, sola victoria tutum vivere. Sin vero me adhuc hostem esse, & talium consiliis minime credendum putas, non me piget precibus abs te contendere, ne meam sive culpam, sive fortunam, amicis meis fraudi esse sinas; sed a me potius expetas pœnam, qui horum omnium omnibus auctor exstiti. Atque hæc ut serio dici constet, illis absentibus agere tecum volui; ne mihi potius ab illorum deprecationibus quærere præsidium viderer.

XXV. Ad hæc Cæsar: Ut ego te sine feciali vidi descendere, L. Antoni, festinavi, ut ante castra mea occurrerem, ne locus tibi necessitatem imposuisset videretur dicendi faciendive, quæ volles. Postquam autem meam in potestatem te tradidisti,

quod est eorum, qui se peccasse confitentur; nihil necessum est refellere, quæ mihi falso quidem, sed speciose objecisti. Ceterum sicut ab initio me conatus es lædere, ita lædis etiam nocisque in præsentia. quippe si conditiones voluisses, erat tibi cum irato & victore paciscendum: nunc quando, conditionibus ommissis, meæ fidei permittis omnia, quem armis non potuisti, pudore constringis, ut nec irarum amplius possim esse memor, nec uti potestate, quam, si passionibus intervenissent, necessario eras concessurus.

XXVI. *Jam vero me cogis oblitum eorum, quæ commeruisti, unum tantummodo respicere, quid me deceat. hanc enim partem præfero, tam Deorum, quam mea causa. sed & propter te, L. Antoni, faciam: operamque dabo, ne sic de me judicasse pœniteat. His ultro citroque dictis, Lucii magnanimitatem & prudentiam admiratus Cæsar esse dicitur; vicissimque Cæsaris moderationem, & brevitatem sermonis in adolescente triumpho & viginti annorum admirationi fuisse Lucio, ceteri vero, facientes ex vultu utriusque conjecturam, rem commode transactam esse, jam tum fiduciam salutis suæ gaudiumque perceperunt.*

XXVII. Hoc maxime modo bellum Perusinum post acrem obsidionem, & multas inclusorum eruptiones, finitum est, fame coacto ad deditionem Lucio. Sed statim a colloquio missi ab Lucio tribuni venerunt ad Cæsarem, tesseram petentes, militumque suorum numerum referentes. qui postea quoque mos obtinuit, ut, qui quotidie signum petebant a principe, descriptum simul exhiberent numerum eorum, qui tum sub signis essent. Cæsar, data tessera, jussit eos *excubias adhuc agere solito more*, ne, sub noctem intromissis in oppidum victoribus, aliquid præter animi sui sententiam gereretur. Orta luce, Cæsar quidem sacrificavit. at Lucius eduxit exercitum cum armis, sed obvolutis & interceptis iter facientium more. ubi non longe abfuerunt a Cæsare, *Imperatorem* salutarunt eminus: inde, quibus erant jussi, locis per legiones constitere.

§ XXVI. Liv. Epit. Appian. § XXVII. Liv. Epit. Dio. Appian. Plut. in Lucull. c. 58.

XXVIII. Cæsar, finito sacrificio, laureatus conscendit tribunal, iussisque *arma ponere* Antonianis, postquam id factum est, veteranos (nam a tironibus secreverat) acci-
vit, ut tanquam ingratos castigaret atque perterrefaceret. At Cæsariani milites, sive subornati ab imperatore, ut sæpe, sive veterum commilitonum tempore permoti, ad complexum illorum festinabant, orantes pro his Cæsarem irrequietis vocibus, neque discedentes ab complexu eorum: donec Cæsar, ægre sedato clamore, conversus ad suos, *Mer-
uistis*, ait, *commilitones, ut vobis negem nihil. At ego tirones
quidem coactos militasse Lucio censebam; hos autem, qui sæpe
nobiscum militaverant, & nunc a nobis servantur, cupiebam
interrogare, qua igitur nostra injuria, qua offensa, aut qua
saltem spe uberioris apud alios militia, contra me & vos &
sua ipsi commoda pugnaverint? quidquid enim sudatum est hac-
tenus, ecquo alio sine factum, nisi ut agri veteranis darentur,
cujus fructus siebant & ipsi participes? Igitur si conceditis,
nunc quoque eos interrogabo.*

XXIX. Deprecantibus illis, fiat igitur, inquit, quod
petitis. *abeant vestro patrocinio securi, & hanc etiam objurga-
tionem lucrentur; sed hac conditione, ut vobiscum in posterum
consentiant.* Tum vero utrinque voces & clamores promi-
scui insonuerunt, laudantium Cæsarem, agentiumque gra-
tias. atque ille quibusdam petentibus concessit, ut, quos
quisque vellet, exciperet hospitio: reliquam multitudinem, quo
loco primum constiterant, sub pellibus agere jussit, donec hiber-
na eis, & qui deducerent, assignarentur. *Adesse mox Lucium ce-
terosque* jussit, pro tribunali sedens. descenderuntque sena-
tores & equites multi, præsentem fortunam habitu vul-
tuque præferentes. quibus egressis, præsidium Cæsaris Pe-
rulam introductum est. Lucium Cæsar secum habuit: ce-
teros centuriones partiti sunt, custodes futuri hospitum
specie, ut erant edocti ab imperatore.

XXX. Perusinis e muro deprecantibus concessum, ut
egrederentur, præter decuriones: venientibusque data ve-
nia. decuriones in custodiam dati, paulo post, ut militum

odiis fatisfieret, supplicium pertulerunt, uno excepto L. Æmilio, quod judex Romæ, cum percussores Cæsaris postularentur, atrum calculum palam tulerat, ceterosque fuerat ad condemnandum reos cohortatus. Oppidum diripiendum dare militi voluerat Cæsar; sed princeps civitatis Cestius, qui mentis haud omnino sanæ *Macedonicum* se appellabat, quod olim ea in provincia militasset, subjecit ignem ædibus suis, seque transfixum gladio in flammam intulit. tum ventorum vi dilatum incendium omnem Perusiam hausit, excepta tantum æde Vulcani. Junonis signum, quam Etrusci præ ceteris numinibus consueverant colere, cum intactum mansisset ignibus, Cæsar Romam transferendum curavit, somnio monitus: concessitque volentibus instaurare oppidum; agri tamen spatium intra passus mille restrictum est.

XXXI. Qui deinde has reliquias incoluerunt, pro Junone Vulcanum adoptarunt tutelare numen. Hic tum exitus Perusiæ fuit, veteris urbis, sive Lydi eam novum adhuc Italiæ inquilini, sive, ut est relatum ab aliis, Achæi condiderunt. Proxima deinde die Cæsar, qui jam reconciliatus erat Antonio, ceteris etiam omnibus ignovit. Nec ideo minus trucidati sunt plurimi nobiles & egregii viri, cum excusare se conantibus una voce responderet Cæsar, *moritendum esse*. Sic & Ti. Canucius, qui tribunus plebis causam Cæsaris plurimum adjuverat, & Flavius quidam, & Clodius Bithynicus perierunt; & alii tanto numero, ut *trecentos, aut etiam quadringentos utriusque ordinis, delectos e dedititiis, Idibus Martiis, ad aram D. Julie exstructam more victimarum immolatos ferant*. Cæsar ad hæc cogi ab exercitu querebatur. nec ideo persuasit: quin fuerunt, qui traderent, *ab ipso hoc conflatum bellum esse data opera, ut æmuli atque inimici latentes, copia ducis se offerente, nudarent animos, vincique & facultatibus exui possent, unde promissa veteranis præmia conficerentur*.

§ XXX. Vellej. 2, 74. Dio. Appian. § XXXI. Appian. Justin. 20, 1. Liv. Epit. Sueton. in Aug. c. 15. Dio. Senec. de clem.

XXXII. Sic Perusina fames, quæ mox propter summum exempli horrorem velut proverbio jactari cœpit, totam Italiam formidolosissimo bello liberavit. Maximæ enim vires Antonianorum fuerant; C. Asinius, L. Plancus, P. Ventidius, P. Canidius, Crassus, Atejus, alique duces tredecim exercitus ducebant, & equitum sex millia quingentos. Hi plerique omnes, Lucii casu exterriti, ad mare descenderunt, Brundisium, aut Ravennam, aut Tarentum petentes: atque inde pars ad Pompejum Murcumque & Ahenobarbum se contulit; alii transierunt ad M. Antonium. Insequebantur Cæsariani, pacem offerentes, & contumacibus infesti. Sed nihil efficere memorabile potuerunt, nisi quod Agrippa duas legiones ad se transduxit, quas Plancus Camerix reliquerat. Atque idem Plancus, reliquo etiam exercitu ignaviter deserto, Fulviæ cum liberis fugienti se adjunxit comitem; atque illa cum tribus millibus equitum, quos ei duces præsidii causa addiderant, Puteolos, & inde Brundisium contendit, cum navibus longis quinque, ad hoc e Macedonia accitis, ad virum trajectory. Reliquorum nonnulli adjunxerunt se P. Ventidio. Sic Asinius Pollio, qui cum septem legionibus Venetiam diu retinuerat Antonio, magnasque res circa Altinum gesserat, dum Antonium petit, Domitium Ahenobarbum, fide data, transduxit ad partes.

XXXIII. Scripseruntque ambo ad Antonium, eique, tanquam mox affuturo, exscensiones & commeatus providebant. Sextus quoque Pompejus, per Juliam, Antonii matrem, quam in Sicilia comiter exceperat, de amicitia cum eo agere cœpit. Inter hæc Cæsar reliqua Italiæ, quæ præsidiis adversariorum occupata fuerant, armis aut voluntate defensorum recepit. Nec tacenda Livix mox Augustæ fortuna, magnum habens & utile mortalibus exemplum mutabilitatis. Ti. Claudius Nero, vir prætorius & pontifex, cum, deditione a ceteris Perusiæ facta, solus in partibus perstitisset; Præneste primum, deinde Neapolin

evaferat. Ibi frustra professus patrocinium eorum, qui agros amiserant in Campania, servos etiam vocare conatus ad pileum, adventu Cæsaris in Siciliam fugit.

XXXIV. In ea trepidatione Tiberius, qui post imperavit, tum vix bimulus, pæne vagitu suo parentum fugam prodidit, cum ad vitandum occursum militis, matris Liviæ sinu, & quidem gravidæ, uno tantum per itinerum devia comitante profugos, ad navigium deportatur. Nec diu manere apud Pompejum juvenis superbus potuit, non statim in conspectum ejus admissus, & mox prohibitus fascibus, quos ultra legitimum tempus retinebat. Igitur ad Antonium profecturus, in Achajam transmisit, commendavitque suos Lacedæmoniis publice, quod in tutela Claudiorum ea civitas erat. Sed inde digredientem nocturno itinere, flamma repente exorta e filvis, cum omni comitatu ita circumdedit, ut Liviæ vestis & comæ amburerentur. inter fugam Neronis a Neapoli, C. Vellejus, avus historici, qui ante Bruti, mox Neronis præfectus fabrûm fuerat, senile corpus, quod comitari abeuntes cupientem tardabat, gladio transfecit.

XXXV. Tota jam Italia Cæsaris erat: igitur proxima ei cura fuit occupandarum legionum, quæ sub Alpibus multæ, Caleno duce, castra habebant. ut, siquidem in amicitia maneret Antonius, illi servarentur; sin vero, luculenta pars virium detraheretur inimico. Dispicientem occasiones fortuna adjuvit, moriente sub hoc tempus Caleno. neque distulit Cæsar adire exercitum; potitusque voto, Fusio adolescente per metum tradente protinus omnia, Galliam etiam & Hispaniam adjunxit, quæ attributæ Antonio fuerant: atque ita simul undecim legionibus & amplissimis provinciis in potestatem citra sanguinem acceptis, ubique suæ factionis homines, amotis Antonianis, præfecit. hisque gestis in urbem triumphali habitu invecus est, ubi

§ XXXIII. Appian. Dio. Sueton. in Tib. c. 4. Vellej. 2, 75.
§ XXXIV. Vellej. Sueton. Dio.

tum resumta veste, quam sine senatusconsulto, plebe cogente posuerant Patres, festi dies agebantur. Tum ei *corona laurea decreta*: nec in præsens tantummodo, sed *uti toties* uteretur, *quoties aliquis alius triumpharet*.

§ XXXV. Appian. Dio. Liv. Epit.

JOANNIS FREINSHEMII
SUPPLEMENTORUM
LIVIANORUM

LIBER XCII.

IN LOCUM LIB. CXXVII LIVIANI.

E P I T O M E

LIBRI CENTESIMI VICESIMI SEPTIMI.

Parthi, Labieno, qui Pompejanarum partium fuerat, duce, in Syriam irruerunt: victoque Decidio Saxa, M. Antonii legato, totam eam provinciam occupaverunt. M. Antonius cum ad bellum contra Cæsarem gerendum incitaretur, uxore Fulvia dimissa, ne concordiae ducum obstaret, pace facta cum Cæsare, sororem ejus Octaviam in matrimonium duxit. Q. Salvidienum, consilia nefaria contra Cæsarem molitum, in-dicio suo protraxit,isque damnatus mortem sibi conscivit. P. Ventidius, Antonii legatus, Parthos, prælio victos, Syria expulit, Labieno eorum duce occiso. Cum vicinus Ita-liae hostis Sex. Pompejus Siciliam teneret, & commercium annonæ impediret, cum eo postulatam pacem Cæsar & Anto-nius fecerunt, ita ut Siciliam provinciam haberet. Præterea motus Africae & bella ibi gesta continet.

I. **I**NTER hæc Antonius, hieme apud Cleopatram turpiter acta, tum rerum istarum, tum Parthicorum motuum nuntiis ægre excitus, Tyrum navigavit, adversus Parthos inde ducturus. Sed lamentabilibus Fulviæ literis, in quibus apparebant frequentes lacrimarum notæ, revocatus ad domesticas curas, & jam omnia circum occupata ab hoste cernens, per Cyprium Rhodiumque mare in Asiam venit. Ibi cognito Perusini belli exitu, *fratris accusavit insolentiam & Fulviæ, sed ante omnes Manii: hos enim causam armis præbuisse*, qui veniebant ex Italia, confirmabant. Igitur uxorem Athenis occurrentem objurgavit graviter, & iturus in Italiam, ne obstitaret concordiæ, dimisit Sicyone ægram animo & corpore, ne quidem inter discedendum invisere curans. Cum Pompejanis autem legatis, qui matrem Juliam adduxerant, L. Libone focero Pompeji, Saturninoque, & aliis amicitiam adversus Cæsarem conjungere cupientibus, ita transegit, ut *gratias pro deducta matre ageret, relaturumque polliceretur: ceterum aut usurum se auxilio Pompeji, si bellandum sit adversus Cæsarem; aut eum Cæsari reconciliaturum esse.*

II. His nuntiatis, Cæsarem magna & anceps cura disstringebat, consensui duorum imparem, &, utro potius amico, utro hoste uteretur, ambigentem. Athenis fuisse cum Antonio Pompejanos, noverat: quid esset conventum, nesciebat. interim abutebatur eo colloquio ad invidiam Antonii, *hoc nimirum agi, ut, pulsas navis colonis, Pompejus veteresque possessores reducantur.* & credebant hoc veterani, quia plurimi profugorum ad Pompejum concesserant. Sed nec incitari ideo contra Antonium poterant: tantum ei studiorum, tantumque æstimationis res Philippiensi bello gesta pepererant. Summa vero rationum Cæsaris in eo vertebatur, ut, pedestri exercitu egregie instructus, maritimas vires nullas haberet. Numero legionum (erant

enim amplius quadraginta) simul Antonium & Pompejum & Ahenobarbum superabat: sed adversum naves adversariorum quingentas neque classem habebat, neque spatium comparandæ; quod illi instructi paratique ex vicino Italiam infestare, & ad extremam inopiam adigere poterant. Jonium quidem mare nuper avectus ad Antonium Domitius aperuerat, ut melius bello peti Pompejus posset. ceterum hic multas ob causas videbatur potior, ut præ Antonio futurus usui, majoris etiam, quam ille, fidei haberetur.

III. His ita expensis, cum, dimissa Clodia, copia ei conditionum esset, ad Mæcenatem scripsit, *uti sororem sibi Libonis ambiret Scriboniam*: per quam fœderis cum Pompejo ferendi, simul rebus suis expedire censuisset, occasionem captabat: quamquam ea mulier ætate provectior duos antea consulares maritos, & ex P. Scipione liberos habuisset. Nec cunctanter accipiente conditionem Libone, literasque Romam ad amicos dante, matrimonium contractum est. Neque tamen pax inter hos est inita, dum Cæsar omnia concedere non potest; multa remittere Pompejus non vult, cum incremento potentiæ quotidie factus elatior. Nam & alii multi accefferant partibus, & Staius Murcus ei, luculenta adducta classe, duplicaverat vires.

IV. Ad hæc quotidianis ex Italia transfugiis, etiam fervorum, augebatur. tam enim transibatur frequenter, ut etiam Vestales inter sacra conciperent votum, *si finis augiendi factus esset*. Idcirco M. Vipsanium Agrippam, principem amicorum, *cum Pompejo bellum gerere* Cæsar jussit. Sed dum Agrippa ludos Apollinares curat, erat enim tum prætor; in Italiam Pompejus transit, magna-que ejus parte vastata, sub adventum Agrippæ se recepit, præsidii per opportuna loca relictis. Neque vero citius occurrere potuerat Agrippa, ludis edendis populum, qui mire his voluptatibus afficiebatur, Cæsari conciliare stu-

dens. Igitur & novi generis spectacula sunt edita, & translatitia solito magnificentius. Circenses quidem biduo continuo. Sed & Trojam pueri nobiles luferunt; & confectores ferarum in Circo ex equestri ordine producti sunt. Inter has turbas Lepidus, auctoritatem suam ægre passus fenescere, in Africam a Cæsare missus est; sex additis legionibus, quæ, nuper ab Antonianis partibus avulsæ, parum certæ fidei esse videbantur. Et habebat majoris auctoritatis duce opus Africa, Romanæ discordiæ inter diversos duces pœnas dans, &, variante partium fortuna, semper præda victoris. T. Sestius, nuper ex provincia veteri repulsus, cum non aliam cladis esse causam opinaretur, quam quod caput Tauri secum non habuisset, novam expeditionem adornabat; cum a Cornificianis præventus est, irrumpentibus in Numidiam, & obsidente Cirtam Lælio, dum quæstor Cornificii Ventidius Sestium, equestribus præliis superatum, continet. Sed Arabionis & Sittianorum auxiliis Sestius adjutus, deduxit in æquum copias, pugnaque commissa Ventidium occidit, fugientesque, duce amisso, milites infecutus, plurimos interfecit cepitve. Hunc ad nuntium Lælius, obsidione Cirtæ relicta, ad Cornificium rediit. Nec distulit insequi Sestius, & ad ipsam, ubi Cornificius agebat, Uticam profectus, licet minores haberet copias, in propinquo castra posuit.

V. Tum missus prospeculatum Lælius, cum Arabione equestri prælio concurrit: & quia Sestius cum expeditis peditibus a latere se ostenderat, receptui timens ille, propinquum tumulum occupavit. Arabio, cæsis, quos consequi potuerat, circumfuso equite collem obsidere instituit. Sed Cornificius hoc agi videns, cum majore parte copiarum Lælio subventurus, a tergo instantem Sestium habuit, a quo coactus signa convertere, dedit Arabioni spatium, ut per homines, inaccessa aliis loca superare solitos, aditum in castra Cornificii clam reperiret. Igitur, hoste confecto, Roscius præsidio castrorum præfectus, militi cui-

dam occidendum se præbuit. At ignarus rei Cornificius, dum ad Lælium perrumpere nititur, desertus a suis, quos sæpe objurgans *galeatos lepores* appellaverat, equitum Arabionis incurfu oppressus est. quod ubi ex loco superiore conspexit Lælius, ipse quoque sua manu mortem invenit. Ducibus amissis, copię diffluxerunt: qui proscriptorum apud Cornificium fuerant, in Siciliam, aut quo quisque potuit, se receperunt. Sestius victor Arabionem & Sittianos donavit magnifice: oppidis in fidem Triumvirorum acceptis omnibus ignovit: utramque provinciam obtinuit; donec Cæsar, ex pacto cum collegis imperium Africæ Numidiæque nactus, C. Fulvium Fanganem accipere ab Sestio provincias & exercitum jussit

VI. Exinde cum alia pactione Cæsaris & Antonii, Numidiam Cæsar, Antonius Africam accepissent, scripsit ad Sestium Fulvia, *ut provinciam Antonii nomine recuperaret.* nam obtentu hiemis adhuc moratus in Africa Sestius, novarum rerum occasionem exspectaverat. Igitur nolenti cedere Fango, bellum intulit, veteranorum contracta manu, & regulorum auxiliis. Mox & ex ipsa provincia multi mortales ad eum concesserunt, Fanganis odio, qui ex manipulari, Cæsaris dictatoris victoria, factus inter alios de genere hoc senator, præsentem potentiam parum prudenter exercebat. Sed & Numidia se, rebus his auditis, concusserrat. Idcirco reversus in eam Fango, Cirtenses, a quibus spernebatur, itemque Arabionem, negantem auxilia, plurimis affecit damnis. hunc etiam postremo ejecit finibus suis, & cum ad Sestium se recepisset, dedi postulavit. Hæc nova his bellandi exstitit causa. Sestio recusante supplicem dedere, irrupit in Africam Fango, levibusque præliis inferior, in Numidiam recedendo Sestium attraxit, Arabionis præcipue equitibus confisum. Sed ubi Sestius insinulatum prodicionis Arabionem dolo sustulit, equites ejus, pars alio, multi ad Fanganem se contulerunt.

VII. Unde viribus exæquatis, cum invicem metuerent, *cum Arabione sublatam irarum causam*, prætexentes, amicitiam pepigerunt, sed minime fidam ac durabilem. Quippe Fango, securiorem inde Sestium factum putans, denuo transcendit in Africam: & cum equitatu Numidico Fangois superiores partes essent, Sestium Romanæ legiones præstarent invictum; accidit, ut, commisso prælio, alterum cornu utrinque pelleretur, victores, non animadverso suorum casu, castra adversariorum caperent. Ubi, quid actum foret, constitit, paribus demum animis congressi prælium instaurarunt. Sed pulsus in montes Fango, cum noctu bubalorum transcurentium sonitum audisset, equitatum hostium esse, & se prodi ratus, gladio se ipse transfixit. Numidæ lubentes sub potestatem Sestii reverterunt, excepta Zama, quæ perdomanda fame fuit. His actis, Lepidus in Africam adveniens utramque provinciam obtinuit, concedente Sestio, tanquam honoris Lepidi causa, quod contra validiorem tueri se posse desperabat. Atque is, cum Romam redisset, mox inter suffectos consularem tenuit locum.

VIII. Ablegato per speciem imperii Lepido, ut etiam L. Antonium removeret, accitum his ferme verbis allocutus Cæsar est: *Ego te quidem, L. Antoni, pietatis nomine laudo, qui in fraterna culpa, tuum esse crimen tuumque periculum voluisti: ceterum gratum erga beneficia mea animus desidero, quando ne manifesta quidem fratris cum Sex. Pompejo conspiratione quidquam sustines confiteri. Ego vero tibi credens, exstincto Caleno, ne sine duce exercitus forent, per amicos meos servabam Marco: nunc vero, deprehensis ejus consiliis, mea volo esse omnia; tibi permitto, ut ad fratrem sine fraude transfeas. Ad hæc Lucius, qualia prius prætulerat: potentia fratris abuti ad tollendum Triumviratum voluisse, eundem adhuc animum durare: & si regressus frater rempublicana tuendam suscipiat, clam palamve ad eum abiturum, quamquam*

habere maximum Cæsaris beneficium non abnuat. sin vero fratrem etiam sentiat, non contra dominationem, sed dominationis socios tendere, tum se Cæsari affuturum contra fratrem, quamdiu ei meliorem manere mentem putarit. Porro rempublicam ante omnem & cognationem & gratiam positurum esse.

IX. Cæsar, non indelectatus hoc sermone, *contra fratrem fratris opera negavit usurum, ne si vellet quidem sequi; sed universam Hispaniam, cum exercitibus ei crediturum esse, ut pro legatis habeat, qui tum sint in Hispania, Sex. Peducejum, L. Carinatem.* Hoc nimirum nomine custodes L. Antonio addebantur. Dum ita diversis locis Romanæ vires colliduntur, Parthi cum maximis copiis in Syriam, & e Syria in Asiam irruperunt. quod bellum hoc maxime modo conflatum atque commissum est. Crassiana expeditione primum irritati Parthi, mox elati victoria, semper deinceps eo animo fuerunt, ut & auderent bellare cum Romanis, & cuperent. Sed, ut fit, subinde intervenientibus moris, in id tempus dilata res est, quo post Philippense bellum Antonius, cogendis ubique pecuniis, maximo opere provincias alienasse videbatur: eo quidem profecta Aradiorum audacia, ut Curtium Salassiam cum quatuor cohortibus, exigendæ pecuniæ causa millum, vivum comburerent.

X. Forte T. Labienus T. F. ad sollicitanda Parthorum auxilia missus a Bruto, post ejus interitum *occasionem* ostentare non desinebat, Antonio apud Cleopatram deside, Cæsare Pompejoque, & quidquid armis validum apud Romanos usquam esset, mutuo se atterentibus, se gnarum opum, quantæ cuique civitati essent, gnarum animorum, si copiarum imperium sibi credatur, omnino relaturum regi pro beneficiis gratiam. His permotus Orodes, exercitum Labieno maximum, cum filio Pacoro & purpurato Barzapharne, attribuit. Cum his irruptione in Syriam facta, pervenit Apameam, & ab oppugnatione oppidi repulsus, prælidia, quæ passim per

agrum erant disposita, nullo negotio in deditionem accepit. Erant enim e Cassianis militibus, familiariter noti Labieno, quos suo sacramento adauctos custodiendæ Syriæ, quod assueti his regionibus videbantur, Antonius reliquerat. tamque pronus in has partes omnium animus fuit, ut solus e tanto numero Saxa, legati frater & quæstor, ejus consilii expers maneret. Igitur Decidius Saxa legatus, ad defendendam provinciam, quantis poterat copiis, properans, cum in se Labienum abstraxisset, castra inter Antiochiam & Apameam posuit. Sed Labienus frequentes intra ejus vallum libellos jaciebat, *coactam & probrosam militiam cum meliore permutare commilitonum exemplo* jubens.

XI. Nec ausus militi confidere Decidius, servare potius exercitum longius abductum statuit, quam hunc simul & provinciam amittere. Sed equitatu Parthico inhærente tergis abeuntium, prælium committere coactus, magno suorum numero amisso, Antiochiam perfugit. Labienus, auctoritatem addente victoria, jam sine certamine recepit Apameam, cunctis occubuisse Saxam credentibus. Inde profectus Antiochiam, hanc quoque fuga Romanorum desertam cepit. assecutusque Saxam in Ciliciam properantem, eo desperationis adduxit, ut sibi manum inferret, ne, amisso exercitu, vivus veniret in hostium potestatem. Hinc universa Syria Parthorum facta, præter Tyrum, quæ portas Pacoro clausit, quia valido præsidio nuper eam Antonius firmaverat: eodemque magna manus ex Syria confluxerat Parthicum imperium recusantium. Ab his contra pedestres hostium copias (classen enim non habebant) haud ægre defensa est. Ex Syria Pacorus in Palæstinam transit, accitus a Lyfania, qui, Ptolemæo Mennæo genitus, paternam ditionem obtinebat.

XII. Hic *Antigonum Judæum mille talenta, cum quingen-*

§ X. Flor. Dio. Vellej. 2, 78. Joseph. antiq. Jud. 14, 23. Liv. Epit. Appian. § XI. Flor. 3, 9. Acron in Hor. carm. 3, 6. Liv. Epit. Joseph. de B. Jud. 1, 11, & antiq. l. 14.

tis mulieribus daturum Parthis, sua fide sponponderat, *si, dejecto Hyrcano, in regnum ille restitueretur*. Igitur Barzapharne per mediterranea loca jussu incedere, secundum litus Pacorus ducebat, obiter Sidonios recipiens & Ptolemaidem, sponte se dedentibus oppidis. Inde, quoniam ipse nondum perpactis Syriæ rebus attinebatur, quendam ex regiis pincernis sibi cognominem, attributa manu equitum, misit speculatum res Judaicas, simul auxilio futurus Antigono, cum occasio affuisset. His, in monte Carmelo prædas agentibus, accessit magna Judæorum multitudo; ita ut juxta Drymum occurrentes sibi hostes vinceret Antigonus, & cum fugientibus Hierosolymam penetraret. In ipsam quoque urbem introituris, & aggregantibus sese, qui factionis Antigoni olim fuerant, regia petita. Sed Herode & Phasaelo magnas contra copias educentibus, in ipso foro pugnatum; repulsisque in templum adversariis, victor Herodes viros sexaginta in proximis ædificiis, ad prohibenda subita eruptionum, collocavit. At hi a populo, fratribus infenso, cum ipsis domibus cremati sunt: vicissimque multi de populo, quotidianis in urbe præliis, in vindictam horum interemti.

XIII. Cum deinde Pentecoste venisset, multi ex tota Judæa convenerunt armati ferme: Phasaelo & Herode, cum præsidio non ita magno regiam custodientibus. Erumpere tamen ausus Herodes, cum multis hominum, sed inconditorum, millibus ita conflixit, ut, adjuvante etiam Phasaelo, multis desideratis, pars in urbem, alii in templum, nonnulli etiam in vallum, quod extra urbem erat, compellerentur. Inter hæc rogatu Antigoni, Pacorus dux, cum quingentis equitibus Hierosolymam ingressus, specie componendorum motuum, insidias Hyrcano struebat: effecitque, ut, assumpto Phasaelo, ad Barzapharnem proficisceretur: eosque deduxit ipse, relictis apud Herodem ducentis equitibus, & præterea decem ex ingenuorum numero,

minuendæ suspicionis causa. Ut in Galilæam ventum, populares in defectione & armis esse viderunt. a Barzapharne initio accepti donatique liberaliter, mox senferunt insidias; & quamquam abiturus ad Pacorum satrapa *falso suspectum se* juraverat, statim, digressio illo, vincti sunt. Herodes, cum & ille captaretur, cum regiis mulieribus effugit in castellum Massada, ubi postmodum regiam condidit, oppidumque Herodiam: atque, relictis ibi mulieribus & præsidio, Petram Arabiæ profectus est.

XIV. Interim Hierosolymis Parthi pecunias profugorum deprædabantur, Hyrcani tamen thesauro parcentes: erant autem haud amplius trecenta talenta. Sed minor spe præda fuit, quia diffusus Parthicæ fidei Herodes oëterique, pretiosissima rerum dudum in Idumæam præmiserant. Igitur ne agro quidem abstinentes Parthi, multa maleficia intulerunt, & Marissam, populosum oppidum, devastarunt penitus. Antigono deinde regi declarato Phasaelum & Hyrcanum vinctos tradiderunt: atque illæ, tanta est ambitionis rabies! aures Hyrcani mordicus abstulit, ne iterum sacerdotio, quod integris tantummodo lex permittebat, fungi posset. Phasaelus, ne arbitrio inimici moreretur, saxo illisit caput. Hyrcanus in Parthos abductus est. At Herodes, Arabum & Malchi suspecta fide, in Ægyptum prope-
ravit: inde per Pamphyliam & Rhodum in Italiam navigavit, ut rerum suarum statum, Parthorumque progressus Antonio exponeret. Interea Labienus Ciliciam & Asiæ continentem, quia Plancus se continebat insulis, subjugabat impetu fortunæ, & terrore Parthici nominis.

XV. Romanæ quoque cohortes ad eum frequenter transibant, quibus auctus, Mylasa & Alabanda, Carum urbes, cum præsidium acceptum necassent, expugnavit armis: & Alabandenſes affecit supplicio. Mylasa, quorum incolæ Rhodum profugerant, diruit, infensus admodum propter Hybream, qui clarissimus facundia, cum cives suos con-

§ XIII. Joseph. de B. Jud. & antiq. Jud. Hegefipp. § XIV. Hegefipp. Joseph. antiq. Jud. & de B. Jud. Dio. Strab. l. 14.

tra Parthos concitaret, *imperatorem* se *Caricum* deridendi Labieni causa appellaverat. Ea contumelia maximopere accendit adolescentem irritabilem & stolidum, qui se *Parthicum imperatorem* ferebat, moribus Romanis multum discrepante titulo; talia enim cognomenta imperatoribus a devictarum gentium appellatione tribui consueverant. At Stratonicam, in propinquo sitam, nec impetu capere Labienus, neque domare longa & laboriosa obsidione potuit. Etiam prædonum audacia Labienum involvit difficultatibus, cum a ducibus Romanis timeretur. Cleo, certo Gordiocomensis Callydio occupato Phrygiæ castello, pecuniam colligentibus imminebat acriter, apparatusque Parthicos disturbabat. Sed hæc parum ad summam proderant, absente, penes quem plurimum erat potentiæ, Antonio: qui, solvens a Corcyra, cum classe ducentarum navium per Jonium mare vela faciebat; ubi obvium Ahenobarbum habuit, majores aliquanto copias ducentem. Inde metus nonnullis, *ne juvenis ferox, & proscriptum se sciens, stare paëlis dubitaret.*

XVI. Nec eo minus, subsequi jussis reliquis, cum instructissimis quinque navibus Antonius pergebat; cum, universa Domitii classe conspecta, L. Plancus, qui comes aderat Antonio, *remittendum de cursu* censuit, *tentandamque prius per alios dubiam viri fidem.* Sed Antonius, *malle se mori deceptum paëlionibus, quam timore confesso servari,* testatus est. Ubi convenerunt classes, primus lictor Antonii, stans in prora, Domitianos *aplusia detrahare* jussit: quam reverentiæ speciem inferiores exhibere potentioribus solent. Quod ubi promte factum est, junctisque navigiis salutarunt invicem, & ab Domitiani Antonius *imperator* acclamatus est, vix recipiente animum Planco, Domitium Antonius suam in navem accepit: unaque Paloenta (Vale-tium fuisse suspicabamur) processerunt, ubi castra Domitiana erant. cessitque tabernaculo Domitius imperatoris; & hinc Brundisium itum. Quinque cohortes Cæsaris no-

mine Brundisium obtinebant : eæ portas clauferunt utrique, Domitium, ut veterem hostem, Antonium, ut hostes suos adducentem, averfati.

XVII. Hoc ille ratus Cæfaris voluntate factum, obfedit urbem, in lingua, per quam continenti annectitur, foſſam murumque molitus. & ne mari auxilia immitterentur, crebra circum portum & propinquas inſulas caſtella excitavit. Sed & opportuna in litore loca præſidiis cepit, Sextumque adhortatus eſt, *ut expeditionem faceret in Italiam*. Ille, gavifus occasione, Menodorum cum legionibus quatuor & magna claſſe in Sardiniam milit : duæque legiones Cæſaris, quæ inſulam cuſtodiebant, conſenſionem Antonii cum Pompejo reveritæ, in partes tranſierunt. Interim Sipuntum ad Auſonium mare Antonius cepit. Sextus, & ipſe tranſgreſſus in Italiam, Conſentiam obſedit, & Thurios. Cæſar, his auditis, P. Servilium Rullum ire Brundisium juſſit, M. Agrippam in Auſoniam, ut obſeſſis auxiliarentur. Sed novi coloni, qui velut adverſus Pompejum ſequebantur Agrippam, ubi duci contra Antonium ſenſerunt, clam reverterunt domos.

XVIII. Igitur Cæſar ipſe profectus, blanditiis & auctoritate pervicit, ut ſequerentur; ibantque illi, re ſic inter ſe clanculum compoſita, *ut in gratiam reducerent imperatores : ſin per Antonium ſtetiſſet, quo minus reconciliatio fieret, tum illi dignitatem Cæſaris ſumma ope tuerentur*. Sed valetudo Cæſaris eum per aliquot dies Canuſii detinuit, ut jam propemodum ſero Brundisium accederet, ſeptum undique munitionibus Antonianis, & ſibi inacceſſum. Erat tamen numero legionum ſuperior. Idcirco Antonius e Macedonia arceſſebat ſuas : &, ut interea opinione majorum virium Cæſarem eluderet, paganam multitudinem noctu longis rotundiſque navibus amandans, quæ luce palam armata reverteretur, ſpeciem venientium e Macedonia militum adverſariis objiciebat. Jam etiam paratæ machinæ

erant, & in diem sequentem adornabatur oppugnatio, magno dolore Cæsaris, qui opem ferre obsessis nullo pacto poterat; cum sub noctem, & *Sipuntum ab Agrippa receptam esse, & rejectum a Thuriis Pompejum ad Consentiam hærere*, nuntiatum est.

XIX. Commotus his Antonius, postquam etiam cœnanti, *Servilium cum mille ducentis equitibus ad Cæsarem proficisci*, allatum est; imperare non potuit animo, quin hos, statim amicis, qui subito parati esse poterant, assumtis, & equitibus quadringentis, adoriretur. Cum noctu fecisset iter, reperit cubantes adhuc circa oppidum Uriam, & præsentia sua territos, (maximam enim, uti diximus, extinctionem ei Philippense prælium conciliaverat) occisis nonnullis, in deditionem recepit, eodemque die deduxit in castra ad Brundisium. Hinc ex prætoriiis cohortibus Antonii milites gloria elati, ad castra Cæsaris accedebant simul pauci, commilitonibus quondam suis exprobrantes *ingrati animi vitium*, qui, *Cassiano bello servati ab Antonio, hanc ei vicem beneficii rependerent*. Contra regerebatur in *Antonium culpa, fœdere factò cum parricidis & exsulibus, prodentem, pro quibus ipse pugnavisset*. His colloquiis hactenus tamen profectum, ut Cæsariani propositum suum *in reducendis ad concordiam imperatoribus* faterentur.

XX. Inter hæc de morte Fulviæ nuntius ad Antonium venit, cui eadem mœstitia, quæ morbi causa fuerat, postremo vitam ademit Sicyone: quæ res aperuit reducendæ paci viam. Forte L. Coccejus Nerva, cujus postea pronepos imperavit Romæ, communis imperatorum amicus, apud Antonium commorabatur, ad eum ætate superiore missus a Cæsare, cum Cæcina Volaterrano Cæsaris familiari. Hic igitur experiri cupiens, quid in eo temporis articulo ad sarcientiam gratiam fieri posset, *revocatum se* fingens a Cæsare, cum dimitteretur, interrogavit Antonium, *ecquid dare literarum ad Cæsarem vellet?*

nam ipse literas a Cæsare ad Antonium attulerat. Ille negare, *literas scripturum ad hostem*. Tum Coccejus, *Hostem igitur, inquit, appellandum existimas, qui in fratrem ceterosque tuos amicos tam fuit benignus ac facilis?* At vero nec sine bile Antonius, *Egone hostem appellare verear, quæ me non recepit Brundisii? qui provincias, qui legiones meas abstulit? nam meos servando sibi profuit; mihi adimendo amicos, sibi beneficio obligans.*

XXI. Coccejus, fatis habens didicisse querelas Antonii; nec ulterius lacescere volens iracundum hominis ingenium, ad Cæsarem abiit. Ille, viso Coccejo, miratus non venisse citius, *Tuum igitur fratrem, inquit, in hoc servavi, ut tu ipse mihi inimicus ex amico fieres?* Ad hæc Coccejus, *Tu vero,* ait, *quos amicos vocas, ecurr provincias his & exercitus auferes, & ad te venientes excludis?* Tum Cæsar: *Itane legiones Caleni, defuncto illo, relinquendæ fuerunt sub imperiti adolescentis imperio, ut a Lucio fortassis, aut Pollione, aut Ahenobarbo contra nos occuparentur? quod nisi legiones, quæ secutæ Plancum fuerant, retinere maturassem, essent hodie Pompeji, quemadmodum sunt equites earum, qui in Siciliam transferunt. Falso autem incusor ob exclusum Antonium: cujus ego nec præscire adventum potui, nedum ut recipi vetarem. Sed hoc injussu meo Brundisii & præsidarii fecerunt, non sine ratione tamen, fœdus Antonii cum Pompejo formidantes, & infersum hostem Domitium, quem Antonius adducebat, damnatum parricidii proscriptumque, & ne Philippenſi quidem victoria deteritum, ne Brundisium oppugnaret, Jonium mare infestum faceret, naves meas incenderet, Italiam deprædaretur.*

XXII. Excepit contra Coccejus: *Quod Antonius fœdera cum aliis fecisse dicitur, in eo reprehendi non debet; per patelliones enim vestras licet: sed neque cum parricidis fecit, nihilo remissiore studio mortem amici, quam tu parentis, exsequi solitus. enimvero in percussoribus Domitius non fuit. ne consilii quidem conscium irati iudices damnaverunt. Si vero ut ami-*

§ XX. Plut. in Anton. c. 40. Appian. Acron in Hor. Sat. 1, 5. Cic. ad Attic. 16, 8.

co Bruti negamus veniam, vide, ne propemodum omnibus succensere cogamur. Cum Pompejo autem non ita conventum est, ut eosdem amicos atque hostes habeat: sed ut, te movente bellum, auxilio ejus utatur; te quiescente, tibi conciliet hominem nullius & ipsum sceleris reum. In te vero & harum rerum crimen expetit: nisi enim bellasses in Italia, nunquam hi ausi fuissent legationes ad Antonium mittere. Vociferante Cæsare, non se causam ei bello, sed Manium, sed Fulviam, sed Lucium præbuisse; neque vero unquam antea Pompejum in Italiam cum legionibus descendere ausum, nunc Antonii fiducia fecisse: Non, ait ille, fiducia Antonii, Cæsar, sed omnino jussu. neque enim celare te volo, ceteram etiam Italiam, nulla classe defensam, cum magno navium numero incursum esse, nisi pacem feceritis.

XXIII. Hic parumper reticens adolescens, (altius enim in animum ejus postrema dicta descenderant) deinde dixit, non impune latuum ausa Pompejum: nec abiturum aliter, quam modo a Thuris. At Coccejus, abunde ratus explorasse, quibus stimulis utrinque animi concitarentur, nec immedicabile malum esse, cœpit exponere de Fulvia, & quibus illa causis morbum mortemque accelerasset. Postquam igitur, inquit, hæc discordiarum exstincta fux est, quid vetat, quo minus redeatis in gratiam? modo fateri suspensiones vestras, quam alere dissimulando malitis. Postridie rogavit Cæsarem, ut literas ad Antonium scriberet, ad majorem ætate junior. ille negavit oportere ad inimicum: præsertim qui commercium hoc abruptisset prior. sed ipsius matri Julię exprobraturum, quod propinqua sua & præcipuis culta honoribus, Italiam fugeret: quasi vero non a se expectare omnia tanquam a filio possêt. Usus igitur hoc artificio, ad Juliam scripsit, quæ scire Antonium cupiebat, auctoritate salva. Cum hac epistola proficiscenti Coccejo, multi centuriones consilium exercitus aperuerunt: nec ille negligenter exposuit Antonio, ut certum haberet, grave sibi bellum imminere, si transactum foret.

XXIV. Una res habebat ancipitem animi, quod Pom-

peji præsentia ob stare paci videbatur: fin vero postea conventum non esset, revocare eum Antonius probrosum judicabat. Sed persuasus a Coccejo & matre, cum Sexto egit, ut *in Siciliam reverteretur, sibi promissa curæ fore*: sed & Ahenobarbum *abire in Bithyniam* jussit, cui eum præficiebat. His rebus cognitis, exercitus Cæsaris legatos ad utrumque imperatorem misit. Atque illi neutrius audire querelas voluerunt, *pacis se paratios venisse, non disceptatores litium*, dictitando: eviceruntque, ut Tarracinam mitterent amicos de conditionibus acturos. A Cæsare Mæcnas & Agrippa venerunt, ab Antonio cum Pollione Fonteius Capito. Ab his composita pax est, tam in speciem firma & fidelis, ut una intra castra ambo exercitus conducerentur, oblivione præteritorum sancita. Commodum mortuus erat C. Marcellus maritus Octaviæ, quam ex Ancharia priore conjuge pater Cæsaris susceperat. *Hanc a fratre collocari Antonio* pacis auctores postulabant. nec displicuit conditio. & cum esset gravida mulier, neque dum eluxisset virum; ne Romano more infamis haberetur, senatusconsulto legibus soluta est. Hæc vulgata tantam omnium militum lætitiâ excitaverunt, ut festæ acclamationes eo die, atque etiam nocte secuta totis castris personarent.

XXV. Imperatores quoque fartam bonâ fide gratiam mutuis conviviis testari voluerunt: notatusque est apparatus Antonii, jam ad Asiaticum Ægyptiumque luxum desciscientis, cum Romano & militari more cœnam Cæsar instruxisset. Sub hoc tempus iterum divisum imperio, Antonius Orientem accepit, Cæsar Occidentem, constituto ditionis utriusque limite Codropoli, quæ in Adriatici maris intimo sinu posita, determinandis provinciis opportuna videbatur. Africa Lepido relicta est, & hæc divisio senatusconsulto confirmata. Bellum cum Sex. Pompejo, nisi forte pax convenisset, Cæsari mandatum: Antonio Parthicum. Domitius in gratiam receptus a Cæsare, quibus ille condi-

§ XXIV. Plut. in Anton. c. 40, Appian, Dio.

tionibus cum Antonio pepigerat. Adjectum, *utrique imperatori licere delectus habere in Italia, pari numero*. Antonius in gratiam Octaviani, quod hactenus neglexerat, flaminio Cæsaris patris inaugurari passus est. Hoc fuit Brundisium illud fœdus, quod tum quidem cruentissimi belli metu Italiam absolvit. Inde M. Antonius P. Ventidium in Asiam misit, ut Parthorum & Labieni conatibus obfisteret. alii quoque imperatorum amici, quo vocabant negotia, dimissi. Sed Cæsaris milites, quotquot Philippenſi bello interfuerant, Antonium circumsteterunt, pecuniam postulantes, quam ille per Asiam ad solvenda militibus præmia cogere debuerat. Nec procul periculo Antonius erat, nisi Cæsar expromissor sponſorque pro eo exstitisset.

XXVI. Tum properatum, ut in colonias veterani dimitterentur, ne sub signis habiti tumultum renovarent. At Pompejus, audita Cæsaris & Antonii conjunctione, cum adversus se initam crederet, Menam archipiratam (quod vocabulum a Menodoro, quemadmodum alii vocant, diminutum est) cum parte classis damnum aliquod inferre adversariis jussit. Ille, litore Etrusco devastatis plerisque, M. Titium, naves propriæ potentiæ stabiliendæ causa comparantem, in Narbonensi Gallia cepit, servavitque, tum propter patrem Titium, unum ex proscriptis, qui apud Sextum degebat, tum quia milites ejus Pompeji nomen scutis inscriptum habebant. Deinde profectus in Sardiniam Menas, (quam insulam paulo ante Cæsaris libertus Helenus patrono recuperaverat) a M. Lurio pulsus, victorem incautius sequentem, subito incurſu egit in fugam. Atque illo relinquire mox insulam, cetera deditione, sed Aradin, quo per plurimi ex pugna perfugerant, operibus cepit. Inter captivos & Helenus fuit: quem cum patrono sciret oppido carum, sine pretio dimisit Menas, jam

§ XXV. Appian. Dio. Chron. Alex. Vellej. 2, 76. Cic. Phil. 2, 43. 13, 19. Plut. in Anton. c. 43.

tum sibi gratiam apud Cæsarem præstruens, si forte ejus benevolentia opus aliquando habuisset.

XXVII. Interim in urbem ambo imperatores, magna lætitia deducunt, ovantes ingressi sunt, hoc decreto ipsis ob pacem factam honore. Mox nuptiis Antonii & Octaviæ celebratis, in amicos effuderunt iram, quorum semper sub reconciliationem principum periculosa conditio est. Cæsar Manium Antonio criminabatur: hic contra deferbat Salvidienum. Igitur Manium Antonius sustulit, ut belli Perusini facem: Cæsar Salvidienum evocavit Romanum, quasi mox remissurus. Ubi affuit, proditoris in senatu accusatus, indice Antonio, ad quem legatos Brundisium miserat, ubi se damnari vidit, voluntaria morte periit. exercitum ejus Cæsar, ut suspectum, & supplicio ducis offensum, Antonio tradidit. Neque temere dimittenda est Salvidieni hujus mentio, in quo conspici magnum utriusque fortunæ documentum potest. Obscurissimum homini genus contigerat; sed emicans ex pueri capite flamma, dum gregibus pascendis occupatur, injecit spem desideriumque futuræ claritudinis. Inde militaribus facinoribus notus carusque Cæsari, eo dignitatis ascendit, ut, quamquam senator nondum fuisset, consul designaretur; post Pompejum & ipsum Cæsarem tertius, qui ad summum honoris gradum ex equestri ordine transcendisset. quin & in honorem ejus, frater, qui paulo ante vita concesserat, supra Tiberim exstructo ponte elatus est.

XXVIII. At hæc felicitas repente collapsa, improvissum & turpem exitum habuit. Senatus *hostem publicum appellandum, supplicationesque propter oppressa ejus nefaria consilia decrevit: Triumvirisque custodiam urbis mandavit, cum solemni carmine, ne quid respublica detrimenti pateretur.* Sub idem tempus defunctis Dejotaro Gallogræciæ, & Attalo Paphlagoniæ regulis, utriusque tetrarchiæ Castori sunt

§ XXVI. Dio. Appian. Plut. Sueton. in Aug. c. 22. § XXVII. Appian. Sueton. in Aug. c. 46. Liv. Epit. Dio. Vellej.

traditæ. Romæ P. Falcidius tribunus plebis legem tulit, cujus vis ne nunc quidem exspiravit, *uti ne minus, quam quartam partem hereditatis, ex testamento heredes capiant: gravatam legatis hereditatem dimittere liceat heredi, quarta retenta.* Legem per se non iniquam, tamen in Cæsaris gratiam a Falcidio latam crediderim, inter penuriam pecuniariæ rei respicientis ad judicia amicorum mortuorum, ægreque ferentis, si nihil sibi legatum esset; at majorem timentis invidiam, si quando nihil aut parum remanere apud heredes videretur. Nam populus, multis afflictus miseriis, in metu & desperatione agebat. Acri in fame frumentum nec ab Oriente subvehebatur, negotiatoribus Pompejum & Siciliam timentibus; nec ab Occidente, quod in ejusdem Pompeji potestate Corsica & Sardinia erant; etiam Africanos commeatus vagantes in medio mari naves ejus intercludebant.

XXIX. Conviciis igitur *pacem cum Pompejo* populus exposcebat: nec Cæsar flectebatur. Idcirco Antonius, *si bellandum utique foret, celeriter hoc agendum* judicabat, *priusquam inopia magis ingravesceret.* Edictum igitur est propositum, quo *in capita mancipiorum dimidium ejus, quod Philippensi bello fuerat exactum,* imperabatur: tum autem denarios quinos & vicanos solverant. etiam *de hereditatibus certa pars* detrahebatur. Idcirco plebs furibunda deripuit edictum: favoremque Pompejanarum partium ostentans, cum Circensibus Neptuni simulacrum inferretur, ingentem plausum dedit, Sexto, qui se filium ejus Dei ferebat, gratificans; & cum die proximo solemnem pompæ *detrahi eam* Cæsar jussisset, lapidatio in magistratus facta, iique foro expulsi sunt. Cæsaris quin immo & Antonii dejectæ statuæ. Postremo, cum hæc omnia frustra essent, agmina seditiosorum cucurrerunt per urbem, clamore vocantium ceteros, *minantiumque incendium ædibus, quarum domini*

§ XXVIII. Liv. Epit. Appian. Strab. l. 12. Euseb. Sueton. in Aug. c. 16.

communem causam proderent. Ita plebe propemodum universa concitata, Cæsar cum amicis paucisque stipatoribus in medium prodiit, rationem consiliorum suorum redditurus: nec reverentia ejus cohibiti, quosdam ex ejus comitatu vulnerarunt; in ipsum quoque jaculati, præbentem se ictibus, donec veste lacerata deprecatus est *tam præcipitæ iram.*

XXX. His turbis excitatus Antonius, per viam Sacram in forum properabat. & abstinebat quidem ab hoc violentiam plebes, quod ad pacem cum Sexto proclivem reabatur. at ubi, admonitus dissociare se a Cæsaris causa, noluit, ipsum quoque missilibus petierunt. Ille, accitis militibus, qui ante portam excubabant, vi patefecit aditum, Cæsaremque eripuit. Nec sine magna cæde patrari res potuit: cadavera, ne triste spectaculum in urbe relinqueretur, projecta in profluentem, neutiquam minore dolore hominum, cum aut a militibus, aut a malefica alia turba pro suo vindicantium, quod paulo vestitum mundius esset, spoliarentur. Ad extremum, ubi quotidie graviore fame nullus sperari tumultuum finis poterat, imperatoribus animum ad pacem adjicientibus, cum Libonis familiaribus Antonius egit, e Sicilia evocarent hominem, ut affinitate nova frueretur, simul ad spem majoris conficiendæ rei. nec illi distulerunt scribere Liboni: neque Pompejus, quo minus proficisceretur, intercessit. Interea temporis Antonius & Cæsar, quamquam in exitu annus erat, *abdicare consules atque prætores* jusserunt, ut in eadem nomina verius, quam potestatem, alii sufficerentur, magnopere beneficium hoc affectantes, licet pauculos ad dies mansura dignitas concederetur.

XXXI. Consules suffecti sunt C. Asinio P. Canidius Crassus, Cn. Domitio L. Cornelius Balbus, Hispanæ originis, & Gadibus natus, sed amicitia Cæsarum, & laboriosis ministeriis

§ XXIX. Appian. Dio. Arist. polit. 2, 9. Sueton. in Aug. c. 16. § XXX. Appian. Dio.

eo perductus, ut pontificatum etiam & triumphum adipisceretur, vir, qui non sine magna controversia, civitatis jus obtinuerat. Idem ad tantas opes provectus traditur, ut moriens populo Romano quinos vicanos denarios legaret viritim. Et hi tamen in aliquot dies gesserunt honorem: ceterum extrema anni die mortuo ædili suffectus est quidam paucas in horas. Eodem anno septemvirovum munia, quod eorum in urbe erat nemo, pontifices obierunt, sicut alias quoque fuerat factum. Idem pontifices, ne Kalendis Januariis nundinæ essent, quod antiquitus ominosum habebatur, intercalarunt unam diem alieno tempore, quam iterum eximerent, anni sequentis intercalatione dissimulata; sic existimantes reditura tempora ad præscriptam a Cæsare normam. Sed error iste post aliquamultos demum annos animadversus est. Tum vero consules ludos pro victoria Philippensi votos exhibuerunt; & pædagogum libertumque suum Cæsar nomine *Sphærum* honorifice sepelivit.

XXXII. Atque ut adversus Parthos plus in Oriente præfidiorum populus Romanus haberet, assensus est Antonio, *Herodem regem & amicum* appellanti, propter Antipatri memoriam, & ipsius virtutem. Sed Antonio magnam Herodes pecuniam promiserat. Igitur senatu ei dato, cum Messalla & Atratinus, eloquentissimi viri, merita Herodis commemorassent; Antonius adjecit, *interesse Parthici belli, ut Herodes rex declaretur*. Ita ille præter omnem expectationem, quæ summa censetur inter homines, nactus, intra septimum, quam venerat, diem ex Italia profectus est. Nec enim, ut sibi regnum peteret, venerat: quod neque daturos arbitrabatur Romanos, minime concedere his solitos, qui de genere regio non essent. Adjecti sunt & alii honores. Exeunti curia duo imperatores texerunt latus, consulibus ceterisque magistratibus deducantibus: a qui-

§ XXXI. Pigh. annal. Plin. 7, 43. Vellej. 2, 51. Cic. pro Balb.

bus & sacrificia facta, & senatusconsultum in Capitolio fixum est. Novum regem eodem die Antonius convivio excepit.

XXXIII. Sed ille in Judæam properabat ad fratrem eripiendum Josephum, ceterosque suorum, qui in Massadensi castello ab Antigono obsidebantur. Inter hæc L. Marcio L. F. Censorino, C. Calvisio Sabino dantibus anno nomina, quorum Censorinus Kal. Januariis simul consulatum, simul ex Macedonia triumphans urbem iniit, Dardanis in Macedonia repressis; senatus acta Triumvirorum omnia ab initio ejus magistratus rata esse jussit. vetustigia nova instituta, non sufficientibus, quæ decreta dictatori Cæsari fuerant. Quippe tres jam alendi pro uno imperatores erant, & ingenii humani vitio nunquam prioribus acquiescendi, sumtus auxerant, cum per civilia bella reditus minuerentur. Tum & barbam posuit Cæsar, eoque nomine populo epulum dedit; irritando magis, quam placando, tantas perire per luxuriam impensas videnti inter publicam famem. Nec minore tædio tot novi & indigni senatores, tot designati complures in annos magistratus adspiciebantur.

XXXIV. Quod enim belli Parthici causa abfuturus Antonius erat, magistratus, quousque voluerunt, in his consules in annos proximos octo declararunt: neque binos in annum, ut consueverat, sed statim ab initio plures. Hactenus enim suffecti quoque consules erant magistratu citra ignominiam abeuntibus, sed ex ipsorum arbitrio: tum vero nemo creatus est annuus, sed ab initio suum cuique temporis spatium destinatum. ex his, qui Kalendis Januariis inibant, anno eo toto consules vocabantur. ceteri, dum obibant munia magistratus, etiam vocabulum obtinebant Romæ ac in Italia, remotioribus plerumque ignorati: unde & minores ab his consules appellabantur. In

§ XXXII. Hegefipp. Joseph. antiq. Jud. 14, 26, & de B. Jud. 1, 11. Euseb. § XXXIII. Dio. Marmor. Capitol.

fenatum porro homines adeo jam promiscui & ignoti allegebantur, ut quendam Vibium Maximum quaestorem designatum cognoverit dominus, abduxeritque.

XXXV. Sed & inter milites repertus est fervus: isque manumissus primo, ut supplicio dignitas accederet, postea de rupe Tarpeja præcipitatus est. Sub idem tempus Cæsar, filia auctus, uxorem repudiavit, idque eadem, qua pepererat, die. morum ejus perversitatem arguebat. sed Antonio plus crediderim, *dimissam Scriboniam* objicienti, *feminam gravem, quia liberius doluisset nimiam potestatem pellicis.* Jam enim adamare Liviam Cæsar cœperat, nuper cum viro Antonium secuto reversam; adeo quidem palam, ut Drusum, qui paulo post fuit editus, ex ipso procreatum per adulterii consuetudinem suspicio fuerit. Dum hæc Romæ fiunt, Antonii fide excitus Libo e Sicilia Ænariam transmiserat. quo comperto, miserabili voce populus rogabat Cæsarem, *uti fidem & ipse mitteret legato pacis causa venienti.* Nec hoc tantum extorsit invito, sed etiam ut Muriam Pompeji matrem dimitteret; quam *ad filium leniendum ire tanquam alteram Veuriæ* populus jubebat, *interminatus incendium, ni proficisceretur.*

XXXVI. At Libo, remittere contumaciam adversariorum sentiens, *ut ipsi duces ad colloquium convenirent,* institit. extudit hoc quoque violentis deprecationibus ab Antonio & Cæsare populus, ut propterea Bajas proficiscerentur. Sed apud Pompejum, amicis pacem suadentibus, Menodorus injiciebat moram, e Sardinia scriptitans, *gerendum bellum, aut certe ostentandum esse, donec fame prematur Italia.* Nam altero modo victoriam, altero conditiones saltem æquiores sperari posse. simul calumniabatur Statium Murcum, (alii Stajum scribunt) præcipuum pacis auctorem, non Pompeji utilitatem, sed suam respicere. Nam virum acrem,

§ XXXIV. Euseb. Dio. Sucton. in Aug. c. 61. § XXXV. Sueton. in Aug. c. 69, & Tib. c. 4, & Claud. c. 1, Appian. Vellej. 2, 77.

& libertis parere fastidientem, oderat. Et credidit barbaræ stoliditati adolescens, ducemque clarissimum, & jam tum in Hispania optime de se meritum, penitus abalienavit, nullis ultra de rebus ad consilium vocans: sed & secedentem Syracusas, per tribunum quendam & centurionem ex iis, quos Murcus adduxerat in Siciliam, nefarie sustulit: & ad tegendum facinus corripi jussit innocentes servos, & tanquam interfectores domini crucibus affigi.

XXXVII. Tanto diligentius pax suadebatur a reliquis, ut, ea reddita, crudelitatem & perfidiam effugerent Sexti, duorum tam illustrium virorum interitu patefactas. Hi ergo Menodorum incusabant, *ut studio propriæ potentiæ bellum præferentem*. Et persuasus tandem Pompejus Ænariam cum multis egregiis navibus venit, hexere ornatissima vectus. Et Puteolos quidem sub vesperam, inspectantibus hostibus, præternavigavit splendide: juxta quam postridie defixis in mare palis tabulæ sunt injectæ, binique pontes effecti modico distantes intervallo, ut inter se colloqui tuto possent. Sed frustra tum tentata pax est, Pompejo se in Lepidi locum socium potestatis duobus futurum rato; his tantummodo reditum concedentibus. Neque tamen intermissa per amicos res est, quin variæ utrinque conditiones proponerentur. Utrobique minus inclinati ad pacem imperatores erant; sed illos fames & populus urgebat, Pompejus ab amicis impellebatur.

XXXVIII. Unde aliquando veste rupta, *prodi se ab his, quos conservasset*, testatus est, sæpe inclamato Menodori nomine, *quem haberet solum & gnarum belli & firmum benevolentia*. Sed ad extremum, matre & uxore orantibus, ad Misenum processit: ubi Cæsar & Antonius e continenti, Pompejus aggeri cuidam veteri, fluctibus undique cincto, insistens, inde legionibus, hinc classe stipante, fecerunt pacem his conditionibus. *M. Lepidus, M. Antonius, & C. Cæsar divi F. iterum Triumviri reipublicæ constituendæ fiebant in quinquennium, nihil morati populi suffragia: Sicilia provincia Pom-*

pejo relinquebatur, cum Sardinia Corsicaque, & ceteris, quas tum habebat, insulis, in totidem annos. Achaja etiam concessa; & ut consulatum absens, per quem vellet amicorum, gereret, augurque crearetur, & ex paternis bonis acciperet festeriū septingenties.

XXXIX. *Fugitivis, qui sub Pompejo militabant, libertas dabatur: liberis, ubi stipendia completa habuissent, eadem præmia, quæ data essent Cæsaris & Antonii militibus. Exsulibus, præterquam publico judicio parricidii damnatis, reditus concedebatur: qui eorum sponte fugissent, his omnia bona sua, mobilibus exceptis; iis vero, qui proscripti fuissent, quadrans bonorum restituebatur. Nonnullis nominatim magistratus & sacerdotia destinabantur: Pompejus ex omnibus Italiæ locis deducere debebat præsidia; neque fugitivos recipere amplius, neque naves ad Italiæ litus applicare. Adjectum erat, uti nullas præterea pararet naves, securitatemque præstaret Italiæ a piratis, & frumentum ex insulis, quantum populo Romano ex unaquaque per annos præteritos deberetur, & in posterum annum veltigal in urbem mitteret. Hæc conscripta consignataque deferenda Romam curaverunt, ut loco sanctissimo a Vestalibus asservarentur. congressique & osculati invicem, forti commiserunt, apud quem eorum prius epulæ pararentur.*

XL. *Inter hæc ab innumera multitudine militum pariter ac paganorum tantus præ gaudio sublatus clamor est, ut, montibus percussu augmentibus vocem, quidam exanimati sono dicantur; multis etiam inter concursationem obtritis atque suffocatis. Nam ut ejusdem civitatis homines, plerosque amicitiiis aut propinquitate junctos, tantus se invicem complectendi ardor incefferat, ut multi Pompejanorum, non expectato, donec ad litus naves appellerentur, in mare proflirent, & contra pari studio a terra occurrentium, inter medios fluctus cohærerent. Neque tan-*

§ XXXVIII. Liv. Epit. Dio. Plut. in Anton. c. 42. Fragg. Capitol. Sueton. in Aug. c. 16. Vellej. 2, 77. § XXXIX. Dio. Ap-
pian. Plut.

tum, qui suos incolumes receperant, personabant lætitiā; sed augebatur strepitus, suas etiam partes agente luctu. nam quorum oculi propinquos frustra requisiverant, cum fletu gemituque scrutabantur omnia: ut etiam, quibus propria doloris aut odii causa non esset, aliorum affectibus abriperentur. sic & dies ab his, & noctis major exacta pars est.

XLI. Interim & aliorum celebrata sunt frequentia convivā, & Pompejus, admota ad molem hexere, Cæsarem & Antonium excepit; haud infacete dictitans, *in carinis suis se cœnam dare*. nam Carinæ loco nomen erat, in quo paternas ejus ædes Romæ sitas Antonius possidebat. Inter hujus convivii lætitiā, infusurasse Pompejo Menodorus fertur, nullo negotio jam tolli adversarios, patremque & fratrem vindicari posse; atque ille, paulisper secum considerato, respondisse: *Non erat hoc facinus indignum Menodoro, si perfici absque me potuisset. Nunc autem contenti simus præsentibus. nec enim pejorare meum est*. Sequentibus diebus Antonius & Cæsar Pompejum invitarunt, politis in mole tabernaculis, ut etiam in litore præberi epulum militibus posset: nisi forte ideo factum est, ut contra suspicionem ad manus haberent præsidia. nec enim hætenus erat instaurata amicitia, ut invicem simpliciter confiderent. sed & naves erant præsto, & satellites, ipsique convivæ sub veste accincti discubuerant. Inter istas epulas Pompeji filia, Libonis neptis, M. Marcello desponsa est, qui forore genitus Cæsaris, & privignus Antonii erat.

XLII. Postero deinde die consules ita sunt designati: Antonius & Libo, ita ut Antonius quoque pro se substitueret, quem voluisset; deinceps Cæsar & Pompejus, mox Ahenobarbus & Sosius, postremo Antonius & Cæsar, qui tum tertium futuri consules, rempublicam reddituri populo Romano sperabantur. Sed apparet tamen, proximum in

§ XL. Plut. Dio. § XLI. Appian. Dio. Vellej. 2, 77. Auctor de vir. ill. c. 83. Plut.

quadriennium mansisse collegia consulum, qualia paulo ante designata Romæ fuerant. Pompejo quoque consulatum, & Antonio tertium perisse, hostibus his interim judicatis. His ita compositis, Pompejus in Siciliam rediit; Cæsar & Antonius Romam: magna totius Italiæ lætitia, cui pax hæc plurimorum malorum attulisse pausam videbatur. Igitur imperatoribus, quacunque transirent, tanquam fervatoribus honores nimii habebantur: erantque Romæ præparata omnia, ut quam magnificentissime exciperentur.

XLIII. At illi, dubium impensam, an invidiam vitantes, noctu introiverunt. Nec erat quisquam expers lætitiae, præter eos, qui bona possidebant redeuntium: quos utique vicinos iniquos habituri, & si casus daret, acerbos inimicos videbantur. Cetero populo jucundissimum spectaculum fuit tot illustres viri patriæ redditum. nam plerique omnes, qui cum Sexto fuerant, exceptis paucis, eo Puteolis salutato, Romam navigarunt, magnisque & lætis hominum clamoribus accepti sunt. In his L. Aruntius fuit, & M. Junius Silanus, & C. Sextius Saturninus, & M. Titius, omnes postea summis sub Cæsare honoribus usi. Conjunctissime sub id tempus Antonius & Cæsar agebant, multaque constituebant & decernebant concorditer in rebus maximis. sed familiaris consuetudo, dum inter relaxationem animorum ludicris certaminibus transigunt tempus, semper priores ferente Cæsare, fieri cœpit Antonio injucundior. siue enim aleam luderent, siue committerent gallos aut coturnices, inferior ille discedebat.

XLIV. Igitur præbere aures cuidam Ægyptio vati cœpit, qui siue in Cleopatrarum gratiam, siue persuasus ita esset, monuit, *genium ejus per se grandem ac magnificum, a genio Cæsaris, quoties una agerent, quodammodo in ordinem cogi.* Et profectus est in Græciam, abducta secum Octavia, quæ nuper filiulam ex Marcello pepererat: iterumque dimi-

fit quaquaversum duces, Furnium quidem in Africam, ut Sestii quatuor legiones abduceret: (nondum enim occupatas a Lepido cognoverat) ceteraque suo arbitratu ordinavit omnia. quippe senatusconsulto cautum erat, *ut non acta tantum ejus, sed etiam agenda, rata essent*. Igitur simul cupiditati suæ satisfaciens, simul odio, ut debiliorem Pompejo provinciam relinqueret, urbes Achajæ affligebat, inter alia *Bacchum* se appellans, atque *ita se appellari a ceteris* jubens. Nam ædificato cœnaculo, quod coopertum virenti fronde Bacchi referret antrum, tympanis & nebridibus & reliquis adhibitis orgiorum instrumentis, cum amicis perpotavit; ministrantibus Italicis acroamatibus, & universa ad spectandum concurrente Græcia.

XLV. Idem aliquando in arcem ascendit Athenis, inter lumina tota urbe relucentia de tectis: & ex eo tempore præcepit, *uti per omnes civitates voce præconum novus Bacchus acclamaretur. Sed & statuīs hoc subscribi nomen* jussit, habituque & comitatu Bacchum simulans, ab Atheniensibus; qui ei cum conjugibus & liberis occurrerant, ita salutatus est. adjecerunt, *despondere se ei Minervam suam*. & accepit ille conditionem, *sed mille talenta nomine dotis* imperans. tum aliquis Græculorum: *at matrem tuam Semelen*, inquit, *Juppiter duxit indotatam*. Nec ideo minus exacta pecunia est; irrisique & elusi, qui stultitiam Antonii non minore dementia deriserant. Inde verso favore civitatis, multi propositi sunt libelli contumeliosi; quidam & ipsi traditi: sed & statuæ ejus subscripta nomine Minervæ & Octaviæ divortii formula, *res eum suas sibi habere* jubentium.

XLVI. Unde ne tempus quidem ad pecunias cogendas Atheniensibus dare volenti Q. Dellius festive dixit, *Et tamen scito, illos tibi annua bima trima die debere*: tanquam secundum leges Romanas dos peteretur. Inter hæc exer-

§ XLIV. Appian. Plut. Dio. Athenæ. 14, 12. Sueton. in Aug. c. 74. § XLV. Vellej. 2, 82. Senec. suafor. 1. Gronov. in Senec. Plut.

citum ita distribuit, ut partem in Epiro collocaret, quosdam in Parthinos, Illyricam gentem, alios in Dardaniam mitteret, locupletandi simul militis, exercendique causa. Hæc, alia repente persona sumpta, palliatus & phæcasiatus agebat, remoto imperatorio fastu, cum binis forte amicis totidemque famulis, rhetorum aut philosophorum scholas obiens: cœnitabatque cum Græculis eorum more, & cærimoniis festisque suaviter intererat; Octavia quoque frequenter adhibita, cujus amore homo mulierosus vehementer exarferat. Interim & nuntium accepit de victoria P. Ventidii, quem contra Parthos provinciis Orientis præposuerat. Nam is strenue profectus, Labienum securius agentem occupavit: diffusumque viribus (quippe, dimissis Parthis, tantummodo collectas ex Asia copias retinebat) inde refugere in Syriam coegit. affecutusque cum expeditis circa Taurum montem, longius procedere vetuit.

XLVII. Eo loci complures per dies castris positis, ambo quieverunt; Labienus, ut Parthos acciret interea, Ventidius, ut gravem armaturam. Forte sub idem tempus utrique expectata auxilia venerunt. Sed Ventidius, Parthicum equitatum timens, de superioribus locis non degrediebatur; Parthi, numero freti, & successu victoriarum alacres, luce prima, priusquam cum Labieno conjungerentur, accedere ad tumulum, &, nemine contra exeunte, subire cœperunt: quippe Ventidius per simulationem metus suum militem continebat. Sed ubi mox iniquis locis hæserunt hostes, eruptione Ventidianorum subita turbati, seque impediētes, dum, refugientibus primis, postremum agmen urget ascensum, magna parte copiarum amissa, consciverunt fugam. Nec ad Labieni castra consistere auli; Ciliciam petierunt. Ventidius ad vallum Labieni suos constituit.

XLVIII. Et Labienus ordines, tanquam dimicaturus,

§ XLVI. Sueton. ap. Agell. 15, 4. § XLVII. Front. Strat. 2. 5. Dio, Plut.

instruxerat; sed suorum animos clade barbarorum terribis videns, hoc agebat, ut, re in noctem extracta, per tenebras se subduceret. Emanavit consilium per transfugas, &, dispositis insidiis, Ventidius magnam fugientium multitudinem occidit: ceteros omnes in Antonii nomen sacramento adegit, nullo jam usquam Labieno. Is enim mutata veste profugerat, & interim quidem in Cilicia latuit, postea requisitus & deprehensus est a Demetrio, quem superioris Cæsaris libertum Antonius Cypro præfecerat. Interea Ventidius, recipienda ordinandaque Cilicia occupatus, Upedium Silonem cum equitatu ad portas Amanî præmisit, quæ Syriam a Cilicia angusto transitu dirimunt. Sed Barzaphernes Parthus, prælio commisso, Romanos in summum discrimen adduxerat; nisi Ventidius mira quadam felicitate pugnantibus supervenisset. Parthus enim, & improvise re consternatus, & viribus jam impar, cum multis aliis interfectus est.

XLIX. Sunt, qui *Ventidium, copias exiguas habentem, insidias posuisse Barzapherni tradant, cohortibus oclodecim in occulta valle, & equitatu post militum terga collocato. huc ille-
-ctum barbarum simulata Romanorum fuga, circumventum.* Utrou modo gesta res fuerit, id satis constat, altero hoc prælio cæsos a Ventidio Parthos præcipui nominis ducem amisisse. Hoc certe interfecto, exceßerunt Syria, provinciamque Romanus, præter Aradum, nemine jam repugnante, recepit, atque inde in Palæstinam transgressus, prope Hierosolymitarum urbem castra posuit. Sed Antigono pecuniam affatim dante, cum maxima copiarum parte digressus, ad tegendam dissimulationem cohortes aliquot reliquit, Silone præfecto, quem & ipsum mox pecuniis aggressus Antigonus, otium redemit, donec iterum succurrere Parthi possent.

L. Igitur neque propinquis Herodis, qui Massadæ ob-

§ XLIX. Front. Strab. 2, 5. Appian. Plut. Dio. Joseph. antiq. Jud. 14, 26.


fidebantur, subventum : & Josephus, urgente siti, cum viris ducentis fugam tentaturus in Arabiam fuerat, nisi proximæ noctis imbre resectus, completæque aqua cisternæ forent. Sed Herodis adventu bellum acrius cœptum, cum missus ab Antonio Dellius, *a Romanis ducibus adjuvari regem*, juberet. Ceterum Ventidius civitates, quæ defecerant ad Parthos, recipiebat, magnam pecuniam multæ nomine singulis imperans. sed Malchus, Arabiæ rex, præ ceteris ingentem summam pendit. Tandem Silo, junctis cum Herode copiis, Joppen expugnanti affuit: dein, soluta Massadæ obsidione, Hierosolymam petentem secutus est. Sed corruptus Antigoni pecunia, neque valde utilem operam præstitit, & concitavit milites, ut ante tempus *in hiberna deduci* postularent. Sed Antonius, cognitis Ventidii rebus, epulum Atheniensibus publice præbuit, ludosque gymnicos fecit, quibus ipse gymnasiarchæ munus obiit: cumque de his Romam scripisset, supplicationes ejus nomine decretæ sunt, cujus auspiciis ista Ventidius gessisset.

LI. Sed & alius legatorum Antonii Pollio, qui missus in Parthinos fuerat, Illyrios circa Epidaurum aliquot præliis fudit. Sub idem tempus Cerretanos tumultuantes (obtimebant autem convalles Pyrenææ silvæ) Cn. Domitius, ex consulatu missus in Hispaniam, coercuit. Ii legatum ejus, exceptum insidiis, & a militibus derelictum, vicerant. Ideo Domitius, priusquam in hostem duceret, fontes, ad concionem dissimulanter vocatos, reliquis copiis circumfudit; cognitaque causa, manipulum unum, penes quem maxima flagitii pars hærebat, decimavit. in centuriones etiam aliquammultos, & primi pili Vibullium animadvertit. Hæc severitas ad victoriam profuit, &, cum miles imperatorem magis, quam hostem metueret, Cerretani haud difficulter debellati. ob eas res gestas & huic, & Pollioni decretus triumphus est.

§ L. Dio. Joseph. Hegeſipp. 1, 30. § LI. Strab. l. 11. Veiſej. 2, 78. Dio.

LII. Sed Domitius postea triumphavit; Pollio statim a. d. VIII Kal. Novembres ex Parthinis. Nec semel triumphasse contentus, filium sibi natum sub eadem tempora Saloninum vocavit, a maritimo Dalmatiæ oppido, quod eodem bello ceperat. Idem Pollio, summus eorum temporum orator, insignis historicus, studiorum patronus eximius, bibliothecam Romæ primus publicavit in atrio Libertatis, quod ex manubiis refecerat: imaginibus doctissimorum virorum ibi positis; in his Varronis, unius eorum, qui tum adhuc viverent.

§ LII. Dio. Flor. 4, 12. Plin. 35, 2.





PA
6452
A2
1784
v.11

Livius, Titus
Historiarum libri qui
supersunt omnes

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

